




Sri Sri Ramakrishna Paramahansa Deb.

শ্রীশ্রীরামকৃষ্ণকথামৃত ।

(ত্রীম-কথিত)



“তব কথামৃতম্ তপ্তজীবনম্, কবিত্তিরীড়িতং কল্পবাপহম্ ।
শ্রবণমঙ্গলং ত্রীমদাততম্, ভুবি গুণস্তি যে ছুরিদা জনাঃ ।
ত্রীমভাগবত, গোপীগীতা ।

নবম সংস্করণ । শ্রাবণ, ১৩২৮ ।

Published by
PRAVAS CHANDRA GUPTA,
13-2, Gooroo Prosad Chowdry's Lane, Calcutta

All Rights Reserved of Translation, Reproduction etc.
মুলা বাধান ১১০ একটাকা আট আনা । Copyrighted by the Author.

PRINTED BY—A. L. SIRCAR, Kattayani Machine Press.
39-1, Shibnarayan Das's Lane, Calcutta.

Swami Vivekananda to 'M.' (7th Feb. 1889.)

Thanks : 100, 000 Master ! You have hit Ramkrishna in the right point.

Few alas, few understand him !!

* ANTPORE. }

NARENDRA NATH.

২৬শে মাঘ ১৮৮৯.

My heart leaps in joy—and it is a wonder that I do not go mad when I find any body thoroughly launched into the midst of the doctrine which is to shower peace on Earth hereafter.

October 1897, c/o Hansaraj, Rawalpindi,—

“Dear M., *Cest bon mon ami*—Now you are doing just the thing. Come out man No sleeping all life Time is flying. Bravo, that is the way.

“Many many thanks for your publication. Only I am afraid it will not pay its way in a pamphlet form ** Never mind—pay or no pay Let it see the blaze of daylight. You will have many blessings on you and many more curses—but বৈসাহি সদ কাল বনভা সাহেব (that is always the way of the world, Sir) This is the time Vivekananda.”

Dehra Dun, 24th November, 1897 ‘My dear M, many many thanks for your second leaflet It is indeed wonderful. The move is quite original and never was the life of a great teacher brought before the public untarnished by the writer’s mind as you are doing The language also is beyond all praise—so fresh, so pointed and withal so plain and easy. I cannot express in adequate terms how I have enjoyed them I am really in a transport when I read them. Strange, isn’t it? Our Teacher and Lord was so original and each one of us will have to be original or nothing. I now understand why none of us attempted his life before. It has been reserved for you—this great work. He is with you evidently With love and namaskar, yours in the Lord,

Vivekananda

P. S Socratic dialogues are Plato all over. You are entirely hidden. Moreover the dramatic part is infinitely beautiful. Every body likes it, here or in the west.”

Vivekananda.

* Antpore is a village in the Hugly district,—the birthplace of Premananda. The Swami and many of his fellow disciples were at this time staying as guests at the house of Swami Premananda (Baburam)

শ্রীশ্রীগুরুদেব—শ্রীপাদপদ্মভঙ্গা ।

সুখা ও নিবেদন ।

—:—

নিবন্ধনং নিত্যমনস্তরুপম্, তক্তানুকম্পাপ্ৰাপ্তবিগ্রহং বৈ ।

ঈশাবতাবঃ পবমেশমৌড্যম্, তং বামকৃষ্ণং শিরসা নমামঃ ॥

শ্রীশ্রীমার পত্র ।

বাবাজীবন,

—ঠাহার নিকট যাহা শুনিবাছিলে সেট কথাই সত্য । ইহাতে তোমার কোন ভয় নাই । এক সময় তিনিই তোমার কাছে ঐ সকল কথা বাধিবাছিলেন, এক্ষণে আবশ্যকমত তিনিই প্রকাশ কবাইতেছেন । ঐ সকল কথা ব্যক্ত না কবিলে লোকের চৈতন্ত হইবে নাই জানিবে । তোমার নিকট যে সমস্ত ঠাহার কথা আছে তাহা সবট সত্য । আমি একদিন তোমার মুখে শুনিয়া আমার বোধ হইল যে তিনিই ঐ সমস্ত কথা বলিতেছেন । * *

—(৮ম্বষবামবাটী, ২১শে আশাঢ়, ১৩০৪) ।

আ, ঠাকুরেব জন্ম মহোৎসব উপস্থিত । এ আনন্দের দিনে আমাদের এই নৈবেদ্য গ্রহণ করুন । শ্রীশ্রীরামকৃষ্ণকথামৃত আমাদের এই নূতন নৈবেদ্য ।

১লা ফাল্গুন,

১৩০৮ ।

}

আশীর্ব্বাদাকাজনী,

আপনার প্রণত অকৃতী সন্তানগণ ।

প্রথম সংস্করণেব উপক্রমণিকা ।

ভক্তেবা ঠাকুর শ্রীরামকৃষ্ণকে দিবসেব মধ্যে নানা অবস্থায় দেখিতেন । ঠাকুর জীবাবেশে কখন একাকী, কখনও বা ভক্তসঙ্গে নানাভাবে থাকিতেন । সেই সকল অবস্থা ও ভাবেব কয়েকখানিমাত্র চিত্র শ্রীশ্রীরামকৃষ্ণকথামৃতে আপাততঃ সন্নিবেশিত হইল । সেই চিত্রগুলি হৃদিপদ্মে উল্লিখিত হইয়াছে । অন্তবস্ত্র ভক্ত লইয়া ঠাকুরেব আনন্দ ; ও বিভাসাগর, কেশব, বঙ্কিম ইত্যাদি অনেক ভক্ত ও পণ্ডিতেব সহিত দেখা—এ সমস্ত কথা পব পব খণ্ডে খণ্ডাখ্যা বলিবার ইচ্ছা বহিল ইতি । কলিকাতা ১লা ফাল্গুন, ১৩০৮ সাল ।

মা, আজ আবার ত্রীত্রীঠাকুরের জন্মদিন, কাল্কনের গুহাধিতীয়া। আজ আবার জন্মোৎসব আরম্ভ হইল। ইতিমধ্যে মা তোমার আশীর্বাদে ত্রীত্রীগ্রামকৃষ্ণ-কথামৃত প্রথম ভাগের তৃতীয় সংস্করণ, ও দ্বিতীয় ভাগের প্রথম সংস্করণ, প্রকাশিত হইল। মা তুমি জগতের মা; কৃপা করিয়া আশীর্বাদ কর যেন ঠাকুরকে চিন্তা করিয়া দেশে দেশে ও সর্বকালে, তোমার সকল সন্তানদের হৃদয়ে শান্তি ও আনন্দ হয় ও ত্রীপাদপদ্মে শুদ্ধা ভক্তি হয়।

২৪শে ফাল্গুন, ১৩১১। }
বুধবার, জন্মমহোৎসব। }

একান্ত শরণাগত,
মা তোমার প্রণত সন্তানগণ।

ত্রীত্রীগ্রামকৃষ্ণকথামৃত, চতুর্থ সংস্করণ প্রকাশিত হইল। ইহাতে বোধ হইতেছে পাঠকসংখ্যা উত্তরোত্তর বাড়িতেছে। ঠাকুর ত্রীবামকৃষ্ণ ত্রীমুখে বলিয়াছেন যে তাঁহাকে চিন্তা করিলেই হইবে, আব কিছু করিতে হইবে না। তিনি জগতের আদর্শ,—তাঁহাকে চিন্তা কবাই মুখ্য সাধন। আর সাধন যদি দরকার হয়, তিনিই সমস্ত করাইয়া লইবেন। ইতি

কলিকাতা, কার্তিক সংক্রান্তি, ১৩১৪।

মা, ত্রীত্রীঠাকুরের জন্মমহোৎসব আবার উপস্থিত। আজ ত্রীত্রীকথামৃতের পঞ্চম সংস্করণ হইল। ইহার ঈংবাদি অনুবাদও হইয়াছে। আপনার আশীর্বাদে এখন সমস্ত ভারতবর্ষে, এবং ইউরোপে ও আমেরিকায় তাঁহার অমৃতময়ী কথা প্রচার হইতেছে। মা, আপনি কৃপা করিয়া আশীর্বাদ করুন, যেন, ঠাকুর ত্রীত্রীগ্রামকৃষ্ণের ত্রীপাদপদ্ম চিন্তা কবিয়া লোকের শান্তি, আনন্দ ও অস্তে লেখর লাভ হয়। ফাল্গুন, গুহাধিতীয়া, ১৩১৬। ত্রীজন্মমহোৎসব।

Srijut Girish Ohandra Ghosh in a letter dated 22nd March 1909 says :—* * 'If my humble opinion go for anything I not only fully endorse the opinion of the great Swamy (Vivekananda) but add in a loud voice that Kathamrita has been my very existence during my protracted illness for the last three years. * * You deserve" the gratitude of the whole human race to the end of days

Swami Ramkrishnananda (Sasi Maharaj), Belur math, then of the Madras Math, in a letter dated 27 Oct. 1904 says :—* * You have left whole humanity in debt by publishing these invaluable pages fraught with the best wisdom of the greatest Avatar of God.

ঠাকুর ও বিবিধ তত্ত্ব ।

মা—১১০, ২১১ ।

ব্রহ্মা ও আদ্যাশক্তি -

৪৮, ১০২, কখন অভেদ ১১৬, ১২০
২৪০; মহাকালীর সৃষ্টি প্রকরণ ৪২,
সংসার তাঁর লীলা ৫০, মাঘের মাসা,
১৩১ ।

সমস্রস্র যোগ - ৪৬, ৪৭ ।

জ্ঞানযোগ বা বেদান্ত -

ব্রহ্মের স্বরূপ মুখে বলা যায় না । ৬৮,
পূর্ণজ্ঞানের লক্ষণ ৬৯, জ্ঞানীর লক্ষণ
১৮০, ১৮২, আমি কিন্তু যায় না ৬৯,
৮৯, ঈশ্বর সাক্ষাৎ না নিরাকার ৬৯,
৭১, ২৫০, অনন্তকে জানা—৭১,
The Unknown and Unknow-
able ১৫৫, Perception of the
Infinite ২২৬, ঈশ্বর লাভের লক্ষণ
৭২, ১৪৫, ব্রহ্মজ্ঞানে অহংকার যায়—
৮৯, ব্রহ্ম ত্রিগুণাতীত—১০২, বিজ্ঞান
কিরূপে হয়—২২২, বেদান্তমত—
১০২; সপ্তভূমি—৭২, ৮২, সমাধিতত্ত্ব
সবিকল্প ও নির্বিকল্প—১০৭, জ্ঞানযোগ
বড় কঠিন—২১, ২৫৭ জীবমুক্ত—
১৮৩, মায়াবাদ—২১২, ঔকার ও
নিত্যলীলা যোগ—২১৪; ব্রহ্মানন্দ
২১৫; বেদান্ত ও গুহ্যত্মা—২১৮,
জ্ঞান কাহাদের হয় না—২৫৫; বিচার
ও ঈশ্বরলাভ—২৭, ২৪১; বেদান্তের
উপমা—২৮৬ ।

ভক্তিশোভা - ভক্তির উপায়

—২৫, কেবল গুহ্যভক্তি—৪৩,

গোপীপ্রেম - ৫৫, ১৪১; ভক্তি-

যোগই সুগুণস্বর্গ—৬০, ৯১,

১৬৪, দ্বিবিধা ৯৩, ঈশ্বর দর্শনার্থ

'পাকা' ভক্তি—২৪, উত্তম ভক্ত -

১০৯, শুদ্ধা ভক্তি, প্রেম-১২৭,

কলিযুগেতে ভক্তিব্যোগ ১৪১, ১৪২,

ভক্তের কি ব্রহ্মজ্ঞান হয় ৭—১৬৬,

ভক্তের প্রার্থনা— ১৬৬, ঠিক ভক্ত—

২১৬, ভক্তি মেয়ে মানুষ, অন্তঃপুরে

যেতে পারে—২৫০, অহৈতুকী ভক্তি

২৮৭, একমাত্র ভক্তিই সার ২২৬ ।

জ্ঞানযোগ ও ভক্তি-

যোগের সমস্রস্র—গুহ্যজ্ঞান

গুহ্যভক্তি এক—১১৭, ২১৪ ।

জ্ঞানী ও ভক্তের

প্রভেদ—১১৫, ২.৬ ।

কর্মযোগ ।—কর্ম ও ঈশ্বর

৫১, সংসার যাত্রার লক্ষ্য যেটুকু সেই-

টুকু নিকাম হ'য়ে করা ৫৮; বড় কঠিন

৫২, ১০৭ । কে অনাগত কর্মী ১৪৮ ।

কলিতে কর্মযোগ

নয় - ১৬০, জীবনের উদ্দেশ্য ঈশ্বর

না কর্ম ১৪৮, কর্মকাণ্ড

আদিকাণ্ড ১৪৮; কর্মত্যাগ ও

ঈশ্বরলাভ ১৬৫; কর্মযোগ ও ঈশ্বর

দর্শন ২০১; জ্ঞানের পর কর্ম লোক সংগ্রহার্থ ২৫০; নিষ্কাম কর্ম খুব ভাল কিন্তু বড় কঠিন ২৮৯।

কর্মসম্বন্ধে যোগ।

গৃহস্থ সন্ন্যাস ২৫, ১১০, ২২৩।

ধ্যানযোগ। ধ্যানের স্থান ২৫। সম্ব্যাসযোগ।-বৈরাগ্য কয় প্রকার ৯৮, সন্ন্যাসী ও সঙ্কল্প ১২৫। সন্ন্যাসপ্রথম ২০৪। স্বীলোক ও সন্ন্যাসী ২৬৩।

গুণত্রয়বিভাগযোগ।

তিমত্ত্বের লক্ষণ ৬৫, ১৬৭।

সাধকের প্রতি উপদেশ। ঈশ্বর দর্শনের উপায় ব্যাকুলতা ২৭, ঈশ্বরে ভালবাসা ২৭, বিশ্বাস ৩৪, ৫৪, নামমাহাত্ম্য ৫৪, 'কাদতে পার' ৭ ৭০, ঈশ্বর দর্শনের অন্তরায়—আমি বা অহং ৮৭, মুক্তির উপায় তীব্র বৈরাগ্য ৮২; জীবনের উদ্দেশ্য 'ডুব নাও' ১৫২, ঈশ্বর লাভ কি? ১৭৫; ইঞ্জিয় সংযমের উপায় মোড় কিরান ২৫৫, সরলতা ও ঈশ্বরে বিশ্বাস ১৪০, ২৬০; সাধনের প্ররোজন ২৯৫। সিদ্ধিলাভ ও মুক্তিস্বরূপ উপায়;—উপায় তীব্র বৈরাগ্য ৮২; তাঁর কৃপা ৯৪, ১৬৬, বিশ্বাস ৩৪, ৪২, ২২০; ব্যাকুলতা ২৭, ১৮৩, ন্যূনপথ ১৬৪।

আত্মোক্তারী বা শব্দগা-গতি—বিফাল ছানার মত তাঁকে ডাকা ২৭, ১৭৫, 'মামেকং শরণং ব্রহ্ম' ১৩৫, আত্মোক্তারী দাও ১৮১, ২০৬, রামের ইচ্ছা—১৮৯।

সংসার।—বিবাহ ২২, গৃহস্থের

কর্তব্য ২২, ১৮১, গৃহস্থসন্ন্যাস ২৫, ২৪৮, গৃহস্থের—কৌস ৩২, উপায় ৫৫, ১৩২, বন্ধনীব ২৪, ৮০, নির্জনে সাধনা প্রয়োজন ২৫, ১৩৩, ২৪৮, সংসারী ও সঙ্কল্প ১২৫, এক হস্ত ঈশ্বরের পাদপদ্মে রেখে সংসার করা ১৩১, সংসার কি অনিত্য ১৩০, রোগ বিকার, ঐবধ-সাধুসঙ্গ ১৩৫, ১৭৮, গৃহস্থের সাধন ১৫৩, নির্লিপ্ত সংসার ২০৮, তাহার উপায় ২০৬, ২৪৮, সংসার ত্যাগ কখন ২০৫; সংসারীর জ্ঞান ও সন্ন্যাসীর জ্ঞান ২৪৯, গৃহস্থ ও নিষ্কামকর্ম ২৯৭।

শাস্ত্র।—বেদ ও তন্ত্রের সমন্বয় ৪৮, কলিকালে শাস্ত্র ১৪৬, শাস্ত্রে কি আছে ১৭৭, ২০১, ২৩০।

ব্রাহ্মসমাজ।—প্রতিমা পূজা

২৩, ব্রাহ্মসমাজ ও গুরুগিরি ৫৭, ব্রাহ্মসমাজ ও কর্মযোগ ৫৮; ব্রাহ্মসমাজের প্রার্থনা পদ্ধতি, ব্রাহ্মসমাজ ও লোকচার, নিরাকারবাদ ১৭৪, সাম্য ১৭৭, আদ্যাশক্তি ও বেদান্তপ্রতিপাদ্য-ব্রহ্ম ১২২, অসত্যতা, ধর্ম বিদেহতাব ১২৩, খ্রীষ্টান ধর্ম ও ব্রাহ্মসমাজে পাপবাদ ১৮০।

শ্রী শ্রীরামকৃষ্ণকথামৃত ।

প্রথমভাগ—ষষ্ঠ সংস্করণের উপক্রমণিকা ।

প্রথমভাগের ষষ্ঠ সংস্করণ প্রকাশিত হইল ।

দক্ষিণেশ্বর কালীবাড়ী যে বৎসরে ও যে দিনে প্রতিষ্ঠা হয় তাহা রাণী বাসমণির এই উদ্ভান ক্রমের কওলা হইতে গৃহীত হইল, একথা ১০১৩ সালের পঞ্চম সংস্করণেই বলা হইয়াছে । ১২৬২ সাল, ১৮ই জ্যৈষ্ঠ বৃহস্পতিবার, স্নানযাত্রার দিন, ২১শে মে, ১৮৮৫ খ্রীষ্টাব্দ, ১২৫২ সাল নহে ।

এই সংস্করণে সুবেক্তের বাগানেব বিবরণ ও পণ্ডিত শশধরের সহিত সাক্ষাৎ বিবরণ যে টুকু বাকি ছিল তাহা দেওয়া হইল ।

ঠাকুরের চিত্রখানি ছাড়া আরও কায়কথানি চিত্র সন্নিবেশিত হইল যথা, বাসমণির কালীবাড়ীৰ plan, মন্দিরের দৃশ্য—প্রাঙ্গনে ও ভাগীরথীবক্ষে, শঙ্কু মল্লিক ও মধুব বাবুর চিত্র, কালীপুর বাগান ও বলরামের বাটী, বিজ্ঞাসাগর, কেশব সেন, বিজয় গোস্বামী ও ডাক্তার মহেন্দ্রলালের ছবি, আর ঠাকুরের সময়ে অনেকগুলি ভক্তের চেহারা ।

ষষ্ঠ সংস্করণ হওয়াতে বুঝা যায় যে শ্রীঠাকুরের বিবরণ অনেকেই চিন্তা করিতেছেন । শ্রীকথামৃতের আবার ইংরাজী, মহারাষ্ট্রী, ওড়িয়া অমুবাদ হইয়াছে, হিন্দি হইতেছে, ইহাতে নানা জাতির ভিতরে তাঁহার অমৃতময়ী কথা ছড়াটগা পড়িতেছে সন্দেহ নাই । ইতি

৮কালীধাম, ৭ই মাঘ ১৩১১, শ্রীশ্রীরামকৃষ্ণ অমৃত আশ্রম ।

প্রহরকারস্য !

শ্রীশ্রীরামকৃষ্ণকথামৃত চারি ভাগ প্রকাশিত হইল । শ্রীম—বা “মাষ্টার” বা M (a son of the Lord and servant) একই ব্যক্তি । তিনি ঠাকুর শ্রীরামকৃষ্ণের সঙ্গে থাকিয়া যে সকল ব্যাপার নিজের চক্ষে দেখিয়াছেন বা নিজের কর্ণে শুনিয়াছেন তাহাই এই গ্রন্থে বর্ণনা করিতে চেষ্টা করিয়াছেন । অল্প ভক্তদিগের নিকট শুনিয়া লিখেন নাই । গ্রন্থের উপকরণ সমস্তই তাঁহার দৈনন্দিন কাহিনী Diaryতে লিপিবদ্ধ ছিল । বেই দিনে দেখিয়াছেন বা শুনিয়াছেন সেই দিনেই সমস্ত প্রবণ করিয়া Diaryতে লেখা হইয়াছিল । ইতি প্রহরকার ।

শ্রীশ্রীরামকৃষ্ণকথামৃত, প্রথমভাগ, সপ্তম সংস্করণ প্রকাশিত হইল ।
অগ্রহারণ সংক্রান্তি ১৩২৪ । অষ্টম সংস্করণ, আশ্বিন, ১৩২৫ । নবম, ১৩২৮ ।

ଶ୍ରୀଶ୍ରୀରାମକୃଷ୍ଣକଥାମୃତ ।

ପ୍ରଥମ ଭାଗ । ଅଷ୍ଟାଦଶ ଖଣ୍ଡ ଓ ପରିशिष्ट ।

ବିଷୟ

ଉପକ୍ରମଣିକା - ଠାକୁର ଶ୍ରୀରାମକୃଷ୍ଣର ସଂକ୍ଷିପ୍ତ ଚରିତାମୃତ ।

ପ୍ରଥମ ଖଣ୍ଡ - କାଳୀବାଡ଼ୀ ଓ ଉଚ୍ଚାନ ।

ପ୍ରଥମ ଦର୍ଶନ - ଦକ୍ଷିଣେଶ୍ଵରେ ଠାକୁର ନରେନ୍ଦ୍ରଭବନାଥାଦି ଭକ୍ତମତ୍ତେ ।

ଦ୍ଵିତୀୟ ଖଣ୍ଡ - ଶ୍ରୀଯୁକ୍ତ କେଶବସେନାଦିଭକ୍ତମତ୍ତେ ନୌକାବିହାର ।

ତୃତୀୟ ଖଣ୍ଡ - ସିଂତି ବ୍ରାହ୍ମଣମାତ୍ତେ ଭକ୍ତମତ୍ତେ ।

ଚତୁର୍ଥ ଖଣ୍ଡ - ଦକ୍ଷିଣେଶ୍ଵରେ ଠାକୁର ଶ୍ରୀରାମକୃଷ୍ଣ ବିଜୟାଦି ଭକ୍ତମତ୍ତେ ।

ପଞ୍ଚମ ଖଣ୍ଡ - ଦକ୍ଷିଣେଶ୍ଵରେ ବ୍ରାହ୍ମଣଭକ୍ତମତ୍ତେ ।

ଷଷ୍ଠ ଖଣ୍ଡ - ଦକ୍ଷିଣେଶ୍ଵରେ ରାଧାଳାଦି ଭକ୍ତମତ୍ତେ ।

ସପ୍ତମ ଖଣ୍ଡ - ଦକ୍ଷିଣେଶ୍ଵରେ ନରେନ୍ଦ୍ରାଦି ଭକ୍ତମତ୍ତେ ।

ଅଷ୍ଟମ ଖଣ୍ଡ - ସିଂହୁରିଆପଟୀ ବ୍ରାହ୍ମଣମାତ୍ତେ ଭକ୍ତମତ୍ତେ ।

ନବମ ଖଣ୍ଡ - ଶ୍ରୀଯୁକ୍ତ ଜୟଗୋପାଳସେନେର ବାଟୀତେ ଭକ୍ତମତ୍ତେ ।

ଦଶମ ଖଣ୍ଡ - ସୁରେନ୍ଦ୍ରର ବାଗାନେ ମହୋଽସବଦିବନେ ଭକ୍ତମତ୍ତେ ।

ଏକାଦଶ ଖଣ୍ଡ - ଠାକୁରେର ପଣ୍ଡିତ ଦର୍ଶନ ନରେନ୍ଦ୍ରାଦି ଭକ୍ତମତ୍ତେ ।

ଦ୍ଵାଦଶ ଖଣ୍ଡ - ସିଂତିର ବ୍ରାହ୍ମଣମାତ୍ତେ ପୁନର୍ବାର ଆଗମନ ଭକ୍ତମତ୍ତେ ।

ତ୍ରୟୋଦଶ ଖଣ୍ଡ - ଦକ୍ଷିଣେଶ୍ଵରେ ମହିମାଦି ଭକ୍ତମତ୍ତେ ।

ଚତୁର୍ଦ୍ଦଶ ଖଣ୍ଡ - ବସୁ ବଳରାମମନ୍ଦିରେ ନରେନ୍ଦ୍ରାଦି ଭକ୍ତମତ୍ତେ ।

ପଞ୍ଚଦଶ ଖଣ୍ଡ - ଶ୍ରୀରାମପୁର ବାଟୀତେ ନରେନ୍ଦ୍ରାଦି ଭକ୍ତମତ୍ତେ ।

ଷୋଡ଼ଶ ଖଣ୍ଡ - ଶ୍ରୀରାମପୁର ବାଟୀତେ ନରେନ୍ଦ୍ରାଦି ଭକ୍ତମତ୍ତେ ।

ସପ୍ତଦଶ ଖଣ୍ଡ - ଶ୍ରୀରାମପୁର ବାଟୀତେ ନରେନ୍ଦ୍ରାଦି ଭକ୍ତମତ୍ତେ ।

ଅଷ୍ଟାଦଶ ଖଣ୍ଡ - ଶ୍ରୀରାମପୁର ବାଟୀତେ ନରେନ୍ଦ୍ରାଦି ଭକ୍ତମତ୍ତେ ।

ପରିशिष्ट - ବରାହନଗର ଯଥା ଇତ୍ୟାଦି ।

ଶ୍ରୀଶ୍ରୀରାମକୃଷ୍ଣକଥାମୃତ, ପ୍ରଥମଭାଗ, ଅଷ୍ଟମ ସଂସ୍କରଣ, ନବମ ସଂସ୍କରଣ, ୧୦୨୮ । ଆଦିନ, ଦେବୀପଞ୍ଚ ଶ୍ରୀଶ୍ରୀଦୁର୍ଗାପୂଜା ୧୦୨୯ ।

কাশীপুর বাগান।



১। উপরের অর্ধ গোলাকার হলঘরে ঠাকুর থাকিতেন। ২। নাচের তলাব ঠিক মাঝখানেই পথটি প্রবেশ দ্বার। এছাড়া দখল নাচের হলঘরে যাওয়া যাবে—ভক্তগণ বসিতেন। ৩। নাচের হলঘরের দক্ষিণ পূর্ব কোণে শ্রীশ্রীমাব ঘর, দক্ষিণ-পশ্চিম কোণে সেবক ভক্তদিগের থাকিবাব ঘর। ৪। উদ্যানবাটিকাব পূর্ব ও পশ্চিমে বাঁধাঘাট বিশিষ্ট দুইটা পুকুরিণী। বাটিকার উত্তরে পথ—তাঁহার ভক্তবে রান্নাঘর। ৫। বাটিকাব পশ্চিমদিক দিয়া উত্তর দক্ষিণে পথ,—এই পথেরই দক্ষিণ প্রান্তে ১৮৮৩, ১লা জানুয়ারী ১৮৮৫ সনাবিহ্ন হইয়া ঠাকুর অনেক ভক্তদের কৃপা করেন।

বলরামের বাটা।




সোতলায় বাবাওয়ার নীচে ঠিক মাঝখানে বাটাব প্রবেশদ্বার। এট ঘাঘের সম্মুখে ঠাকুরের গাডি আসিবা দাঁড়াইত। এই ঘাঘের ঠিক উপরে বাটার পূর্বপ্রান্ত পর্যন্ত বৈঠকগাণা। ঠাকুর শ্রীরামকৃষ্ণ আসিবা ভক্তসঙ্গে বসিতেন। এই ঘাঘের পশ্চিমে ছোট ঘর—এখানেও ঠাকুর ভক্ত সঙ্গে বসিতেন ও রাতে থাকিলে কখন কখন শয়ন করিতেন। এই দুই ঘরের আবার উত্তরে দীর্ঘ বারান্দা। বধের সময় ঠাকুর ভক্তসঙ্গে এই বারান্দায় সঙ্কীর্তন ও নৃত্য করিরাহিলেন।

কলিকাতা বিশ্ববিদ্যালয়



কলিকাতা



- ১ম চিত্র--মা কালীর মন্দিরের দক্ষিণে নাটমন্দির, উত্তরে ৬রাধাকান্তের মন্দির ।
২য় চিত্র--চাঁদণীর উভয় পাশে ছয়টি করিয়া শিবমন্দির । উত্তরের শেষ
মন্দিরের উত্তরে শ্রীশ্রীঠাকুরের ঘর । চাঁদণী ও শিবমন্দিরের পশ্চিমে
পুষ্পোদ্যান । চাঁদণীর সম্মুখে বাঁধাঘাট ।

শ্রীশ্রীরামকৃষ্ণকথামৃত ।

প্রথম ভাগ-উপক্রমণিকা ।

ঠাকুর শ্রীরামকৃষ্ণের সংক্ষিপ্ত চরিতামৃত ।

শ্রীরামকৃষ্ণের জন্ম—পিতা কুদিবাম ও মা চন্দ্রমণি—পাঠশালা—৮/৮
সেবা—সাদুসঙ্গ ও পুৰাণ শ্রবণ—অদ্বৈত জ্যোতিঃ দর্শন—কলিকাতার আগমন ও
দক্ষিণেশ্বর কালীবাড়ীতে অদ্বৈত 'ঈশ্বরী' রূপ দর্শন—ঠাকুর উন্মাদবৎ—কালী-
বাড়ীতে সাদুসঙ্গ তোতাপুতী ও ঠাকুরের বেদান্ত শ্রবণ—শ্লোক ও পুৰাণোক্ত
সাধন—ঠাকুরের ভগ্নাতার সহিত কথাবার্তা—তীর্থদর্শন—ঠাকুরের অন্তর্ভুক্ত—
ঠাকুর ও ভক্তগণ—ঠাকুর ও ব্রাহ্মসমাজ হিন্দু, খৃষ্টান, মুসলমান ইত্যাদি সর্বদর্শন-
সমন্বয়—ঠাকুরের স্নীগোক ভক্ত—ভক্ত পবিবার ।

ঠাকুর শ্রীরামকৃষ্ণ ভগলী জিলাব অন্তঃপাতী কামাবপুৰ গ্ৰামে
এক সদব্রাহ্মণের ঘরে ফাল্গুনের শুক্লা দ্বিতীয়া তিথিতে জন্মগ্রহণ
করেন । কামাবপুৰ গ্ৰাম জাহানাবাদ (আবামবাগ) হইতে চার
ক্রোশ পশ্চিমে, আব বর্ধমান হইতে ১২।১৩ ক্রোশ দক্ষিণে ।

ঠাকুর শ্রীরামকৃষ্ণের জন্মদিন সম্বন্ধে মত ভেদ আছে ।—

অন্বিকা আচার্য্যের বর্ণনা ।—এই বর্ণনা ঠাকুরের অন্তর্ভুক্ত সময়
প্রস্তুত করা হয়, ৩বা কাব্দিক ১২৮৬, ইংবাজী ১৮৭২-৮০ । উহাতে
জন্মদিন লেখা আছে ১৭৫৬, ১০ই ফাল্গুন, বৃধবাব, শুক্লা দ্বিতীয়া,
পূর্বভাদ্রপদ নক্ষত্র । তাহাব গণনা ১৭৫৬।১০।১০।১২ ।

ক্ষেত্রনাথ ভট্টের ১৩০০ সালে গণনা, ১৭৫৪।১০।১০।১২ । এ মতে
১৭৫৪, ১০ই ফাল্গুন, বৃধবাব, শুক্লা দ্বিতীয়া পূর্বভাদ্রপদ, সব মিলে ।
১২৩৯ সাল, ১০এ ফেব্রুয়ারি ১৮৩৩ । লগ্নে রবি চন্দ্র বৃধের যোগ ৭৯
কুন্তবাশি । বৃহস্পতি শুক্রের যোগহেতু 'সম্প্রদায়ের প্রভু হইবেন' ।

মাবাষণ জ্যোতিষগণের নতন বর্ণনা (মঠে প্রস্তুত) । এ গণনা অনু-
সাবে ১২৪২ সাল, ৬ই ফাল্গুন, বৃধবাব ১৮৩৬, ১৭ই ফেব্রু, ভোগ

৭ লগ্নে বশিষ্ঠ বৃধের যোগ' - শ্রীকথামৃত ৪র্থ ভাগ, ২৩-২৪ ।

স্নানি ঠা, কান্তন শুক্লা তিথীয়া, ত্রিগ্রহের যোগ, নক্ষত্র—সব মিলে ।
কেবল হুঁসিকা আচার্যের লিখিত ১০ই কান্তন হয় না। ১৭৫৭।
১০।৫।৫২।২৮।২১ ।

ঠাকুর মানব শরীরে ৫১।৫২ বৎসরকাল ছিলেন ।

ঠাকুরের পিতা ৮সুদীরাম চট্টোপাধ্যায় অতি নির্ভাবান্ ও পরম
শক্ত ছিলেন । মা ৮সুন্দরমণি দেবী সরলতা ও দয়ার প্রতিমূর্তি ছিলেন ।
পূর্বে তাঁহাদের দেবের নামক গ্রামে বাস ছিল । কামারপুকুর হইতে
দেড় কোশ দূরে । সেই গ্রামস্থ জমিদারের হইয়া মোকদ্দমায় সুদি-
রাম সাক্ষ্য দেন নাই । পরে স্বজন লইয়া কামারপুকুরে আসিয়া
বাস করেন ।

ঠাকুর শ্রীরামকৃষ্ণের ছেলেবেলার নাম গদাধর । পাঠশালে
সামান্ত লেখা পড়া শিখিবার পর, বাড়ীতে থাকিয়া ৮রঘুবীরের
বিগ্রহ সেবা করিতেন । নিজে ফুল তুলিয়া আনিয়া নিত্যপূজা
করিতেন । পাঠশালে ‘শুভকরী ধাধ’ । লাগতো’ ।

নিজে গান গাহিতে পারিতেন—অতিশয় সুকণ্ঠ । যাত্রা শুনিয়া
গ্রাম অধিকাংশ গান গাহিয়া দিতে পারিতেন । বাল্যকালাবধি সদা-
নন্দ । পাড়ার আবালবৃদ্ধকনিতা সকলেই তাঁহাকে ভালবাসিতেন ।

বাড়ীর পাশে লাহাদের বাড়ী, সেখানে অতিথিশালা—সর্বদা
সাধুদের যাতায়াত ছিল । গদাধর সেখানে সাধুদের সঙ্গ ও তাঁহাদের
সেবা করিতেন । কথকেরা যখন পুরাণ পাঠ করিতেন, তখন
নিবিষ্ট মনে সমস্ত শুনিতেন । এইরূপে রামায়ণ, মহাভারত, শ্রীমদ্-
ভাগবত কথা, সমস্ত হৃদয়ঙ্গম করিলেন ।

এক দিন মাঠ দিয়া বাড়ীর নিকটবর্তী গ্রাম আনুড়ে যাইতে-
ছিলেন । তখন ১১ বৎসর বয়স । ঠাকুর নিজ মুখে বলিয়াছেন,
হঠাৎ তিনি অদ্বৈত জ্যোতিঃ দর্শন করিয়া বাহুশূন্য হইলেন ।
লোকেরা বলিল মূর্ছা—ঠাকুরের ভাবসমাধি হইয়াছিল ।

সুদীরামের মৃত্যুর পর, ঠাকুর জ্যেষ্ঠভ্রাতার সঙ্গে কলিকাতায়
আসিলেন । তখন তাঁহার বয়স ১৭।১৮ হইবে । কলিকাতায় কিছুদিন
নাথের বাগানে, কিছুদিন ঝামাপুকুরে গোবিন্দ চাটুয্যের বাড়ীতে,

ধাকিয়া পূজা করিয়া বেড়াইতেন । এই সূত্রে কামাপুকুরের মিত্রদের বাড়াতে, কিছু দিন পূজা করিয়াছিলেন ।

রাণী রাসমণি, কলিকাতা হইতে আড়াই ফোশ দূরে, দক্ষিণেশ্বরে কালীবাড়ী স্থাপন করিলেন । ১২৬২ সাল ১৮ই জ্যৈষ্ঠ, বৃহস্পতিবার, স্নানযাত্রার দিন (ইংরাজি ৩১শে মে ১৮৫৫ খ্রীষ্টাব্দ) * । ঠাকুর ঐরামকৃষ্ণের জ্যেষ্ঠ ভ্রাতা পাণ্ডিত রামকুমার কালীবাড়ীর প্রথম পূজারি নিযুক্ত হইলেন । ঠাকুরও মাঝে মাঝে কলিকাতা হইতে আসিতেন ও কিছুদিন পরে ^{১২৩৩ সন} নিজে পূজাকার্যে নিযুক্ত হইলেন । তখন তাঁহার বয়স ২১।২২ হইবে । মধ্যমভ্রাতা রামেশ্বর ও মাঝে মাঝে কালীবাড়ীতে পূজা করিতেন । তাঁহার দুই পুত্র ঐযুক্ত রামলাল ও ঐযুক্ত শিবরাম ও এক কন্যা ঐমতী লক্ষ্মী দেবী ।

কয়েকদিন পূজা করিতে করিতেই ঐরামকৃষ্ণের মনের অবস্থা আর এক রকম হইল । সর্বদাই বিমনা ও ঠাকুর প্রতিমার কাছে বসিয়া থাকেন । [৪র্থ সং দ্বিতীয় ভাগে 'রাসমণির বরাদ্দ' অষ্টম ।

আত্মীয়েরা এই সময় তাঁহার বিবাহ দিলেন—ভাবিলেন, বিবাহ হইলে হয়তো অবস্থাস্তর হইতে পারে । কামাপুকুর হইতে দুই ফোশ দূরে জয়রামবাটী গ্রামস্থ ৮রামচন্দ্র মুখোপাধ্যায়ের কন্যা ঐঐশ্বরদামণি দেবীর সঙ্গে বিবাহ হইল, ^{১২৩৩ সন} ১৮৫২ সাল । ঠাকুরের বয়স ২২।২৩, ঐঐমার ছয় বৎসর । (১২৩০ সন ১৮৫১)

বিবাহের পর দক্ষিণেশ্বর কালীমন্দিরে ঠাকুর ঐরামকৃষ্ণ কিরিয়া আসিবার কিছু দিন পর তাঁহার একবারে অবস্থাস্তর হইল । কালী বিগ্রহ পূজা করিতে করিতে কি অদ্ভুত ঈশ্বরীয়রূপ দর্শন করিতে লাগিলেন । আরতি করেন, আরতি আর শেষ হয় না । পূজা করিতে বসেন, পূজা শেষ হয় না ; হয়তো আপনার মাথায় কুল দিতে থাকেন !

পূজা আর করিতে পারিলেন না—উন্মাদের স্থায় বিচরণ করিতে

* এ সমস্ত রাণি রাসমণির কালীবাড়ীর বিক্রি কণ্ডা হইতে লওয়া হইয়াছে ।

Deed of Conveyance ; "Date of purchase of the Temple grounds 6th September 1847 , Date of Registration 27th August 1861 ; price of the Dinajpur Zemindary which supports the Temple Rs 2,26,000."

লাগিলেন । রানী রাসমণির জামাতা মথুর তাঁহাকে মহাপুরুষ বোধে সেবা করিতে লাগিলেন ও অশ্রু ব্রাহ্মণ দ্বারা মা কালীর পূজার বন্দোবস্ত করিয়া দিলেন । ঠাকুরের ভাগিনেয় শ্রীযুক্ত হৃদয় মুখো-পাধ্যায়ের উপর মথুরবাবু এই পূজার, ও ঠাকুর শ্রীরামকৃষ্ণের সেবার, ভার দিলেন ।

ঠাকুর আর পূজাও করিলেন না, সংসারও করিলেন না,—বিবাহ নামমাত্র হইল । নিশিদিন মা মা ! কখন জড়বৎ, কাষ্ঠপুত্তলিকার স্থায়, কখনও উদ্গাদবৎ বিচরণ করেন ! কখনও বালকের স্থায় । কামিনী-কাঞ্চনাসক্ত বিষয়ীদের দেখিয়া লুকাইতেন । ঈশ্বরীয় লোক ও ঈশ্বরীয় কথা যাই আর কিছু ভালবাসেন না । সর্বদাই মা মা ।

কালীবাড়ীতে সদাব্রত ছিল (এখনও আছে)—সাধু সন্ন্যাসীরা সর্বদা আসিতেন । তোতাপুরী এগার মাস থাকিয়া ঠাকুরকে বেদান্ত শুনাইলেন ; একটু শুনাইতে শুনাইতে তোতা দেখিলেন, ঠাকুরের নির্বিকল্প সমাধি হইয়া থাকে । সম্ভবতঃ ১৮৬৬খ্রীঃ ।

ব্রাহ্মণী পূর্বেই, ১৮৫৯, আসিয়াছেন, তিনি তত্ত্বোক্ত অনেক সাধন করাইলেন ও ঠাকুরকে শ্রীগৌরাজ্ঞ জানে শ্রীচরিতামৃতাদি বৈষ্ণব গ্রন্থ শুনাইলেন । তোতার কাছে ঠাকুর বেদান্ত শ্রবণ করিতেছেন দেখিয়া ব্রাহ্মণী তাঁহাকে সাবধান করিয়া দিতেন ও বলিতেন—‘বাবা বেদান্ত শুনো না,—ওতে ভাব ভক্তি সব ক’মে যাবে ।’

বৈষ্ণবপণ্ডিত বৈষ্ণবচরণও সর্বদা আসিতেন । তিনিই ঠাকুরকে কলুটোলায় চৈতন্য সভায় লইয়া যান । এই সভাতে ঠাকুর শ্রীরামকৃষ্ণ ভাবাবিষ্ট হইয়া শ্রীচৈতন্যদেবের আসনে গিয়া উপবিষ্ট হইয়াছিলেন । বৈষ্ণবচরণ চৈতন্যসভার সভাপতি ছিলেন ।

বৈষ্ণবচরণ মথুরকে বলিয়াছিলেন, এ উদ্গাদ সামান্য নহে,—প্রোমোদ্গাদ । ইনি ঈশ্বরের জ্ঞান পাগল ! ব্রাহ্মণী ও বৈষ্ণবচরণ দেখিলেন ঠাকুরের মহাভাবের অবস্থা ! চৈতন্যদেবের স্থায় কখনও অন্তর্দর্শন, (তখন জড়বৎ, সমাধিস্থ) ; কখন অর্কবাহু, কখনও বা বাহুদর্শন ! ঠাকুর মা মা করিয়া কাঁদিতেন—সর্বদা মার সঙ্গে কথা কহিতেন মার কাছে উপদেশ লইতেন । বলিতেন, ‘মা তোর কথা কেবল

শুনবো, আমি শাস্ত্রও জানি না, পণ্ডিতও জানি না। তুই বুঝাবি তবে বিশ্বাস করবো।’ ঠাকুর জানিতেন ও বলিতেন, শিখি পান্ন ভ্রম্মা, অশান্ত সচ্চিদানন্দ, তিনিই আ ।

ঠাকুরকে জগন্নাথ বলিয়াছিলেন, ‘তুই আর আমি এক ! তুই ভক্তি নিয়ে থাক—জীবের মঙ্গলের জন্ত । ভক্তেরা সকলে আসবে । তোরা তখন কেবল বিষয়ীদের দেখতে হবে না, অনেক শুদ্ধ কামনা-শূন্য ভক্ত আছে, তারা আসবে ।’ ঠাকুরবাড়ীতে আরতির সময় যখন কাঁসর ঘণ্টা বাজিত, তখন শ্রীরামকৃষ্ণ কুঠীতে গিয়া উচ্চৈঃস্বরে ডাকিতেন, “ওরে ভক্তেরা, তোরা কোথায় কে আছিস্ শীঘ্র আয় ।

মাতা চন্দ্রমণি দেবীকে ঠাকুর জগজ্জননীর রূপান্তর জ্ঞান করিতেন ও সেই ভাবে পূজা করিতেন । জ্যেষ্ঠ ভ্রাতা রামকুমারের স্বর্গলাভের পর মাতা পুত্রশোক কাতরা হইয়াছিলেন, তিন চার বৎসরের মধ্যে তাঁহাকে কালীবাড়ীতে আনাইয়া নিজেদের কাছে রাখাইয়া দিয়াছিলেন ও প্রত্যহ দর্শন, পদধূলি গ্রহণ ও ‘মা কেমন আছ’ জিজ্ঞাসা করিতেন ।

ঠাকুর দুইবার তীর্থে গমন করেন । প্রথমবার মাকে সঙ্গে করিয়া লইয়া যান, সঙ্গে শ্রীযুত রাম চাটুযো ও মথুর বাবুর কয়েকটি পুত্র । তখন সবে কাশীর রেল খুলিয়াছে । তাঁহার অবস্থাস্থরের ৫৬ বৎসরের মধ্যে । তখন অহর্নিশি প্রায়ই সমাধিস্থ বা ভাবে গর্গর মাতোয়ারা ! এবার বৈষ্ণনাথ দর্শনান্তর ৮কাশীধাম ও প্রয়াগ দর্শন হইয়াছিল । ১৮৬৩ খ্রীঃ ।

দ্বিতীয়বার তীর্থ গমন ইহার ৫ বৎসর পরে, ইংরাজী জাহ্নুয়ারী ১৮৬৮ খ্রীঃ । মথুরবাবু ও তাঁহার স্ত্রী জগদম্বা দাসীর সঙ্গে । ভাগিনেয় হৃদয় এবার সঙ্গে ছিলেন । এ যাত্রায় ৮কাশীধাম, প্রয়াগ, শ্রীবৃন্দাবন দর্শন করেন । কাশীতে মণিকর্ণিকায় সমাধিস্থ হইয়া বিশ্বনাথের গম্ভীর চিহ্নরূপ দর্শন করেন—মুমূর্দিগের কর্ণে তারকব্রহ্ম নাম দিতেছেন । আর মৌনব্রতধারী ত্রৈলোক্যস্বামীর সহিত আলাপ করেন । মথুরায় প্রব্রাজ্যে বসুদেবের কোলে শ্রীকৃষ্ণ, শ্রীবৃন্দাবনে সন্ধ্যা সময়ে কিরতী গোষ্ঠে শ্রীকৃষ্ণ দেখে লইয়া যমুনাপার হইয়া আসিতেছেন ইত্যাদি

লীলাভাব চক্ষে দর্শন করিয়াছিলেন ; নিধুবনে রাখাপ্রেমে বিভোরা গঙ্গামাতার সহিত আলাপ করিয়া বড়ই আনন্দিত হইয়াছিলেন ।

শ্রীবৃদ্ধ কেশব সেন যখন বেলঘরের বাগানে ভক্তসঙ্গে ঈশ্বরের ধ্যান চিন্তা করেন, তখন ঠাকুর শ্রীরামকৃষ্ণ ভাগিনেয় হৃদয়ের সঙ্গে তাঁহাকে দেখিতে যান ; ১৮৭৫ খ্রীষ্টাব্দ । বিশ্বনাথ উপাধ্যায়, নেপালের ‘কাণ্ডেন’ এই সময়ে আসিতে থাকেন । সিঁড়ির গোপাল (‘বুড়ো গোপাল’) ও মহেশ্বর কবিরাজ, ককনগরের কিশোরী ও মহিমাচরণ এই সময়ে ঠাকুরকে দর্শন করিয়াছিলেন ।

ঠাকুরের অন্তরঙ্গ ভক্তেরা ইং ১৮৭৯, ১৮৮০ খ্রীষ্টাব্দ হইতে ঠাকুরের কাছে আসিতে থাকেন । তাঁহারা যখন ঠাকুরকে দেখেন তখন উন্মাদ অবস্থা প্রায় চলিয়া গিয়াছে । তখন শাস্ত্র সদানন্দ বালকের অবস্থা । কিন্তু প্রায় সর্বদা সমাধিস্থ—কখনও জড় সমাধি—কখনও ভাব সমাধি ! সমাধি ভঙ্গের পর ভাবরাজ্যে বিচরণ করিতেছেন । যেন পাঁচ বছরের ছেলে ! সর্বদাই মা মা ।

রাম ও মনোহন ১৮৭৯ খ্রীষ্টাব্দের শেষ ভাগে আসিয়া মিলিত হইলেন ; কেদার, সুরেশ্বর, তার পরে আসিলেন । চুনী, লাটু, নৃত্য-গোপাল, তারকও পরে আসিলেন । ১৮৮১র শেষ ভাগে ও ১৮৮২র প্রারম্ভ এই সময়ের মধ্যে নরেশ্বর, রাখাল, ভবনাথ, বাবুরাম, বলরাম, নিরঞ্জন, মাষ্টার, যোগিন আসিয়া পড়িলেন । ১৮৮৩-৮৪ খ্রীষ্টাব্দের মধ্যে কিশোরী, অধর, নিতাই, ছোটগোপাল, বেলঘরের তারক, শরৎ, শশী ; ১৮৮৪ মধ্যে সায়্যাল, গঙ্গাধর, কালী, গিরীশ, দেবেশ্বর, শায়দা, কালীপদ, উপেশ্বর, দ্বিজ ও হরি ; ১৮৮৫ মধ্যে সুবোধ, ছোট নরেশ্বর, পলটু, পূর্ণ, নারায়ণ, তেজচন্দ্র, হরিপদ আসিলেন । এইরূপে হরমোহন, যজ্ঞেশ্বর, হাজরা, ক্ষীরোদ, ককনগরের যোগিন, মণীন্দ্র, ভূপতি, অক্ষয়, নবগোপাল, বেলঘরের গোবিন্দ, আশু, গিরীন্দ্র, অতুল, দুর্গাচরণ, সুরেশ, প্রাণকৃষ্ণ, নবাই চৈতন্য, হরিপ্রসন্ন, মহেশ্বর (মুখো), প্রিয় (মুখ্যো), সাধু প্রিয়নাথ (মন্থ), বিনোদ, তুলসী, হরিশ-মুক্তকী, বসাথ, কথক ঠাকুর, বালীর শশী (ব্রহ্মচারী), নিত্যগোপাল (গোবামী), কোলগরের বিপিন, বিহারি, ধীরেন, রাখাল (হালদার) ক্রমে আসিয়া পড়িলেন ।

ইখর বিজ্ঞানাগর, শশধর পণ্ডিত, ডাক্তার রাজেন্দ্র ও ডাক্তার সরকার, বঙ্কিম (চাটুঘ্যে), আমেরিকার কুক সাহেব, ডক্টর Williams, মিসির সাহেব, মাইকেল মধুসূদন, কৃষ্ণদাস (পাল), পণ্ডিত দীনবন্ধু, পণ্ডিত শ্রামাপদ, রামনারায়ণ ডাক্তার, দুর্গাচরণ ডাক্তার, রাধিকা গোস্বামী, শিশির(ঘোষ), নবীন (মুল্লী), নীলকণ্ঠ ইঁহারাও দর্শন করিয়াছিলেন। ঠাকুরের সঙ্গে ত্রৈলোক্য স্বামীর কাশীধামে ও গঙ্গামাতার ত্রীবৃন্দাবনে সাক্ষাৎ হয়। গঙ্গামাতা ঠাকুরকে ত্রীমতী রাখা জানে বৃন্দাবন হইতে ছাড়িতে চান নাই।

অস্তুরঙ্গ ভক্তেরা আসিবার আগে কৃষ্ণকিশোর, মধুর, শঙ্কু মল্লিক, নারায়ণ শাস্ত্রী, ইঁদেশের গৌরী পণ্ডিত, চন্দ্র, অচলানন্দ সর্বদা ঠাকুরকে দর্শন করিতেন। বর্ধমানের রাজার সভাপণ্ডিত পদ্মলোচন, আর্ধ্যসমাজের দয়ানন্দও দর্শন করিয়াছিলেন। ঠাকুরের জন্মভূমি কামার পুকুর, এবং সিওড় শ্রামবাজার ইত্যাদি স্থানের অনেক ভক্তেরা তাঁহাকে দেখিয়াছেন।

ব্রাহ্মসমাজের অনেকে ঠাকুরের কাছে সর্বদা যাইতেন। কেশব, বিজয়, কালী (বসু), প্রতাপ, শিবনাথ, অমৃত, ত্রৈলোক্য, কৃষ্ণবিহারী, মণিলাল, উমেশ, হীরানন্দ, ভবানী, নন্দলাল, ও অন্যান্য অনেক ব্রাহ্ম ভক্ত সর্বদা যাইতেন, ঠাকুরও ব্রাহ্মদের দেখিতে আসিতেন। মধুরের জীবদ্দশায় ঠাকুর তাঁহার সহিত দেবেন্দ্রনাথ ঠাকুরকে তাঁহার বাটীতে, ও উপাসনাকালে আদি ব্রাহ্মসমাজ দেখিতে গিয়াছিলেন। পরে কেশবের ব্রাহ্মমন্দির ও সাধারণসমাজ—উপাসনাকালে—দেখিতে গিয়াছিলেন। কেশবের বাড়ীতে সর্বদা যাইতেন ও ব্রাহ্মভক্ত সঙ্গে কত আনন্দ করিতেন। কেশবও সর্বদা, কখন ডক্টর সঙ্গে, কখন একাকী, আসিতেন।

কালনাতে ভগবান দাস বাবাজীর সঙ্গে দেখা হইয়াছিল। ঠাকুরের সমাধি অবস্থা দেখিয়া বলিয়াছিলেন—আপনি মহাপুরুষ, চৈতন্যদেবের আসনে বসিবার আপনিই উপযুক্ত!

ঠাকুর সর্বধর্মসম্বন্ধার্থ বৈষ্ণব, শাস্ত্র, শৈব ইত্যাদি ভাব সাধন করিয়া অপর দিকে আল্লা মন্ত্র জপ ও যীশুখ্রীষ্টের চিন্তা করিয়াছিলেন। যে ঘরে ঠাকুর থাকিতেন সেখানে ঠাকুরদের ছবি ও ছ-

দেবের মূর্তি ছিল। যীশু জলমগ্ন পিতরকে উদ্ধারকরিভেছেন, এ ছবিও ছিল। এখনও সে ঘরে গেলে দেখিতে পাওয়া যায়। আজ ঐ ঘরে ইংরাজ ও আমেরিকান ভক্তেরা আসিয়া ঠাকুরের ধ্যান চিন্তা করেন; দেখা যায়।

এক দিন মাকে ব্যাঙ্কুল হইয়া বলিলেন, ‘মা তোর খ্রীষ্টান ভক্তেরা তোকে কিরূপে ডাকে দেখ্‌বো, আমায় নিয়ে চা’ কিছু দিন পরে কলিকাতায় গিয়া এক গির্জার দ্বারদেশে দাঁড়াইয়া উপাসনা দেখিয়াছিলেন। ঠাকুর ফিরিয়া আসিয়া ভক্তদের বলিলেন, আমি খাজাঞ্চীর ভয়ে ভিতরে গিয়া বসি নাই—ভাবিলাম কি জানি যদি কালীঘরে যেতে না দেয়।

ঠাকুরের অনেক স্ত্রীলোক ভক্ত আছেন। গোপালের মাকে ঠাকুর মা বলিয়াছিলেন ও ‘গোপালের মা’ বলিয়া ডাকিতেন। সকল স্ত্রীলোককেই তিনি সাক্ষাৎ ভগবতী দেখিতেন ও মা জ্ঞানে পূজা করিতেন। কেবল যত দিন না স্ত্রীলোককে সাক্ষাৎ মা বোধ হয়, যত দিন না ঈশ্বরে শুদ্ধা ভক্তি হয়, ততদিন স্ত্রীলোক সম্বন্ধে পুরুষদের সাবধান থাকিতে বলিতেন। এমন কি, পরম ভক্তিমতী হটলেও তাঁহাদের সম্পর্কে যাইতে বারণ করিতেন। মাকে নিজে বলিয়াছিলেন, ‘মা আমার ভিতবে যদি কাম হয় তা হ’লে কিন্তু মা, গলায় ছুরি দিব।’

ঠাকুরের ভক্তেরা অসংখ্য—তাঁহারা কেহ প্রকাশিত আছেন, কেহ বা গুপ্ত আছেন—সকলের নাম করা অসম্ভব। শ্রীশ্রীরামকৃষ্ণকথামৃতে অনেকের নাম পাওয়া যাইবে। নান্যকালে অনেকে—রামকৃষ্ণ, পত্নী, তুলসী, শান্তি, শশী, বিপিন, হীরালাল, নগেন্দ্র মিত্র, উপেন্দ্র, সুরেন্দ্র, সুরেন ইত্যাদি, ও ছোট ছোট অনেক মেয়েরা ঠাকুরকে দেখিয়াছিলেন। এক্ষণে তাঁহারাও ঠাকুরের সেবক।

লীলা সংবরণের পর^{১২৯৩ মান} তাঁহার কত ভক্ত হইয়াছেন ও হইতেছেন। মাদ্রাস, লঙ্কাদ্বীপ, উত্তরপশ্চিম, রাজপুতনা, কুমাউন, নেপাল, বোম্বাই পাঞ্জাব, জাপান; আবার আমেরিকা ইংলণ্ড, সর্বস্থানে ভক্ত পরিবার ছড়াইয়া পড়িয়াছে ও উত্তরোত্তর বাড়িতেছে। [জগদ্ব্যর্থী, ১৩১০।]

শ্রীশ্রীরামকৃষ্ণকথামৃত ।

প্রথমভাগ-প্রথমখণ্ড ।

দক্ষিণেশ্বরে ঠাকুর শ্রীরামকৃষ্ণ ।

প্রথম পরিচ্ছেদ ।

কালীবাড়ী ও উদ্যান ।

শ্রীশ্রীরামকৃষ্ণ দক্ষিণেশ্বরে কালীবাড়ীমধ্যে । চাঁদনী ও দ্বাদশ শিবমন্দির । পাকা উঠান ও বিকুশর । শ্রীশ্রীভবতারিণী মা-কালী । নাটমন্দির । ভাঁড়ার, ভোগঘর, অতিথিশালা, বলিদানের স্থান । দণ্ডবথানা । ঠাকুর রামকৃষ্ণের ঘর । নহবৎ, বকুলতলা, পঞ্চবাটী, ঝাউতলা ও বেলতলা । স্কুটী । বাসনমাজার ঘাট, গাজীতলা, সদব ফটক ও খিড়কী ফটক । হাঁসপুকুর, আশ্রাবল ও ঘোশালা । পুষ্পোদ্যান । শ্রীরামকৃষ্ণের ঘরের বাবান্দা । ‘আনন্দনিকেতন’ ।

আজ রবিবার । ভক্তদের অবসর হইয়াছে, তাই তাঁহারা দলে দলে শ্রীশ্রীপরমহংসদেবকে দর্শন করিতে দক্ষিণেশ্বরের কালীবাড়ীতে আসিতেছেন । সকলেরই অব্যাহত ধার । যিনি আসিতেছেন-ঠাকুর, তাঁহারই সহিত কথা কহিতেছেন । সাধু, পরমহংস ; হিন্দু, খৃষ্টান, ব্রহ্মজ্ঞানী ; শাক্ত, বৈষ্ণব ; পুরুষ, স্ত্রীলোক ; সকলেই আসিতেছেন । ধন্য রাণী রাসমণি । তোমারই স্মৃতিবলে এই সুন্দর দেবাঙ্গণ প্রতিষ্ঠিত হইয়াছে, আবার এই সচলপ্রতিমা এই মহাপুরুষকে লোকে আনিয়া দর্শন ও পূজা করিতে পাইতেছে ।

চাঁদনী ও দ্বাদশ শিবমন্দির ।

কালীবাড়ীটা কলিকাতা হইতে আড়াই কোশ উত্তরে হইবে । টিক গঙ্গার উপরে । নৌকা হইতে নামিয়া সুবিস্তীর্ণ সোপানাবলী দিয়া

পূর্বাত হইয়া উঠিয়া কালীবাড়ীতে প্রবেশ করিতে হয়। এই ঘাটে পরমহংসদেব স্নান করিতেছেন। নৌকাধারী, গাভীর চাঁদনী। সেখানে ঠাকুরবাড়ীর চৌকিদারেরা থাকে। তাহাদের খাটিয়া, আমকাঠের সিন্দুক, দুই একটা লোটা, সেই চাঁদনীতে মাঝে মাঝে পড়িয়া আছে। পাড়ার কুখুরী কুখুরী গঙ্গাপ্রান করিতে আসে, কেহ কেহ সেই চাঁদনীতে বসিয়া খোসগল্প করিতে করিতে তেল মাখেন। যে সকল সাধু, ককির বৈষ্ণব, বৈষ্ণবী, অতিথিশালার প্রসাদ পাইবেন বলিয়া আসেন, তাঁহারাও কেহ কেহ ভোগের বস্তু পর্য্যন্ত এই চাঁদনীতে অপেক্ষা করেন। কখনও কখনও দেখা যায়, গৈরিকবস্ত্রধারিণী ভৈরবী ত্রিশূল-হস্তে এই স্থানে বসিয়া আছেন। তিনিও সময় হ'লে অতিথিশালায় যাইবেন। চাঁদনীটা দ্বাদশ শিবমন্দিরের ঠিক মধ্যবর্তী। তন্মধ্যে ছয়টি মন্দির চাঁদনীর ঠিক উত্তরে, আর ছয়টি চাঁদনীর ঠিক দক্ষিণে। নৌকা-যাত্রীরা এই দ্বাদশ মন্দির দূর হইতে দেখিয়া বলিয়া থাকে, 'ঐ রাসমণির ঠাকুরবাড়ী।'

পাকা উঠান ও বিষ্ণুঘর ।

চাঁদনী ও দ্বাদশ মন্দিরের পূর্ববর্তী ইষ্টকনির্মিত পাকা উঠান। উঠানের মাঝখানে সারি সারি দুইটি মন্দির। উত্তরদিকে ৬রাধাকান্তের মন্দির। তাহার ঠিক দক্ষিণে মা-কালীর মন্দির। রাধাকান্তের মন্দিরে শ্রীশ্রীরাধাকৃষ্ণবিগ্রহ; পশ্চিমাংশ। সিঁড়ি দিয়া মন্দিরে উঠিতে হয়। মন্দিরতল মর্ম্মরপ্রস্তরারূপে। মন্দিরের সম্মুখস্থ দালানে ঝাড় টাঙ্গান আছে—এখনে ব্যবহার নাই, তাই রক্তবস্ত্রের আবরণী দ্বারা রক্ষিত। একটা ঝারখান পাহারা দিতেছে। অপরাহ্নে পশ্চিমের রৌদ্রে পাছে ঠাকুরের কষ্ট হয়, কাম্বিণের পরদার বন্দোবস্ত আছে। দালানের সারি সারি খিলানের ফুকর উহাদের দ্বারা আবৃত হয়। দালানের দক্ষিণ-পূর্ব কোণে একটা গঙ্গাজলের জালা। মন্দিরের চৌকাঠের নিকট একটা পাত্রে শ্রীচরণামৃত। শুভেচ্ছা আসিয়া ঠাকুর প্রণাম করিয়া ঐ চরণামৃত লইবেন। মন্দিরমধ্যে সিংহাসনারূপে শ্রীশ্রীরাধাকৃষ্ণ-বিগ্রহ; শ্রীরামকৃষ্ণ এই মন্দিরে প্রথম পূজারীর কার্য্যে ব্রতী হন। ১৮৫৭-৫৮খৃঃ।

শ্রীশ্রীভবতারিণী মা কালী ।

দক্ষিণের মন্দিরে সুন্দর, পাষণময়ী কালীপ্রতিমা, ১৫ ফুট, ন্যূন ভবতারিণী । শ্বেতকৃষ্ণমর্ম্মরপ্রস্তরারুত মন্দিরতল ও সোপানযুক্ত উচ্চ বেদী । বেদীর উপরে রৌপ্যময় সহস্রদল পদ্ম, তাহার উপরে শিব, কুব্জ হইয়া দক্ষিণদিকে মস্তক—উত্তরদিকে পা করিয়া, পড়িয়া আছেন । শিবের প্রতিকৃতি শ্বেতপ্রস্তরনির্মিত । তাঁহার হৃদয়োপ্তরি বাণারসীঃ চেলিপরিহিতা, নানাভরণালঙ্কতা, এই সুন্দর ত্রিনয়নী শ্যামাকালীর প্রস্তরময়ী মূর্তি । শ্রীপাদপদ্মে নূপুর, গুঞ্জরী, পঙ্কম, পাঁজের, চুটকী— আর জবা বিদ্যপত্র । পাঁজের পশ্চিমের মেয়েরা পরে । পরমহংসদেবের ভারি সাধ, এই মধুরবাবু পরাইয়াছেন । মার হাতে সোণার বাউটি, তাবিজ ইত্যাদি । অগ্রহাতে—বালা, নারিকেল-ফুল, পইচে, বাউটি ; মধ্যহাতে—তাঁড়, তাবিজ ও বাজু ; তাবিজের ঝাঁপা দোতুল্যমান । গলদেশে চিক, মুক্তার সাতনর মালা, সোণার বত্রিশ নর, তারাহার ও সুবর্ণনির্মিত মুণ্ডমালা, মাথায় মুকুট, কাণে কাণবালা, কাণপাস, ফুলঝুম্কা, চৌদানী ও মাছ । নাসিকায় নং, নোলক দেওয়া । ত্রিনয়নীর বামহস্তদ্বয়ে নৃমুণ্ড ও অসি, দক্ষিণহস্তদ্বয়ে বরাতয় । কটিদেশে নরকর-মালা, নিমকল ও কোমরপাটা । মন্দির মধ্যে উত্তরপূর্ব কোণে বিচিত্র শয্যা ;—মা বিশ্রাম করেন । দেওয়ালের একপার্শ্বে চামর ঝুলিতেছে । 'ভগবান শ্রীরামকৃষ্ণ ঐ চামর লইয়া কতবার মাকে বাঁজন করিয়াছেন । বেদীর উপর পদ্মাসনে রূপার গেলাসে জল । তাঁহার সারি সারি ঘটি, তন্মধ্যে শ্যামার পান করিবার জল । পদ্মাসনের উপর পশ্চিমে অষ্টধাতুনির্মিত সিংহ, পূর্বে সোবিকা ও ত্রিশূল । বেদীর অগ্নিকোণে শিবা, দক্ষিণে কাল প্রস্তরের কুব্জ ও ঈশানকোণে হুস্মা বেদী উঠিবার সোপানে রৌপ্যময় হুস্মা সিংহালনেপরি সারায়ণশিলা ; একপার্শ্বে পরমহংসদেবের সন্ন্যাসী-হইতে-প্রাপ্ত অষ্টধাতুনির্মিত স্নানকোণে নাথখারী শ্রীরামকৃষ্ণের-বিগ্রহ মূর্তি ও বাণেশ্বর শিব ; আরও অল্পকিছু দেবতা আছেন । দেবীপ্রতিমা দক্ষিণাত্য । ভবতারিণীর চিক-সম্মুখে, অর্থাৎ বেদীঈশিক দক্ষিণে, ঘটস্থান-হইয়াছে । সিন্দুররঞ্জিত, পূজার

নানাকুসুমবিভূষিত, পুষ্পমালাশোভিত, মঙ্গলঘট। দেওয়ালের একপার্শ্বে জলপূর্ণ ভামার কারি;—মা মুখ ধুইবেন। উর্দ্ধে মন্দিরের চাঁদোয়া, বিগ্রহের পশ্চাদ্ভাগে সুন্দর বাণারসী বস্ত্রখণ্ড লম্বমান! বেদীর চারি কোণে রৌপ্যের স্তম্ভ। তদুপরি বহুমূলা চক্রাতপ—উহাতে প্রতিমার শোভা বর্ধন হইয়াছে। মন্দির দুহারা। দালানটির কয়েকটা কুকর স্নৃগু কপাট দ্বারা সুরক্ষিত। একটি কপাটের কাছে চৌকীদার বসিয়া আছে। মন্দিরের দ্বারে পক্ষপাত্রে শ্রীচরণামৃত। মন্দিরশীর্ষ নবরত্ন-মণ্ডিত। নীচের থাকে চারিটা চূড়া, মধ্যের থাকে চারিটা ও সর্বোপরি একটি। একটি চূড়া এখন ভাঙ্গিয়া রহিয়াছে। এই মন্দিরে এবং ৬রাধাকান্তের ঘরে পরমহংসদেব পূজা করিয়াছিলেন।

নাটমন্দির।

কালীমন্দিরের সম্মুখে অর্থাৎ দক্ষিণদিকে সুন্দর সুবিস্তৃত নাটমন্দির। নাটমন্দিরের উপর শ্রীশ্রীমহাদেব ও নন্দী ও ভৃগু। মার মন্দিরে প্রবেশ করিবার পূর্বে ঠাকুর শ্রীরামকৃষ্ণ ৬মহাদেবকে হাত ধোড় করিয়া প্রণাম করিতেন—বেন তাঁহার আজ্ঞা লইয়া মন্দিরে প্রবেশ করিতে-ছেন। নাটমন্দিরে উত্তর দক্ষিণে স্থাপিত দুই সারি অতি উচ্চ স্তম্ভ। তদুপরি ছাদ। স্তম্ভশ্রেণীর পূর্বদিকে ও পশ্চিমদিকে নাটমন্দিরের দুই পক্ষ। পূজার সময়, মহোৎসবকালে, বিশেষতঃ কালীপূজার দিন, নাট-মন্দিরে যাত্রা হয়। এত নাটমন্দিরে রাসমণীর জামাতা মধুরবাবু শ্রীরাম-কৃষ্ণের উপদেশে ধাঙমেরু করিয়াছিলেন। এই নাটমন্দিরেই সর্ব-সময়ে ঠাকুর শ্রীরামকৃষ্ণ তৈরবী পূজা করিয়াছিলেন।

ভাঁড়ার, ভোগঘর, অতিথিশালা। বলিদান।

চক্ৰিয়ান উঠানের পশ্চিমপার্শ্বে দ্বাদশমন্দির, আর তিন পার্শ্বে একতলা ঘর। পূর্বপার্শ্বের ঘরগুলির মধ্যে ভাঁড়ার, 'লুচিঘর,' বিকুর ভোগঘর, নৈবেদ্যের ঘর, মারের ভোগঘর, ঠাকুরদের রান্নাঘরও অতিথি-শালা। অতিথি, মাধু; যদি অতিথিশালার না খান, তাহা হইলে দপ্তর-খানায় খাজাঙ্গীর কাছে বাইতে হয়। খাজাঙ্গী তাহারীকে ছকুম দিলে মাধু ভাঁড়ার হইতে সিধা লন। নাটমন্দিরের দক্ষিণে বলিদানের স্থান।

বিক্ষুব্ধতার রান্না নিরামিষ। কালীঘরের ভোগের ভিন্ন রন্ধনশালা। রন্ধনশালার সম্মুখে দাসীরা বড় বড় বাঁটি লইয়া মাছ কুটিতেছে। অমাবস্যায় একটা ছাগ বলি হয়। ভোগ দুই প্রহর মধ্যে হইয়া যায়। ইতিমধ্যে অতিথিশালায় এক এক শালপাতা লইয়া সারি সারি কাঙ্গাল, বৈষ্ণব, সাধু, অতিথি, বসিয়া পড়ে। ব্রাহ্মণদের পৃথকস্থান করিয়া দেওয়া হয়। কর্মচারী ব্রাহ্মণদের পৃথক আসন হয়। খাজাঙ্গীর প্রসাদ তাঁহার ঘরে পছন্দাইয়া দেওয়া হয়। জানবাজারের বাবুরা আসিলে কুঠীতে থাকেন। সেইখানেই প্রসাদ পাঠান হয়।

দপ্তরখানা।

উঠানের দক্ষিণে সারি সারি ঘরগুলিতে দপ্তরখানা ও কর্মচারীদিগের থাকিবার স্থান। এখানে খাজাঙ্গী, মুহুরী সর্বদা থাকেন, আর ভাণ্ডারী, দাস দাসী, পূজারী, রাঁধুনী, ব্রাহ্মণঠাকুর ইত্যাদির 'ও' দ্বারবানদের সর্বদা যাতায়াত। কোনও কোনও ঘর চাবি দেওয়া, তন্মধ্যে ঠাকুর-বাড়ীর আসবাব, সতরঞ্চ, সামিয়ানা ইত্যাদি থাকে। এই সারির কয়েকটা ঘর পরমহংসদেবের জন্মোৎসব উপলক্ষে তাঁতার ঘর করা হইত। তাহার দক্ষিণদিকের ভূমিতে মহামহোৎসবের বাগ্না হইত।

উঠানের উত্তরে একতলা ঘরের শ্রেণী। তাহার ঠিক মাঝখানে দেউড়ী। চাঁদনীর স্থায় সেখানেও দ্বারবানেরা পাহারা দিতেছে। উত্তর স্থানে প্রবেশ করিবার পূর্বে বাহিরে জুতা রাখিয়া যাইতে হইবে।

ঠাকুর শ্রীরামকৃষ্ণের ঘর।

উঠানের ঠিক উত্তর-পশ্চিমকোণে অর্থাৎ দ্বাদশ মন্দিরের ঠিক উত্তরে শ্রীশ্রীপরমহংসদেবের ঘর। ঘরের ঠিক পশ্চিমদিকে অর্ধমণ্ডলাকার একটা বারাণ্ডা। সেই বারাণ্ডায় শ্রীরামকৃষ্ণ পশ্চিমাশ্র হইয়া গঙ্গা দর্শন করিতেন। এই বারাণ্ডার পরেই পথ। তাহার পশ্চিমে পুষ্পোদ্ভান, তৎপরে পোস্তা। তাহার পরেই পূজসলিলা সর্বভীর্ষময়ী কলকলনাদিনী গঙ্গা।

নহরৎ ও বকুলতলা। পঞ্চবটী।

পরমহংসদেবের ঘরের ঠিক উত্তরে একটা চতুর্কোণ বারাণ্ডা, তাহার উত্তরে উদ্ভানপথ। তাহার উত্তরে আবার পুষ্পোদ্ভান। তাহার পরেই

নহবৎখানা । নহবৎতর নীচের ঘরে তাঁহার স্বর্গীয়া পরমারাধা বৃদ্ধা মাতাঠাকুরাণী, ও পরে শ্রীশ্রীমা, থাকিতেন । নহবৎতর পরেই বকুল-তলা ও বকুলতার ঘাট । এখানে পাড়ার মেয়েরা স্নান করেন । এই ঘাটে পরমহংসদেবের বৃদ্ধা মাতাঠাকুরাণীর ৬গঙ্গালাভ হয় । ১৮৭৭ খৃঃ ।

বকুলতলার আর কিছু উত্তরে পঞ্চবটী । এই পঞ্চবটীর পাদমূলে বসিয়া পরমহংসদেব অনেক সাধনা করিয়াছিলেন, আর ইদানীং ভক্ত-সঙ্গে এখানে সর্বদা পাদচারণ করিতেন । গভীর রাত্রে সেখানে কখন কখন উঠিয়া যাইতেন । পঞ্চবটীর বৃক্ষগুলি—বট, অশ্বথ, নিম্ব, আমলকী ও বিষ্ণু—ঠাকুর নিজের তত্ত্বাবধানে রোপণ করিয়াছিলেন । শ্রীবৃন্দাবন হইতে ফিরিয়া আসিয়া এখানে রজঃ ছড়াইয়া দিয়াছিলেন । এই পঞ্চবটীর ঠিক পূর্ব গায়ে একখানি কুটার নির্মাণ করাইয়া ভগবান শ্রীরামকৃষ্ণ তাহাতে আসিয়া অনেক ঈশ্বরচিন্তা, অনেক তপস্যা, করিয়াছিলেন । এই কুটার এক্ষণে পাকা হইয়াছে ।

পঞ্চবটীমধ্যে সাবেক একটা বটগাছ আছে । তৎসঙ্গে একটা অশ্বথগাছ । দুইটা মিলিয়া যেন একটা হইয়াছে । বৃদ্ধ গাছটা বয়সার্ধকাবশতঃ বহুকোটবিশিষ্ট ও নানাপক্ষিসমাকুল ও অগাণ্ড জীবেরও আবাসস্থান হইয়াছে । পাদপমূল ইষ্টকনির্মিত, সোপানযুক্ত, মণ্ডলাকারবেদীস্বশোভিত । এই বেদীর উত্তর পশ্চিমাংশে আসীন হইয়া ভগবান শ্রীরামকৃষ্ণ অনেক সাধনা করিয়াছিলেন, আর বৎসের জন্ত যেমন গাভী বাকুলা হয়, সেইরূপ বাকুল হইয়া ভগবানকে কত ডাকিতেন । আজ সেই পবিত্র আসনোপরি বটবৃক্ষের সখিবৃক্ষ অশ্বথের একটা ডাল ভাঙ্গিয়া পড়িয়া আছে । ডালটা একবারে ভাঙ্গিয়া যায় নাই । মূলতরুর সঙ্গে অর্ধসংলগ্ন হইয়া আছে । বৃক্ষ সে আসনে বসিবার এখনিও কোনও মহাপুরুষ জন্মেন নাই ।

ঝাউতলা ও বেলতলা । কুঠী ।

পঞ্চবটীর আরও উত্তরে খানিকটা গিয়া-ঝোড়ার-তারের রেল আছে । সেই রেলের ওপারে ঝাউতলা । সারি সারি চারিটা-কাউগাছ । ঝাউতলা দিয়া পূর্বদিকে খানিকটা গিয়া বেলতলা । এখানেও পরমহংসদেব

অনেক কঠিন সাধনা করিয়াছিলেন । ঝাউতলা ও বেলতলার পরেই উন্নত প্রাচীর । তাহারই উত্তরে গবর্ণমেন্টের বারুদঘর ।

উষ্ঠানের দেওড়ী হইতে উত্তরমুখে বহির্গত হইয়া দেখা যায় সম্মুখে দ্বিতল কুঠী । ঠাকুর বাড়ীতে আসিলে রাণী রাসমণি, তাঁহার জানাই মথুরবাবু শ্রুতি এই কুঠীতে থাকিতেন । তাঁহাদের জীবদ্দশায় পরমহংসদেব এই কুঠীর বাড়ীতে নীচের পশ্চিমের ঘরে থাকিতেন । এই ঘর হইতে বকুলতলার ঘাটে যাওয়া যায় ও বেশ গঙ্গা দর্শন হয় ।

বাসনমাজার ঘাট, গাজিতলা ও দুই ফটক ।

উষ্ঠানের দেউড়ী ও কুঠীর মধ্যবর্তী যে পথ সেই পথ ধরিয়া পূর্বদিকে যাইতে যাইতে ডানদিকে একটি বাঁধাঘাটবিশিষ্ট সুন্দর পুকুরিণী । মা-কালীর মন্দিরের ঠিক পূর্বদিকে এই পুকুরের একটা বাসনমাজার ঘাট ও উল্লিখিত পথের অনতিদূরে আর একটা ঘাট । ঐ পথপার্শ্বস্থিত ঘাটের নিকট একটা গাছ আছে, তাহাকে গাজিতলা বলে । ঐ পথ ধরিয়া আর একটু পূর্বমুখে যাইলে আবার একটা দেউড়ী,—বাগান হইতে বাহিরে আসিবার সদর ফটক । এই ফটক দিয়া আলমবাজার বা কলিকাতার লোক যাতয়াত করেন । দক্ষিণেশ্বরের লোক খিড়কী ফটক দিয়া আসেন । কলিকাতার লোক প্রায়ই এই সদর ফটক দিয়া কালীবাড়ীতে প্রবেশ করেন । সেখানেও দ্বারবান বসিয়া পাহারা দিতেছে । কলিকাতা হইতে পরমহংসদেব যখন গভীর রাত্রে কালীবাড়ীতে ফিরিয়া আসিতেন, তখন এই দেউড়ীর দ্বারবান চাবি খুলিয়া দিত । পরমহংসদেব দ্বারবানকে ডাকিয়া ঘরে লইয়া-সাইতেন, ও লুচিমিষ্টান্নাদি ঠাকুরের শ্রাদ্ধ তাহাকে দিতেন ।

হাঁসপুকুর, আস্তাবল, গোশালা । পুতেপাচ্যাশ ।


পুকুরটির পূর্বদিকে আর একটা পুকুরিণী, নাম হাঁসপুকুর । ঐ পুকুরের উত্তরপূর্ব কোণে আস্তাবল ও গোশালা । গোশালার পূর্বদিকে খিড়কী ফটক । এই ফটক দিয়া দক্ষিণেশ্বরের গ্রামে যাওয়া যায় । যে সকল পূজারী বা অন্য কর্মচারী পরিবার আনিয়া দক্ষিণেশ্বরে রাখিয়াছেন, তাঁহারা বা তাঁহাদের ছেলে মেয়েরা এই পথ দিয়া যাতয়াত করেন ।

উত্তানের দক্ষিণপ্রান্ত হইতে উত্তরে বকুলতলা ও পঞ্চবটী পর্য্যন্ত গঙ্গার ধার দিয়া পথ গিয়াছে। সেই পথের দুইপাশে পুষ্পবৃক্ষ। আবার কুঠীর দক্ষিণপাশে দিয়া পূর্বপশ্চিমে যে পথ গিয়াছে, তাহারও দুই পাশে পুষ্পবৃক্ষ। গাজিতলা হইতে গোশালা পর্য্যন্ত, কুঠী ও হাঁসপুকুরের পূর্বদিকে যে ভূমিখণ্ড, তাহার মধ্যেও নানাজাতীয় পুষ্প-বৃক্ষ ফলের বৃক্ষ ও একটি পুকুরিণী আছে।

অতি প্রত্যুষে পূর্বদিক রক্তিমবর্ণ হইতে না হইতে যখন মঙ্গলারতির স্নমধুর শব্দ হইতে থাকে ও শানাইয়ে প্রভাতি রাগরাগিণী বাজিতে থাকে, তখন হইতেই মা কালীর বাগানে পুষ্পচয়ন আরম্ভ হয়। গঙ্গাতীরে পঞ্চবটীর সম্মুখে বিষুবৃক্ষ ও সৌরভপূর্ণ গুল্‌চী ফুলের গাছ। মল্লিকা, মাধবী ও গুল্‌চী ফুল শ্রীরামকৃষ্ণ বড় ভালবাসেন। মাধবীলতা শ্রীবৃন্দাবনধাম হইতে আনিয়া তিনি পুঁতিয়া দিয়াছিলেন। হাঁসপুকুর ও কুঠীর পূর্বদিকে যে ভূমিখণ্ড, তন্মধ্যে পুকুরের ধারে চম্পক বৃক্ষ। কিয়দ্দূরে সুম্ভাজবা, গোলাপ ও কাঞ্চনপুষ্প। বেড়ার উপর অপরাজিতা—নিকটে জুঁই কোথাও বা সৈফালিকা। দ্বাদশ মন্দিরের পশ্চিম গায়ে বরাবর শ্বেতকরবী, রক্তকরবী, গোলাপ, জুঁই, বেল। কচিৎ বা ধুস্তরপুষ্প—মহাদেবের পূজা হইবে। মাঝে মাঝে তুলসী—উচ্চ ইষ্টকনির্মিত মাঞ্চের উপর রোপণ করা হইয়াছে। নহবতের দক্ষিণদিকে বেল, জুঁই, গন্ধরাজ, গোলাপ। বাঁধাঘাটের অনতিদূরে পদ্মকরবী ও কোকিলাক্ষ। পরমহংসদেবের ঘরের পাশে দুই একটি কৃষ্ণচূড়ার বৃক্ষ ও আশে পাশে বেল, জুঁই গন্ধরাজ, গোলাপ, মল্লিকা, জবা, শ্বেত-করবী, রক্তকরবী, আবার পঞ্চমুখী জবা, চীন জাতীয় জবা।

শ্রীরামকৃষ্ণও এককালে পুষ্পচয়ন করিতেন। এক দিন পঞ্চবটীর সম্মুখে একটা বিষুবৃক্ষ হইতে বিষপত্র চয়ন করিতেছিলেন। বিষপত্র তুলিতে গিয়া গাছের খানিকটা ছাল উঠিয়া আসিল। তখন তাঁহার এইরূপ অমুচ্ছৃতি হইল যে যিনি সর্বভূতে আছেন, তাঁর না জানি কত কষ্ট হইল! অমনি আর বিষপত্র তুলিতে পারিলেন না। আর এক দিন পুষ্পচয়ন করিবার জন্ত বিচরণ করিতেছিলেন এমন সময় কে যেন

শ্রীশ্রীবামকৃষ্ণ কথামৃত ।



শ্রীযুক্ত ঈশ্বরচন্দ্র বিদ্যাসাগর ।



শ্রীযুক্ত নেশ্বরচন্দ্র সেন ।



শ্রীযুক্ত বিজয়কৃষ্ণ গোস্বামী ।



ডাক্তার শ্রীযুক্ত মহেন্দ্রনাথ সঙ্কর ।



শ্রীমতী, সক্রিয়তরুণ, গণতন্ত্রের সঙ্গী, মুক্তিগোপাল, শশী । বিজয়, শান্তি, শান্তি, নবগোপাল, সুপতি । মনিমজিদ, কবির, স্বরাজ । অমূল্য, তারক, হোমিগোপাল, বৈকুণ্ঠ, বাবুরাম ।
শ্রীমতী, সক্রিয়তরুণ, গণতন্ত্রের সঙ্গী, মুক্তিগোপাল, শশী । অমূল্য, তারক, হোমিগোপাল, বৈকুণ্ঠ, বাবুরাম ।

দপ করিয়া দেখাইয়া দিল যে, কুম্মিত বৃক্ষগুলি যেন এক একটা ফুলের তোড়া এই বিরাট শিবমূর্ত্তির উপর শোভা পাইতেছে—যেন তাঁহারই অহর্নিশি পূজা হইতেছে । সেই দিন হইতে আর ফুল তোলা হইল না ।

ঠাকুর শ্রীরাামকৃষ্ণেশ্বর যশের বারাণ্ডা ।

পরমহংসদেবের ঘরের পূর্বদিকে বরাবর বারাণ্ডা । বারাণ্ডার এক ভাগ উঠানের দিকে, অর্থাৎ দক্ষিণমুখে । এ বারাণ্ডায় পরমহংসদেব প্রায় ভক্তসঙ্গে বসিতেন ও ঈশ্বর সম্বন্ধীয় কথা কহিতেন বা সঙ্কীর্তন করিতেন । এই পূর্ব বারাণ্ডার অপর্যর্ক উত্তরমুখে । এ বারাণ্ডায় ভক্তেরা তাঁহার কাছে আসিয়া তাঁহার জন্মোৎসব করিতেন, তাঁহার সঙ্গে বসিয়া সঙ্কীর্তন করিতেন, আবার তিনি তাঁহাদের সহিত একসঙ্গে বসিয়া কত বার প্রসাদ গ্রহণ করিতেন । এই বারাণ্ডায় শ্রীমুক্ত কেশবচন্দ্র সেন শিষ্যসমভিব্যাহারে আসিয়া তাঁহার সঙ্গে কত আলাপ করিয়াছেন, আমোদ করিতে করিতে মুড়ি, নারিকেল, লুচি, মিষ্টান্নাদি একসঙ্গে বসিয়া খাইয়া গিয়াছেন । এই বারাণ্ডার নরেশ্বকে দর্শন করিয়া শ্রীরাামকৃষ্ণ সমাধিস্থ হইয়াছিলেন ।

আনন্দ নিকেতন ।

কালীবাড়ী আনন্দ-নিকেতন হইয়াছে । রাধাকান্ত, ভবতারিণী ও মহাদেবের নিতাপূজা, ভোগরাগাদি ও অতিথিসেবা । এক দিকে ভাগীরথীর বহুদূর পর্য্যন্ত পবিত্র দর্শন । আবার সৌরভাকুল সুন্দর নানা বর্ণরঞ্জিত কুম্মবিশিষ্ট মনোহর পুষ্পোত্তান । তাহাতে আবার একজন চেতনমাহুষ অহর্নিশি ঈশ্বরপ্রেমে মাতোয়ারা হইয়া আছেন । আনন্দময়ীর নিতা উৎসব ! নহবৎ হইতে রাগরাগিণী সর্বদা বাজিতেছে ! একবার প্রভাতে বাজিতে থাকে, মঙ্গলারতির সময় । তার পর বেলা নয়টার সময়—যখন পূজা আরম্ভ হয় । তার পর বেলা ছিপ্রহরের সময়—তখন ভোগ আরতির পর ঠাকুর ঠাকুরাণীরা বিপ্রাম করিতে যান । আবার বেলা চারিটার সময় নহবৎ বাজিতে থাকে—তখন তাঁহার বিপ্রাম লাভের পর গাত্রোখান করিতেছেন ও মুখ ধুইতেছেন । তার পর আবার সন্ধ্যারতির সময় । অবশেষে রাত নয়টার সময় যখন শীতলের পর ঠাকুরের শয়ন হয়, তখন আবার নহবৎ বাজিতে থাকে ।

দ্বিতীয় পরিচ্ছেদ ।

প্রথম দর্শন । ১৮৮২ - মার্চ মাস ।

৩৬ কথামৃতং তপ্তজীবনম্, কবিভিবীড়িতং কল্পাপহম্ ।

ব্রবণমঙ্গলং শ্রীমদাততম্, ভূবি গণন্তি যে ভূবিদা জনাঃ ॥

শ্রীমদ্ভাগবত, গোপীগীতা, বাসপঞ্চাধ্যায় ।

পঞ্জাভীরে দক্ষিণেশ্বরে কালীবাড়ী । মা-কালীর মন্দির । বসন্তকাল, ইংরাজী ১৮৮২ খৃষ্টাব্দের মার্চ মাস । ঠাকুরের জন্মোৎসবের কয়েক-দিন পরে । শ্রীযুক্ত কেশব সেন ও Joseph Cook সঙ্গে ২৩শে ফেব্রুয়ারি বৃহস্পতিবার ঠাকুর Steamer এ বেড়াইয়াছিলেন—তাহারই কয়েকদিন পরে । সন্ধ্যা হয় হয় । ঠাকুর শ্রীরামকৃষ্ণের ঘরে মাষ্টার আসিয়া উপস্থিত । এই প্রথম দর্শন । দেখিলেন একঘর লোক নিস্তরক হইয়া তাহার কথামৃত পান করিতেছেন । ঠাকুর ভক্তাপোষে বসিয়া পূর্বাস্ত হইয়া সহাস্তবদনে হরিকথা কহিতেছেন । ভক্তেরা মেজ্জায় বসিয়া আছেন ।

[কন্দ্যত্যাগ কথন ৮]

মাষ্টার দাঁড়াইয়া অর্ধাকৃ হইয়া দেখিতেছেন । তাহার বোধ হইল, যেন সান্ধাৎ শুকদেব ভগবৎকথা কহিতেছেন, আর সর্বতীর্থের সমাগম হইয়াছে । অথবা যেন শ্রীচৈতন্য পুরীক্ষেত্র রামানন্দ স্বরূপাদি ভক্তসঙ্গে বসিয়া আছেন ও ভগবানের নাম গুণকীর্তন করিতেছেন । ঠাকুর বলিতেছেন, “যখন একবার হরি বা একবার রাম নাম করলে রোমাঞ্চ হয়, অশ্রুপাত হয়, তখন নিশ্চয়ই জেনো যে সন্ধ্যাদি কন্দ—আর কর্তে হবে না । তখন কন্দ্যত্যাগের অধিকার হয়েছে—কন্দ্য আপনা আপনি ত্যাগ হ'য়ে যাচ্ছে । তখন কেবল রামনাম, কি হরিনাম, কি শুদ্ধ ও কার, জ'পালেই হ'ল ।” আবার বলিলেন, “সন্ধ্যা নামজ্বীতে লয় হয় । গায়ত্রী আবার ওঁকারে লয় হয় ।”

মাষ্টার সিধুরে সঙ্গে বরাহনগরে এ বাগানে ও বাগানে বেড়াইতে বেড়াইতে এখানে আসিয়া পড়িয়াছেন । আজ রবিবার, অবসর আছে,

• শ্রীযুক্ত সিদ্ধেশ্বর মজুমদার, উত্তর বরাহনগবে বাড়ী ।

তাই বেড়াইতে এসেছেন। শ্রীযুক্ত প্রসন্ন বাঁড়ুয়োর বাগানে কিয়ৎকণ পূর্বে বেড়াইতেছিলেন। তখন সিধু বলিয়াছিলেন, ‘গঙ্গার ধারে একটি চমৎকার বাগান আছে, সে বাগানটি কি দেখতে যাবেন? সেখানে এক জন পরমহংস আছেন।’

বাগানে সদর ফটক দিয়া ঢুকিয়াই মাষ্টার ও সিধু বন্নাবর ঠাকুর শ্রীরামকৃষ্ণের ঘরে আসিলেন। মাষ্টার অবাক হইয়া দেখিতে দেখিতে ভাবিতেছেন, আচ্ছা কি সুন্দর স্থান। কি সুন্দর মানুষ! কি সুন্দর কথা। এখান থেকে নড়তে উচ্ছা ক’বুচে না। কিয়ৎকণ পরে মনে মনে বলিতে লাগিলেন, ‘একবার দেখি কোথায় এসেছি। তার পর এখানে এসে বসব।’

সিধুর সঙ্গে ঘরের বাহিরে আসিতে না আসিতে আরতির মধুর শব্দ হইতে লাগিল। এককালে কাঁসব ঘন্টা খোল করতালি বাজিয়া উঠিল। বাগানের দক্ষিণ সীমান্ত হইতে নহবতের মধুর শব্দ আসিতে লাগিল। সেই শব্দ ভাগীরথী বক্ষে যেন ভ্রমণ করিতে করিতে অতি দূরে গিয়া কোথায় মিশিয়া যাইতে লাগিল। মন্দ মন্দ কুসুমগন্ধবাহী বসন্তানিল। সবে জ্যোৎস্না উঠিতেছে। ঠাকুরদের আরতির যেন চতুর্দিকে আয়োজন হইতেছে। মাষ্টার, দ্বাদশ শিবমন্দিরে, শ্রীশ্রী-বাধাকাম্বুর মন্দিরে ও শ্রীশ্রীভবতারিণীর মন্দিরে আরতি দর্শন করিয়া পরম প্রীতি লাভ করিলেন। সিধু বলিলেন, “এটা রাসমণির দেবালয়। এখানে নিত্যসেবা। অনেক অতিথি, কাকাল আসে।”

কথা কহিতে কহিতে ভবতারিণীর মন্দির হইতে বৃহৎ পাকা উঠানের মধ্য দিয়া পাদচারণ করিতে করিতে দুইজনে আবার ঠাকুর শ্রীরামকৃষ্ণের ঘরের সম্মুখে আসিয়া পড়িলেন। এবার দেখিলেন, ঘরের দ্বার দেওয়া।

এই মাত্র ধ্বনা দেওয়া হইয়াছে। মাষ্টার ইংরাজী পড়িয়াছেন, ঘরে হঠাৎ প্রবেশ করিতে পারিলেন না। দ্বারদেশে বৃন্দে (কি) দাঁড়াইয়াছিল। জিজ্ঞাসা করিলেন, “হ্যাঁগা, সাধুটা কি এখন এর ভিতর আছেন?” বৃন্দে বলিল, হ্যাঁ, এই ঘরের ভিতরে আছেন।

মাষ্টার। উনি এখানে কত দিন আছেন?

বৃন্দে । তা অনেক দিন আছেন—

মাষ্টার । আচ্ছা, ইনি কি খুব বই টাই পড়েন ?

বৃন্দে । আর বাবা বই টাই ! সব ঠাঁর মুখে !

মাষ্টার সবে পড়া শুনা ক'রে এসেছেন । ঠাকুর শ্রীরামকৃষ্ণ বই পড়েন না শুনে আরও অবাক হ'লেন ।

মাষ্টার । আচ্ছা, ইনি বুঝি এখন সন্ধ্যা ক'রবেন ?—আমরা কি এ ঘরের ভিতর যেতে পারি ?—তুমি একবার খবর দিবে ?

বৃন্দে । তোমরা যাও না বাবা ! গিয়ে ঘরে বোসো ।

তখন তাঁহারা ঘরে প্রবেশ করিয়া দেখেন, ঘরে আর অণু কেহ নাই । ঠাকুর শ্রীরামকৃষ্ণ ঘরে একাকী তক্তাপোষের উপর বসিয়া আছেন । ঘরে ধূনা দেওয়া হইয়াছে ও সমস্ত দরজা বন্ধ । মাষ্টার প্রবেশ করিয়াই বন্ধাঙ্গুলি হইয়া প্রণাম করিলেন । ঠাকুর শ্রীরামকৃষ্ণ বসিতে অঙ্গুলি করিলে তিনিও সিধু মেজেতে বসিলেন । ঠাকুর জিজ্ঞাসা করিলেন, “কোথায় থাকো, কি করো, বরাহনগরে কি ক'রতে এসেছ,” ইত্যাদি । মাষ্টার সমস্ত পরিচয় দিলেন । কিন্তু দেখিতে লাগিলেন যে, ঠাকুর মাঝে মাঝে যেন অগ্ন্যমনস্ক হইতেছেন । পরে শুনিলেন, এরই নাম ভাব । যেমন কেহ ছিপ হাতে করিয়া মাছ ধরিতে বসিয়াছে । মাছ আসিয়া টোপ খাইতে থাকিলে ফাতনা যখন নড়ে, সে ব্যক্তি যেমন শশব্যস্ত হইয়া ছিপ হাতে করিয়া ফাতনার দিকে, একদৃষ্টে একমনে চাহিয়া থাকে, কাহারও সহিত কথা কয় না ; এ ঠিক সেইরূপ ভাব । পরে শুনিলেন ও দেখিলেন, ঠাকুরের সন্ধ্যার পর এইরূপ ভাবাস্তর হয়, কখন কখন তিনি একবারে বাহুশূন্য হ'ন ।

মাষ্টার । আপনি এখন সন্ধ্যা ক'রবেন, তবে এখন আমরা আসি ।

শ্রীরামকৃষ্ণ (ভাবস্থ) । না—সন্ধ্যা—তা এমন কিছু নয় ।

আর কিছু কথা-বার্তার পর মাষ্টার প্রণাম করিয়া বিদায় গ্রহণ করিলেন । ঠাকুর বলিলেন, “আবার এসো ।”

মাষ্টার কিরিবার সময় ভাবিতে লাগিলেন, “এ সৌম্য কে—কাহার কাছে কিরিয়া বাইতে ইচ্ছা করিতেছে ?—বই না পড়িলে কি মানুষ

মহং হয় ?—কি আশ্চর্য্য, আবার আসিতে ইচ্ছা হইতেছে । ইনিও বলিয়াছেন, আবার এসো ।—কাল কি পরশ সকালে আসিব ।”

তৃতীয় পরিচ্ছেদ ।

দ্বিতীয় দর্শন ও গুরুশিষ্য-সংবাদ ।

অখণ্ডমণ্ডলাকারং ব্যাণ্ডং যেন চবাচরম্ ।

তৎপদং দর্শিতং যেন তস্মৈ ত্রীশুরবে নমঃ ॥

দ্বিতীয় দর্শন সকাল বেলা, বেলা আটটার সময় । ঠাকুর তখন কামাতে যাচ্ছেন । এখনও একটু শীত আছে । তাই তাঁহার গায়ে moleskinএর র্যাপার । র্যাপারের কিনারা শালু দিয়ে মোড়া । মাষ্টারকে দেখিয়া বলিলেন, তুমি এসেছ ? আচ্ছা, এখানে বসো ।

এ কথা দক্ষিণ পূর্ব বারাণ্ডায় হইতেছিল । নাপিত উপস্থিত । সেই বারাণ্ডায় ঠাকুর কামাইতে বসিলেন ও মাঝে মাঝে মাষ্টারের সহিত কথা কহিতে লাগিলেন । গায়ে ঐরূপ র্যাপার ; পায়ে চটি জুতা , সহাস্ত্রবদন । কথা কহিবার সময় কেবল একটু তোতলা ।

শ্রীরামকৃষ্ণ (মাষ্টারের প্রতি) হ্যাঁগা, তোমার বাড়ী কোথায় ? মাষ্টার । আঞ্জা, কলিকাতায় ।

শ্রীরামকৃষ্ণ । এখানে কোথায় এসেছ ?

মাষ্টার । এখানে বরাহনগরে বড় দিদির বাড়ী আসিয়াছি । ঈশান কবিরাজের বাটী । শ্রীরামকৃষ্ণ । ওহ্ ঈশেনের বাড়ী ।

[শ্রীকেশবচন্দ্র সেন 'ও মার কাছে ঠাকুরের জন্মন ।]

শ্রীরামকৃষ্ণ । হ্যাঁগা, কেশব কেমন আছে ? বড় অসুখ হয়েছিল ।

মাষ্টার । আমিও শুনেছিলুম বটে , এখন বোধ হয় ভাল আছেন ।

শ্রীরামকৃষ্ণ । আমি আবার কেশবের জন্ম মার কাছে ডাব-চিনি মেনেছিলুম । শেষ রাত্রে ঘুম ভেঙ্গে যেতো, আর মার কাছে কাঁদতুম ; বলতুম, মা কেশবের অসুখ ভাল ক'রে দাও , কেশব না থাকলে আমি কলকাতায় গেলে কার সঙ্গে কথা কব ? তাই ডাব-চিনি মেনেছিলুম ।

“হ্যাঁগা, কৃষ্ণ-সাহেব না কি এক জন এসেছে ? সে না কি লেকচার দিচ্ছে ? আমাকে কেশব জাহাজে তুলে নিয়ে গিছিল । কৃষ্ণসাহেবও ছিল ।

মাষ্টার । আজ্ঞা, এই রকম শুনেছিলুম বটে ; কিন্তু আমি তাঁর লেকচার শুনি নাই । আমি তাঁর বিষয় বিশেষ জানি না ।

[গৃহস্থ ও পিতার কর্তব্য ।]

শ্রীরামকৃষ্ণ । প্রতাপের ভাই এসেছিল । এখানে কয় দিন ছিল । কাজ কর্ম নাই । বলে, আমি এখানে থাকব ! শুনলাম, মাগছেলে সব ঋগুরবাড়ীতে রেখেছে । অনেকগুলি ছেলে-পিলে । আমি বকলুম । দেখ দেখি, ছেলে-পিলে হয়েছে, তাদের কি আবার ওপাড়ার লোকে এসে খাওয়াবে দাওয়াবে, মানুষ ক'রবে ? লজ্জা করে না যে, মাগছেলেদের আর একজন খাওয়াচ্ছে, আর তাদের ঋগুরবাড়ী কেলে রেখেছে ! আমরা অনেক বকলুম, আব কর্ম কাজ খুঁজে নিতে বললুম । তবে এখান থেকে যেতে চায় ।

চতুর্থ পরিচ্ছেদ ।

অজ্ঞানতিমিবাঙ্কশ জ্ঞানগ্ননশলাকয়া ।

চক্ষুরশীলিতা যেন তস্মৈ শ্রীশুরবে নমঃ ॥

[মাষ্টারকে তিরস্কার ও তাঁহার অহঙ্কার চূর্ণকরণ ।]

শ্রীরামকৃষ্ণ (মাষ্টারের প্রতি) । তোমাব কি বিবাহ হ'য়েছে ?
মাষ্টার । আজ্ঞে হাঁ ।

শ্রীরামকৃষ্ণ (শিহরিয়া)

ওরে রামলাল ! যাঃ বিয়ে ক'রে ফেলেছে ।

শ্রীযুক্ত রামলাল, ঠাকুরের ভ্রাতুষ্পুত্র ও কালীবাড়ীর পূজারী ।

মাষ্টার ঘোরতর অপরাধীর গায় অবাক হইয়া অবনত মস্তকে চূপ করিয়া বসিয়া রহিলেন । ভাবিতে লাগিলেন, বিয়ে করা কি এত দোষ !

ঠাকুর আবার জিজ্ঞাসা করিলেন, তোমার কি ছেলে হ'য়েছে ?

মাষ্টারের বুক টিপ্ টিপ্ করিতেছে । ভয়ে ভয়ে বলিলেন—
আজ্ঞে, ছেলে হ'য়েছে । ঠাকুর আবার আক্ষেপ করিয়া বলিতেছেন,
যাঃ ছেলে হ'রে গেছে ! তিরস্কৃত হইয়া তিনি স্তব্ধ হইয়া রহিলেন ।

তাঁহার অহঙ্কার চূর্ণ হইতে লাগিল । কিয়ৎক্ষণ পরে ঠাকুর
শ্রীরামকৃষ্ণ আবার কৃপাদৃষ্টি করিয়া স্নেহে বলিতে লাগিলেন, “দেখ,

তোমার লক্ষণ ভাল ছিল, আমি কপাল চোক এ সব দেখলে বুঝতে পারি। * * আচ্ছা, তোমার পরিবার কেমন ? বিজ্ঞানশক্তি না অবিজ্ঞানশক্তি ?”

[জ্ঞান কাহাকে বলে * প্রতিমা পূজা ।]

মাষ্টার । আচ্ছা ভাল, কিন্তু অজ্ঞান ।

শ্রীরামকৃষ্ণ (বিরক্ত হইয়া) । আর তুমি জ্ঞানী ?

তিনি জ্ঞান কাহাকে বলে, অজ্ঞান কাহাকে বলে, এখনও জানেন নাই । এখন এই পর্য্যন্ত জানিতেন যে, লেখা পড়া শিখিলে ও বই পড়িতে পারিলে জ্ঞান হয় । এই ভ্রম পরে দূর হইয়াছিল, তখন শুনিলেন, যে ঈশ্বরকে জানার নাম জ্ঞান, ঈশ্বরকে না জানার নামই অজ্ঞান । ঠাকুর বলিলেন—‘তুমি কি জ্ঞানী ।’ মাষ্টারের অহঙ্কারে আবার বিশেষ আঘাত লাগিল ।

শ্রীরামকৃষ্ণ । আচ্ছা, তোমার ‘সাকারে’ বিশ্বাস, না ‘নিরাকারে’ ?

মাষ্টার (অবাক্ হইয়া, স্বগতঃ) । সাকারে বিশ্বাস থাকিলে কি নিরাকারে বিশ্বাস হয় ? ঈশ্বর নিরাকার, এ বিশ্বাস থাকিলে, ঈশ্বর সাকার এ বিশ্বাস কি হইতে পারে ? বিকল্প অবস্থা দুটাই কি সত্য হইতে পারে ? সাদা জিনিষ, দুধ, কি আবার কালো হ’তে পারে ?

মাষ্টার । আচ্ছা নিরাকার, আমার এইটী ভাল লাগে ।

শ্রীরামকৃষ্ণ । তা বেশ । একটাতে বিশ্বাস থাকলেই হ’ল । নিরাকারে বিশ্বাস, তাত ভালই । তবে এ বুদ্ধি কোরো না যে,— এইটী কেবল সত্য, আর সব মিথ্যা । এইটী জেনো যে নিরাকারও সত্য, আবার সাকারও সত্য । তোমার যেটী বিশ্বাস, সেইটীই ধ’রে থাক্বে ।

মাষ্টার দুইই সত্য এই কথা বার বার শুনিয়া অবাক্ হইয়া রহিলেন । একথা ত তাঁহার পুথিগত বিজ্ঞান মধ্যে নাই !

তাঁহার অহঙ্কার তৃতীয়বার চূর্ণ হইতে লাগিল । কিন্তু এখনও সম্পূর্ণ হয় নাই । তাই আবার একটু তর্ক করিতে অগ্রসর হইলেন ।

মাষ্টার । আচ্ছা, তিনি সাকার, এ বিশ্বাস যেন হ’ল । কিন্তু মাটির প্রতিমা তিনি ত ন’ন—

শ্রীরামকৃষ্ণ । মাটি কেন গো ! চিন্ময়ী প্রতিমা ।

মাটির “চিগরী প্রতিমা” বুঝিতে পারিলেন না। বলিলেন, আচ্ছা যারা মাটির প্রতিমা পূজা করে, তাদের ত বুঝিয়ে দেওয়া উচিত যে, মাটির প্রতিমা ঈশ্বর নয়, আর প্রতিমার সম্মুখে ঈশ্বরকে উদ্দেশ্য ক’রে পূজা করো ; মাটিকে পূজা করা উচিত নয়।

[লেকচার (Lecture) ও ঠাকুর শ্রীরামকৃষ্ণ ।]

শ্রীরামকৃষ্ণ (বিরক্ত হইয়া)। তোমাদের ক’ল্কাতার লোকের ওই এক! কেবল লেকচার দেওয়া, আর বুঝিয়ে দেওয়া! আপনাকে কে বোঝায় তার ঠিক নাই। তুমি বুঝাবার কে? খাঁর জগৎ তিনি বুঝাবেন! যিনি এই জগৎ ক’রেছেন, চন্দ্র সূর্য্য মানুষ জীব জন্তু করেছেন; জীবজন্তুদের খাবার উপায়, পালন ক’রবার জন্তু মা বাপ, করেছেন, মা বাপের স্নেহ ক’রেছেন, তিনিই বুঝাবেন। তিনি এত উপায় ক’রেছেন, আর এ উপায় করবেন না? যদি বুঝাবার দরকার হয়, তিনিই বুঝাবেন। তিনি ত অস্বর্ধ্যামী। যদি ঐ মাটির প্রতিমা পূজা করাতে, কিছু ভুল হয়ে থাকে, তিনি কি জানেন না—ঠাঁকেই ডাকা হচ্ছে? তিনি ঐ পূজাতেই সঙ্কট হইয়েন। তোমার ওর জন্তু মাথা বাথা কেন? তুমি নিজের যাতে জ্ঞান হয়, ভক্তি হয়, তার চেষ্টা কর!

এইবার তাঁহার অহঙ্কার বোধ হয় একবারে চূর্ণ হইল।

তিনি ভাবিতে লাগিলেন, ইনি যা বলছেন তাতে ঠিক। আমার বুঝাতে যাবার কি দরকার? আমি কি ঈশ্বরকে জেনেছি—না আমার তাঁর উপর ভক্তি হয়েছে! “আপনি শুভে স্থান পায় না শঙ্করাকে ডাকে।” জানি না, শুনি না, পরকে বুঝাতে যাওয়া বড়ই লঙ্কার কথা ও হীনবুদ্ধির কাজ! একি অঙ্কশাস্ত্র, না ইতিহাস, না সাহিত্য, যে পরকে বুঝাবে? এ যে ঈশ্বরতত্ত্ব! ইনি যা বলছেন, মনে বেশ লাগছে।

ঠাকুরের সহিত তাঁহার এই প্রথম ও শেষ তর্ক।

শ্রীরামকৃষ্ণ। তুমি মাটির প্রতিমা পূজা ব’ল্ছিলে। যদি মাটিরই হয়, সে পূজাতে প্রয়োজন আছে। নানা রকম পূজা ঈশ্বরই আয়োজন ক’রেছেন। যার জগৎ, তিনিই এ সব করেছেন—অধিকারী ভেদে। যার যা পেটে সন্ন, মা সেইরূপ খাবার বন্দোবস্ত করেন।

দক্ষিণেশ্বরমন্দিরে শ্রীরামকৃষ্ণ । দ্বিতীয় দর্শন । ২৫

“এক মার পাঁচ ছেলে । বাড়ীতে মাহ এসেছে । মা মাহের জানা রকম ব্যঞ্জন ক’রেছেন—বার বা পেটে নয় । কারও জন্ত মাহের পোলোয়া, কারও জন্ত মাহের অখল, মাহের চড়ুচড়ি, মাহ ভাজা, এই সব ক’রেছেন । যেটা বার ভাল লাগে । যেটা বার পেটে নয় । বুঝলে ?

মাষ্টার । আজ্ঞা হাঁ ।

পঞ্চম পরিচ্ছেদ ।

সংসারার্ণবোবে যঃ কর্ণধারশ্বরূপকঃ ।

নমোহন্ত রামকৃষ্ণায় তস্যৈ শ্রীগুরবে নমঃ ॥

[ভক্তিস্তম্ভ উপাস্তম্ভ ।]

মাষ্টার (বিনীত ভাবে) । ঈশ্বরের কি ক’রে মন হয় ।

শ্রীরামকৃষ্ণ । ঈশ্বরের নাম গুণ গান সর্বদা ক’রতে হয় । আর সংসার—ঈশ্বরের ভক্ত বা সাধু, এঁদের কাছে মাঝে মাঝে যেতে হয় । সংসারের ভিতর ও বিষয় কাজের ভিতর রাত দিন থাকলে ঈশ্বরে মন হয় না । মাঝে মাঝে নির্জনে গিয়ে তাঁর চিন্তা করা বড় দরকার । প্রথম অবস্থায় মাঝে মাঝে নির্জন না হ’লে ঈশ্বরে মন রাখা বড়ই কঠিন ।

“যখন চারাগাছ থাকে, তখন তার চারিদিকে বেড়া দিতে হয় । বেড়া না দিলে ছাগল গরুতে খেয়ে কেলে ।

“ধ্যান ক’রবে মনে, কোণে ও বনে । আর সর্বদা সদসৎ বিচার ক’রবে । ঈশ্বরই সৎ, কিনা নিতাবস্ত, আর সব অসৎ, কিনা অনিত্য । এই বিচার ক’রতে ক’রতে অনিত্য বস্ত মন থেকে ত্যাগ ক’রবে ।”

মাষ্টার (বিনীতভাবে) । সংসারে কি রকম ক’রে থাকতে হবে ?

[গৃহস্থ সম্ম্যাস । উপাস্তম্ভ - নিরাকর্ষনে সাধন ।]

শ্রীরামকৃষ্ণ । সব কাজ ক’রবে, কিন্তু মন ঈশ্বরেতে রাখবে । স্ত্রী পুত্র, বাপ, মা, সকলকে নিয়ে থাকবে ও সেবা করবে । যেন কত আপনার লোক । কিন্তু মনে জানবে যে তারা তোমার কেউ নয় ।

“বড় মানুষের বাড়ীর দাসী সব কাজ ক’রেছে, কিন্তু দেশে নিজের বাড়ীরদিকে মন প’ড়ে আছে । আবার সে, মনিবের ছেলের

আপনার ছেলের মত মানুষ করে। বলে, ‘আমার রাম’ ‘আমার হরি’। কিন্তু মনে বেশ জানে—এরা আমার কেউ নয়।

“কল্প জলে চ’রে বেড়ায়, কিন্তু তার মন কোথায় প’ড়ে আছে জান?—আড়ায় প’ড়ে আছে। যেখানে তার ডিমগুলি আছে। সংসারের সব-কর্ম ক’রবে, কিন্তু ঈশ্বরে মন ফেলে রাখবে।

“ঈশ্বরে ভক্তি লাভ না ক’রে যদি সংসার ক’রতে যাও, তাহ’লে আরও জড়িয়ে প’ড়বে। বিপদ, শোক, তাপ, এ সব অধৈর্য্য হ’য়ে যাবে। আর যত বিষয় চিন্তা ক’রবে, ততই আসক্তি বাড়বে।

“তেল হাতে মেখে তবে কাঁটাল ভাজতে হয়। তা না হ’লে হাতে আটা জড়িয়ে যায়। ঈশ্বরে ভক্তিরূপ তেল লাভ ক’রে তবে সংসারের কাজে হাত দিতে হয়।

“কিন্তু এই ভক্তি লাভ ক’রতে হ’লে নির্জনে হওয়া চাই। মাখন তুলতে গেলে নির্জনে দই পাততে হয়। দইকে নাড়ানাড়ি ক’রলে দই বসে না। তার পর নির্জনে ব’সে সব কাজ ফেলে, দই মখন ক’রতে হয়। তবে মাখন তোলা যায়।

“আবার দেখ, এই মনে নির্জনে ঈশ্বর চিন্তা করলে, জ্ঞান বৈরাগ্য ভক্তি লাভ হয়। কিন্তু সংসারে ফেলে রাখলে ঐ মন নীচ হ’য়ে যায়। সংসারে কেবল কামিনী-কাঞ্চন চিন্তা।

“সংসার জল, আর মনটা যেন দুধ। যদি জলে ফেলে রাখ, তাহ’লে দুধে জলে মিশে এক হ’য়ে যায়, খাঁটি দুধ খুঁজে পাওয়া যায় না। দুধকে দই পেতে মাখন তুলে যদি জলে রাখা যায়, তাহ’লে ভাসে। তাই নির্জনে সাধনা দ্বারা আগে জ্ঞানভক্তিরূপ মাখন লাভ করবে। সেই মাখন সংসারজলে ফেলে রাখলেও মিশবে না; ভেসে থাকবে।

“সঙ্গে সঙ্গে বিচার করা খুব দরকার। কামিনী-কাঞ্চন অনিত্য। ঈশ্বরই একমাত্র বস্তু। টাকায় কি হয়? ভাত হয়, ডাল হয়, কাপড় হয়, থাকবার জায়গা হয়, এই পর্য্যন্ত। ভগবান্ লাভ হয় না। তাই, টাকা জীবনের উদ্দেশ্য হ’তে পারে না। এর নাম বিচার। বুঝেছ?”

মাষ্টার । আচ্ছা, হাঁ ; প্রবোধচন্দ্রোদয় নাটক ‘আমি সম্প্রতি প’ড়েছি, তাতে আছে “বস্তুবিচার ।”

শ্রীরামকৃষ্ণ । হাঁ, বস্তুবিচার । এই দেখ, টাকাতোই বা কি আছে, আর সুন্দর দেহেই বা কি আছে ! বিচার কর, সুন্দরীর দেহেতেও কেবল হাড়, মাংস, চর্বি, মল, মূত্র এই সব আছে । এই সব বস্তুতে, মানুষ ঈশ্বরকে ছেড়ে কেন মন দেয় ? কেন ঈশ্বরকে ভুলে যায় ?

(ঈশ্বর দর্শনের উপায়)

মাষ্টার । ঈশ্বরকে কি দর্শন করা যায় ?

শ্রীরামকৃষ্ণ । হাঁ, অবশ্য করা যায় । মাঝে মাঝে নির্জুনে বাস ; তাঁর নাম গুণ গান, বস্তু-বিচার ; এই সব উপায় অবলম্বন কর্তে হয় ।

মাষ্টার । কি অবস্থাতে তাঁকে দর্শন হয় ?

শ্রীরামকৃষ্ণ । খুব ব্যাকুল হলে কাঁদলে তাঁকে দেখা যায় । মাগ ছেলের জন্ম লোকে এক ঘটি কাঁদে ; টাকার জন্ম লোকে কেঁদে ভাসিয়ে দেয় ; কিন্তু ঈশ্বরের জন্ম কে কাঁদে ? ডাকার মত ডাকতে হয় । [এই বলিয়া ঠাকুর গান ধরিলেন—

“ডাক দেখি মন ডাকার মত কেমন শ্রামা থাকতে পারে ।

কেমন শ্রামা থাকতে পারে, কেমন কালী থাকতে পারে ॥

মন যদি একান্ত হও, জবা বিষদল লও , ভক্তি চন্দন মিশাইয়ে (মার) পদে পুষ্পাঞ্জলি দাও ॥

“ব্যাকুলতা হ’লেই অরুণ উদয় হ’ল । তার পর সূর্য দেখা দিবেন । ব্যাকুলতার পরই ঈশ্বর দর্শন ।

“তিন টান হ’লে তবে তিনি দেখা দেন—বিষয়ীর বিষয়ের উপর, মায়ের সন্তানের উপর, আর সতীর পতির উপর, টান । এই তিন টান যদি কা’রও এক সঙ্গে হয়, সেই জোরে ঈশ্বরকে লাভ করতে পারে ।

“কথাটা এই, ঈশ্বরকে ভালবাসতে হবে । মা যেমন ছেলেকে ভালবাসে, সতী যেমন পতিকে ভালবাসে, বিষয়ী যেমন বিষয় ভালবাসে । এই তিন জনের ভালবাসা, এই তিন টান, একত্র করলে যতখানি হয়, ততখানি ঈশ্বরকে দিতে পারলে তাঁর দর্শন লাভ হয় ।

“ব্যাকুল হ’য়ে তাঁকে ডাকা চাই। বিভাগের ছানা কেবল মিউ মিউ ক’রে মাকে ডাকতে জানে। মা তাকে যেখানে রাখে, সেইখানে থাকে—কখনও হেঁশালে, কখনও মাটির, উপর, কখনও বা নিছানার উপর রেখে দেয়। তার কষ্ট হ’লে সে কেবল মিউ মিউ ক’রে ডাকে, আর কিছু জানে না। মা যেখানেই থাকুক, এই মিউ মিউ শব্দ শুনে এসে পড়ে।”

ষষ্ঠ পরিচ্ছেদ ।

তৃতীয় দর্শন ।

“সর্বভূতস্বাম্যনং সর্বভূতানি চাশ্বনি ।

ঈক্ষতে যোগবুদ্ধাশ্চা সর্বত্র সমদর্শনঃ ॥”

(নরেন্দ্র, ভবনাথ, মাষ্টার)

মাষ্টার তখন বরাহনগরে ভগিনীর বাড়ীতে ছিলেন। ঠাকুর শ্রীরামকৃষ্ণকে দর্শন করা অবধি সর্বক্ষণ তাঁহারই চিন্তা। সর্বদাই যেন সেই আনন্দময় মূর্তি দেখিতেছেন ও তাঁহার সেই অমৃতময়ী কথা শুনিতেছেন! ভাবিতে লাগিলেন, এই দরিদ্র ব্রাহ্মণ কিরূপে এই সব গভীর তত্ত্ব অনুসন্ধান করিলেন ও জানিলেন? আর এত সহজে এই সকল কথা বুঝাইতে তিনি এ পর্যন্ত কাহাকেও কখনও দেখেন নাই। কখন তাঁহার কাছে যাইবেন ও আবার তাঁহাকে দর্শন করিবেন এই কথা রাত্রি দিন ভাবিতেছেন।

দেখিতে দেখিতে রবিবার আসিয়া পড়িল। বরাহনগরের নেপাল বাবুর সঙ্গে বেলা ৩টা ৪টার সময় তিনি দক্ষিণেশ্বরের বাগানে আসিয়া পঁহুছিলেন। দেখিলেন, সেই পূর্বপরিচিত ঘরের মধ্যে ঠাকুর শ্রীরামকৃষ্ণ ছোট ভক্তাপোষের উপর বসিয়া আছেন। ঘরে এক ঘর লোক। রবিবারে অবসর হইয়াছে তাই ভক্তেরা দর্শন করিতে আসিয়াছেন। এখনও মাষ্টারের সঙ্গে কাহারও আলাপ হয় নাই। তিনিও সত্ৰামধ্যে এক পার্শ্বে আসন গ্রহণ করিলেন। দেখিলেন, ভক্তসঙ্গে সহাস্ত বদমে ঠাকুর কথা কহিতেছেন।

একটা উনবিংশতিবর্ষব্যয়ক ছোকরাকে উদ্দেশ্য করিয়া ও তাঁহার দিকে স্তাকাইয়া ঠাকুর যেন কত আনন্ডিত হইয়া অনেক কথা

বলিতেছিলেন । নাম নরেন্দ্র । কলেজে পড়েন ও সাধারণ ব্রাহ্ম সমাজে যাতায়াত করেন । কথাগুলি তেজঃপরিপূর্ণ । চক্ষু দুটা উজ্জল । ভক্তের চেহারা ।

মাষ্টার অনুমানে বুঝিলেন যে, কথাটা বিষয়াসক্ত সংসারী ব্যক্তির সহজে হইতেছিল । যারা কেবল ঈশ্বর ঈশ্বর করে ও ধর্ম ধর্ম করে তাদের ঐ সকল ব্যক্তির নিন্দা করে ॥ আর সংসারে কতদুঃখ লোক আছে তাদেরসঙ্গে কিরূপ ব্যবহার করা উচিত, এসব কথা হইতেছে

শ্রীরামকৃষ্ণ (নরেন্দ্রের প্রতি) । নরেন্দ্র ! তুই কি বলিস্ ? সংসারী লোকেরা কত কি বলে । কিন্তু ভাখ্, হাতী যখন চলে যায়, পেছনে কত জানোয়ার কত রকম চীৎকার করে । কিন্তু হাতী কিরে চায় না । তোকে যদি কেউ নিন্দা করে, তুই কি মনে ক'রবি ?

নরেন্দ্র । আমি মনে করব, কুকুর ঘেউ ঘেউ ক'রছে ।

শ্রীরামকৃষ্ণ(সহাস্ত্রে) । না রে অতো দূর নয় । (সকলের হাস্য)ঈশ্বর সর্বভূতে আছেন । তবে ভাল লোকের সঙ্গে মাখামাখি চলে, মন্দ লোকের কাছ থেকে তফাৎ থাকতে হয় । বাঘের ভিতরও নারায়ণ আছেন , তা ব'লে,বাঘকে আলিঙ্গন করা চলে না (সকলের হাস্য) । যদি বল বাঘ তো নারায়ণ, তবে কেন পালাবো । তার উত্তর—যারা ব'লছে 'পালিয়ে এসো', তারাও নারায়ণ, তাদের কথা কেন না শুনি ।

“একটা গল্প শোন । কোন এক বনে একটা সাধু থাকে । তাঁর অনেকগুলি শিষ্য । তিনি এক দিন শিষ্যদের উপদেশ দিলেন যে, সর্বভূতে নারায়ণ আছেন, এইটা জেনে সকলকে নমস্কার ক'রবে । এক দিন একটা শিষ্য হোমের জন্তু কাঠ আনতে বনে গিছলো । এমন সময়ে একটা রব উঠলো, 'কে কোথায় আছ পালাও—একটা পাগলা হাতী যাচ্ছে !' সবাই পালিয়ে গেল, কিন্তু শিষ্যটা পালান না । সে জানে যে, হাতীও যে নারায়ণ, তবে কেন পালাব ? এই বলে দাঁড়িয়ে রইল ; নমস্কার ক'রে স্তব স্তুতি ক'রতে লাগলো ; এ দিকে মাছত চেষ্টিয়ে বলছে, 'পালাও' 'পালাও' । শিষ্যটি তবুও নড়লো না । শেষে হাতীটা শুঁড়ে ক'রে তুলে নিয়ে তাকে এক ধারে ছুড়ে কেলে দিয়ে চ'লে গেল । শিষ্য কতবিকৃত হ'য়ে ও অচেতন হ'য়ে প'ড়ে রইল ।

“এইসংবাদ পেয়ে গুরু ও অন্যান্য শিষ্যেরা তাকে আশ্রমে ধরা-ধরি ক’রে নিয়ে গেল । আর ঔষধ দিতে লাগলো । খানিক ক্রম পরে চেতনা হ’লে ওকে কেউ সিঁচ্ছাসা ক’রলে, ‘তুমি হাতী আসছে শুনেও কেন চ’লে গেলে না ?’ সে ব’লে, ‘গুরুদেব যে আমায় ব’লে দিহ’লেন যে, নারায়ণই মানুষ জীব জন্তু সব হ’য়েছেন । তাই আমি হাতী নারায়ণ আসছে দেখে সেখান থেকে স’রে যাই নাই ।’ গুরু তখন বল্লেন, ‘বাবা, হাতী নারায়ণ আসছিলেন বটে, তা সত্য ; কিন্তু বাব, মাছ’ত নান্নাস্রণ তো তোমায় বারণ করেছিলেন । যদি সবই নারায়ণ, তবে তার কথা বিশ্বাস করলে না কেন ? মাছ’ত নারায়ণের কথাও শুনতে হয় ।’ (সকলের হাস্য) ।

“শাস্ত্রে আছে ‘আপো নারায়ণঃ’—জল নারায়ণ । কিন্তু কোনও জল ঠাকুরসেবায় চলে , আবার কোন জলে আঁচানো, বাসন মাজা, কাপড় কাচা কেবল চলে, কিন্তু খাওয়া বা ঠাকুরসেবা চলে না । তেমনি সাধু, অসাধু ভক্ত, অভক্ত, সকলেরি হৃদয়ে নারায়ণ আছেন । কিন্তু অসাধু অভক্ত ছুঁষ্ট লোকের সঙ্গে ব্যবহার চলে না । মাখামাখি চলে না । কারও সঙ্গে কেবল মুখের আলাপ পর্য্যন্ত চলে, আবার কারও সঙ্গে তাও চলে না । ঐরূপ লোকের কাছ থেকে তফাতে থাকতে হয় ।”

একজন ভক্ত । মহাশয় ! যদি ছুঁষ্ট লোকে অনিষ্ট ক’রতে আসে বা অনিষ্ট করে, তা হ’লে কি চুপ ক’রে থাকা উচিত ?

[গৃহস্থ ও তমোগুণ ।]

শ্রীরামকৃষ্ণ । লোকের সঙ্গে বাস ক’রতে গেলেই, ছুঁষ্ট লোকের হাত থেকে আপনাকে রক্ষা করবার জন্ত একটু তমোগুণ দেখান দরকার । কিন্তু সে অনিষ্ট করবে বলে, উণ্টে তার অনিষ্ট করা উচিত নয় ।

“এক মাঠে এক রাখাল গরু চরাতো । সেই মাঠে একটা ভয়ানক বিষাক্ত সাপ ছিল । সকলেই সেই সাপের ভয়ে অত্যন্ত সাবধানে থাকতো । এক দিন একটা ব্রহ্মচারী সেই মাঠের পথ দিয়ে আসছিল রাখালেরা দৌড়ে এসে ব’লে, ‘ঠাকুর মহাশয় ! ওদিক দিয়ে যাবেন না । ওদিকে একটা ভয়ানক বিষাক্ত সাপ আছে ।’ ব্রহ্মচারী বল্লেন

'বাবা তা হোক আমার তাতে ভয় নাই, আমি মন্ত্র জানি।' এই কথা বলে ব্রহ্মচারী সেই দিকে চ'লে গেল। রাখালেরা ভয়ে কেউ সঙ্গে গেল না। এ দিকে সাপটা কণা তুলে দৌড়ে আসছে, কিন্তু কাছে না আসতে আসতে ব্রহ্মচারী বেই একটা মন্ত্র প'ড়লে, অমনি সাপটা কেঁচোর মতন পায়ের কাছে প'ড়ে রইল। ব্রহ্মচারী বলে, ওরে! তুই কেন পরের হিংসা ক'রে ক'রে বেড়াস, আর তোকে মন্ত্র দিব। এই মন্ত্র জ'পলে তোর ভগবানে ভক্তি হবে, ভগবান্ লাভ হবে, আর হিংসা প্রযুক্তি থাকবে না।' এই বলে সে সাপকে মন্ত্র দিল। সাপটা মন্ত্র পেয়ে গুরুকে প্রণাম ক'রলে, আর জিজ্ঞাসা ক'রলে, 'ঠাকুর! কি ক'রে সাধনা ক'রব বলুন।' গুরু বল্লেন, এই মন্ত্র জ'প কর, আর কা'রও হিংসা কোরো না।' ব্রহ্মচারী বাবার সময় ব'ল্লেন, 'আমি আবার আসবো।'

"এই রকমে কিছু দিন যায়। রাখালেরা দেখে যে, সাপটা আর কামড়াতে আসে না। ঢালা মারে, তবুও রাগ হয় না, যেন কেঁচোর মতন হয়ে গেছে। একদিন একজন রাখাল কাছে গিয়ে ল্যাজ্ ধ'রে খুব ঘুরপাক দিয়ে তাকে আছড়ে আছড়ে কেলে দিলে। সাপটার মুখ দিয়ে রক্ত উঠতে লাগলো, আর সে অচেতন হ'য়ে প'ড়লো। নড়ে না, চড়ে না। রাখালেরা মনে ক'রলে যে সাপটা ম'রে গেছে। এই মনে ক'রে তারা সব চলে গেল।

"অনেক রাতে সাপের চেতনা হ'লো। সে আন্তে আন্তে অতি কষ্টে তার গর্ভের ভিতর চ'লে গেল। শরীর চূর্ণ,—নড'বার শক্তি নাই। অনেক দিন পরে যখন অস্থিচর্মসার, তখন বাহিরে আহ্বানের চেষ্টায় রাতে এক একবার চ'রতে আসতো; ভয়ে দিনের বেলা আসত না; মন্ত্র লওয়া অবধি আর হিংসা করে না। মাটি, পাতা, গাছ থেকে প'ড়ে গেছে এমন ফল, খেয়ে প্রাণধারণ ক'রতো।

"প্রায় এক বৎসর পরে ব্রহ্মচারী সেই পথে আবার এলো। এসেই সাপের সন্ধান ক'রলে। রাখালেরা বলে, সে সাপটা ম'রে গেছে। ব্রহ্মচারীর কিন্তু ও কথা বিশ্বাস হ'লো না। সে জানে, যে মন্ত্র ও নিয়েছে তা সাধন না হ'লে দেহভ্যাগ হবে না। খুঁজ খুঁজে সেই

দিকে তার দেওয়া নাম ধ'রে ডাকতে লাগলো । সে গুরুদেবের আও-
 রাজ্ঞ শুনে গর্ভ থেকে বেরিয়ে এলো, ও খুব ভক্তিভাবে প্রণাম ক'রলে ।
 ব্রহ্মচারী ভিজ়াসা ক'রলে “তুই কেমন আছিস ?” সে ব'লে, “আজ্ঞে
 ভাল আছি ।” ব্রহ্মচারী ব'লে, “তবে তুই এত রোগা হ'য়ে গিছিস
 কেন ?” সাপ বলে “ঠাকুর ! আপনি আদেশ ক'রেছেন,—কারও
 হিংসা কোরো না । তাই পাতাটা, কলটা খাই ব'লে, বোধ হয় রোগা
 হ'য়ে গিছি !” ওর সঙ্গুণ হয়েছে কি না, তাই কারু উপর ক্রোধ
 নাই । সে ভুলেই গিছিলো যে, রাখালেরা মেরে ফেলবার ষোণাড়
 ক'রেছিল ! ব্রহ্মচারী ব'লে, “শুধু না খাওয়া দারুন এরূপ অবস্থা
 হয় না, অবশ্য আরো কারণ আছে , ভেবে চাখ্ ।” সাপটার মনে
 প'ড়লো যে, রাখালেরা আছাড় মেরেছিল । তখন সে ব'লে “ঠাকুর,
 মনে প'ড়েছে বটে, রাখালেরা একদিন আছাড় মেরেছিল । তারা
 অজ্ঞান, জানে না যে আমার মনের কি অবস্থা; আমি যে কাহাকেও
 কামড়াব না বা কোনরূপ অনিষ্ট ক'রবো না, কেমন ক'রে জান্বে ?”
 ব্রহ্মচারী বলে, “ছি ! তুই এত বোকা, আপনাকে রক্ষা ক'রতে
 জানিস্ না ; আমি কামড়াতেই বারণ ক'রেছি কোঁষ ক'রতে নয় ।
 কোঁষ ক'রে তাদের ভয় দেখাস নাই কেন ?”

“দুই লোকের কাছে কোঁষ ক'রতে হয় । ভয় দেখাতে হয়, পাছে
 অনিষ্ট করে । তাদের গায়ে বিব ঢালতে নাই, অনিষ্ট ক'রতে নাই ।

[ভিন্ন প্রকৃতি । Are all men equal ?]

শ্রীরামকৃষ্ণ । ঈশ্বরের সৃষ্টিতে নানা রকম জীব, জন্তু, গাছ পালা
 আছে । জানোয়ারের মধ্যে ভাল আছে, মন্দ আছে । বাঘের মত
 হিংস্র জন্তু আছে । গাছের মধ্যে অন্তের শ্রায় কল হয় এমন আছে
 আবার বিবকলও আছে । তেমনি মানুষের মধ্যে ভাল আছে, মন্দও
 আছে ; সাধু আছে, অসাধুও আছে , সংসারী জীব আছে, আবার
 ভক্ত আছে ।

“জীব চার প্রকার ;—বহুজীব, মুমুকুজীব, যুক্তজীব ও নিত্যজীব ।

শুনিত্যজীব ;—যেমন নারদাদি । এরা সংসারে থাকে, জীবের
 মঙ্গলের জন্ত—জীবদিগকে শিক্ষা দিবার জন্ত ।

‘বন্ধজীব বিবরে আসক্ত হুঁচারটাকে, আর কঁকালবান্কে ভুলে থাকে—
ভুলেও ভগবানের চিন্তা করে না । মুমুকুজীব;—যারা মুক্ত হবার ইচ্ছা
করে । কিন্তু তাদের মধ্যে কেউ মুক্ত হ’তে পারে, কেউ বা পারে না ।

‘মুক্তজীব;—যারা সংসারে কামিনী কাঞ্চনে আঁর্ষিক নর—বেমন
সাধু মহাত্মারা ; যাদের মনে বিবর্তবুদ্ধি নাই, আর যারা সর্বদা হরি-
পাদপদ্ম চিন্তা করে ।

‘বেমন জাল কেলা হয়েছে পুকুরে । হুঁচারটা মাহ একম সেরানা
যে কখনও জালে পড়ে না—এরা নিতাজীবের উপমাশূল । • কিন্তু
অনেক মাহই জালে পড়ে । এদের মধ্যে কতকগুলি পালংবার চেষ্টা-
করে ; এরা মুমুকুজীবের উপমাশূল । কিন্তু সব মাহই পালাতে পারে
না । হুঁচারটা ধপাড্, ধপাড্, ক’রে জাল থেকে পালিয়ে যায়,—তখন
জেলেরা বলে—ঐ একটা মস্ত মাহ পালিয়ে গেল ! কিন্তু কঁকাল-জালে
প’ড়েছে, অধিকাংশই পালাতেও পারে না । আর পালাবার চেষ্টাও
করে না । বরং জাল মুখে ক’রে পুকুরের পাঁকের ভিতরে গিয়ে চূপ
ক’রে মুখ গুঁজড়ে শুয়ে থাকে—মগ্ন করে, ‘আর কোন ভয় নাই;
আমরা বেশ আছি ।’ কিন্তু জানে না যে, জেলে হড়্ হড়্ ক’রে
টেনে আড়ার তুলবে । একই বন্ধজীবের উপমাশূল । . . .

[সংসারী লোক, বন্ধজীব ।]

‘বন্ধজীবেরা সংসারের কামিনী কাঞ্চনে বন্ধ হ’য়েছে । কাত পা
বাঁধা । আবার মনে করে যে, সংসারের ঐ কামিনী ও কাঞ্চনেতেই
সুখ হবে, আর নির্ভয়ে থাকবে । জানে না যে, ওতেই মৃত্যু হবে ।
বন্ধজীব বন্ধন মরে তার পরিবার বলে, ‘কুমি তো চ’রে, আবার-কি
ক’রে গেলে ?’ আবার এমনি মারা যে, প্রতীপটোতে বেশী সজ্জ-
বল্লুয়ে বন্ধজীব বলে, তেরা পুড়ে যাবে, মলতে কমিরে দাও ।’ এদিকে
মৃত্যুপথ্যার শুয়ে রয়েছে ।

‘বন্ধজীবেরা ঈশ্বরচিন্তা করে না । যদি সাক্ষর হত, তা হ’লে
হয় আবার তাহারা স্নানকো গরু ক’রে, নয় মিছে কাজ করে ।
অজ্ঞান্য ক’লে বলে, আমি চূপ ক’রে থাকতে পারি না, তাই বেড়া
বাঁধছি । হয় হেঁচক, ক’রে না-জেলে তুল খেলেই আবার-ক’রে টে-
(সত্যের স্তম্ভ ।)

সপ্তম পরিচ্ছেদ ।

“বোমামজমনাথিক বেতি লোকমহেশ্বরম্ ।

অসংসৃতঃ স মর্তেবু সৰ্বপাটৈঃ প্রমুচ্যতে ॥” গীতা , ১১,৩ ।

[উপায়—বিশ্বাস ।]

একজন ভক্ত । মহাশয়, এরূপ সংসারী জীবের কি উপায় নাই ?

শ্রীরামকৃষ্ণ । অবশ্য উপায় আছে । মাঝে মাঝে সাধুসঙ্গ আর মাঝে মাঝে নির্মলনে থেকে ঈশ্বরচিন্তা, করতে হয় । আর বিচার করতে হয় । তাঁর কাছে প্রার্থনা করতে হয়, আমাকে তঁর ভক্তি বিশ্বাস দাও ।

“বিশ্বাস হ'য়ে গেলেই হ'ল । বিশ্বাসের চেয়ে আর জিনিষ নাই ।

(কেদারের প্রতি) “বিশ্বাসের কত জোর তা তো শুনেছ ? পুরাণে আছে, রামচন্দ্র যিনি সান্নাৎ পূর্ণব্রহ্ম নারায়ণ, তাঁর লঙ্কায় যেতে সেতু বাঁধতে হ'ল । কিন্তু হনুমান রামনামে বিশ্বাস ক'রে লাফ দিয়ে সমুদ্রের পারে গিয়ে প'ড়ল । তার সেতুর দরকার নাই । (সকলের হাস্য ।)

“বিতীর্ণণ একটা পাতায় রাম নাম লিখে, ঐ পাতাটী একটা লোকের কাপড়ের খোঁটে বেঁধে দিচ্ছল । সে লোকটী সমুদ্রের পারে বাবে !” বিতীর্ণণ তাকে ব'লে, তোমার ভয় নাই, তুমি বিশ্বাস ক'রে জলের উপর দিয়ে চ'লে যাও, কিন্তু দেখো, যাই অবিশ্বাস ক'রবে, অমনি জলে ডুবে বাবে । লোকটী বেশ সমুদ্রের উপর দিয়ে চলে যাচ্ছিল । এমন সময়ে তার ভারি ইচ্ছা হল যে, কাপড়ের খোঁটে কি বাঁধা আছে একবার চ্চাখে । খুলে চ্চাখে যে, কেবল স্ত্রীস্বাক্ষর লেখা র'য়েছে, তখন সে ভাবলে, এ কি ! শুধু রামনাম একটা লেখা র'য়েছে । যাই অবিশ্বাস, অমনি ডুবে গেল ।

“যার ঈশ্বরে বিশ্বাস আছে, সে যদি মহাপাতক করে—গো,ব্রাহ্মণ, স্ত্রী হত্যা করে,—তবুও ভগবানের এটী বিশ্বাসের বলে ভারি ভারি পাপ থেকে উদ্ধার হ'তে পারে । সে যদি বলে,আর আমি এমন কাজ ক'রবো না, তার কিছুতেই ভয় হয় না । এই বলিয়া ঠাকুর গান ধরিলেন—

[সীতা । মহাপাতক ও নামমাহাত্ম্য ।]

“আমি দুর্গা দুর্গা বললে মা যদি শ্রদ্ধা ।

আখেরে এ দীনে, না তার কেবনে, জানা বাবে গো নন্দরী ॥

নাশি গো ব্রাহ্মণ, হত্যা করি জন্ম, হুরাপান-আদি কিনাশি মারী ।

এ সব পাতক, না ভাবি তিলেক, ব্রহ্মপদ নিতে পারি ॥

[নরেশ্বর, হোমাপাখী ।]

“এই ছেলেটিকে দেখছ, এখানে এক রকম । ছরস্ত ছেলে বাবার কাছে যখন বসে, যেমন জুজুটী ; আবার চাঁদনিড়ে যখন খালে, তখন আর এক মূর্তি । এরা নিত্যসিদ্ধের থাক । এরা সংসারে কখন বন্ধ হয় না । একটু বয়স হলেই চৈতন্য হয়, আর ভগবানের দিকে চ’লে যায় । এরা সংসারে আসে জীবিশঙ্কার জন্ম । এদের সংসারের বন্ধ কিছু ভাল লাগে না—এরা কামিনী কাঞ্চনে কখনও আসক্ত হয় না ।

“বেদে আছে হোম পাখীর কথা । খুব উঁচু আকাশে সে পাখী থাকে । সেই আকাশেতেই ডিম পাড়ে । ডিম পাড়লে ডিমটা পড়তে থাকে—কিন্তু এত উঁচু যে, অনেক দিন থেকে ডিম পড়তে থাকে । ডিম পড়তে পড়তে ফুটে যায় । তখন ছানাটা পড়তে থাকে । পড়তে পড়তে তার চোক ফুটে যায় । তখন ছানাটা পড়তে থাকে । পড়তে পড়তে তার চোক কোটে ও ডানা বেরোয় । চোক ফুটলেই দেখতে পায় যে, সে প’ড়ে যাচ্ছে, মাটিতে লাগলে একবারে চুরমার হ’য়ে যাবে । তখন সে পাখী মার দিকে একবারে চৌচা দৌড় দেয়, আর উঁচুতে উঠে যায় ।”

নরেশ্বর উঠিয়া গেলেন ।

সভামধ্যে কেদার, প্রাণকৃষ্ণ, মাষ্টার ইত্যাদি অনেকে ছিলেন ।

শ্রীরামকৃষ্ণ । ছাখো, নরেশ্বর গাইতে, বাজাতে, পড়া শুনার, সব তাতেই ভাল । সে দিন কেদারের সঙ্গে তর্ক কর’ছিল । কেদারের কথা—
গুলো কচ্ কচ্ করে কেটে দিতে লাগল ! (ঠাকুরের ও সকলের হাস্য)

(মাষ্টারের প্রতি) ইংরাজীতে কি কোন তর্কের বই আছে না ?

মাষ্টার । আছে হাঁ, ইংরাজীতে স্ত্রায়নাত্ম (Logic) আছে ।

শ্রীরামকৃষ্ণ । আচ্ছা, কি রকম একটু বল দেখি ।

মাষ্টার এইবার স্মৃষ্টিতে পড়িয়েন । বলিয়েন—“এক রকম আছে,

সাধারণ সিদ্ধান্ত থেকে বিশেষ সিদ্ধান্তে পৌঁছান, যেমন—সব মানুষ ম'রে যাবে ; পৃথিবীতরা মানুষ ; অতএব পৃথিবীতরা ম'রে যাবে ।

“আর এক রকম আছে, বিশেষ দৃষ্টান্ত বা ঘটনা থেকে সাধারণ সিদ্ধান্তে পৌঁছান। যেমন,—এ কাকটা কালো ; ও কাকটা কালো ; (আবার) যত কাক দেখছি, সবই কালো ; অতএব সব কাকই কালো ।

“কিন্তু এ রকম সিদ্ধান্ত ক'রলে ভুল হ'তে পারে , কেননা, হয় তো খুঁজ'তে খুঁজ'তে আর এক দেশে সাদা কাক দেখা গেল । আর এক দৃষ্টান্ত,—বেখানে বৃষ্টি, সেইখানে মেঘ ছিল বা আছে ; অতএব এই সাধারণ সিদ্ধান্ত হ'ল যে মেঘ থেকে বৃষ্টি হয় । আরো এক দৃষ্টান্ত ;—এ মানুষটার বত্রিশ দাঁত আছে ; ও মানুষটার বত্রিশ দাঁত . আবার যে কোন মানুষ দেখছি, তারই বত্রিশ দাঁত আছে । অতএব সব মানুষেরই বত্রিশ দাঁত আছে ।

“এরূপ সাধারণ সিদ্ধান্তের কথা ঈংরাজী শ্রীযশোদে আছে ।

শ্রীরামকৃষ্ণ কথামূলি শুনিলেন মাত্র । শুনিতে শুনিতেই অশ্রু-মনস্ক হইলেন । কাজে কাজেই আর এ বিষয়ে বেশী প্রসঙ্গ হইল না ।

অষ্টম পরিচ্ছেদ ।

শ্রুতিবিপ্রতিপত্তা তে যদা স্বাস্ততি নিচ্চনা ।

সমাধাবচনা বৃদ্ধিস্তদা যোগমবাপ্তসি ॥ গীতা, ১, ৫৩ ।

['সমাধি-মন্দিরে' ।]

সভাভঙ্গ হইল । ভক্তেরা এদিক্ ওদিক্ পাইচারি করিতেছেন । মাষ্টারও পঞ্চকটা ইত্যাদি স্থানে বেড়াইতেছেন, বেলা আন্দাজ পাঁচটা । কিরলক্ষণ পরে তিনি শ্রীরামকৃষ্ণের ঘরের দিকে আসিয়া দেখিলেন, ঘরের উত্তর দিকের ছোট বারান্ডার মধ্যে অদ্ভুত ব্যাপার হইতেছে ।

শ্রীরামকৃষ্ণ স্থির হইয়া দাঁড়াইয়া রহিয়াছেন । নরেন্দ্র গান করিতেছেন, দুই চারিজন ভক্ত দাঁড়াইয়া আছেন । 'মাষ্টার আসিয়া গান শুনিতছেন । গান শুনিয়া আকৃষ্ট হইয়া রহিলেন । 'ঠাকুরের গান

তৃতীয় দর্শন। দক্ষিণেশ্বরমন্দিরে মরেশ্বরাদি সঙ্গে শ্রীরামকৃষ্ণ। ৩৭
 ছাড়া এমন মধুর গান তিনি কখন কোথাও শুনে নাই। হঠাৎ
 ঠাকুরের দিকে দৃষ্টিপাত করিয়া অবাচ্ হইয়া রহিলেন। ঠাকুর
 দাঁড়াইয়া নিস্পন্দ, চক্কর পাতা পড়িতেছে না। নিশ্বাস প্রশ্বাস
 বহিছে কি না বহিছে। জিজ্ঞাসা করাতে একজন ভক্ত বলিলেন,
 এত নাম সন্মান। মাষ্টার এরূপ কখনও দেখেন নাই, শুনে নাই।
 অবাচ্ হইয়া তিনি ভাবিতেছেন, ভগবানকে চিত্তা করিয়া মানুষ কি
 এতো বাহ্যজ্ঞানশূন্য হয়? না জানি কতদূর বিশ্বাস ভক্তি থাকিলে
 এরূপ হয়! গানটি এই—

চিত্তস্থ অম আনস হরি চিদময় নিব্বাণেন।

(কিবা, অমুপমভাতি, মোহনমুরতি, ভকতহৃদয়রজন।

নবরাগে রঞ্জিত, কোটি শশী বিনিন্দিত, (কিবা) বিজলি চমকে,

সেরূপ আলোকে, পুনকে শিহরে জীবন।”

গানের এই চরণটি গাহিবার সময় ঠাকুর শ্রীরামকৃষ্ণ শিহরিতে
 লাগিলেন। দেহ রোমাঙ্কিত। চক্ষু হইতে আনন্দাশ্রু বিগলিত হইতেছে।
 মাঝে মাঝে যেন কি দেখিয়া হাসিতেছেন। না জানি ‘কোটি শশী
 বিনিন্দিত’ কি অমুপম রূপ দর্শন করিতেছেন। এরই নাম কি ভগবানের
 চিন্ময়-রূপ-দর্শন? কত সাধন করিলে, কত তপস্যার ফলে, কতখানি
 ভক্তি বিশ্বাসের বলে, এরূপ ঈশ্বর দর্শন হয়? আবার গান চলিতেছে।

“হৃদি কমলাসনে তজ্জ তাঁর চরণ,

দেখ শাস্ত্র মনে, প্রেম নয়নে, অপরূপ প্রিয়দর্শন।”

আবার সেই ভুবনমোহন হাস্য। শরীর সেইরূপ নিস্পন্দ। স্তম্ভিত
 লোচন। কিন্তু কি যেন অপরূপ রূপ দর্শন করিতেছেন। আর সেই
 অপরূপ রূপ দর্শন করিয়া যেন মহানন্দে ভাসিতেছেন।

এইবার গানের শেষ হইল। নরেশ্বর গাইলেন—

“চিদানন্দরসে, ভক্তিযোগাবেশে, হও রে চিরমগন।

(চিদানন্দরসে, হায় রে) (প্রেমানন্দরসে)”,

সমাধির ও প্রেমানন্দের এই অদ্ভুত ছবি হৃদয়মধ্যে গ্রহণ করিয়া
 মাষ্টার গৃহ প্রত্যাবর্তন করিতে লাগিলেন। মাঝে মাঝে হৃদয়মধ্যে
 সেই হৃদয়োন্মত্তকারী মধুর সঙ্গীতের কুট উঠিতে লাগিল।

“প্রেমানন্দ রসে হও রে চিরমগন।” (হরি প্রেমেন্দ্র হইয়ে)।

নবম পরিচ্ছেদ ।

চতুর্থ দর্শন ।

যং লব্ধ্বা চাপরং লাভং মত্ততে নাধিকং ততঃ ।

যন্মিন্ স্থিতো ন হুঃখেন গুৰুণাপি বিচাল্যতে ॥” গীতা, ৬, ২২ ।

[নরেন্দ্র, ভবনাথ প্রভৃতি সঙ্গে আনন্দ ।]

তাহার পরদিন ও ছুটি ছিল। বেলা তিনটার সময় মাষ্টার আবার আসিয়া উপস্থিত। ঠাকুর শ্রীরামকৃষ্ণ সেই পরিচিত ঘরে বসিয়া আছেন। মেজেতে মাদুর পাতা। সেখানে নরেন্দ্র, ভবনাথ, আরও দুই একজন বসিয়া আছেন। কয়টিই ছোকরা; উনিশ কুড়ি বৎসর বয়স। ঠাকুর সহাস্তবদন, ছোট তক্তাপোষের উপর বসিয়া আছেন, আর ছোকরাদের সহিত আনন্দে কথাবার্তা কহিতেছেন।

মাষ্টার ঘরে প্রবেশ করিতেছেন দেখিয়াই ঠাকুর উচ্চহাস্ত করিয়া ছোকরাদের বলিয়া উঠিলেন, ‘ঐ রে আবার এসেছে।’—বলিয়াই হাস্ত। সকলে হাসিতে লাগিল। মাষ্টার আসিয়া ভূমিষ্ঠ হইয়া প্রণাম করিয়া বসিলেন। আগে হাতযোড় করিয়া দাঁড়াইয়া প্রণাম করিতেন—ইংরাজিপড়া লোকেরা যেমন করে। কিন্তু আজ তিনি ভূমিষ্ঠ হইয়া প্রণাম করিতে শিখিয়াছেন। তিনি আসন গ্রহণ করিলে, শ্রীরামকৃষ্ণ কেন হাসিতেছিলেন, তাহাই নরেন্দ্রাদি ভক্তদের বুঝাইয়া দিতেছেন—

“ত্যাখ্ একটা মন্থরকে বেলা চারটার সময় আফিম খাইয়ে দিছিল। তারপর দিন ঠিক চারটার সময় মন্থরটা উপস্থিত—আফিমের মৌতাত ধ’রেছিল—ঠিক সময়ে আফিম খেতে এসেছে।” (সকলের হাস্ত)।

মাষ্টার মনে মনে ভাবিতেছেন, ইনি ঠিকই কথা বলিতেছেন। বাতীতে ঘাই, কিন্তু দিবানিশি ইঁহার দিকে মন পড়িয়া থাকে—কখন দেখিব, কখন দেখিব। এখানে কে যেন টেনে আনলে! মনে ক’রলে অল্প ব্যয়গায় যাবার যো নাই, এখানে আসতেই হবে। এইরূপ ভাবিতেছেন, ঠাকুর এদিকে ছোকরাগুলির সহিত অনেক কষ্টিনাট

চতুর্থ দর্শন । নরেন্দ্র ও ভবনাথাদি সঙ্গে শ্রীরামকৃষ্ণ । ৩৯
করিতে লাগিলেন যেন তারা সমবয়স্ক ! হাসির লহরী উঠিতে লাগিল ।
যেন আনন্দের হাট বসিয়াছে ।

মাষ্টার অবাক হইয়া এই অদ্ভুত চরিত্র দেখিতেছেন । ভাবিতেছেন,
ইহারই কি পূর্বদিনে সমাধি ও অদৃষ্টপূর্ব প্রেমানন্দ দেখিয়াছিলাম ?
সেই ব্যক্তি কি আজ প্রাকৃত লোকের স্থায় ব্যবহার করিতেছেন ?
ইনিই কি আমায় প্রথম দিনে উপদেশ দিবার সময় তিরস্কার ক'রে-
ছিলেন ? ইনিই কি আমায় 'তুমি কি জানী' ব'লেছিলেন ? ইনিই
কি সাকার নিরাকার দুইই সত্য ব'লেছিলেন ? ইনিই কি আমায়
ব'লেছিলেন যে, ঈশ্বরই সত্য। আর সংসারের সমস্তই অনিত্য ? ইনিই
কি আমায় সংসারে দাসীর মত থাকতে ব'লেছিলেন ?

ঠাকুর শ্রীরামকৃষ্ণ আনন্দ করিতেছেন ও মাষ্টারকে এক একবার
দেখিতেছেন । দেখিলেন, তিনি আবাক হইয়া বসিয়া আছেন । তখন
রামলালকে সম্বোধন করিয়া বলিলেন, "ঠাখ্, এর একটু উমের বেশী
কিনা, তাই একটু গস্তার । এরা এত হাসিখুসী ক'রছে, কিন্তু এ চূপ
ক'রে ব'সে আছে।" মাষ্টারের বয়স তখন সাতাশ বৎসর
হইবে ।

কথা কহিতে কহিতে পরম ভাল হনুমানের কথা উঠিল । হনুমানের
পট একখানি ঠাকুরের ঘরের দেয়ালে ছিল । ঠাকুর বলিলেন, 'দেখ,
হনুমানের কি ভাব ! ধন মান, দেহস্থ, কিছুই যায় না, কেবল
ভগবানকে চায় । যখন স্ফটিকস্তম্ভ থেকে ব্রহ্মান্ন নিয়ে পালাচ্ছে, তখন
মন্দোদরী অনেক রকম ফল নিয়ে লোভ দেখাতে লাগলো । ভাবলে
ফলের লোভে নেমে এসে অগ্নিটা যদি কেলে দেয় । কিন্তু হনুমান
ভুলবার ছেলে নয় । সে বলে—

গীত । 'শ্রীরাম কল্পতরু' ।

আমান্ন কি ফলের অভাব ।

পেয়েছি যে ফল, জনম সফল, মোক্ষ-ফলের বৃক্ষ রাম হৃদয়ে ॥

শ্রীরাম-কল্পতরু বলে ব'লে রই—যখন যে ফল বাছা সেই ফল প্রাপ্ত হই ।

ফলের কথা কই(ধনি গো) ও ফল গ্রাহক নাই, বাব তোমের প্রতিফল বে দিবে ॥

[সমাধি-মন্দিরে ।]

ঠাকুর এই গান গাইতেছেন । আবার সেই সমাধি । আবার নিম্পন্দ দেহ, স্তিমিত লোচন, দেহ স্থির । বসিয়া আছেন—ফটোগ্রাফে যেরূপ ছবি দেখা যায় । ভক্তেরা এইমাত্র এত হাসিখুসী করিতেছিলেন, এখন সকলেই একদৃষ্টি হইয়া ঠাকুরের সেই অদ্ভুত অবস্থা নিরীক্ষণ করিতেছেন । সমাধি-অবস্থা মাষ্টার এই দ্বিতীয়বার দর্শন করিলেন ।

অনেকক্ষণ পরে ঐ অবস্থার পরিবর্তন হইতেছে । দেহ শিথিল হইল । মুখ সহস্র হইল । ইন্দ্রিয়গণ আবার নিজের নিজের কার্য্য করিতেছে । চক্ষুর কোণ দিয়া আনন্দাশ্রু বিসর্জন করিতে করিতে ঠাকুর 'স্নান' 'স্নান' এই নাম উচ্চারণ করিতেছেন ।

মাষ্টার ভাবিতে লাগিলেন, এই মহাপুরুষই কি ছেলেদের সঙ্গে কচকিমি করিতেছিলেন ? তখন ঠিক যেন পাঁচ বছরের বালক ।

ঠাকুর পূর্বপ্রকৃতিস্থ হইয়া আবার প্রাকৃত লোকের স্থায় ব্যবহার করিছেন । মাষ্টারকে ও নরেশ্বরকে সম্বোধন করিয়া বল্লেন,—
“তোমরা দু'জনে ইংরাজীতে কথা কও ও বিচার করো, আমি শুনবো ।”

মাষ্টার ও নরেশ্বর উভয়ে এই কথা শুনিয়া হাসিতেছেন । দু'জনে কিছু কিছু আলাপ করিতে লাগিলেন, কিন্তু বাঙ্গলাতে । ঠাকুরের সামনে মাষ্টারের বিচার আর সম্ভব নয় । তাঁহার তর্কের ঘর ঠাকুরের কুপায় এক রকম বন্ধ । আর কিরূপে তর্ক বিচার করিবেন ? ঠাকুর আর একবার জিদ করিলেন, কিন্তু ইংরাজীতে তর্ক করা হইল না ।

দশম পরিচ্ছেদ ।

স্বমকরং পরমং বেদিতব্যং, স্বমস্ত বিশ্বস্ত পরং নিধানম্ ।

স্বমব্যয়ঃ শাস্ততর্কগোষ্ঠী, সনাতনস্বঃ পুরুষোত্তমো মে ॥ গীতা ।

[অন্তরঙ্গ সঙ্গে । 'আমি কে' ?]

পাঁচটা রাজিয়াছে । তন্ত্র কয়টি যে যার বাড়ীতে চলিয়া গেলেন । কেবল মাষ্টার ও নরেশ্বর রহিলেন । নরেশ্বর গাড়ু লইয়া হাঁসপুকুরের

ও ঝাউতলার দিকে মুখ ধুইতে গেলেন । মাষ্টার ঠাকুরবাড়ীর এদিক ওদিক পায়চারি করিতেছেন । কিয়ৎক্ষণ পরে কুঠীর কাছ দিয়া হাঁসপুকুরের দিকে আসিতে লাগিলেন । দেখিলেন, পুকুরের দক্ষিণ দিকের সি ডির চাতালের উপর শ্রীরামকৃষ্ণ দাঁড়াইয়া ; নরেন্দ্র গাড়া হাতে করিয়া মুখ ধুইয়া দাঁড়াইয়া আছেন । ঠাকুর বলিতেছেন, “দাখ্, আর একটু বেশী বেশী আস্‌বি । সবে নূতন আস্‌ছিস কি না । প্রথম আলাপের পর নূতন সকলেই ঘন ঘন আসে, যেমন নূতন—পতি (নরেন্দ্র ও মাষ্টারের হাঙ্গ) । কেমন, আস্‌বি তো ?” নরেন্দ্র ব্রাহ্মসমাজের ছেলে, হাসিতে হাসিতে বলিলেন, ঠা চেষ্টা ক’রবো ।

সকলে কুঠীব পথ দিয়া ঠাকুরের ঘরে আসিতেছেন । কুঠীর কাছে মাষ্টারকে ঠাকুর বলিলেন, “দেখ, চাষারা হাতে গরু কিন্তে যায়; তারা ভাল গরু, মন্দ গরু, বেশ চেনে । লাঞ্জেব নীচে হাত দিয়ে দেখে । কোনও গরু লাঞ্জে হাত দিলে শুয়ে পড়ে . সে গরু কেনে না । যে গরু লাঞ্জে হাত দিলে তিড়িং মিড়িং করে লাফিয়ে উঠে, সেই গরুকেই পছন্দ করে । নবেন্দ্র সেই গরুর জাত , ভিতরে খুব তেজ ।” এই বলিয়া ঠাকুর হাসিতেছেন । আবার কেউ কেউ লোক আছে, যেন চি ডেব ফলাব, আঁট নাই, জোর নাই, ভ্যাৎ ভ্যাৎ করছে ।

সন্ধ্যা হইল । ঠাকুর ঈশ্বরচিন্তা করিতেছেন । মাষ্টারকে বলিলেন, “তুমি নরেন্দ্রের সঙ্গে আলাপ করবে, আমায় বলবে কি রকম ছেলে ।”

আবতি হইয়া গেল । মাষ্টার অনেকক্ষণ পর চাঁদনীর পশ্চিম ধারে নবেন্দ্রকে দেখিতে পাইলেন । পরস্পর আলাপ হইতে লাগিল । নরেন্দ্র বলিলেন, আমি সাধাবণ ব্রাহ্মসমাজের । কলেজে পড়িতেছি । ইত্যাদি ।

রাত হইয়াছে মাষ্টার এইবার বিদায় গ্রহণ করিবেন । কিন্তু যাইতে আর পারিতেছেন না । তাই নরেন্দ্রের নিকট হইতে চলিয়া আসিয়া ঠাকুর শ্রীরামকৃষ্ণকে খুঁজিতে লাগিলেন । তাঁহার গান শুনিয়া হৃদয় মন মুগ্ধ হইয়াছে . বড় সাধ যে আবার তাঁর শ্রীমুখে গান শুনিতে পান । খুঁজিতে খুঁজিতে দেখিলেন, মা কালীর মন্দিরের সম্মুখে নাট মন্দির মধ্যে একাকী ঠাকুর পাদচারণ করিতেছেন ।

মার মন্দিরে মার ছুই পার্শ্বে আলো জ্বলিতেছিল । বৃহৎ নাটমন্দিরে
একটা আলো জ্বলিতেছিল । কীণ আলোক । আলো ও
অন্ধকার মিশ্রিত হইলে যে রূপ হয়, সেইরূপ নাটমন্দিরে
দেখাইতেছিল ।

মাষ্টার ঠাকুরের গান শুনিয়া আশ্বহারা হইয়াছেন । যেন মন্ত্রমুগ্ধ
সর্প । এক্ষণে সঙ্কচিতভাবে ঠাকুরকে জিজ্ঞাসা করিলেন, “আজ আর
কি গান হবে ?” ঠাকুর চিন্তা করিয়া বলিলেন, “না, আজ আর গান
হবে না ।” এই বলিয়া কি যেন মনে পড়িল, অমনই বলিলেন, “তবে
এক কৰ্ম্ম কোরো । আমি বলবামের বাড়ী কলিকাতায় যাবো, তুমি
যেও, সেখানে গান হবে ।”

মাষ্টার । যে আজ্ঞা ।

শ্রীরামকৃষ্ণ । তুমি জান ? বলরাম বসু ?

মাষ্টার । আজ্ঞা না ।

শ্রীরামকৃষ্ণ । বলরাম বসু । বোসপাড়ায় বাড়ী ।

মাষ্টার । যে আজ্ঞা, আমি জিজ্ঞাসা ক’রবো ।

শ্রীরামকৃষ্ণ (মাষ্টারের সঙ্গে নাটমন্দিরে বেড়াইতে বেড়াইতে) ।
আচ্ছা, তোমায় একটা কথা জিজ্ঞাসা করি, আমাকে তোমায়
কি বোধ হয় ?

মাষ্টার চুপ করিয়া আছেন । ঠাকুর আবার বলিতেছেন,—

“তোমায় কি বোধ হয় ? আমার কয় আনা জ্ঞান হ’য়েছে ?”

মাষ্টার । ‘আনা’ এ কথা বুঝতে পারছি না, তবে একরূপ
জ্ঞান বা প্রেমভক্তি বা বিশ্বাস বা বৈরাগ্য বা উদার
ভাব কখনও কোথাও দেখি নাই ।

ঠাকুর শ্রীরামকৃষ্ণ হাসিতে লাগিলেন ।

এরূপ কথাবার্তার পর মাষ্টার প্রণাম করিয়া বিদায় গ্রহণ করিলেন ।
সদর কটক পর্য্যন্ত আসিয়া আবার কি মনে পড়িল, অমনই
ফিরিলেন । আবার নাটমন্দিরে ঠাকুর শ্রীরামকৃষ্ণের কাছে
আসিয়া উপস্থিত ।

ঠাকুর সেই কীণালোকমধ্যে একাকী পাদচারণ করিতেছেন ।
একাকী ;—নিঃসঙ্গ । পশুরাজ যেন অরণ্যমধ্যে আপন মনে একাকী
বিচরণ করিতেছে ! আব্রাহাম ; সিংহ একলা থাকতে, একলা
বেড়াতে, ভালবাসে । ‘অনর্পেক !’

শ্রীযুক্ত কেশব সেনের সহিত নৌকাবিহার । ৪৩

অবাক হইয়া মাষ্টার আবার সেই মহাপুরুষ দর্শন করিতেছেন !

শ্রীরামকৃষ্ণ (মাষ্টারের প্রতি) । আবার যে কিরে এলে ?

মাষ্টার । আজ্ঞা, বোধ হয় বড়মানুষের বাড়ী—যেতে দেবে কি না ;
তাই, যাব না ভাবছি । এইখানে এসেই আপনার সঙ্গে দেখা ক'রুব ।

শ্রীরামকৃষ্ণ । না গো, তা কেন ? তুমি আমার নাম ক'রবে ।
ব'লবে তাঁর কাছে যাব, তা হ'লেই—কেউ আমার কাছে নিয়ে
আসবে ।

মাষ্টার 'যে আজ্ঞা' বলিয়া আবার প্রণাম করিয়া বিদায় লইলেন ।

প্রথমভাগ-দ্বিতীয়অধ্যায় ।

শ্রীযুক্ত কেশবচন্দ্র সেনের সহিত ঠাকুর শ্রীরামকৃষ্ণের

নৌকাবিহার, আনন্দ ও কথোপকথন ।

প্রথম পরিচ্ছেদ ।

ঠাকুর শ্রীরামকৃষ্ণ 'সমাধি-মন্দিরে' ।

আজ কোজাগর লক্ষ্মীপূজা । শুক্রবার ২৭এ অক্টোবর,
১৮৮২ খৃষ্টাব্দ । ঠাকুর দক্ষিণেশ্বর কালীবাড়ীর সেই পূর্ব-পরিচিত
ঘরে বসিয়া আছেন । বিজয় (গোস্বামী) ও হরলালের সহিত কথা-
বার্তা কহিতেছেন । একজন আসিয়া বলিলেন, কেশব সেন জাহাজে
করিয়া ঘাটে উপস্থিত । কেশবের শিষ্যেরা প্রণাম করিয়া বলিলেন,
মহাশয়, জাহাজ এসেছে, আপনাকে যেতে হবে ; চলুন একটু বেড়িয়ে
আসবেন, কেশব বাবু জাহাজে আছেন, আমাদের পাঠালেন ।

বেলা ৪টা বাজিয়া গিয়াছে । ঠাকুর নৌকা করিয়া জাহাজে
উঠিতেছেন । সঙ্গে বিজয় । নৌকায় উঠিয়াই বাহুশূন্য । সমাধিঘর ।

মাষ্টার জাহাজে দাঁড়াইয়া এই সমাধি-চিত্র দেখিতেছেন । তিনি
বেলা ৩টার সময় কেশবের জাহাজে চড়িয়া কলিকাতা হইতে
আসিয়াছেন । বড় সাধ, দেখিবেন ঠাকুর ও কেশবের মিলন, তাঁহা-

দের আনন্দ , শুনিবেন তাঁহাদের কথাবার্তা । কেশব তাঁহার সাধু-চরিত্রে ও বক্তৃত্তাবলে মাষ্টারের স্থায় অনেক বঙ্গীয় যুবকের মন হরণ করিয়াছেন । অনেকেই তাঁহাকে পরম আত্মীয়বোধে হৃদয়ের ভালবাসা দিয়াছেন । কেশব ইংরাজী পড়া লোক , ইংরাজী দর্শন, সাহিত্য পড়িয়াছেন , তিনি আবার দেব দেবী পূজাকে অনেকবার পৌত্তলিকতা বলিয়াছেন । এইরূপ লোক শ্রীরামকৃষ্ণকে ভক্তি শ্রদ্ধা করেন, আবার মাঝে মাঝে দর্শন করিতে আসেন , এটি বিস্ময়কর ব্যাপার বটে । তাঁহাদের মনের মিল কোন্ খানে বা কেমন করিয়া হইল, এ রহস্য ভেদ করিতে মাষ্টারাদি অনেকেই কৌতূহলাক্রান্ত হইয়াছেন । ঠাকুর নিরাকারবাদী বটেন, কিন্তু আবার সাকারবাদী । ব্রহ্মের চিন্তা করেন, আবার দেবদেবী প্রতিমার সম্মুখে ফুল, চন্দন দিয়া পূজা ও প্রেমে নাতোয়ারা হইয়া নৃত্য গীত করেন ! খাট বিছানায় বসেন, লালপেড়ে কাপড়, জামা, মোজা, জুতা পরেন । কিন্তু সংসাব করেন না । ভাব সমস্ত সন্ন্যাসীর, তাই লোকে পরমহংস বলে । এ দিকে কেশব নিরাকারবাদী , স্ত্রী পুত্র লইয়া সংসার করেন, ইংরাজীতে লেকচার দেন, সংবাদপত্র লেখেন, বিষয় কর্ম করেন ।

সমবেত কেশব-প্রমুখ ব্রাহ্মভক্তগণ জাহাজ হইতে ঠাকুরবাড়ীর শোভা সন্দর্শন করিতেছেন । জাহাজের পূর্বদিকে অনতিদূরে বাঁধাঘাট ও ঠাকুরবাড়ীর চাঁদনী । আরোহীদের বামপার্শ্বে চাঁদনীর উত্তরে দ্বাদশ শিবমন্দিরের ক্রমাগত ছয় মন্দির । দক্ষিণপার্শ্বেও ছয় শিব-মন্দির । শরতের নীল আকাশ চিত্রপটে ভবতারিণীর মন্দিরের চূড়া ও উত্তরদিকে পঞ্চবটী ও বাউগাছের মাথাগুলি দেখা যাইতেছে । বকুলতলার নিকট একটা, ও কালীবাড়ীর দক্ষিণ প্রান্তভাগে আর একটা, নহবৎখানা । ছই নহবৎখানার মধ্যবর্তী উত্তানপথ , ধারে ধারে সারি সারি পুষ্পবৃক্ষ । শরতের নীলাকাশের নীলিমা জাহ্নবী-জলে প্রতিভাসিত হইতেছে । বহিজর্গতে কোমলভাব, ব্রাহ্মভক্তদের হৃদয়মধ্যে কোমলভাব । উর্কে সুন্দর সুনীল অনন্ত আকাশ, সম্মুখে সুন্দর ঠাকুরবাড়ী, নিম্নে পবিত্রসলিলা গঙ্গা, যাহার তীরে আর্ধ্য ঋষিগণ ভগবানের চিন্তা করিয়াছেন । আবার আসিতেছেন একটা

মহাপুরুষ, সাক্ষাৎ সনাতনধর্ম্ম । এরূপ দর্শন মানুষের কপালে সর্বদা ঘটে না । এরূপস্থলে, সমাধিস্থ মহাপুরুষে কাহার ভক্তির না উদ্ভেক হয়, কোন্ পাষণহৃদয় না বিগলিত হয় ?

দ্বিতীয় পরিচ্ছেদ ।

বাসাংসি জার্গানি যথা বিহার, নবানি গৃহ্ণাতি নমোহপর্জাণি ।

তথা শব্দবাণি বিহার জর্গাঞ্জ্ঞানি সংঘাতি নবানি দেহী ॥গীতা ॥

সমাধি-অন্দিরে । আশ্রা অবিনর্শ্বন্ন । পণ্ডহারী বাবা ।

নৌকা আসিয়া লাগিল । সকলেই ঠাকুর শ্রীরামকৃষ্ণকে দেখিবার জ্ঞান বাস্তু । ভিড হইয়াছে । ঠাকুবকে নিরাপদে নামাইবার জ্ঞান কেশব শশবাস্তু হইলেন । অনেক কষ্টে ছ'স করাইয়া ঘরের ভিতর লইয়া যাওয়া হইল । এখনও ভাবস্থ—একজন ভক্তের উপর ভর দিয়া আসিতেছেন । পা নড়িতেছে মাত্র । ক্যাবিন ঘরে প্রবেশ করিলেন । কেশবাদি ভক্তেবা প্রণাম করিলেন, কিন্তু কোন ছ'স নাই । ঘরের মধ্যে একটা টেবিল, খানকতক চেয়ার । একখানি চেয়ারে ঠাকুরকে বসান হইল, কেশব একখানিতে বসিলেন । বিজয় বসিলেন । অগ্ণাণ ভক্তেরা যে যেমন পাইলেন, মেজেতে বসিলেন । অনেক লোকের স্থান হইল না । তাঁহারা বাহির হইতে উঁকি মাঝিয়া দেখিতেছেন । ঠাকুব বসিয়া আবার সমাধিস্থ । সম্পূর্ণ বাহ্যশূণ্য । সকলে একদৃষ্টে দেখিতেছেন ।

কেশব দেখিলেন ঘরের মধ্যে অনেক লোক, ঠাকুরের কষ্ট হইতেছে । বিজয় তাঁহাকে ত্যাগ করিয়া গিয়া সাধারণ-ব্রাহ্মসমাজ-ভুক্ত হইয়াছেন ও কণ্ঠার বিবাহ ইত্যাদি কার্যের বিরুদ্ধে অনেক বক্তৃতা দিয়াছেন, তাই বিজয়কে দেখিয়া কেশব একটু অপ্রস্তুত । কেশব আসন ত্যাগ করিয়া উঠিলেন । ঘরের জানালা খুলিয়া দিবেন ।

ব্রাহ্মভক্তেরা একদৃষ্টে চাহিয়া আছেন । ঠাকুরের সমাধি ভক্ত হইল । এখনও ভাব পূর্ণমাত্রায় রহিয়াছে । ঠাকুর আপনি আপনি অক্ষুণ্ণবরে বলিতেছেন, “মা, আমায় এখানে আনলি কেন । আমি কি এদের বেড়ার ভিতর থেকে রক্ষা করিতে পারবো ?”

ঠাকুর কি দেখিতেছেন যে,সংসারী ব্যক্তির বা বেড়ার ভিতরে বন্ধ, বাহিরে আসিতে পারিতেছে না,বাহিরের আলোকও দেখিতে পাইতেছে না, সকলের বিষয়কর্ম, হাত পা বাঁধা ? কেবল বাড়ীর ভিতরের জিনিষগুলি দেখিতে পাইতেছে, আর মনে করিতেছে যে জীবনের উদ্দেশ্য কেবল দেহসুখ ও বিষয়কর্ম, ‘কামিনী ও কাঞ্চন ?’ তাই কি ঠাকুর এমন কথা বলিলেন, “মা আমায় এখানে আনলি কেন ? আমি কি এদের বেড়ার ভিতর থেকে রক্ষা ক’রতে পারব ?”

ঠাকুরের ক্রমে বাহ্যজ্ঞান হইতেছে । গাজিপুরের নীলমাধব বাবু ও একজন ব্রাহ্মভক্ত পণ্ডহারি বাবার কথা পাড়িলেন ।

একজন ব্রাহ্মভক্ত । মহাশয়,এঁরা সব পণ্ডহারি বাবাকে দেখেছেন । তিনি গাজিপুরে থাকেন । আপনার মত আর একজন ।

ঠাকুর এখনও কথা কহিতে পারিতেছেন না । ঈষৎ হাস্ত করিলেন ।

ব্রাহ্মভক্ত (ঠাকুরের প্রতি) । মহাশয়, পণ্ডহারি বাবা নিজের ঘরে আপনার ফটোগ্রাফ রেখে দিয়েছেন ।

ঠাকুর ঈষৎ হাস্ত করিয়া নিজের দিকে অঙ্গুলি নির্দেশ করিয়া বলিলে—“খোলটা ।”



তৃতীয় পরিচ্ছেদ ।

বৎ সাংখ্যোঃ প্রাপ্যতে স্থানং তদ্ব্যোমগরপি গম্যতে ।

একং সাংখ্যক যোগক বঃ পশ্চতি স পশ্চতি ॥ গীতা ।

জ্ঞানযোগ, ভক্তিযোগ ও কর্মযোগের সমন্বয় ।

‘বালিস ও তার খোলটা ।’ দেহী ও দেহ । ঠাকুর কি বলিতেছেন যে, ‘দেহ বিনশ্বর, থাকিবে না ? দেহের ভিতর যিনি দেহী, তিনিই অবিদ্যাত্মী ; অতএব দেহের ফটোগ্রাফ লইয়া কি হইবে ? দেহ অনিত্য জিনিষ, এর আদর ক’রে কি হবে ? বরং যে ভগবান্ অন্তর্ভামী, মানুষের হৃদয়মধ্যে বিরাজ করিতেছেন, তাঁহারই পূজা করা উচিত ?’

ঠাকুর একটু প্রকৃতিস্থ হইয়াছেন । তিনি বলিতেছেন ;—

“তবে একটা কথা আছে! ভক্তের হৃদয় তাঁর আবাসস্থান । তিনি সর্বভূতে আছেন বটে, কিন্তু ভক্তহৃদয়ে বিশেষরূপে আছেন । যেমন কোন জমিদার তার জমিদারির সকল স্থানেই থাকতে পারে । কিন্তু তিনি তার অমুক বৈঠকখানায় প্রায়ই থাকেন, এই লোকে বলে । ভক্তের হৃদয় ভগবানের বৈঠকখানা । (সকলের আনন্দ) ।

[এক ঈশ্বর—তাঁহার ভিন্ন নাম । জ্ঞানী, যোগী, ও ভক্ত ।]

“জ্ঞানীরা ঈশ্বকে ব্রহ্ম বলে, যোগীরা তাঁকেই আত্মা বলে, আর ভক্তেরা তাঁকেই ভগবান্ বলে ।

“একই ব্রাহ্মণ । যখন পূজা করে, তাঁর নাম পূজারী, যখন রাঁধে তখন রাঁধুনি বায়ন । যে জ্ঞানী, জ্ঞানযোগ ধরে আছে, সে নেতি নেতি এই বিচার করে, ব্রহ্ম, এ নয় ও নয়, জীব নয়, জগৎ নয় । বিচার কর্ত্তে কর্ত্তে যখন মন স্থির হয়, মনের লয় হয়, সমাধি হয়, তখন ব্রহ্মজ্ঞান । ব্রহ্মজ্ঞানীর ঠিক ধারণা ব্রহ্ম সত্য, জগৎ মিথ্যা, নামরূপ এসব স্বপ্নবৎ, ব্রহ্ম কি যে, তা মুখে বলা যায় না । তিনি যে ব্যক্তি, (Personal God,) তা ও বলবার ষো নাই ।

“জ্ঞানীরা ঐরূপ বলে—যেমন বেদান্তবাদীরা । ভক্তেরা কিন্তু সব অবস্থাই লয় । জাগ্রত অবস্থাও সত্য বলে—জগৎকে স্বপ্নবৎ বলে না । ভক্তেরা বলে, এই জগৎ ভগবানের ঐশ্বর্য । আকাশ, নক্ষত্র, চন্দ্র সূর্য্য, পর্ব্বত, সমুদ্র, জীব, জন্তু এ সব ঈশ্বর কর্ত্তেছেন । তাঁরই ঐশ্বর্য্য তিনি অন্তরে হৃদয় মধ্যে । আবার বাহিরে । উত্তম ভক্ত বলে, তিনি নিজে এই চতুর্বিংশতি তত্ত্ব—জীব জগৎ হ’য়েছেন । ভক্তের সাধ যে, চিনি খায়, চিনি হ’তে ভালবাসে না । (সকলের হাস্য) ।

„ভক্তের ভাব কিরূপ জ্ঞান ? হে ভগবন্ “তুমি প্রভু, আমি তোমার দাস’, ‘তুমি মা আমি তোমার সন্তান’, আবার ‘তুমি আমার পিতা বা মাতা,’ ‘তুমি পূর্ণ, আমি তোমার অংশ’ । ভক্ত এমন কথা বলতে ইচ্ছা করে না যে, ‘আমি ব্রহ্ম’ ।

“যোগীও পরমাত্মাকে সাক্ষাৎকার কর্ত্তে চেষ্টা করে । উদ্দেশ্য-জীবাত্মা ও পরমাত্মার যোগ । যোগী বিষয় থেকে মন কুড়িয়ে লয়

ও পরমাখ্যাত্তে মন স্থির ক'বতে চেষ্টা করে। তাই প্রথম অবস্থায় নির্জনে স্থির আসনে অনন্তমন হ'য়ে ধ্যান চিন্তা করে।

“কিন্তু একই বস্তু। নাম ভেদমাত্র। যিনিই ব্রহ্ম তিনিই আত্মা, তিনিই ভগবান্। ব্রহ্মজ্ঞানীর ব্রহ্মা, যোগীর পরমাখ্যাত্তা”, ভক্তের ভগবান্।

চতুর্থ পরিচ্ছেদ ।

স্বমেব সৃষ্টা হং ফলা বাক্তাবাক্তস্বরূপিনী ।

নিবাকাবাপি সাকাবা কস্তাং বেদিতুমর্হতি ॥ মহানির্বাণতন্ত্র চতুর্থোন্মাস, ১৫।

বেদ ও তন্ত্রের সমন্বয়, আদ্যাশক্তির শ্রীশ্রীর্ষ্য।

এ দিকে আগ্নেয় পোত কলিকাতার অভিমুখে চলিতেছে। ঘবেব মধ্যে শ্রীরামকৃষ্ণকে ঠাঁহারা দর্শন ও তাঁহাব অমৃতময়ী কথা শ্রবণ করিতেছেন, তাঁহারা জাহাজ চলিতেছে কি না, এ কথা জানিতেও পারিলেন না। ভ্রমব পুষ্প বসিলে আব কি ভন্ ভন্ করে।

ক্রমে পোত দক্ষিণেশ্বর ছাড়াইল। সুন্দর দেবালয়ের ছবি দৃশ্য-পাটের বহির্ভূত হইল। পোতচক্রবিষ্কৃক নীলাভ গাঙ্গবাবি তরঙ্গায়িত, ফেনিল, কল্লোলপূর্ণ হইতে লাগিল। ভক্তদের কর্ণে সে কল্লোল আব পৌছিল না। তাঁহারা মুগ্ধ হইয়া দেখিতেছেন,—সহাস্রবদন, আনন্দ ময়, প্রেমাত্তরঞ্জিতনয়ন, প্রিয়দর্শন, অঙ্কৃত এক যোগী। তাঁহারা মুগ্ধ হইয়া দেখিতেছেন, সর্বত্যাগী একজন প্রেমিক বৈরাগী। ঈশ্বব বই আর কিছু জানেন না। এদিকে ঠাকুবের কথা চলিতেছে।

শ্রীরামকৃষ্ণ। বেদান্তবাদী ব্রহ্মজ্ঞানীরা বলে, সৃষ্টি, স্থিতি, প্রলয়, জীব জগৎ,এ সব শক্তিব খেলা। বিচার ক'বতে গেলে,এসব স্বপ্নবৎ, ব্রহ্মই বস্তু আর সব অবস্তু, শক্তিও স্বপ্নবৎ, অবস্তু!”

কিন্তু হাজার বিচার কর, সমাধিস্থ না হ'লে শক্তির এলাকা ছাড়িয়া যাবার যো নাই। ‘আমি ধ্যান ক'রছি,’ ‘আমি চিন্তা ক'রছি, এ সব শক্তির এলাকার মধ্যে, শক্তির ঐশ্বর্ষ্যের মধ্যে।

“তাই ব্রহ্ম আর শক্তি অভেদ । এককে মানলেই আর একটিকে মানতে হয় । যেমন অগ্নি আর তার দাহিকাশক্তি ;—অগ্নি মানলেই দাহিকাশক্তি মানতে হয়, দাহিকাশক্তি ছাড়া অগ্নি ভাবা যায় না ; আবার অগ্নিকে বাদ দিয়ে দাহিকাশক্তি ভাবা যায় না । সূর্য্যকে বাদ দিয়ে সূর্য্যের রশ্মি ভাবা যায় না , সূর্য্যের রশ্মিকে ছেড়ে সূর্য্যকে ভাবা যায় না ।

“দুধ কেমন ? না, ধোবো ধোবো । দুধকে ছেড়ে দুধের ধবলহ ভাবা যায় না । আবার দুধের ধবলহ ছেড়ে দুধকে ভাবা যায় না ।

“তাই ব্রহ্মকে ছেড়ে শক্তিকে, শক্তিকে ছেড়ে ব্রহ্মকে, ভাবা যায় না । নিত্যকে ছেড়ে লীলা, লীলাকে ছেড়ে নিত্য, ভাবা যায় না ।*

“আত্মাশক্তি লীলাময়ী , সৃষ্টি স্থিতি প্রলয় ক’রছেন । তাঁরই নাম কালী । কালীই ব্রহ্মা, ব্রহ্মাই কালী । একই বস্তু, যখন তিনি নিষ্ক্রিয়, সৃষ্টি স্থিতি প্রলয় কোন কাজ ক’রছেন না, এই কথা যখন ভাবি, তখন তাঁকে ব্রহ্ম ব’লে কই । যখন তিনি এই সবকার্য্য করেন, তখন তাঁকে কালী বলি, শক্তি বলি । একই ব্যক্তি ; নাম রূপ ভেদ ।

“যেমন জল, ‘water’, ‘পানি ।’ এক পুকুরে তিন চার ঘাট , এক ঘাটে হিন্দুরা জল খায়, তারা বলে ‘জল ।’ এক ঘাটে মুসলমানেরা জল খায়, বলে ‘পানি ।’ আর এক ঘাটে ইংরাজেরা জল খায়, তারা বলে ‘water ।’ তিনই এক ; কেবল নামে তফাৎ ! তাঁকে কেউ বলছে ‘আল্লা’, কেউ ‘God’ ; কেউ বলছে ‘ব্রহ্ম’, কেউ ‘কালী’ ; কেউ ব’লছে রাম, হরি, বীণ, দুর্গা ।” কেশব (সহাস্ত্রে) । কালী কত ভাবে লীলা ক’রছেন, সেই কথাগুলি একবার বলুন ।

(কেশবের সহিত কথা । মহাকালী ও সৃষ্টিপ্রকল্পণ)

শ্রীরামকৃষ্ণ(সহাস্ত্রে) । তিনি নানাভাবে লীলা ক’রছেন । তিনিই মহাকালী, স্মিত্যকালী, শ্মশানকালী, বুদ্ধাকালী, স্ত্রীমাকালী । মহাকালী, নিত্যকালীর কথা তত্ত্বে আছে । যখন সৃষ্টি হয় নাই , চন্দ্র, সূর্য্য, গ্রহ, পৃথিবী ছিল না ; নিবিড় আঁধার , তখন কেবল আ নিরাকারী মহাকালী—মহাকালের সঙ্গে বিরাজ ক’রছিলেন ।

* নিত্য—The Absolute লীলা—The Relative phenomenal world.

“শ্রীমাকালীর অনেকটা কোমলভাব—বরাভয়দায়িনী । গৃহস্থ-বাড়ীতে তাঁরি পূজা হয় । যখন মহামারী, হুঁভিক্ষ, ভূমিকম্প, অনাবৃষ্টি, অতিবৃষ্টি হয়, রক্ষাকালী পূজা ক’রতে হয় । শ্মশানকালীর সংহার মূর্তি । শব, শিবা ডাকিনী বোগিনী মধ্যে, শ্মশানের উপর, থাকেন । রুধিরধারা, গলায় মুণ্ডমালা, কটিতে নরহস্তের কোমরবন্ধ । যখন জগৎ নাশ হয়, মহা প্রলয় হয়, তখন মা সৃষ্টির বীজ সকল কুড়িয়ে রাখেন । গিল্লির কাছে যেমন একটা গ্নাতাক্যাতার হাঁড়ি থাকে, আর সেই হাঁড়িতে গিল্লি পাঁচরকম জিনিষ তুলে রাখে । (কেশবের ও সকলের হস্ত) ।

শ্রীরামকৃষ্ণ (সহাস্ত্রে) । ই্যা গো । গিল্লিদের ঐ রকম একটা হাঁড়ি থাকে । ভিতরে সমুদ্রের ফেনা, নীল বড়ি, ছোট ছোট পুঁটলি বাঁধা শশা বীচি, কুমড়া বীচি, লাউ বীচি, এই সব বাখে , দরকার হ’লে বার করে । মা ব্রহ্মময়ী সৃষ্টি নাশের পর ঐ বকম সব বীজ কুড়িয়ে রাখেন । সৃষ্টির পর আদ্যাশক্তি জগতের ভিতরেই থাকেন । জগৎ প্রসব করেন, আবার জগতের মধ্যে থাকেন । বেদে আছে ‘উর্ণনাভি’র কথা ; মাকড়সা আর তার জাল । মাকড়সা ভিতর থেকে জাল বা’র করে, আবার নিজে সেই জালের উপর থাকে । ঐশ্বর জগতের আধার, আধেয় হুই ।

[‘কালীত্রয়া,’—কালী নিগুণা ও সগুণা ।]

“কালী কি কালো ? দূরে তাই কালো, জানতে পারলে কালো নয় ।

“আকাশ দূর থেকে নীলবর্ণ । কাছে ছাখো, কোন রং নাই ! সমুদ্রের জল দূর থেকে নীল, কাছে গিয়ে হাতে তুলে ছাখো,— রং নাই !”

এই কথা বলিয়া প্রেমোন্মত্ত হয়ে শ্রীরামকৃষ্ণ গাম ধরিলেন—
মা কি আমার কালো বে । কালরূপ দিগম্বরী, জগৎ কবে আলো রে ।

পঞ্চম পরিচ্ছেদ ।

ত্রিভুগুণময়ৈর্ভাবৈবেতিঃ সক্ষমিদং জগৎ ।

মোহিতঃ নাভিজানাতি মামেভ্যঃ পবনব্যয়ম্ । গীতা, ৭ ১৩ ।

(এ সংসার কেমন ?)

শ্রীরামকৃষ্ণ (কেশবাদির প্রতি) । বন্ধন আর মুক্তি ; ছয়েব কঠাছ

তিনি । তাঁর মায়াতে সংসারী জীব, কামিনীকাননে বন্ধ, আবার তাঁর দয়া হ'লেই মুক্ত ? তিনি 'ভববন্ধনের বন্ধনহারিনী তারিণী' ।

এট বলিয়া গন্ধর্কনিন্দিতকণ্ঠে রামপ্রসাদের গান গাইতেছেন ।

“শ্যামা মা উড়াচ্ছে ছুড়ি (ভব সংসার বাজার মাঝে)
আশা বায়ু ভরে উড়ে, বাঁধা তাহে মায়া দড়ী ॥ কাক গণ্ডি মণ্ডী
গাঁথা পঙ্করাদি নানা নাড়ী । ঘুড়ি স্বপুণে নির্মাণ করা কারিগিরি
বাড়াবাড়ি ॥ বিষয়ে মেজেছ মাঞ্জা, কর্কশা হ'য়েছে দড়ী । ঘুড়ি
লক্ষের দুটা একটা কাটে, হেসে দেও মা হাত চাপড়ি ॥ প্রসাদ
বলে দক্ষিণা বাতাসে ঘুড়ি যাবে উড়ি । ভব সংসার সমুদ্রে পারে
পড়বে গিয়ে তাডাতাড়ি ॥”

“তিনি লীলাময়ী ; এ সংসার তাঁর লীলা । তিনি ইচ্ছাময়ী,
আনন্দময়ী ! লক্ষের মধ্যে এক জনকে মুক্তি দেন ।”

ব্রাহ্মভক্ত । মহাশয়,তিনি তো মনে করলে সকলকে মুক্ত ক'রতে
পারেন । কেন তবে আমাদের সংসারে বন্ধ ক'রে রেখেছেন ?

শ্রীরামকৃষ্ণ । তাঁর ইচ্ছা । তাঁর ইচ্ছা যে তিনি এই সব নিয়ে খেলা
করেন । বুড়ীকে আগে থাকতে ছুঁলে দৌড়াদৌড়ি ক'রতে হয় না ;
সকলেই যদি ছুঁয়ে ফেলে, খেলা কেমন করে হয় ? সকলেই ছুঁয়ে
ফেলে বুড়ী অসম্বল্ট হয় ! খেলা চলে বুড়ির আহ্লাদ । তাই 'লক্ষের
দুটা একটা কাটে, হেসে দাও মা হাতচাপড়ি ।' (সকলের আনন্দ ।)

“তিনি মনকে আঁখি ঠেরে ইসারা করে ব'লে দিয়েছেন, 'যা, এখন
সংসার ক'রগে যা ।' মনের কি দোষ ? তিনি যদি আবার দয়া ক'রে
মনকে ফিরিয়ে দেন, তা হ'লে বিষয় বুদ্ধির হাত থেকে মুক্তি হয় ।
তখন আবার তাঁর পাদপদ্মে মন হয় ।”

ঠাকুর সংসারীর ভাবে মার কাছে অভিমান ক'রে গাইতেছেন ।

“আমি ত্রি খেদে খেদ বন্ধি । তুমি মাতা থাকতে আমার
জাগাধরে চুরি ॥ মনে করি তোমার নাম করি, কিন্তু সমরে পাসরি ; আমি
বুঝছি ভেবেছি, আশর পেরেছি, এসব তোমারি চাতুরী ॥ কিছু দিলেনা পেলেনা,
নিলেনা খেলেনা, সে দোষ কি আমারি । যদি দিতে পেতে, নিতে,খেতে দিতাম
পাওনাতাম তোমারি ॥ শশ, অশশ, সুরস কুরস, সকল রস তোমারি । .(ধগো)

রসে থেকে বস ভঙ্গ, কেন রসেববি ॥ প্রসাদ বলে মন দিয়েছ, মনেবি আঁখঠারি ।
(ওমা) তোমার সৃষ্টি দৃষ্টি পোড়া দৃষ্টি বলে ঘুরি ॥

“উঁরই মায়াতে ডুলে মানুষ সংসারী হ’য়েছে । প্রসাদ বলে,
‘মন দিয়েছ মনেরি আঁখঠারি’ ।

[কৰ্মশোণ সঙ্কল্পে শিক্ষা । সংসার ও নিষ্কাম কৰ্ম ।]

ব্রাহ্মভক্ত । মহাশয়, সব ত্যাগ না ক’রলে ঈশ্বরকে পাওয়া
যাবে না ?

শ্রীরামকৃষ্ণ (সহাস্ত্রে) । নাগো । তোমাদের সব ত্যাগ ক’রতে
হবে কেন ? তোমরা রসে বসে বেশ আছো । সারে মাতে ! (সকলের
হাস্ত) তোমরা বেশ আছো । নল খেলা জান ? আমি বেসি কাটিয়ে
অলে গেছি । তোমরা খুব শেয়ানা । কেউ দশে আছো ; কেউ হয়ে
আছো ; কেউ পাঁচে আছো । বেসি কাটাও নাই ; তাই আমার মত
অলে যাও নাই । খেলা চলছে । এতো বেশ ! (সকলের হাস্ত)

“সত্য বলছি, তোমরা সংসার ক’রছো, এতে দোষ নাই । তবে
ঈশ্বরের দিকে মন রাখতে হবে । তা না হ’লে হবে না । এক হাতে
কৰ্ম করো, আর এক হাতে ঈশ্বরকে ধ’রে থাকো । কৰ্ম শেষ হ’লে
দুই হাতে ঈশ্বরকে ধরবে ।

‘মন নিয়ে কথা । মনেতেই বন্ধ, মনেতেই মুক্ত । মন যে রঙ্গে
ছোপাবে, সেই রঙ্গে ছুপবে । যেমন ছোপাঘরের কাপড় । লালে
ছোপাও লাল, নীলে ছোপাও নীল, সবুজ রঙ্গে ছোপাও সবুজ । যে
রঙ্গে ছোপাও সেই রঙ্গেই ছুপবে । দেখনা, যদি একটু ইংরাজী পড়,
তো অমনি মুখে ইংরাজী কথা এসে পড়ে ! ফুটফাট ইটমিট (সকলের
হাস্ত) ! আবার পায়ে বুটজুতা, শির্ দিয়ে গান করা ; এই সব এসে
ছুটবে । আবার যদি পণ্ডিত সংস্কৃত পড়ে, অমনি শোলোক ঝাড়বে ।
মনকে যদি কুসঙ্গে রাখো, তো সেই রকম কথাবার্তা, চিন্তা, হ’য়ে
যাবে । যদি ভক্তের সঙ্গে রাখো, ঈশ্বর চিন্তা, হরিকথা এই সব হবে ।

“মন নিয়েই সব । এক পাশে পরিবার, এক পাশে সম্ভান !
এক জমকে এক ভাবে, সম্ভানকে আর এক ভাবে, আদর করে ।
কিন্তু একই মন !”

ষষ্ঠ পরিচ্ছেদ ।

সর্বধর্ম্মান্ পরিত্যজ্য মামেকং শরণং ব্রজ ।

অহং হ্যং সর্বপাপেভ্যো মোক্ষয়িষ্যামি বা শুচ ॥ গীতা ১৮, ৬৬

ব্রাহ্মদিগকে উপদেশ । ঋষ্টধর্ম্ম, ব্রাহ্মসমাজ ও পাপবাদ ।

শ্রীরামকৃষ্ণ (ব্রাহ্মভক্তদের প্রতি) । মনেতেই বদ্ধ, মনেতেই মুক্ত । আমি মুক্ত পুরুষ ; সংসারেই থাকি বা অরণ্যেই থাকি, আমার বন্ধন কি ? আমি ঈশ্বরের সন্তান ; রাজাধিরাজের ছেলে , আমায় আবার বাঁধে কে ? যদি সাপে কামড়ায়, ‘বিষ নাই’ জোর ক’রে বলে বিষ ছেড়ে যায় ! তেমনি ‘আমি বদ্ধ নই, আমি মুক্ত’ এই কথাটা রোক ক’রে বলতে বলতে তাই হ’য়ে যায় । মুক্তই হ’য়ে যায় ।

[পূর্বকথা — শ্রীরামকৃষ্ণের Bible প্রবণ । কৃষ্ণকিশোরের বিখ্যাত]

“খ্রীষ্টানদের এক খানা বই এক জন দিলে । আমি পড়ে শুনাতে ব’ললুম । তাতে কেবল ‘পাপ’ আর ‘পাপ !’ (কেশবের প্রতি) তোমাদের ব্রাহ্মসমাজেও কেবল ‘পাপ’। যে ব্যক্তি ‘আমি বদ্ধ’, ‘আমি বদ্ধ’, বার বার বলে, সে শালা বদ্ধই হ’য়ে যায় । যে রাত দিন ‘আমি পাপী’ ‘আমি পাপী’ এই করে সে তাই হ’য়ে যায় ।

“ঈশ্বরের নামে এমন বিশ্বাস হওয়া চাই—কি ! আমি তাঁর নাম ক’রেছি আমার এখনও পাপ থাকবে । আমার আবার পাপ কি । আমার আবার বন্ধন কি । কৃষ্ণকিশোর পরম হিন্দু, সদাচারনিষ্ঠ ব্রাহ্মণ , সে বৃন্দাবনে গি’ছিল ! একদিন ভ্রমণ ক’রতে ক’রতে তার জলভূষণ পেয়েছিল । একটা কুয়ার কাছে গিয়ে দেখলে, একজন লোক দাঁড়িয়ে রয়েছে । তাকে বলে, ওরে তুই এক ঘটি আমায় জল দিতে পারিস্ ? তুই কি জাত ? সে বলে, ঠাকুর মহাশয়, আমি হীন জাত ; মুচি । কৃষ্ণকিশোর ব’লে, তুই বল শিব । নে, এখন জল তুলে দে ।

“ভগবানের নাম করলে মানুষের দেহ মন সব শুদ্ধ হ’য়ে যায় ।

“কেবল ‘পাপ’ আর ‘নরক’ এই সব কথা কেন ? এক বার বল,

যে, অন্ডায় কৰ্ম্ম যা ক'রেছি আর করবো না। আর তাঁর নামে বিশ্বাস কর।" (ঠাকুর প্রেমোন্মত্ত হইয়া নামমাহাশয় গাইতেছেন)

আমি দুর্গা দুর্গা বলেছি আমি যদি আমি।

আধেরে এ দীনে, না তারো কেমনে, জানা যাবে গো শরীরী ॥ (৩৫ পৃষ্ঠা)

“আমি মার কাছে কেবল ভক্তি চেয়ে ছিলাম। ফুল হাতে ক'রে মার পাদপদ্মে দিয়েছিলাম; ব'লেছিলাম, মা এই নাও তোমার পাপ, এই নাও তোমার পুণ্য, আমায় শুদ্ধা ভক্তি দাও; এই নাও তোমার জ্ঞান, এই নাও তোমার অজ্ঞান, আমায় শুদ্ধা ভক্তি দাও, এই নাও শুচি, এই নাও তোমার অশুচি, আমায় শুদ্ধা ভক্তি দাও; এই নাও তোমার ধর্ম্ম, এই নাও তোমার অধর্ম্ম, আমায় শুদ্ধা ভক্তি দাও।” (ব্রাহ্মভক্তদের প্রতি) একটি রামপ্রসাদের গান শোন।

গান। আশ্রয় মন বেড়াতে আবি।

কালীকন্নতরমুলে য়ে মন চারি ফল কুডায়ে পাবি ॥ প্রবৃত্তি নিবৃত্তি জায়া, তার নিবৃত্তিরে মন্থে লবি। ওরে বিবেক নামে তাব বেটা, তহকথা তার সুধাবি ॥ শুচি অশুচিরে লয়ে দিব্য ধরে কবে শুবি। যখন চুই সতীনে পীরিত হবে তখন শ্রামা মাকে পাবি ॥ অহঙ্কাব অবিজ্ঞা তোর, পিতা মাতায় তাড়িয়ে দিবি। যদি মোহ গর্ভে টেনে লয়, দৈর্ঘ্যার্থেটা ধ'রে র'বি ॥ ধর্ম্মাধর্ম্ম ছুটো অজ্ঞা, তুচ্ছ খোটার বেধে ধুবি। যদি না মানে নিবেধ, তবে জ্ঞানধজে বলি দিবি ॥ প্রথম ভাষ্যার সন্তানেরে দূর হ'তে বুঝাইবি। যদি না মানে প্রবোধ, জ্ঞানসিদ্ধ মাঝে ডুবাইবি ॥ প্রসাদ বলে এমন হ'লে কালের কাছে জবাব দিবি। তবে বাপু বাছা বাপের ঠাকুর, মনের মতন মন হ'বি ॥

“সংসারে ঈশ্বর লাভ হবে না কেন? জনকের হ'য়েছিল। সংসার ধোকার টাটি'প্রসাদ বলেছিল; তাঁর পাদপদ্মে ভক্তিভাষ্য ক'রলে—

এই সংসারই মজার কুটি, আমি খাই দাট আর মজা লুটি। জনক রাজা মহাজেজা, তার কিসে ছিল ক্রটি, সে যে এদিক ওদিক হুদিক রেখে, খেয়েছিল চুখের বাটি। (সকলের হাস্য)

[ব্রাহ্মসমাজ ও জনকবাজা। গৃহস্থের উপায়—নির্জনে বাস ও বিবেক।]

“কিন্তু কসু করে জনক রাজা হওয়া যায় না। জনক রাজ্যে নির্জনে অনেক তপস্যা ক'রেছিলেন। সংসারের থেকেও এক একবার

নির্জনে-বাস ক'রতে হয় । সংসারের বাহিরে একলা গিয়ে যদি ভগবানের জন্ত তিন দিনও কাঁদা যায় সেও ভাল । এমন কি, অবসর পেয়ে এক দিনও নির্জনে তাঁব চিন্তা যদি করা যায়, সেও ভাল । লোক মাগ ছেলের জন্ত একঘটি কাঁদে, ঈশ্বরের জন্ত কে কাঁদছে বল ? নির্জনে থেকে মাঝে মাঝে ভগবানের জন্ত সাধন করতে হয় । সংসারের ভিতর কর্মের মতো থেকে প্রথমাবস্থায় মন স্থির করতে অনেক ব্যাঘাত হয় । ফুটপাতের গাছ , যখন চারা থাকে, বেড়া না দিলে ছাগল গকতে খেয়ে ফেলে । প্রথমাবস্থায় বেড়া , গুঁড়ি হলে আর বেড়ার দরকার থাকে না । গুঁড়িতে হাতী বেঁধে দিলেও কিছু হয় না ।

“রোগটা হ'চ্ছে বিকার । আবার যে ঘরে বিকারের রোগী, সেই ঘরে জলের জ্বালা আর আচার তেঁতুল । যদি বিকারের রোগী আরাম করতে চাও, ঘর থেকে ঠাই নাড়া ক'রতে হবে । সংসারী জীব বিকারের রোগী, বিষয়, জলের জ্বালা, বিষয়ভোগতৃষ্ণা, জলতৃষ্ণা । আচার তেঁতুল মনে করলেই মুখে জল সরে, কাছে আনতে হয় না , এরূপ জিনিষও ঘরে রয়েছে । যোষিৎসঙ্গ, তাই নির্জনে চিকিৎসা দরকাব ।

“বিবেক বৈরাগ্য লাভ ক'বে সংসার কঙে হয় । সংসার সমুদ্রে কাম ক্রোধাদি কুমীর আছে । হলুদ গায়ে মেখে জলে নামলে কুমীরের ভয় থাকে না । বিবেক বৈরাগ্য হলুদ । সদসৎ বিচারের নাম বিবেক । ঈশ্বরই সৎ, নিত্যবস্তু । আর সব অসৎ, অনিত্য, দুইদিনের জন্ত । এইটা বোধ । আর ঈশ্বরে অমুবাগ । তাঁর উপর টান—ভাল-বাসা । গোপীদের কৃষ্ণের উপর যেরূপ টান ছিল একটা গান শোন ।

[আব উপায় - ঈশ্বরে অমুবাগ । গোপীদের মত টান বা রেহ ।]

গান । বংশী বাজিল ঐ বিপিনে । (আমার তো না গেলে নয়) (শ্রাম পথে দাঁড়ারে আছে) । তোরা যাবি কি না যাবি বল গো ॥ তোদের শ্যাম কথার কথা । আমাব শ্যাম অন্তরের বাথা (সই) ॥ তোদের বাজে বাঁশী কানের কাছে । বাঁশী আমার বাজে হৃদয়মাঝে ॥ শ্যামেব বাঁশী বাজে, 'বেরাও রাই । তোমা বিনা কুঞ্জের শোভা নাই' ॥

ঠাকুর অক্ষপূর্ণনয়নে এই গান গাহিতে গাহিতে কেশবাদি ভক্তদের বলেন, “রাধাকৃষ্ণ মানো আর নাই মানো, এই টানটুকু নাও ,

ভগবানের জন্তু কিসে এইরূপ ব্যাকুলতা হয়, চেষ্টা করো । ব্যাকুলতা থাকলেই তাঁকে লাভ করা যায় ।

সপ্তম পরিচ্ছেদ ।

সংনিরম্যোস্ত্রিরগ্রামং সর্বত্র সমবুধ্যতঃ ।

তে প্রাপ্ত্ব বস্তি মামেব সর্বভূতহিতেরতাঃ । গীতা ।

ভাঁটা পড়িয়াছে । আগ্নেয়পোত কলিকাতাভিমুখে দ্রুতগতি চলিতেছে । তাই পোল পার হইয়া কোম্পানীর বাগানের দিকে আরো খানিকটা বেড়াইয়া আসিতে কাপ্তেনকে হুকুম হইয়াছে । কতদূর জাহাজ গিয়াছিল, অনেকেরই জ্ঞান নাই—তাঁহারা মগ্ন হইয়া শ্রীরামকৃষ্ণের কথা শুনিতেছেন । কোন দিক্ দিয়া সময় যাইতেছে, হুস্ নাই ।

এইবার মুড়ি নারিকেল খাওয়া হইতেছে । সকলেই কিছু কিছু কোঁচড়ে লইলেন ও খাইতেছেন । আনন্দের হাট । কেশব মুড়ি আয়োজন ক'রে এনেছেন । এই অবসরে ঠাকুর দেখিলেন বিজয় ও কেশব দুইজনেই সঙ্কুচিতভাবে বসিয়া আছেন । তখন যেন দুই জন অবোধ ছেলেকে ভাব করিয়া দিবেন । 'সর্বভূতহিতেরত' ।

শ্রীরামকৃষ্ণ (কেশবের প্রতি) । ওগো ! এই বিজয় এসেছেন । তোমাদের ঝগড়া বিবাদ—যেন শিবরামের যুদ্ধ । (হাস্ত) । রামের গুরু শিব । যুদ্ধও হোলো, দুজনে ভাবও হোলো । কিন্তু শিবের ভূতপ্রেতগুলো আর রামের বানরগুলো ওদের ঝগড়া কিছকিটী আর আর মেটে না । (উচ্চ হাস্ত) । আপনার লোক । তা এরূপ হ'য়ে থাকে লব কুশ যে রামের সঙ্গে যুদ্ধ ক'রেছিলেন । আবার জানো মায়ে ঝিয়ে আলাদা মঙ্গলবার করে ? মার মঙ্গল আর মেয়ের মঙ্গল যেন দুটো আলাদা । কিন্তু এর মঙ্গলে ওর মঙ্গল হয়, ওর মঙ্গলে এর মঙ্গল হয় । তেমনি তোমাদের এর একটি সমাজ আছে ; আবার ওর একটি দরকার (সকলের হাস্ত) । তবে এ সব চাই । যদি বলো ভগবান্ নিজে লীলা করেছেন, সেখানে জটীলকুটীলের কি দরকার ?

জটিলে কুটিলে না থাকলে লীলা পোষ্টাই হয় না ! (সকলের হাস্য)
জটিলে কুটিলে না থাকলে রগড় হয় না ! (উচ্চ হাস্য) ।

“ব্রাহ্মানুজ্ঞ বিশিষ্টাঈতবাদী । তাঁর গুরু ছিলেন অঈতবাদী ।
শেষে দুজনে অমিল । গুরু শিষ্য পরস্পর মত খণ্ডন করিতে লাগল ।
এরূপ হয়েই থাকে । যাই হোক, তবু আপনার লোক ।”

অষ্টম পরিচ্ছেদ ।

পিতৃহি লোকস্ত চবাচরস্ত, স্বমস্ত পুত্ৰ্যশ্চ শুকর্গবীরান,

ন স্বসমোহস্তাত্যধিকঃ কুতোশ্চো, লোকঃশ্রেয়ংপ্যপ্রতিমপ্রভাব ॥ গীতা ।

কেশবকে শিক্ষা, গুরুগিরি ও ব্রাহ্মসমাজ ;
গুরু এক সচ্চিদানন্দ ।

সকলে আনন্দ করিতেছেন । ঠাকুর কেশবকে বলিতেছেন, “তুমি
প্রকৃতি দেখে শিষ্য কবো না, তাই এইরূপ ভেঙ্গে ভেঙ্গে যায় ।

“মানুষগুলি দেখতে সব এক রকম, কিন্তু ভিন্ন প্রকৃতি । কাক
ভিতর সরগুণ বেশী, কাক রজোগুণ বেশী, কাক তমোগুণ । পুন্ডিগুলি
দেখতে সব এক রকম । কিন্তু কাক ভিতর ক্ষীরের পোর, কাক ভিতর
নারিকেলের ছাই, কাক ভিতর কলায়ের পোর । (সকলের হাস্য) ।

“আমার কি ভাব জানো ? আমি খাই দাই থাকি, আর সব
জ্ঞা জানে । আমার তিন কথাত গায়ে কাঁটা বেঁধে । গুরু, কঠা
আর বাবা ।

“গুরু এক সচ্চিদানন্দ । তিনিই শিক্ষা দিবেন । আমার
সন্তান ভাব । মানুষ গুরু মেলে লাখ লাখ । সকলেই গুরু হ'তে
চায় । শিষ্য কে হ'তে চায় ?

“লোক শিক্ষা দেওয়া বড় কঠিন । যদি তিনি সাক্ষাৎকার হয়
আর আদেশ দেন, তা'হলে হ'তে পারে । নারদ শুকদেবাদের
আদেশ হ'য়েছিল । শকবের আদেশ হ'য়েছিল । আদেশ না হ'লে
কে তোমার কথা শুনবে ? কল্কাতার ছজুগ তো জানো ! যতক্ষণ
কাঠে জ্বাল, দুধ ফোস করে ফোলে । কাঠ টেনে নিলে কোথাও
কিছু নাই । কল্কাতার লোক ছজুগে ! এই এখনটায় কুয়া
খুঁড়ছে ।—বলে জল চাই । সেখানে পাথর হলো তো ছেড়ে দিলে ।

আবার এক জায়গায় খুঁড়তে আরম্ভ ক'রলে । সেখানে বাজি মিলে গেল, ছেড়ে দিলে ! আর এক জায়গায় খুঁড়তে আরম্ভ হলো ! এই রকম !

“আবার মনে মনে আদেশ হ'লে হয় না । তিনি সত্য সত্যই সাক্ষাৎকার হন আর কথা কন । তখন আদেশ হ'তে পারে । সে কথার জোর কত ? পর্বত টলে যায় । শুধু লোকচার ? দিন কতক লোক শুনবে, তার পর ভুলে যাবে । সে কথার অনুসারে কাজ করবে না ।

[পূর্ব কথা—ভাব-চক্ষে হালদার পুকুর দর্শন ।]

“ও দেশে হালদার পুকুর ব'লে একটা পুকুর আছে । পাড়ে রোজ সকাল বেলা বাছে করে রাখতো ! যারা সকাল বেলা আসে, খুব গালাগাল দেয় । আবার তার পর দিন সেইরূপ । বাছে আর খামে না । (সকলের হাস্য) । লোকে কোম্পানিকে জানালে । তারা একটা চাপরাসী পাঠিয়ে দিল । সেই যখন একটা কাগজ মেরে দিলে, ‘বাছে করিও না’ তখন সব বন্ধ ! (সকলের হাস্য) ।

“লোক শিক্ষা দেবে তার চাপরাস চাই । না হলে হাসির কথা হয়ে পড়ে । আপনারই হয় না, আবার অল্প লোক ! কাণা কাণাকে পথ দেখিয়ে যাচ্ছে ! (হাস্য) । হিতে বিপরীত । ভগবান লাভ হ'লে অন্তর্দৃষ্টি হয়, কার কি রোগ বোঝা যায় । উপদেশ দেওয়া যায় ।

[‘অহঙ্কারবিনূতান্না কর্তাহং ইতি মন্যতে,’ - গীতা ।]

“আদেশ না থাকলে ‘আমি লোক শিক্ষা দিচ্ছি’ এই অহঙ্কার হয় । অহঙ্কার হয় অজ্ঞানে । অজ্ঞানে বোধ হয়, আমি কর্তা । ‘ঈশ্বর কর্তা, ঈশ্বরই সব করছেন, আমি কিছু ক'রছি না’, এ বোধ হ'লে তো সে জীবমুক্ত । ‘আমি কর্তা’ ‘আমি কর্তা’, এই বোধ থেকেই যত দুঃখ, অশান্তি ।”

নবম পরিচ্ছেদ ।

তন্মাদসক্তঃ সত্ততং কার্য্যং কর্ম সমাচর ।

অসক্তোহ্যচরন্ কর্ম পরমাপোতি পুরুষঃ ॥ গীতা ।

[কেশবাদি ব্রাহ্মদিগকে কর্মযোগ সম্বন্ধে উপদেশ ।]

শ্রীরামকৃষ্ণ (কেশবাদি ভক্তের প্রতি) । তোমরা বলো, ‘জগতের

উপকার' করা । জগৎ কি এতটুকু গা ! আর তুমি কে, যে জগতের উপকার করবে ? তাঁকে সাধনের দ্বারা সাক্ষাৎকার করো । তাঁকে লাভ করো । তিনি শক্তি দিলে তবে সকলের হিত ক'রতে পারো । নচেৎ নয় ।

একজন ভক্ত । যতদিন না লাভ হয়, ততদিন সব কর্ম ত্যাগ করবো ?

শ্রীরামকৃষ্ণ । না ; কর্মত্যাগ ক'রবে কেন ? ঈশ্বরের চিন্তা, তাঁর নাম গুণ গান, নিত্য কর্ম, এ সব ক'রতে হবে ।

ব্রাহ্মভক্ত । সংসারের কর্ম ? বিষয় কর্ম ?

শ্রীরামকৃষ্ণ । হাঁ, তাও ক'রবে, সংসার যাত্রার জন্ত যে টুকু দরকার । কিন্তু কেঁদে নির্ঝর্নে তাঁর কাছে প্রার্থনা ক'রতে হবে, যাতে ঐ কর্মগুলি নিকামভাবে করা যায় । আর ব'লবে, হে ঈশ্বর, আমার বিষয় কর্ম কমিয়ে দাও, কেন না ঠাকুর দেখছি যে বেশী কর্ম জুটলে তোমায় ভুলে যাই । মনে করছি নিকাম কর্ম করছি, কিন্তু সকাম হ'য়ে পড়ে । হয়তো দান সদাব্রত বেশী ক'রতে গিয়ে লোক-মাঙ্গ হ'তে ইচ্ছা হ'য়ে পড়ে ।

[পূর্ব কথা — শঙ্কু মল্লিকের সহিত দানাদি কর্মকাণ্ডের কথা ।]

“শঙ্কু মল্লিক হাঁসপাতাল, ডাক্তারখানা, স্কুল, রাস্তা, পুষ্ণীর কথা বলেছিল । আমি বললাম, শঙ্কুখে যেটা পড়লো, না করলে নয় সেটাই নিকাম হ'য়ে ক'রতে হয় । ইচ্ছা ক'রে বেশী কাজ জড়ানো ভাল নয়, — ঈশ্বরকে ভুলে যেতে হয় । কালীঘাটে দানই কর্তে লাগলো ; কালীদর্শন আর হলো না ! (হাস্ত) । আগে যো সো ক'রো, ধাক্কা ধুকি খেয়েও কালী দর্শন কর্তে হয়, তারপর দান যত করো, আর না করো । ইচ্ছা হয় খুব করো । ঈশ্বর লাভের জন্তই কর্ম । শঙ্কুকে তাই বল্লম, যদি ঈশ্বর সাক্ষাৎকার হন, তাঁকে কি ব'লবে কতকগুলো হাঁসপাতাল, ডিম্পেলারি করে দাও ? (হাস্ত) । ভক্ত কখনও তা বলে না । বরং বলবে 'ঠাকুর ! আমার পাদপদ্মে স্থান দাও, নিজের সঙ্গে সর্বদা রাখো, পাদপদ্মে শুদ্ধাত্তি দাও ।

“কর্মশোণ বড় কঠিন । শাস্ত্রে যে কর্ম করতে ব'লেছে, কলিকালে করা বড় কঠিন । অন্নগতপ্রাণ । বেশী কর্ম চলে না । বর

হ'লে কবিরাজী চিকিৎসা ক'রতে গেলে এ দিকে রোগীর হ'য়ে যায়। মেন্দী-দেবী সন্ন্যাসী। এখন ডি, গুপ্ত, কনিষ্ঠে ভক্তিব্যোগ, ভগবানের নামগুণগান আর প্রার্থনা। ভক্তিশোভাই সুগুণার্থ। (ব্রাহ্ম-ভক্তদের প্রতি) তোমাদেরও ভক্তিব্যোগ, তোমরা হরি নাম কর, মায়ের নাম গুণ গান কর, তোমরা শ্রদ্ধা! তোমাদের ভাবটা বেশ। বেদান্তবাদীদের মত তোমরা জগৎকে স্বপ্নবৎ বোলা না। ওরূপ ব্রহ্মজ্ঞানী তোমরা নও, তোমরা ভক্ত। তোমরা ঈশ্বরকে ব্যক্তি (Person) বোলা এও বেশ। তোমরা ভক্ত। ব্যাকুল হ'য়ে ডাকলে তাঁকে অবশ্য পাবে।”

দশম পরিচ্ছেদ ।

সুন্দরেশ্বর বাড়ী নরেন্দ্র প্রভৃতি সঙ্গে ।

জাহাজ কয়লাঘাটে এইবার ফিরিয়া আসিল। সকলে নামিবার উত্তোগ করিতে লাগিলেন। ঘরের বাহিরে আসিয়া দেখেন, কোজাগরের পূর্ণচন্দ্র হাসিতেছে, ভাগীরথীবক্ষে কোমুদীর লীলাভূমি হইয়াছে! ঠাকুর শ্রীরামকৃষ্ণের জন্ত গাড়ী আনিতে দেওয়া হইল। কিয়ৎক্ষণ পরে মাষ্টার ও ছু একটি ভক্তের সহিত ঠাকুর গাড়ীতে উঠিলেন। কেশবের ত্রাতুপুত্র নন্দলালও গাড়ীতে উঠিলেন, ঠাকুরের সঙ্গে খানিকটা যাবেন।

গাড়ীতে সকলে বসিলে পর ঠাকুর জিজ্ঞাসা করিলেন, কৈ তিনি কৈ—অর্থাৎ কেশব কৈ? দেখিতে দেখিতে কেশব একাকী আসিয়া উপস্থিত। মুখে হাসি। আসিয়া জিজ্ঞাসা করিলেন, কৈ কে এ'র সঙ্গে যাবে? সকলে গাড়ীতে বসিলে পর, কেশবভূমিষ্ট হইয়া ঠাকুরের পদ ধূলিগ্রহণ করিলেন! ঠাকুরও সন্তোষে সম্ভাষণ করিয়া বিদায়দিলেন।

গাড়ী চলিতে লাগিল। ইংরেজটোলা। সুন্দর রাজপথ। পথের দুই দিকে সুন্দর সুন্দর অট্টালিকা। পূর্ণচন্দ্র উঠিয়াছে; অট্টালিকাগুলি খেন বিমল শীতল চন্দ্রকিরণে বিভ্রাম করিতেছে। দ্বারদেশে বাস্পীয় দীপ, কক্ষমধ্যে দীপমালা, স্থানে স্থানে হার্মোনিয়ম, পিয়ানো সংযোগে ইংরাজ মহিলারা গান করিতেছে। ঠাকুর আনন্দে হাস্য করিতে করিতে ঘাইতেছেন। হঠাৎ বলেন, “আমার জলতৃষ্ণা পাচ্ছে, কি হুঁসে? কি করা যায়! নন্দলাল ইণ্ডিয়া ক্লাবের (Indian Club)

নিকট গাড়ী থামাইয়া উপরে জল আনিতে গেলেন, কাঁচের গ্লাস করিয়া জল আনিলেন । ঠাকুর সহাস্তে জিজ্ঞাসা করিলেন ; গ্লাসটি ধোয়া তো ? নন্দলাল বল্লেন, হাঁ । ঠাকুর সেই গ্লাসে জল পান করিলেন ।

বালকের স্বভাব । গাড়ী চালাইয়া দিলে ঠাকুর মুখ বাড়াইয়া লোক জন, গাড়ী ঘোড়া চাঁদের আলে দেখিতেছেন । সকল তাতেই আনন্দ ।

নন্দলাল কলুটোলায় নামিলেন । ঠাকুরের গাড়ী সিমুলিয়া ষ্ট্রীটে শ্রীবৃক্ষ সুরেশ মিত্রের বাড়ীতে আসিয়া লাগিল । ঠাকুর তাঁহাকে সুরেশ্বর বলিতেন । সুরেশ্বর ঠাকুরের পরম ভক্ত ।

কিন্তু সুরেশ্বর বাড়ীতে নাই । তাঁহাদের নূতন বাগানে গিয়াছেন । বাড়ীর লোকেরা বসিতে নীচের ঘর খুলিয়া দিলেন ।

গাড়ীর ভাড়া দিতে হবে । কে দিবে ? সুরেশ্বর থাকিলে সেই দিত । ঠাকুর এক জন ভক্তকে বল্লেন, ভাড়াটা মেয়েদের কাছ থেকে চেয়ে নে না । ওবা কি জানে না, ওদের ভাতারবা যায় আসে । (সকলের হাস্য) ।

নরেশ্বর পাড়াতেই থাকেন । ঠাকুর নরেশ্বরকে ডাকিতে পাঠাইলেন । এদিকে বাড়ীর লোকেরা ছতলার ঘরে ঠাকুরকে বসাইলেন । ঘরের মেজেতে চাদর পাতি, দু চারটা ডাকিয়া তার উপর ; কক্ষ প্রাচীরে সুরেশ্বরের বিশেষ যত্নে প্রস্তুত ছবি (Oil Painting) বাহাতে কেশবকে ঠাকুর দেখাইতেছেন হিন্দু, মুসলমান, খৃষ্টান, বৌদ্ধ সকল ধর্ম্মের সমন্বয় । আর বৈষ্ণব, শাক্ত, শৈব ইত্যাদি সকল সম্প্রদায়ের সমন্বয় ।

ঠাকুর বসিয়া সহাস্তে গল্প করিতেছেন, এমন সময়ে নরেশ্বর আসিয়া পৌঁছিলেন । তখন ঠাকুরের আনন্দ যেন দ্বিগুণ হইল । তিনি বলিলেন, “আজ কেশব সেনের সঙ্গে কেমন জাহাজে ক’রে বেড়াতে গিছিলাম । বিজয় ছিল, এরা সব ছিল । মাষ্টারকে নির্দেশ করিয়া বলিলেন, একে জিজ্ঞাসা কর, কেমন বিজয় আর কেশবকে বল্লুম, মায় ঝিয়ে মঙ্গলবার, আর জটীলে কুটীলে না থাকলে লীলা পোষ্টাই হয় না , এই সব কথা । (মাষ্টারের প্রতি) কেমন গা ? ” মাষ্টার বল্লেন, আজ্ঞা হাঁ ।।

রাত্রি হইল, তবু সুরেন্দ্র কিরিলেন না। ঠাকুর দক্ষিণেশ্বরে যাইবেন, আর দেৱী করা যায় না। রাত সাড়ে দশটা। রাস্তায় টাদের আলো।

গাড়ী আসিল। ঠাকুর উঠিলেন। নরেন্দ্র ও নাট্টার প্রণাম করিয়া কলিকাতাস্থিত স্ব স্ব বাটীতে প্রত্যাগমন করিলেন।

প্রথমভাগ-দ্বিতীয়খণ্ড।

সিঁতি ব্রাহ্মসমাজ দর্শন ও শ্রীযুক্ত শিবনাথ প্রভৃতি
ব্রাহ্মভক্তদিগের সহিত কথোপকথন ও আনন্দ।

প্রথম পরিচ্ছেদ ।

উৎসব মন্দিরে শ্রীনারায়ণকৃষ্ণ ।

প্রায় চল্লিশ বর্ষ অতীত হইল, শ্রীশ্রীপরমহংসদেব সিঁতির ব্রাহ্মসমাজ দর্শন করিতে গিয়াছিলেন। ২৮এ অক্টোবর, ইং ১৮৮২ খৃষ্টাব্দ, শনিবার আশ্বিন মাসের কৃষ্ণাষ্টমীয়া তিথি।

আজ এখানে মহোৎসব। ব্রাহ্মসমাজের ষাণ্মাসিক। তাই ভগবান শ্রীরামকৃষ্ণের এখানে নিমন্ত্রণ। বেলা ৩টা, ৪টার সময় তিনি কয়েকজন ভক্তসঙ্গে গাড়ী করিয়া দক্ষিণেশ্বরের কালীবাটী হইতে শ্রীযুক্ত বেণীমাধব পালের মনোহর উত্তানবাটীতে উপস্থিত হইলেন। এই উত্তানবাটীতে ব্রাহ্মসমাজের অধিবেশন হইয়া থাকে। ব্রাহ্মসমাজকে তিনি বড় ভালবাসেন। ব্রাহ্মভক্তগণও তাঁহাকে সাতিশয় ভক্তি শ্রদ্ধা করেন। ইহার পূর্ব দিন অর্থাৎ শুক্রবার বৈকালে কত আনন্দ করিতে করিতে শিষ্য শ্রীযুক্ত কেশবচন্দ্র সেনের সহিত ভাগীরথী-বক্ষে, কালীবাটী হইতে কলিকাতা পর্য্যন্ত, ভক্তসঙ্গে স্তীমার করিয়া বেড়াইতে আসিয়াছিলেন।

সিঁতি পাইকপাড়ার নিকট। কলিকাতা হইতে দেড় ক্রোশ উত্তরে উত্তানবাটীটা মনোহর বলিয়াছি। স্থানটা অতি নিভৃত।

ভগবানের উপাসনার পক্ষে বিশেষ উপযোগী । উত্তানস্বামী বৎসরে ছুইবার মহোৎসব করিয়া থাকেন । একবার শরৎকালে, আর একবার বসন্তে । এই মহোৎসব উপলক্ষে তিনি কলিকাতার ও সিঁতির নিকটবর্তী গ্রামের অনেক ভক্তদিগকে নিমন্ত্রণ করিয়া থাকেন । তাই আজ কলিকাতা হইতে শিবনাথ প্রভৃতি ভক্তগণ আসিয়াছেন । তাঁহাদের মধ্যে অনেকেই প্রাতঃকালে উপাসনায় যোগদান করিয়াছেন । আবার সন্ধ্যাকালীন উপাসনা হইবে, তাই প্রতীক্ষা করিতেছেন । বিশেষতঃ তাঁহারা শুনিয়াছেন যে, অপরাহ্নে মহাপুরুষের আগমন হইবে ও তাঁহারা তাঁহার আনন্দমূর্ত্তি দেখিতে পাইবেন, তাঁহার হৃদয়মুগ্ধকরী কথাযুত পান করিতে পাইবেন, তাঁহার সেই মধুর সংকীৰ্ত্তন শুনিতে ও দেবছলভ হরিপ্রেমময় নৃত্য দেখিতে পাইবেন !

অপরাহ্নে বাগানটা বহুলোক সমাকীর্ণ হইয়াছে । কেহ লতা-মগুপছায়ায় কাষ্টাসনে উপবিষ্ট । কেহ বা সুন্দর বাগীতটে বন্ধু-সমভিব্যাহারে বিচরণ করিতেছেন । অনেকেই সমাজগৃহে শ্রীরাম-কৃষ্ণের আগমন প্রতীক্ষায় পূৰ্ব্ব হইতেই উত্তম আসন অধিকার করিয়া বসিয়া আছেন । উত্তানের প্রবেশদ্বারে পানের দোকান । প্রবেশ করিয়া বোধ হয় যেন পূজাবাড়ী—রাত্রিকালে যাত্রা হইবে । চতুর্দিক আনন্দ পরিপূর্ণ । শরতের নীল আকাশে আনন্দ প্রতি-ভাসিত হইতেছে । উত্তানের বৃক্ষলতাগুল্য মধ্যে প্রভাত হইতে আনন্দের সমীরণ বহিতেছে । আকাশ, জীব জন্তু, বৃক্ষ লতা যেন একতানে গান করিতেছে—

“জাগি কি হরষ সমীর বহে প্রাণে—ভগবৎ মঙ্গল কিরণে ।

সকলেই যেন ভগবদর্শন-পিপাসু । এমন সময়ে পরমহংসদেবের গাড়ী আসিয়া সমাজগৃহের সম্মুখে উপস্থিত হইল ।

সকলেই গাত্ৰোত্থান করিয়া মহাপুরুষের অভ্যর্থনা করিতেছেন । তিনি আসিয়াছেন ! চারিদিকের লোক তাঁহাকে মণ্ডলাকারে ঘেরিতেছে ।

সমাজগৃহের প্রকোষ্ঠ মধ্যে বেদী রচনা হইয়াছে । সে স্থান লোকে পরিপূর্ণ । সম্মুখে দালান, সেখানে পরমহংসদেব সমা-সীন, সেখানেও লোক । আর দালানের ছুই পার্শ্বস্থিত ছুই ঘর,—

সে ঘরেও লোক,—বরের দ্বারদেশে উদ্‌গ্রীব হইয়া লোকে-দণ্ডায়মান। দালানে উঠিবার সোপানপর পুরা এক প্রান্ত হইতে অপর প্রান্ত পর্য্যন্ত বিস্তৃত। সেই সোপানও লোকে লোকাকীর্ণ; সোপানের অনতিদূরে ২৩টা বৃক্ষ, পার্শ্বে লতামণ্ডপ,—সেখানে কয়েকখানি কাঠাসন। তথা হইতেও লোকে উদ্‌গ্রীব ও উৎকর্ণ হইয়া মহাপুরুষের দিকে দৃষ্টিপাত করিতেছে। সারি সারি কল ও পুস্পের বৃক্ষ, মধ্যে পথ। বৃক্ষ সকল সমীরণে ঈষৎ হেলিতেছে ছলিতেছে, যেন আনন্দভরে মস্তক অবনত করিয়া তাঁহাকে অভ্যর্থনা করিতেছে!

ঠাকুর পরমহংসদেব হাসিতে হাসিতে আসন গ্রহণ করিলেন। এখন সব চক্ষু এককালে তাঁহার আনন্দমূর্ত্তির উপর পতিত হইল। যতক্ষণ নাট্যশালায় অভিনয় আরম্ভ না হয়, ততক্ষণ দর্শকবৃন্দের মধ্যে কেহ হাসিতেছে কেহ বিষয়-কর্মেব কথা কহিতেছে, কেহ একাকী অথবা বন্ধুসঙ্গে পাদচারণ করিতেছে, কেহ পান খাইতেছে, কেহ বা তামাক খাইতেছে। কিন্তু যাই ড্রপসিন উঠিয়া গেল, অমনি সকলে সব কথাবার্তা বন্ধ করিয়া অনন্তমন হইয়া একদৃশ্যে নাট্যরঙ্গ দেখিতে থাকে। অথবা নানা পুস্পপরিভ্রমণকারী ষটপদবৃন্দ পদ্মের সন্ধান পাইলে অল্প কুসুম ত্যাগ করিয়া পদ্মমধু পান করিতে ছুটিয়া আসে!

দ্বিতীয় পরিচ্ছেদ ।

মাঞ্চ যোহব্যভিচারেণ ভক্তিবোগেন সেবতে ।

স গুণান্ সমস্তীত্যৈতান্ ব্রহ্মভূয়ার কল্পতে । গীতা ।

ভক্ত-সম্ভাষণে ।

সহাস্র বদনে ঠাকুর শ্রীযুক্ত শিবনাথ আদি ভক্তগণের দিকে দৃষ্টি নিক্ষেপ করিতে লাগিলেন। বলিতেছেন, এই যে শিবনাথ! দেখ তোমরা ভক্ত, তোমাদের দেখে বড় আনন্দ হয়। গাঁজাখোরের স্বভাব, আর এক জন গাঁজাখোরকে দেখলে ভারী খুসী হয়। হয় ত তার সঙ্গে কোলাকুলিই করে। (শিবনাথের ও সকলের হাত)।

[সংসারী লোকের স্বভাব। নাম মাহাত্ম্য।]

শ্রীরামকৃষ্ণ। যাদের দেখি ঈশ্বরে মন নাই, তাদের আমি বলি, “তোমরা একটু ঐখানে গিয়ে বস।” অথবা বলি, যাও বেশ বিস্তারিত (রাসমণির কালীবাটার মন্দির সকল) দেখগে (সকলের হস্ত)।

“আবার দেখেছি যে, ভক্তদের সঙ্গে হাবাতে লোক এসেছে। তাদের ভারি বিষয়-বুদ্ধি। ঈশ্বরীয় কথা ভাল লাগে না। ওরা হয়ত আমার সঙ্গে অনেকক্ষণ ধরে ঈশ্বরীয় কথা বলছে। এদিকে এরা আর বসে থাকতে পারে না, ছট্‌ফট্‌ করছে। বার বার কাণে কাণে কিস্ কিস্ করে বলছে, ‘কখন যাবে,—কখন যাবে।’ তারা হয়ত বলে, ‘দাঁড়াও না তে, আর একটু পরে যাব।’ তখন এরা বিরক্ত হয়ে বলে, তবে তোমরা কথা কও, আমরা নৌকায় গিয়ে বসি। (সকলের হস্ত)।

“সংসারী লোকদের যদি বল যে সব ত্যাগ করে ঈশ্বরের পাদপদ্মে মগ্ন হও, তা তারা কখনও শুনবে না। তাই বিষয়ী লোকদের টানবার জন্য গৌরান্নিতাই ছুই তাই মিলে পরামর্শ করে এই ব্যবস্থা করেছিলেন—‘মাগুর মাছের কোল, যুবতী মেয়ের কোল, বোল হরি বোল’। প্রথম দুইটির লোভে অনেকে হরি বোল বলতে যেতো। হরিনামসুখার একটু আশ্বাদ পেলে বুঝতে পারতো যে ‘মাগুর মাছের কোল’ আর কিছুই নয়, হরি প্রেমে যে অক্ষপড়ে তাই, ‘যুবতী মেয়ে’ কিনা—পৃথিবী। ‘যুবতী মেয়ের কোল’ কি না—ধূলায় হরিপ্রেমে গড়াগড়ি।

“নিতাই কোন রকমে হস্তিনাম করিয়ে নিতেন। চৈতন্যদেব বলেছিলেন, ঈশ্বরের নামের ভারি মাহাত্ম্য। শীঘ্র ফল না হ’তে পারে কিন্তু কখনও না কখনও এর ফল হবেই হবে। যেমন কেউ বাড়ীর কাগিসের উপর বীজ রেখে গিয়েছিল; অনেক দিন পরে বাড়ী ভূমিসাগ হ’য়ে গেল, তখনও সেই বীজ মাটিতে পড়ে গাছ হ’ল ও তার ফলও হ’ল।

[মহাযন্ত্রকৃতি ও গুণত্রয়, —ভক্তির সব, রজঃ, তমঃ।]

শ্রীরামকৃষ্ণ। যেমন সংসারীদের মধ্যে সব রজঃ তমঃ তিন গুণ আছে, তেমনি ভক্তিরও সব বজঃ তমঃ তিন গুণ আছে।

“সংসারীর সত্বগুণ কি রকম জান ? বাড়ীটা এখানে ভাঙ্গা, ওখানে ভাঙ্গা—মেরামত করে না। ঠাকুর দালানে পায়রাগুলো হার্প্ছে। উঠানে সেওলা প’ড়েছে, হাঁস নাই। আসবাবগুলো পুরানো, ফিট্-কাট্ করবার চেষ্টা নাই। কাপড় যা তাই, একখানা হ’লেই হলো। লোকটা খুব শাস্ত, শিষ্ট, দয়াশু, অমায়িক, কারু কোনও অনিষ্ট করে না।

“সংসারীর রজোগুণের লক্ষণ আবার আছে। ঘড়ি, ঘড়ির চেন, হাতে দুই তিনটা আংটা। বাড়ীর আসবাব খুব ফিট্ কাট্। দেওয়ালে (Queen's) কুইনের ছবি, রাজপুত্রের ছবি, কোন বড় মানুষের ছবি। বাড়ীটা চুপকাম করা, যেন কোনখানে একটু দাগ নাই। নানারকমের ভাল পোষাক। চাকরদেরও পোষাক। এমনি এমনি সব।

“সংসারীর তমোগুণের লক্ষণ—নিদ্রা, কাম, ক্রোধ, অহঙ্কার, এই সব।

“আর ভক্তির সস্ব স্বাস্থ্য আছে। যে ভক্তের সত্বগুণ আছে, সে ধ্যান করে অতি গোপনে। সে হয় ত মশারির ভিতর ধ্যান করে,—সবাই জানছে ইনি শুয়ে আছেন বৃষ্টি রাত্রে ঘুম হয় নাই, তাই উঠতে এত দেরী হচ্ছে। এদিকে শরীরের উপর আদর কেবল পেট্চলা পর্য্যন্ত ; শাকার পেলেই হ’ল ! খাবার ঘটী নাই। পোষাকের আড়ম্বর নাই। বাড়ীর আসবাবের জাঁকজমক নাই। আর সত্বগুণী ভক্ত কখনও তোষামোদ ক’রে ধন লয় না।

“ভক্তির রজঃ থাকলে সে ভক্তের হয়তো তিলক আছে, রুজ্রাক্ষের মালা আছে। সেই মালার মধ্যে মধ্যে আবার একটা সোণার দানা (সকলের হান্স)। যখন পূজা করে, গরদের কাপড় প’রে পূজা করে।

তৃতীয় পরিচ্ছেদ ।

ক্ৰেব্যঃ মান্ন গমঃ পার্থ নৈতৎ ত্বয়ুপপদ্যতে ।

কুত্রঃ কদমদৌর্কলাং ত্যক্তে, ষ্টিষ্ঠ পরস্তপ ॥ গীতা ।

শ্রীরামকৃষ্ণ । ভক্তির সস্ব স্বাস্থ্যঃ বার হয়, তার বিধাস অলস ।

ঈশ্বরের কাছে সেরূপ ভক্ত জোর করে। যেন ডাকাতি ক’রে ধন কেড়ে লওয়া। ‘মারো কার্টো বাঁধো’ ! এইরূপ ডাকাত-পড়া ভাব।

ঠাকুর ঠাকুরদুটি, তাঁহার প্রেমরসাত্তিবিভক্তকণ্ঠে গাহিতেছেন —:

গঙ্গা গঙ্গা প্রভাসাদি কাশী কাশী কেবা চান্দ ।

কালী কালী বলে আমার অঙ্গণ যদি ফুরায় ॥ ত্রিসঙ্খ্যে যে বলে কালী,
পূজা সঙ্খ্যে সে কি চায় । সঙ্খ্যে তার সঙ্কানে করে কতু সন্ধি নাহি পায় ॥ দয়া
ব্রত দান আদি, আর কিছু না মনে লয় । মননের বাগ বহু, ব্রহ্মবরীর রাসা পায় ।
কালীনামের এত গুণ কেবা জানতে পারে তার । দেবাদিদেব মহাদেব ধীর
পঞ্চমুখে গুণ গায় ॥

ঠাকুর ভাবোন্মত্ত, যেন অগ্নিমন্ত্রে দীক্ষিত হইয়া গাহিতেছেন ।

[নাম -মাহাত্ম্য ও পাপ । তিন প্রকার আচার্য্য ।]

গান । আমি দুর্গা দুর্গা বলে আ যদি অন্নি ।

আধেরে এ দীনে, না তারো কেমনে, জানা যাবে গো শরীরী । (৩৫ পৃষ্ঠা)

“কি ! আমি তাঁর নাম ক’রেছি—আমার আবার পাপ ! আমি
তাঁর ছেলে ! তাঁর ঐশ্বর্যের অধিকারী !” এমন রোক হওয়া চাই ।

“তমোগুণকে মোড় কিরিয়ে দিলে ঈশ্বর লাভ হয় । তাঁর কাছে
জোর কর ; তিনি ত পর নন, তিনি আপনার লোক ।

“আবার দেখ, এই তমোগুণকে পরের মঙ্গলের জন্য ব্যবহার
করা যায় । বৈদ্য তিন প্রকার;—উত্তম বৈদ্য, মধ্যম বৈদ্য, অধম
বৈদ্য । যে বৈদ্য এসে নাড়ী টিপে ‘ঔষধ খেও হে,’ এই কথা বলে
চ’লে যায়, সে অধম বৈদ্য—রোগী খেলে কি না, এ খবর সে লয়
না । যে বৈদ্য রোগীকে ঔষধ খেতে অনেক ক’রে বুঝায়—যে মিষ্ট
কথাতে বলে, ‘ওহে ঔষধ না খেলে কেমন করে ভাল হবে !
লক্ষ্মীটা খাও’ আমি নিজে ঔষধ মেড়ে দিচ্ছি খাও’—সে মধ্যম বৈদ্য ।
আর যে বৈদ্য, রোগী কোন মতে খেলে না দেখে, বৃকে হাঁটু দিয়ে,
জোর করে ঔষধ খাইয়ে দেয়—সে উত্তম বৈদ্য । এই বৈদ্যের তমো-
গুণ, এ গুণে রোগীর মঙ্গল হয়, অপকার হয় না ।

“বৈদ্যের মত আচার্য্যও তিন প্রকার । ধর্মোপদেশ দিয়ে
শিষ্যদের আর কোন খবর লয় না ; সে আচার্য্য অধম । যিনি
শিষ্যদের মঙ্গলের জন্য তাদের বরাবর বুঝান, যাতে তারা উপদেশ-
গুলি ধারণা কর্তে পারে, অনেক অহুনের বিনয় করেন, ভালবাসা
দেখান,—তিনি মধ্যম থাকের আচার্য্য । আর যখন শিষ্যরা,

কোনও মতে শুনছে না দেখে, কোনও আচার্য্য জোর পর্য্যন্ত করেন, তাঁরে বলি উত্তম আচার্য্য ।”

চতুর্থ পরিচ্ছেদ ।

“যতোবাচো নিবৰ্ত্তন্তে অপ্রাপ্য মনসা সহ” । তৈত্তিরীয় উপনিষৎ ।

ব্রহ্মোন্ন স্মরুপ মুখে বলা যায় না ।

একজন ব্রাহ্মভক্ত জিজ্ঞাসা করিলেন, ঈশ্বর সাকার না নিরাকার ।

শ্রীরামকৃষ্ণ । তাঁর ইতি করা যায় না । তিনি নিরাকার আবার সাকার । ভক্তের জন্ত তিনি সাকার । যারা জ্ঞানী অর্থাৎ জগৎকে যাদেব স্বপ্নবৎ মনে হ’য়েছে, তাঁদের পক্ষে তিনি নিরাকার । ভক্ত জানে আমি একটা জিনিষ, জগৎ একটা জিনিষ । তাই ভক্তের কাছে ঈশ্বর ‘ব্যক্তি’ (Personal God) হ’য়ে দেখা দেন । জ্ঞানী—যেমন বেদান্তবাদী—কেবল নেতি নেতি বিচার করে । বিচার ক’বে জ্ঞানীর বোধে বোধ হয় যে, ‘আমি মিথ্যা, জগৎও মিথ্যা—স্বপ্নবৎ ।’ জ্ঞানী ব্রহ্মকে বোধে বোধ করে । তিনি যে কি, মুখে বলতে পারে না ।

“কি রকম জ্ঞান ? যেন সচ্চিদানন্দ সমুদ্র—কুল কিনারা নাই—ভক্তিহিমে স্থানে স্থানে জল বরফ হ’য়ে যায়—বরফ আকাবে জমাট বাঁধে । অর্থাৎ ভক্তের কাছে তিনি ব্যক্তভাবে কখন কখন সাকার রূপ ধ’রে থাকেন । জ্ঞান-সূর্য্য উঠলে, সে বরফ গ’লে যায়, তখন আর ঈশ্বরকে ব্যক্তি ব’লে বোধ হয় না—তাঁর রূপও দর্শন হয় না । কি তিনি মুখে বলা যায় না । কে ব’লবে ? যিনি বলবেন, তিনিই নাই, তাঁর ‘আমি’ আর খুঁজে পান না ।

“বিচার করতে করতে আমি টামি আর কিছুই থাকে না । প্যাঞ্জের প্রথমে লাল খোসা তুমি ছাড়ালে, তারপর সাদা পুরু খোসা । এইরূপ বরাবর ছাড়তে ছাড়তে ভিতরে কিছু খুঁজে পাওয়া যায় না ।

“যেখানে নিজের ‘আমি’ খুঁজে পাওয়া যায় না । আর খুঁজেই বা কে ?—সেখানে ব্রহ্মের স্বরূপ বোধে বোধ কিরূপ হয়, সে কথা কে ব’লবে !

একটা লুণের পুতুল সমুদ্রে মাপতে গিঁছিল । সমুদ্রে যাই নেমেছে, অমনি গঁলে মিশে গেল । তখন খবর কে দিবেক ?

“পূর্ণ জ্ঞানের লক্ষণ,—পূর্ণ জ্ঞান হ’লে মানুষ চূপ হ’য়ে যায় । তখন আমিরূপ লুণের পুতুল সচ্চিদানন্দরূপ সাগরে গঁলে এক হ’য়ে যায়, আর একটুও ভেদবুদ্ধি থাকে না ।

“বিচার করা যতক্ষণ না শেষ হয়, লোকে ফড়্ ফড়্ করে তর্ক করে । শেষ হ’লে চূপ হ’য়ে যায় । কলসী পূর্ণ হ’লে, কলসীর জল পুকুরের জল এক হ’লে, আর শব্দ থাকে না । যতক্ষণ না কলসী পূর্ণ হয়, ততক্ষণ শব্দ ।

“আগেকার লোকে বলতো, কালাপানীতে জাহাজ গেলে ফেরে না ।

[‘আমি’ কিন্তু যায় না ।]

“আমি ম’লে ঘুচিবে জঞ্জাল’ (হাস্ত) । হাজার বিচার কর, ‘আমি’ যায় না । তোমার আমাব পক্ষে ‘ভক্ত আমি’ এ অতিমান ভাল ।

“ভক্তের পক্ষে সগুণ ব্রহ্ম । অর্থাৎ তিনি সগুণ—একজন ব্যক্তি হ’য়ে, রূপ হ’য়ে, দেখা দেন । তিনিই প্রার্থনা শুনেন । তোমরা যে প্রার্থনা করো, তাঁহাকেই কবো । তোমরা বেদান্তবাদী নও, জ্ঞানী নও ; তোমরা ভক্ত । সাকার রূপ মানো আর না মানো, এসে যায় না । ঈশ্বর একজন ব্যক্তি ব’লে বোধ থাকলেই হলো, যে ব্যক্তি প্রার্থনা শুনেন, সৃষ্টিস্থিতিপ্রলয় করেন, যে ব্যক্তি অনন্তশক্তি ।

“ভক্তিপথেই তাঁকে সহজে পাওয়া যায় ।

পঞ্চম পরিচ্ছেদ ।

ভক্ত্যা বনস্তয়া শব্দ্যঃ অব্যেবংবিবোধার্জন ।

জাতুং ক্রষ্টুং তবেন প্রবেষ্টুং পবস্তপ ॥ গীতা ।

ঈশ্বরদর্শন । জ্ঞানান্ন আ শিন্ধান্নান্ন ।

একজন ব্রাহ্ম-ভক্ত জিজ্ঞাসা করিলেন, ‘মহাশয়, ঈশ্বরকে কি দেখা যায় ? যদি দেখা যায়, দেখিতে পাই না কেন ?’

শ্রীরামকৃষ্ণ । হাঁ, অবশ্য দেখা যায়—সাকার রূপ দেখা যায়, আবার অরূপও দেখা যায় । তা তোমার বুঝাব কেমন ক'রে ?

ব্রাহ্মভক্ত । কি উপায়ে দেখা যেতে পারে ?

শ্রীরামকৃষ্ণ । ব্যাকুল হ'য়ে তাঁর জন্ম কাঁদতে পার । লোকে ছেলের জন্ম, স্ত্রীর জন্ম, টাকার জন্ম, এক ঘটা কাঁদে ! কিন্তু ঈশ্বরের জন্ম কে কাঁদছে ? যতক্ষণ ছেলে চুষি নিয়ে ভুলে থাকে, মা রান্না বাস্না বাড়ীর কাজ সব করে । ছেলের যখন চুষি আর ভাল লাগে না—চুষি ফেলে চীৎকার ক'রে কাঁদে, তখন মা ভাতের হাঁড়ি নামিয়ে ছুড়্ ছুড়্ ক'রে এসে ছেলেকে কোলে লয় ।

ব্রাহ্মভক্ত । মহাশয় ! ঈশ্বরের স্বরূপ নিয়ে এত নানা মত কেন ? কেউ বলে, সাকার,—কেউ বলে নিরাকার—আবার সাকার-বাদীদের নিকট নানারূপের কথা শুনতে পাই । এত গণ্ডগোল কেন ?

শ্রীরামকৃষ্ণ । যে ভক্ত স্বরূপ দেখে, সে সেইরূপ মনে করে । বাস্তবিক কোনও গণ্ডগোল নাষ্ট । তাঁকে কোন রকমে যদি একবার লাভ করতে পারা যায়, তা হ'লে তিনি সব বুঝিয়ে দেন ! সে পাড়া-তেই গেলে না,—সব খবর পাবে কেমন ক'রে ?

“একটা গল্প শুন । একজন বাহ্যে গিছিল । সে দেখলে যে গাছের উপর একটা জানোয়ার রয়েছে । সে এসে আর একজনকে বললে—দেখ, অমুক গাছে একটা সুন্দর লাল রঙের জানোয়ার দেখে এলাম । লোকটা উত্তর করলে, ‘আমি যখন বাহ্যে গিছিলাম আমিও দেখিছি—তা সে লাল রঙ হ'তে যাবে কেন ? সে যে সবুজ রঙ !’ আর একজন বললে, ‘না না—আমি দেখেছি ; হৃদে ।’ এইরূপে আরও কেউ কেউ ব'ললে, না করুণা, বেগুনী, নীল, ইত্যাদি । শেষে ঝগড়া । তখন তারা গাছতলায় গিয়ে দেখে, একজন লোক ব'সে আছে । তাকে জিজ্ঞাসা করলে সে বললে, ‘আমি এই গাছতলায় থাকি, আমি সে জানোয়ারটাকে বেশ জানি—তোমরা যা যা ব'লছ, সব সত্য—সে কখন লাল, কখন সবুজ, কখন হৃদে, কখন নীল, আরও সব কত কি হয় । বহুরূপী । আবার কখনও দেখি, কোনও রঙই নাই । কখনও সপ্তণ কখনও নিপুণ ।

“অর্থাৎ যে ব্যক্তি সদা সর্বদা ঈশ্বর-চিন্তা করে, সেই জান্তে পারে তাঁর স্বরূপ কি ? সে ব্যক্তিই জানে যে, তিনি নানারূপে দেখা দেন, নানাভাবে দেখা দেন—তিনি সগুণ, আবার তিনি নিগুণ । যে গাছডলায় থাকে, সেই জানে যে, বহুরূপীর নানা রঙ—আবার কখন কখন কোন রঙই থাকে না । অগ্নি লোকে কেবল তর্ক ঝগড়া করে কষ্ট পায় ।

“কবীর ব’লতো, ‘নিরাকার আমার বাপ, সাকার আমার মা ।’

“ভক্ত যে রূপটা ভালবাসে, সেইরূপে তিনি দেখা দেন—তিনি যে ভক্তবৎসল ! পুরাণে আছে, বীরভক্ত হুমুমানের জন্ত তিনি রামরূপ ধ’রেছিলেন ।

[কালীরূপ ও শ্রামরূপের ব্যাখ্যা । ‘অনন্ত’কে—জানা যায় না ।]

“বেদান্ত বিচারের কাছে রূপটুপ্ উড়ে যায় । সে বিচারের শেষ সিদ্ধান্ত এই—ব্রহ্ম সত্য, আর নামরূপবৃত্ত জগৎ মিথ্যা । যতক্ষণ ‘আমি ভক্ত’ এই অভিমান থাকে, ততক্ষণই ঈশ্বরের রূপ দর্শন আর ঈশ্বরকে ব্যক্তি (Person) ব’লে বোধ সম্ভব হয় । বিচারের চক্ষে দেখলে ভক্তের ‘আমি’ অভিমান, ভক্তকে একটু দূরে রেখেছে । কালীরূপ কি শ্রামরূপ চৌদ্দ পোয়া কেন ? দূরে ব’লে । দূরে ব’লে সূর্য্য ছোট দেখায় । কাছে যাও তখন এত বৃহৎ দেখাবে যে, ধারণা ক’রতে পারবে না । আবার কালীরূপ কি শ্রামরূপ শ্রামবর্ণ কেন ? সেও দূর ব’লে । যেমন দীঘির জল দূরে থেকে সবুজ, নীল বা কালবর্ণ দেখায়, কাছে গিয়ে হাতে ক’রে জল তুলে দেখ, কোন রঙই নাই । আকাশ দূরে দেখলে নীলবর্ণ, কাছে দেখ, কোন রঙ নাই ।

“তাই বলছি, বেদান্ত দর্শনের বিচারে ব্রহ্ম নিগুণ । তাঁর কি স্বরূপ, তা মুখে বলা যায় না । কিন্তু যতক্ষণ তুমি নিজে সত্য, ততক্ষণ জগৎও সত্য, ঈশ্বরের নানারূপও সত্য ! ঈশ্বরকে ব্যক্তিবোধও সত্য ।

ঈশ্বরামকৃৎ । ভক্তিপথ তোমাদের পথ । এ খুব ভাল—এ সহজ পথ । অনন্ত ঈশ্বরকে কি জানা যায় ? আর তাঁকে জানবারই বা কি দরকার ? এই ছন্নভ মানুষজনম পেয়ে আমার দরকার তাঁর পাদ-পদ্মে যেন ভক্তি হয় ।

“যদি আমার এক ঘটা জলে ভুঁকা যায়, পুকুরে কত জল আছে, এ মাপ্‌বার আমার কি দরকার ? আমি আধ বোতল মদে মাতাল হয়ে যাই—তু ড়ির দোকানে কত মণ মদ আছে, এ হিসাবে আমার কি দরকার ? অনন্তকে জ্ঞানার দরকারই বা কি !

ষষ্ঠ পরিচ্ছেদ ।

ষড়ান্বরতিরেব শাদান্বরত্বপ্তশ মানবঃ ।

আন্বন্তেব চ সন্ততন্ত কার্যং ন বিদ্বতে ॥ গীতা ।

ঈশ্বরলাভের লক্ষণ । সপ্তভূমি ও ব্রহ্মজ্ঞান ।

“বেদে ব্রহ্মজ্ঞানীর নানা রকম অবস্থা বর্ণনা আছে ! জ্ঞানপথ বড় কঠিন পথ । বিষয় বুদ্ধি—কামিনী-কাঞ্চে আসক্তির—লেশমাত্র থাকলে জ্ঞান হয় না । এ পথ কলিম্বুগেন্ন পক্ষে নয় ।

“এই সম্বন্ধে বেদে সপ্তভূমিন্ন (Seven Planes) কথা আছে । এই সাত ভূমি মনের স্থান । যখন সংসারে মন থাকে, তখন লিপ্ত, গুহ্য ও নাতি মনের বাসস্থান । মনের তখন উর্দ্ধদৃষ্টি থাকে না—কেবল কামিনী-কাঞ্চে মন থাকে ! মনের চতুর্থ ভূমি, স্বদয় । তখন প্রথম চৈতন্ত হয়েছে । আর চারিদিকে জ্যোতি দর্শন হয় । তখন সে ব্যক্তি ঐশ্বরিক জ্যোতিঃ দেখে অবাক হয়ে বলে, ‘একি !’ ‘একি !’ তখন আর নীচের দিকে (সংসারের দিকে) মন যায় না ।

“মনের পঞ্চম ভূমি, কণ্ঠ । মন যার কণ্ঠে উঠেছে, তার অবিজ্ঞা অজ্ঞান সব গিয়ে, ঈশ্বরীয় কথা বই অস্ত্র কোন কথা শুনতে বা বলতে ভাল লাগে না । যদি কেউ অস্ত্র কথা বলে, সেখান থেকে উঠে যায় ।

“মনের ষষ্ঠ ভূমি কপাল । মন সেখানে গেলে অহর্নিশি ঈশ্বরীয় রূপ দর্শন হয় । তখনও একটু ‘আমি’ থাকে । সে ব্যক্তি সেই নিরূপম রূপ দর্শন করে উন্মত্ত হয়ে, সেই রূপকে স্পর্শ আর আলিঙ্গন করতে যায় কিন্তু পারে না । যেমন লণ্ঠনের ভিতর আলো আছে, মনে হয়, এই আলো ছুঁলাম ছুঁলাম ; কিন্তু কাঁচ ব্যবধান আছে বলে ছুঁতে পারা যায় না ।

”শিরোদেশ সপ্তম ভূমি । সেখানে মন গেলে সমাধি হয় ও ব্রহ্ম-
জ্ঞানীর ব্রহ্মের প্রত্যক্ষ দর্শন হয় । কিন্তু সে অবস্থার শরীর অধিক
দিন থাকে না । সৰ্ব্বদা বেহা স কিছু খেতে পারে না, মুখে ছুধ দিলে
গড়িয়ে যায় । এই ভূমিতে একুশ দিনে মৃত্যু । এই ব্রহ্মজ্ঞানীর
অবস্থা । তোমাদের ভক্তিপথ । ভক্তিপথ খুব ভাল আর সহজ ।

[সমাধি হলে কৰ্ম ত্যাগ । পূৰ্বকথা—ঠাকুৰেব তৰ্পণাদি কৰ্ম ত্যাগ ।]

“আমায় এক জন ব’লেছিল, মহাশয় ! আমাকে সমাধিটা
শিখিয়ে দিতে পারেন ? (সকলের হাস্ত) ।

“সমাধি হ’লে সব কৰ্ম ত্যাগ হ’য়ে যায় । পূজা জপাদি কৰ্ম,
বিষয়কৰ্ম, সব ত্যাগ হয় । প্রথমে কৰ্মেব বড় হৈ চৈ থাকে । যত
ঈশ্বরের দিকে এগুবে, ততই কৰ্মের আড়ম্বৰ কমে । এমন কি তাঁর
নাম-গুণ-গান পর্য্যন্ত বন্ধ হ’য়ে যায় । (শিবনাথের প্রতি) যতক্ষণ
ভূমি সভায় আসনি তোমাব নাম, গুণ, কথা, অনেক হ’য়েছে । যাই
ভূমি এসে প’ড়েছ, অমনি সেসব কথা বন্ধ হ’য়ে গেল । তখন তোমার
দৰ্শনেতেই আনন্দ । তখন লোকে বলে, এই যে শিবনাথ বাবু এসে-
ছেন ; তোমার বিষয়ে অল্প সব কথা বন্ধ হ’য়ে যায় ।

“আমাব এই অবস্থার পর গঙ্গাজলে তৰ্পণ করতে গিয়ে দেখি
যে হাতের আঙ্গুলেব ভিতর দিয়ে জল গ’লে প’ড়ে যাচ্ছে । তখন
হলধারীকে কাঁদতে কাঁদতে জিজ্ঞাসা ক’রলাম, দাদা একি হ’ল !
হলধাৰী বুলে, একে ‘গলিতহস্ত’ বলে । ঈশ্বৰ দৰ্শনের পর
তৰ্পণাদি কৰ্ম থাকে না ।

“সঙ্কীৰ্তনে প্রথমে বলে, ‘নিতাই আমার মাতাহাতী’ !—‘নিতাই
আমার মাতা হাতী ! ভাব গাঢ় হ’লে শুধু বলে, ‘হাতী ! হাতী !’
তার পর কেবল ‘হাতী !’ এই কথাটা মুখে থাকে । শেষে ‘হা !’
বলতে বলতে ভাবসমাধি হয় । তখন সে ব্যক্তি, এতক্ষণ কীৰ্তন
ক’রছিল, চুপ হয়ে যায় ।’

‘যেমন ব্রাহ্মণভোজনে প্রথমে খুব হৈ চৈ । যখন সকলে পাতা
সম্মুখে ক’রে ব’সল, তখন অনেক হৈ চৈ ক’মে গেল, কেবল ‘লুচি
আন ‘লুচি আন’ শব্দ হ’তে থাকে । তার পর যখন লুচি তরকারী
খেতে আরম্ভ করে, তখন বার আনা শব্দ কমে গেছে । যখন দুই

এল, তখন সুপ্ সুপ্ (সকলের হাস্ত)—শব্দ নাই বললেও হয় ।
খাবার পর নিজা । তখন সব চুপ ।

“তাই বলছি, প্রথম প্রথম কর্মের খুব হৈ চৈ থাকে । ঈশ্বরের
পক্ষে যত এগুবে ততই কর্ম কমবে । শেষে কর্মত্যাগ আর সমাধি ।

“গৃহস্থের বৌ অন্তঃসঙ্গ হ'লে শাস্ত্রী কর্ম কমিয়ে দেয়, দশমাসে
কর্ম প্রায় ক'রতে হয় না । ছেলে হ'লে একেবারে কর্মত্যাগ । মা
ছেলেটা নিয়ে কেবল নাড়া চাড়া করে । ঘবকন্নার কাজ শাস্ত্রী,
ননদ, জা, এরা সব করে ।

[অবতাবাদিব শব্দেব সমাধিব পব লোকশিক্ষাব জ্ঞত্ব ।]

“সমাধিস্থ হ'বার পর প্রায় শরীর থাকে না । কা'রু কা'রু লোক-
শিক্ষার জ্ঞত্ব শরীর থাকে—যেমন নারদাদির । আর চৈতন্যদেবের
মত অবতারদের । কুপ খোঁড়া হ'য়ে গেলে, কেহ কেহ বুড়ি কোদাল
বিদায় ক'রে দেয় । কেউ কেউ রেখে দেয়—ভাবে, যদি পাডার কারু
দরকার হয় । একরূপ মহাপুরুষ জীবের দুঃখে কাতব । এরা স্বার্থপর
নয় যে, আপনাদের জ্ঞান হলেই হল । স্বার্থপর লোকের কথা তো
জান । এখানে মোং বলে মুংবে না, পাছে তোমার উপকার হয়
(সকলের হাস্ত ।) এক পয়সার সন্দেশ দোকান থেকে আনতে
দিলে চুবে চুবে এনে দেয় । (সকলের হাস্ত ।)

“কিন্তু শক্তিবিশেষ । সামান্য আধার লোকশিক্ষা দিতে ভয় করে ।
হাবাতে কাঠ নিজে এক রকম করে ভেসে যায়, কিন্তু একটা পাখী
এসে বসলে ডুবে যায় । কিন্তু নারদাদি বাহাহুরী কাঠ । এ কাঠ
নিজেও ভেসে যায়, আবার উপরে কত মানুষ, গরু হাতী পর্য্যন্ত
নিয়ন্ত্রে যেতে পারে !

সপ্তম পরিচ্ছেদ ।

অদৃষ্টপূর্কং লবিঠোহপি দৃষ্টা, তন্মেন চ প্রব্যথিতঃ মনো মে ।

তদেব বে দর্শয় দেব রূপং, প্রসীদ দেবেশ জগন্নিবাস ॥ গীতা ১১, ১৫।

‘ভ্রামাসমাজে প্রার্থনা পদ্ধতি ঈশ্বরের ত্রৈলোক্য-বর্ণনা ।

ব্রাহ্মসমাজের প্রার্থনা পদ্ধতি ও ঈশ্বরের ঐশ্বর্য বর্ণনা । ৭৫

[পূর্বকথা—দক্ষিণেশ্ববে ৮বাধাকান্তের ঘবে গয়না চুরি । ১৮৩৯ ।]

শ্রীরামকৃষ্ণ (শিবনাথাদির প্রতি) । হ্যাঁগা, তোমরা ঈশ্বরের ঐশ্বর্য অত বর্ণনা কর কেন ? আমি কেশব সেনকে ঐ কথা ব'লেছিলাম । এক দিন তারা সব ওখানে (কালী-বাড়ীতে) গি'ছিল । আমি ব'ল্লুম, তোমরা বি রকম lecture দাও, আমি শুনবো । তা' গঙ্গার ঘাটের চাঁদনীতে সভা হ'ল, আর কেশব বলতে লাগল । বেশ বললে ; আমার, ভাব হ'য়ে গি'ছিল । পরে কেশবকে আমি বল্লুম, তুমি এগুলো এত বল কেন ?—হে ঈশ্বর, তুমি কি সুন্দর ফুল করিয়াছ, তুমি আকাশ করিয়াছ, তুমি তারা করিয়াছ, তুমি সমুদ্র করিয়াছ ; এই সব ? যারা নিজে ঐশ্বর্য ভালবাসে, তারা ঈশ্বরের ঐশ্বর্য বর্ণনা ক'রতে ভালবাসে । যখন বাধাকান্তের গয়না চুরি গেল, সেজ বাবু (রাসমণির জামাই) রাধাকান্তের মন্দিরে গিয়ে ঠাকুরকে ব'লতে লাগল, ছি ঠাকুর ! তুমি তোমার গয়না রক্ষা ক'রতে পারলে না !' আমি সেজ বাবুকে বল্লাম, ও তোমার কি বুদ্ধি ! স্বয়ং লক্ষ্মী ষাঁর দাসী, পদসেবা কবেন, তাঁর কি ঐশ্বর্যের অভাব । এ গয়না তোমার পক্ষেই ভারী একটা জিনিষ, কিন্তু ঈশ্বরের পক্ষে কতকগুলো মাটির ডালা ! ছি ! অমন হীনবুদ্ধির কথা বলতে নাই, কি ঐশ্বর্য তুমি তাঁকে দিতে পার ? তাই বলি, যাকে নিয়ে আনন্দ হয়, তাকেই লোকে যায়, তার বাড়ী কোথায়, ক'খানা বাড়ী, ক'টা বাগান, কত ধন জন দাস দাসী এর খবরে কাজ কি ? নরেন্দ্রকে যখন দেখি, তখন আমি সব ভুলে যাই । তার কোথা বাড়ী, তার বাবা কি করে, তার ক'টা ভাই, এ সব কথা এক দিন ভুলেও জিজ্ঞাসা করি নাই । ঈশ্বরের মাধুর্য্যরসে ডুবে যাও । তাঁর অনন্ত সৃষ্টি ! অনন্ত ঐশ্বর্য ! অত খবরে আমাদের কাজ কি ।

আবার সেই গন্ধর্ধ্বনিন্দিত কণ্ঠে সেই মধুরিমাপূর্ণ গান ।

ডুব্ ডুব্ ডুব্ জ্ঞাপ সাগরে আশ্রয় মন । তলাতল
পাতাল খুঁজলে, পাবি বে প্রেম তখন ॥ খুঁজ্ খুঁজ্ খুঁজ্ খুঁজ্লে পাবি, রুদ্র
মাঝে বৃন্দাবন । দীপ্ দীপ্ দীপ্ জ্ঞানেব বাতি, জলবে হৃদে অহুক্ষণ ॥ ড্যাঙ
ড্যাঙ ড্যাঙ ড্যাঙ ডিঙ্গে, চালার আধাব সে কোন জন । কুবীর বলে শোন
শোন শোন, ভাব গুণব ত্রীচরণ ॥

“তবে দর্শনের পর ভক্তের সাধ হয়, তাঁর লীলা কি, দেখি রামচন্দ্র রাবণবধের পর রাক্ষসপুরী প্রবেশ ক’লেন ; বুড়ি নিকষা দৌড়ে পালাতে লাগল । লক্ষণ বল্লেন, ‘রাম ! একি বলুন দেখি ; এই নিকষা এত বুড়ী, কত পুত্রশোক পেয়েছে—তার এত প্রাণের ভয়, পালাচ্ছে !’ রামচন্দ্র নিকষাকে অভয়দান ক’রে সম্মুখে আনিয়া জিজ্ঞাসা করাতে’ নিকষা ব’ল্লে, রাম এত দিন বেঁচে আছি ব’লে তোমার এত লীলা দেখলাম, তাই আরও বাঁচবার সাধ আছে ! তোমার আরও কত লীলা দেখবো । (সকলের হাস্য) ।

(শিবনাথের প্রতি) তোমাকে দেখতে ইচ্ছা করে । শুদ্ধাত্মাদের না দেখলে কি নিয়ে থাকব ? শুদ্ধাত্মাদের পূর্বজন্মের বন্ধু ব’লে বোধ হয় ।

একজন ব্রাহ্মভক্ত জিজ্ঞাসা ক’রলেন, মহাশয় ! আপনি জন্মান্তর মানেন ?

[জন্মান্তর । ‘বচনি মে বাতীতানি জন্মানি তব চার্কুন’]

শ্রীরামকৃষ্ণ । হাঁ, আমি শুনেছি জন্মান্তর আছে । ঈশ্বরের কার্য আমরা ক্ষুদ্রবুদ্ধিতে কি বুঝবো ? অনেকে ব’লে গেছে, তাই অবিধাস করতে পারি না । ভীষ্মদেব দেহ ত্যাগ কর’বেন, শর-শয্যায় শুয়ে আছেন, পাণ্ডবেরা শ্রীকৃষ্ণের সঙ্গে সব দাঁড়িয়ে । তাঁরা দেখলেন যে, ভীষ্মদেবের চক্ষু দিয়ে জল প’ড়ছে । অর্জুন শ্রীকৃষ্ণকে ব’ল্লেন, ভাই, কি আশ্চর্য্য ! পিতামহ, যিনি স্বয়ং ভীষ্মদেব, সত্যবাদী, জিতেন্দ্রিয়, জ্ঞানী, অষ্টবশুর এক বসু, তিনিও দেহত্যাগের সময় মায়াতে কাঁদচেন ! শ্রীকৃষ্ণ ভীষ্মদেবকে এ কথা বলাতে তিনি বল্লেন, কৃষ্ণ ! তুমি বেশ জান, আমি সে জন্তু কাঁদচি না । যখন ভাবছি যে, যে পাণ্ডবদের স্বয়ং ভগবান নিজে সারথী তা’দেরও হুঃখ বিপদের শেষ নাই, তখন এই মনে ক’রে কাঁদচি যে, ভগবানের কার্য কিছুই বুঝতে পারলাম না !”

[কীর্ত্তনামন্দে—ভক্তসঙ্গে ।]

সমাজগৃহে এইবার সঙ্ঘ্যাকালীন উপাসনা হইল । রাত্রি প্রায় সাড়ে আটটা । সঙ্ঘ্যার চারপাঁচ দণ্ডেরপর রাত্রি জ্যোৎস্নাময়ী হইল । উত্তা-নের বৃক্ষরাজিলতা পল্লব শরচ্ছত্রের বিমলকিরণে যেন ভাসিতে লাগিল, এ দিকে সমাজ গৃহে সঙ্ঘীর্তন অরম্ভ হইয়াছে । ভগবান্ শ্রীরামকৃষ্ণ

হরিপ্রেমে মাতোয়ারা হইয়া নাচিতেছেন, ব্রাহ্মভক্তেরা খোল করতালি লইয়া তাঁহাকে বেড়িয়া বেড়িয়া নাচিতেছেন । সকলেই ভাবে মত্ত যেন শ্রীভগবানের সাক্ষাৎকার লাভ করিয়াছেন । হরিনামের রোল উত্তরোত্তর উঠিতেছে । চাবিদিকে গ্রামবাসীরা হরিনাম শুনিতেছেন, আর মনে মনে উত্তানস্বামী ভক্ত বেণীমাধবকে কতই ধন্যবাদ দিতেছেন ।

কীৰ্ত্তনান্তে শ্রীরামকৃষ্ণ ভূমিষ্ঠ হইয়া জগন্নাথাকে প্রণাম করিতেছেন প্রণাম করিতে করিতে বলিতেছেন, “ভাগবতভক্তভগবান, জ্ঞানীর চরণে প্রণাম, ভক্তের চরণে প্রণাম, সাকারবাদী ভক্তের নিরকারবাদী ভক্তের চরণে প্রণাম ; আগেকার ব্রহ্মজ্ঞানীদের চরণে, ব্রাহ্মসমাজের ইদানীং ব্রহ্মজ্ঞানীদের চরণে, প্রণাম ।”

বেণীমাধব নানাবিধ উপায়ে ঋদ্ধ আয়োজন করিয়াছিলেন ও সমবেত সকল ভক্তকে পবিতোষ করিয়া ধাওয়াইলেন । শ্রীরামকৃষ্ণ ও ভক্তসঙ্গে বসিয়া আনন্দ করিতে কবিত্তে প্রসাদ গ্রহণ করিলেন ।



প্রথমভাগ-চতুর্থখণ্ড ।

শ্রীযুক্ত বিজয়কৃষ্ণ গোস্বামী ও অন্যান্য ব্রাহ্মভক্তের
প্রতি ঠাকুর শ্রীরামকৃষ্ণের উপদেশ ।



প্রথম পরিচ্ছেদ ।

ন জাযতে ত্রিয়তে বা কদাচিন্নায়ং ভূষা ভবিতা বা ন ভূয়ঃ ।

অজ্ঞো নিত্যঃ শাশ্বতোহং পূবাণো ন হন্ততে হন্তমানে শবীবে ॥ গীতা ।

যুক্ত পুরুষের শরীরত্যাগ কি আত্মহত্যা ?

দক্ষিণেশ্বর কালীবাড়ীতে শ্রীযুক্ত বিজয়কৃষ্ণ গোস্বামী, ভগবান্ শ্রীরামকৃষ্ণকে দর্শন করিতে আসিয়াছেন । সঙ্গে তিনচারিটি ব্রাহ্মভক্ত অগ্রহারণ, গুলাচতুর্থা তিথি । বৃহস্পতিবার, ইংরাজী ১৪ই ডিসেম্বর,

১৮৮২ খৃষ্টাব্দ । পরমহংসদেবের পরমভক্ত শ্রীযুক্ত বলরামের সহিত ইঁহারা নৌকা করিয়া কলিকাতা হইতে আসিয়াছেন । শ্রীরামকৃষ্ণ মধ্যাহ্নকালে সবে একটু বিজ্ঞান করিতেছেন । রবিবারেই বেশী লোক সমাগম হয় । যে সকল ভক্তেরা একান্তে তাঁহার সহিত কথোপকথন করিতে চান, তাঁহারা প্রায় অল্প দিনেই আসেন ।

পরমহংসদেব তক্তাপোষের উপর উপবিষ্ট । বিজয়, বলরাম, মাষ্টার ও অন্যান্য ভক্তেরা, পশ্চিমাশ্রু হইয়া তাঁহার দিকে মুখ করিয়া কেহ মাছুরের উপর, কেহ শুধু মেজের উপর, বসিয়া আছেন । ঘরের পশ্চিম দিকের দ্বারমধ্য দিয়া ভাগীরথী দেখা যাইতেছিল । শীত-কালের স্থিরা স্বচ্ছসলিলা ভাগীরথী । দ্বারের পরই পশ্চিমের অর্দ্ধ-মণ্ডলাকার বারাণ্ডা, তৎপরেই পুষ্পোচ্ছান, তাব পর পোস্তা । পোস্তার পশ্চিম গায়ে পুণ্য সলিলা কলুষহারিণী গঙ্গা, যেন ঈশ্বর মন্দিরের পাদমূল আনন্দে ধৌত করিতে করিতে যাইতে ছিলেন ।

শীতকাল, তাই সকলের গায়ে গরম কাপড় । বিজয় শূলবেদনায় দারুণ যন্ত্রণা পান ; তাই সঙ্গে শিশি কবিয়া ঔষধ আনিয়াছেন — ঔষধ সেবনের সময় হইলে খাইবেন । বিজয় এখন সম্ভারণ ব্রাহ্ম-সমাজের একজন বেতনভোগী আচাৰ্য্য, সমাজেব বেদীৰ উপর বসিয়া তাঁহাকে উপদেশ দিতে হয় । তবে এখন সমাজেব সহিত নানা বিষয়ে মতভেদ হইতেছে । কৰ্ম্ম স্বীকার করিয়াছেন কি করেন — স্বাধীনভাবে কথাবার্তা বা কাৰ্য্য কবিত্তে পাবেন না । বিজয় অতি পবিত্র বংশে—অদ্বৈত গোস্বামীৰ বংশে—জন্মগ্রহণ করিয়াছেন । অদ্বৈত গোস্বামী জ্ঞানীছিলেন—নিরাকার পরব্রহ্মের চিন্তা করিতেন, আবার ভক্তির পরাকাষ্ঠা দেখাইয়া গিয়াছেন । তিনি ভগবান্ চৈতন্যদেবের এক জন প্রধান পার্শ্বদ—হরিপ্রমে মাতোয়ারা হইয়া নৃত্য করিতেন—এত আশ্চর্য্য হইতেন যে নৃত্য করিতে করিতে পরিধানবস্ত্র খসিয়া যাইত । বিজয়ও ব্রাহ্মসমাজে আসিয়াছেন—নিরাকার পরব্রহ্মের চিন্তা করেন ; কিন্তু মহাভক্ত পূৰ্ব্বপুরুষ শ্রীঅদ্বৈতের শোণিত ধমনীমধ্যে প্রবাহিত হইতেছিল, শরীর মধ্যস্থিত হরি-প্রেমের বীজ এখন প্রকাশোন্মুখ—কেবল কাল প্রতীক্ষা করিতেছে ।

দক্ষিণেশ্বরে। শ্রীযুক্ত বিজয় গোস্বামী প্রভৃতি ভক্তসঙ্গে। ৭৯
 তাই তিনি ভগবান শ্রীরামকৃষ্ণের দেবছন্দ হরিপ্রেমে 'গর্গর মাতো-
 য়ারা' অবস্থা দেখিয়া মুগ্ধ হইয়াছেন। মন্ত্রমুগ্ধ সর্প যেমন ফনা ধরিয়া
 সাপুড়ের কাছে বসিয়া থাকে, বিজয়ও পরমহংসদেবের শ্রীমুখনিঃসৃত
 ভাগবত শুনিতে শুনিতে মুগ্ধ হইয়া তাঁহার নিকটে বসিয়া থাকেন।
 আবার যখন তিনি হরিপ্রেমে বালকের স্মায় নৃত্য করিতে থাকেন,
 বিজয়ও তাঁহার সঙ্গে নাচিতে থাকেন।

বিষ্ণুব এঁডেদয়ে বাড়ী, তিনি গলায় খুব দিয়া শরীর ত্যাগ
 করিয়াছেন। আজ প্রথমে তাঁহারই কথা হইতেছে।

শ্রীবামকৃষ্ণ (বিজয়, মাষ্টার ও ভক্তদেব প্রতি)। দেখ, এই
 ছেলেটা শরীর ত্যাগ ক'রছে শুনলুম, মনটা খারাপ হ'য়ে র'য়েছে।
 এখানে আস্তে। স্থলে পোড়তো, কিন্তু বোলতো সংসার ভাল লাগে
 না। পশ্চিমে গিয়ে কোন আত্মীয়ের কাছে কিছুদিন ছিল—সেখানে
 নিচ্ছনে, মাঠে, বনে, পাহাড়ে, সর্বদা ব'সে ধ্যান ক'রতো। বলে-
 ছিল যে, কত কি ঈশ্বরীয় রূপদর্শন করি।

“বোধ হয়—শেষ জন্ম। পূর্বজন্মে অনেক কাজ করা ছিল।
 একটু বাকী ছিল, সেটুকু বাকি এবার হয়ে গেল।

“পূর্বজন্মেব সংস্কার মানতে হয়। শুনেছি—একজন শব সাধন
 করছিল, গভীর বনে ভগবতীর আরাধনা করছিল। কিন্তু সে অনেক
 বিভীষিকা দেখতে লাগলো, শেষে তাকে বাঘে নিয়ে গেল। আর
 এক জন, বাঘের ভয়ে, নিকটে একটা গাছের উপর উঠেছিল। শব
 আর অগ্ন্যাশ্রু পূজার উপকরণ তৈয়ার দেখে, সে নেমে এসে আচমন
 ক'রে শবের উপর ব'সে গেল। একটু জপ ক'রতে ক'রতে না সাক্ষাৎ
 কার হ'লেন ও বলেন—আমি তোমার উপর প্রসন্ন হ'য়েছি, তুমি
 বর নাও। মার পাদপদ্মে শ্রণত হ'য়ে সে বলে—মা, একটা কথা
 জিজ্ঞাসা করি, তোমার কাণ্ড দেখে অবাক হ'য়েছি! সে ব্যক্তি, এত
 খেটে, এত আয়োজন ক'রে, এত দিন ধ'রে তোমার সাধনা ক'রছিল
 তাকে তোমার দয়া হলো না! আর আমি, কিছু জানি না, শুনি না,
 ভজনহীন, সাধনহীন, জ্ঞানহীন, ভক্তিহীন, আমার উপর এত কৃপা
 হ'ল। ভগবতী হাসতে হাসতে বলেন,—‘বাছা, তোমার জন্মান্তরের
 কথা স্বরণ নাই, তুমি জন্ম জন্ম আমার উপাস্তা করেছিলে, সেট

সাধনবলে তোমার এরূপ জোঁট পাঁট হ'য়েছে, তাই আমার দর্শন পেলে । এখন বল, কি বর চাও ?

এক জন ভক্ত বলিলেন, আত্মহত্যা ক'রেছে শুনে ভয় হয় ।

শ্রীরামকৃষ্ণ । আত্মহত্যা করা মহাপাপ, ফিরে ফিরে সংসারে আস্তে হবে, আর এই সংসার যন্ত্রণাভোগ করতে হবে ।

“তবে যদি ঈশ্বরের দর্শন হয়ে কেউ শরীর ত্যাগ ক'রে, তাকে আত্মহত্যা বলে না । সে শরীর ত্যাগে দোষ নাই । জ্ঞানলাভের পর কেউ কেউ শরীর ত্যাগ করে । যখন সোণার প্রতিমা একবার মাটির ছাঁচে ঢালাই হয়, তখন মাটির ছাঁচ রাখতেও পারে, ভেঙ্গে ফেলতেও পারে ।

“অনেক বছর আগে বরাহনগর থেকে একটা ছোকরা আস্তো, উমের কুড়ি বছর হ'বে । গোপাল সেন । যখন এখানে আস্তো, তখন এত ভাব হতো যে, হৃদয়কে ধ'রতে হ'তো—পাছে প'ড়ে গিয়ে হাত পা ভেঙ্গে যায় । সে ছোকরা একদিন হঠাৎ আমার পায়ে হাত দিয়ে বল্লে—‘আর আমি আস্তে পারবো না—তবে আমি চ'লুম ।’ কিছুদিন পরে শুন্লাম যে, সে শরীর ত্যাগ ক'রেছে ।

দ্বিতীয় পরিচ্ছেদ ।

অনিত্যমমুখং লোকমিমং প্রাপ্য ভক্তস্য মাতৃ । গীতা ৯, ৩৩ ।

জীব চার থাক । বন্ধ জীবের বন্ধ লক্ষণ ।

কামিনীকাঞ্চন ।

শ্রীরামকৃষ্ণ । জীব চার থাক ব'লেছে—বন্ধ, মুখুকু, মুক্ত, নিত্য । “সংসার জালের স্বরূপ, জীব যেন মাছ, ঈশ্বর (বার মায়্যা এই সংসার) তিনি জেলে ! জেলের জালে যখন মাছ পড়ে, কতকগুলো মাছ জাল ছিঁড়ে পালাবার অর্থাৎ মুক্ত হবার চেষ্টা করে । এদের মুখুকুজীব বলা যায় । যারা পালাবার চেষ্টা করছে, সকলেই পালাতে পারে না ।

দক্ষিণেশ্বরে । শ্রীবৃক্ষ বিজয় প্রভৃতি উক্তগণে ।

৮১

দু'চারটা মাছ ধপাড্ শব্দ ক'রে পলায় । তখন লোকেরা ব'লে, এ 'মাছটা বড পালিয়ে গেল !' এই দু'চারটা লোক মুক্তজীব । কতক-গুলি মাছ স্বভাবতঃ এত সাবধান যে, কখনও জালে পড়ে না । নারদাদি নিত্যজীব কখনও সংসার জালে পড়ে না । কিন্তু অধিকাংশ মাছ জালে পড়ে, অথচ এ বোধ নাই যে, জালে প'ড়েছে ম'রতে হবে । জালে প'ড়েই জাল শুদ্ধ চোঁচা দৌড় মারে ও একবারে পাঁকে গিয়ে শরীর লুকা'বার চেষ্টা কবে । পলাবার কোন চেষ্টা নাই, বরং আরও পাঁকে গিয়ে পড়ে । এরাই বদ্ধজীব । জালে এরা রয়েছে, কিন্তু মনে করে—হেথায় বেশ আছি । বদ্ধজীব, সংসারে—অর্থাৎ কামিনী কাঞ্চনে—আসক্ত হ'য়ে আছে, কলঙ্ক সাগরে মগ্ন, কিন্তু মনে করে যে বেশ আছি । যারা মুমুক্শু বা মুক্ত, সংসার তাদের পাতকুয়া বোধ হয়, ভাল লাগে না । তাই কেউ কেউ জ্ঞান লাভের পর, ভগবান্ লাভের পর, শরীর ত্যাগ করে । কিন্তু সে রকম শরীর ত্যাগ, অনেক দূরের কথা ।

“বদ্ধজীবের—সংসারী জীবের—কোন মাত হুঁস আর হয় না । এত দুঃখ, এত দাগা পায়, এত বিপদে পড়ে, তবুও চৈতন্য হয় না ।

“উট্ কাঁটাঘাস বড ভালবাসে । কিন্তু যত খায়, মুখ দিয়ে রক্ত দর-দর ক'রে পড়ে ; তবুও সেই কাঁটা ঘাসই খাবে, ছাড়বে না । সংসারীলোক এত শোক-তাপ পায়, তবু কিছু দিনের পর যেমন তেমনি স্ত্রী ম'রে গেল—কি অসতী হ'লো,—তবু আবার বিয়ে ক'রবে । ছেলে ম'রে গেল, কত শোক পেলে, কিছু দিন পরেই সব ভুলে গেল । সেই ছেলের মা, যে শোকে অধীর হ'য়েছিল, আবার কিছু দিন পরে চুল বাঁধলো, গয়না পরলো ! এ রকম লোক মেয়ের বিয়েতে সর্ব্বস্বাস্ত হয়, আবার বছরে বছরে তাদের মেয়ে ছেলেও হয় ! মোকদ্দমা ক'রে সর্ব্বস্বাস্ত হয়, আবার মোকদ্দমা করে । যাব ছেলে হয়েছে, তাঁদেরই খাওয়াতে পারে না, পরাতে পারে না, ভাল ঘরে রাখতে পারে না, আবার বছরে বছরে ছেলে হয় !

“আবার কখনও কখনও যেন সাপে ছুঁচো গেলা হয় । গিলতেও পারে না, আবার উগ'রাতেও পারে না । বদ্ধজীব হয় ত বুঝে যে

সংসারে কিছুই সার নাই ; আমড়ার কেবল অঁটি আর চামড়া । তবু ছাড়তে পারে না । তবুও ঈশ্বরের দিকে মন দিতে পারে না !

“কেশব সেনের এক জন আত্মীয়, পঞ্চাশ বছর বয়স, দেখি তাসু খেলছে । যেন ঈশ্বরের নাম করবার সময় হয় নাই !

“বদ্ধজীবের আর একটি লক্ষণ । তাকে যদি সংসার থেকে সরিয়ে ভাল জায়গায় রাখা যায়, তা হ'লে হেদিয়ে হেদিয়ে মারা যাবে । বিষ্ঠার পোকের বিষ্ঠাতেই বেশ আনন্দ । ঐতেই বেশ হুট পুট হয় । যদি সেই পোকাকে ভাতের হাঁড়িতে রাখ ম'রে যাবে । (সকলে স্তব্ধ)

তৃতীয় পরিচ্ছেদ ।

অসংশয়ং মহাবাহো মনো হর্নিগ্রহং চলম্ ।

অভ্যাসেন তু কৌন্তের বৈরাগ্যোণ চ গৃহতে ॥ গীতা, ৬,৩৫ ।

তীত্রবৈরাগ্য ও বদ্ধজীব ।

বিজয় । বদ্ধজীবের মনের কি অবস্থা হ'লে মুক্তি হতে পারে ?

শ্রীরামকৃষ্ণ । ঈশ্বরের কৃপায় তীত্রবৈরাগ্য হ'লে, এই কামিনী-কাঞ্চনে আসক্তি থেকে নিস্তার হ'তে পারে । তীত্রবৈরাগ্য কাকে বলে ? হচ্ছে হবে, ঈশ্বরের নাম করা যাক্ , এ সব মন্দ বৈরাগ্য । যার তীত্রবৈরাগ্য, তার প্রাণ ভগবানের জন্ম ব্যাকুল ; মার প্রাণ যেমন পেটের ছেলের জন্ম ব্যাকুল । যার তীত্রবৈরাগ্য, সে ভগবান্ ভিন্ন আর কিছু চায় না ; সংসারকে পাতকুয়া দেখে ; তার মনে হয়, বুঝি ডুবে গেলুম । আত্মীয়দের কাল সাপ দেখে, তাদের কাছ থেকে পলাতে ইচ্ছা হয় ; আর পলায়ও । ‘বাড়ীর বন্দোবস্ত করি, তার পর ঈশ্বর চিন্তা করবো,’ একথা ভাবেই না । ভিতরে খুব রোক্ ।

“তীত্রবৈরাগ্য কাকে বলে, একটা গল্প শোনো । এক দেশে অনারুটি হ'য়েছে । চাষারা সব খানা কেটে দূর থেকে জল আনছে ! এক জন চাষার খুব রোক্ আছে ; সে এক দিন প্রতিজ্ঞা করলে যতক্ষণ না জল আসে, খানার সঙ্গে আর নদীর সঙ্গে এক হয়, ততক্ষণ খানা খুঁড়ে যাবে ।

এ দিকে স্নান করবার বেলা হ'লো । গৃহিণী মেরের হাতে ডেল পাঠিয়ে দিল । মেয়ে বলে—‘বাবা ! বেলা হয়েছে, তেল মেখে নেয়ে ফেল ।’ সে ব'লে, ‘তুই যা, আমার এখন কাজ আছে ।’ বেলা দুই প্রহর একটা হ'লো, তখনও চাষা মাঠে কাজ ক'চ্ছে । স্নান করার নামটী নাই । তার স্ত্রী তখন মাঠে এসে ব'লে, ‘এখনও নাও নাই কেন ? ভাত জুড়িয়ে গেল, তোমার যে সবই বাড়াবাড়ি ! না হয় কাল ক'র্বে, কি খেয়ে দেয়েই ক'র্বে ।’ গালাগালি দিয়ে চাষা কোদাল হাতে ক'রে তাকে তাড়া করে, আর বলে, ‘তোর আকেল নাই ? বৃষ্টি হয় নাই । চাষ বাস কিছুই হলো না, এবার ছেলেপুলে কি খাবে ? না খেয়ে সব মারা যাবি । আমি প্রতিজ্ঞা করেছি, মাঠে আজ জন আন'বো, তবে নাওয়া খাওয়ার কথা ক'বো ।’ স্ত্রী গতিক দেখে দৌড়ে পালিয়ে গেল । চাষা সমস্ত দিন হাডভাঙ্গা পরিশ্রম ক'রে সন্ধ্যার সময় খানার সঙ্গে নদীর যোগ ক'রে দিলে । তখন একধারে ব'সে দেখতে লাগলো যে, নদীর জল মাঠে কুল্কুল ক'রে আসছে । তার মন তখন শান্ত আর আনন্দে পূর্ণ হ'লো । বাড়ী গিয়ে স্ত্রীকে ডেকে ব'লে ‘নে, এখন তেল দে, আর একটু তামাক সাজ্ !’ তার পর নিশ্চিন্ত হ'য়ে নেয়ে খেয়ে, সুখে ভোস ভোস ক'রে নিজা যেতে লাগলো ।

এই রোক, তীব্রবৈরাগ্যের উপমা ।

“আর এক জন চাষা,—সেও মাঠে জল আন'ছিল । তার স্ত্রী যখন গেল আর বলে, ‘অনেক বেলা হয়েছে, এখন এস, এত বাড়াবাড়িতে কাজ নাই,’ তখন সে, বেশী উচ্চবাচ্য না ক'রে, কোদাল রেখে স্ত্রীকে ব'লে—‘তুই যখন বল্ছিস্ তো চ'ল্ ।’ (সকলের হাস্য) । সে চাষার আর মাঠে জল আনা হ'লো না । এটা মন্দ বৈরাগ্যের উপমা ।

“খুব রোক না হ'লে, চাষার যেমন মাঠে জল আসে না, সেইরূপ মানুষের ঈশ্বরলাভ হয় না ।

চতুর্থ পরিচ্ছেদ ।

আপূৰ্ণমাগমচলপ্রতিষ্ঠঃ সমুদ্রমাপঃ প্রবিশস্তি যদ্বৎ ।

তদ্বৎকামা যঃ প্রবিশস্তি সৰ্বে স শাস্তিমাশ্নোতি ন কামকামী ॥ গীতা ।

[কামিনীকাঞ্চন জন্ম দাসত্ব ।]

শ্রীরামকৃষ্ণ । আগে অত আসতে ; এখন আস না কেন ?

বিজয় । এখানে আসবার খুব ইচ্ছা ; কিন্তু আমি স্বাধীন নই, ব্রাহ্মসমাজের কাজ স্বীকার ক'রেছি ।

শ্রীরামকৃষ্ণ । কামিনী-কাঞ্চনে জীবকে বন্ধ করে । জীবের স্বাধীনতা যায় । কামিনী থেকেই কাঞ্চনের দরকার । তার জন্ম পরের দাসত্ব । স্বাধীনতা চ'লে যায় । তোমার মনের মত কাজ ক'রতে পার না ।

“জয়পুরে গোবিন্জীর পূজারীরা প্রথম প্রথম বিবাহ করে নাই । তখন খুব তেজস্বী ছিল । রাজা একবার ডেকে পাঠিয়েছিলেন, তা তারা যায় নাই । বলেছিল—‘রাজাকে আসতে বল । তার পর রাজা ও পাঁচজনে, তাদের বিয়ে দিয়ে দিলেন । তখন রাজার সঙ্গে দেখা করবার জন্ম, আর কাহারও ডাকতে হলো না । নিজে নিজেই গিয়ে উপস্থিত । ‘মহারাজ, আশীর্বাদ করতে এসেছি, এই নিশ্চালা এনেছি, ধারণ করুন ।’ কাজে কাজেই আসতে হয়, আজ ঘর তুলতে হবে, আজ ছেলের অন্নপ্রাশন, আজ হাতে খড়ি, এই সব ।

“বারশো ঞ্ছাড়া আর তেরশো নেড়ী তার সান্দী উদম সঁাডী’—এ মন্ত্রেতা জান । নিত্যানন্দ গোস্বামীর ছেলে বীরভদ্রের তেরশো ঞ্ছাড়া শিষ্য ছিল । তারা যখন সিদ্ধ হ'য়ে গেল, তখন বীরভদ্রের ভয় হ'লো । তিনি ভাবতে লাগলেন, ‘এরা সিদ্ধ হ'লো ; লোককে যা বলবে তাই ফলবে, যে দিক দিয়ে যাবে, সেই দিকেই ভয় ; কেন না, লোক না জেনে যদি অপরাধ করে, তাদের অনিষ্ট হবে ।’ এই ভেবে বীরভদ্র তাদের ডেকে বলেন,—‘তোমরা গঙ্গায় গিয়ে সন্ধা আহ্নিক ক'রে এস । ঞ্ছাড়াদের এত তেজ যে, ধান ক'রতে ক'রতে সমাধি হলো । কখন

দক্ষিণেশ্বরে। শ্রীধ্বজ বিজয় গোস্বামী-প্রভৃতিভক্তনঙ্গে। ৮৫
 জোয়ার মাথার উপর দিয়ে চলে গেছে, হুঁস নাই। আবার ভাঁটা
 প'ড়েছে তবু ধ্যান ভাঙ্গে না। তেরশোর মধ্যে একশো বুঝেছিল—
 বীরভদ্র কি ব'লবেন। গুরুর বাকা লজ্বন ক'রতে নাই, তাই তারা
 স'রে পড়লো, আর বীরভদ্রের সঙ্গে দেখা করলে না। বাকী বারশো
 দেখা ক'রলে। বীরভদ্র ব'লেন, 'এই তেরশো নেভী তোমাদের সেবা
 ক'রবে। তোমরা এদের বিয়ে কর।' ওরা ব'লে, 'যে আজ্ঞা, কিন্তু
 আমাদের মধ্যে একশো জন কোথায় চলে গেছে।' ঐ বারোশোর
 এখন প্রভোকে সেবাদারী সঙ্গে থাকতে লাগলো। তখন আর সে
 তেজ নাই, সে তপস্কার বল নাই। মেয়েমানুষ সঙ্গে থাকতে আর
 সে বল রইল না, কেন না, সে সঙ্গে স্বাধীনতা লোপ হ'য়ে যায়।
 (বিজয়ের প্রতি) তোমরা নিজে নিজে তো দেখছো, পরের কৰ্ম স্বীকার
 ক'রে কি হ'য়ে র'য়েছ। আর দেখ, অত পাশকরা, কত ইংরাজি পড়া
 পণ্ডিত, মনিবের চাকরী স্বীকার ক'রে, তাদের বুট জুতোর গোঁজা
 ছুবেলা খায়। এর কাবণ কেবল "কামিনী"। বিয়ে ক'রে নদের
 হাট বসিয়ে আর হাট জোলবার যো নাই। তাই এত অপমান বোধ।
 অত দাসত্বের যন্ত্রণা।

[ঈশ্বর লাভ পর কামিনীক মাতৃভাবে পূজা।]

"যদি একবার এইরূপ তীব্রবৈরাগ্য হ'য়ে ঈশ্বর লাভ হয়, তা হ'লে
 আর মেয়েমানুষে আসক্তি থাকে না। ঘরে থাকলেও, মেয়ে মানুষে
 আসক্তি থাকে না, তাদের ভয় থাকে না। যদি একটা চুমুক পাথর
 খুব বড় হয়, আর একটা সামান্য হয়, তা'হলে লোভকে কোনটা টেনে
 লবে? বড়টাই টেনে লবে। ঈশ্বর বড় চুমুক পাথর, তাঁর কাছে
 কামিনী ছোট চুমুক পাথর। কামিনী কি কব্বে?"

একজন ভক্ত। মহাশয়। মেয়েমানুষকে কি স্বর্ণা ক'ব্বো?

শ্রীরামকৃষ্ণ। যিনি ঈশ্বর লাভ করেছেন, তিনি কামিনীকে আর
 অণু চক্ষে দেখেন না যে, ভয় হবে। তিনি ঠিক দেখেন যে মেয়েরা
 মা ব্রহ্মময়ীর আশ, আর মা ব'লে তাই সকলকে পূজা করেন।

শ্রীরামকৃষ্ণ (বিজয়ের প্রতি)। তুমি মাঝে মাঝে আসবে,
 তোমাকে দেখতে বড় ইচ্ছা করে।

পঞ্চম পরিচ্ছেদ ।

[ঈশ্বরের আদেশ প্রাপ্ত হলে তবে ঠিক আচার্য্য ।]

বিজয় । ব্রাহ্মসমাজের কাজ ক'রতে হয়, তাই সদাসর্বদা আস্তে আস্তে পারি না, স্তুবিধা হ'লে আসবো ।

শ্রীরামকৃষ্ণ (বিজয়েব প্রতি) । দেখ আচার্য্যের কাজ বড় কঠিন, ঈশ্বরের সাক্ষাৎ আদেশ বাতিরেকে লোকশিক্ষা দেওয়া যায় না ।

“যদি আদেশ না পেয়ে উপদেশ দাও, লোকে শুনবে না । সে উপদেশের কোন শক্তি নাই । আগে সাধন করে, বা যে কোনরূপে হোক, ঈশ্বরকে লাভ ক'রতে হয় । তাঁর আদেশ পেয়ে লোকচার দিতে হয় । ও দেশে একটা পুকুর আছে, নাম হালদার পুকুর । তার পাড়ে রোজ লোক বাছে ক'রে রাখতো । সকালে যারা ঘাটে আসতো তারা তাদের গালাগালি দিয়ে খুব গোলমাল ক'রতো । গালাগালে কোন কাজ হ'তো না—আবার তার পর দিন পাড়েতেই বাছে ! শেষে কোম্পানীর চাপরাসী এসে নোটিস টাঙ্গিয়ে দিলে যে, এখানে কেউ ওরূপ কাজ ক'রতে পারবে না । যদি করে শাস্তি হবে । এই নোটিসের পর আর কেউ পাড়ে বাছে ক'রতো না ।

“তাঁর আদেশের পর যেখানে সেখানে আচার্য্য হওয়া যায় ও লোকচার দেওয়া যায় । যে তাঁর আদেশ পায়, সে তাঁর কাছ থেকে শক্তি পায় । তখন এই কঠিন আচার্য্যের কৰ্ম্ম করতে পারে ।

“এক বড় জমিদারের সঙ্গে এক জন সামান্য প্রজা বড় আদালতে মোকদ্দমা ক'রেছিল । তখন লোকে বুঝেছিল যে, ঐ প্রজার পেছনে একজন বলবান্ লোক আছে । হয়তো আর এক জন বড় জমিদার তার পেছনে থেকে মোকদ্দমা চালাচ্ছে । মানুষ সামান্য জীব, ঈশ্বরের সাক্ষাৎ শক্তি না পেলে আচার্য্যের এমন কঠিন কাজ ক'রতে পারে না ।”

বিজয় । মহাশয় ! ব্রাহ্মসমাজে যে উপদেশাদি হয়, তাতে কি লোকের পরিভ্রাণ হয় না ?

দক্ষিণেশ্বরে । শ্রীযুক্ত বিজয় গোস্বামী প্রভৃতি ভক্তসঙ্গে । ৮৭

[সচ্চিদানন্দই গুরু । মুক্তি তিনিই দেন ।]

শ্রীরামকৃষ্ণ । মানুষের কি সাধ্য অপরকে সংসার বন্ধন থেকে মুক্ত করে ! যাঁর এই ভুবনমোহিনী মায়া তিনিই সেই মায়া থেকে মুক্ত করতে পারেন । সচ্চিদানন্দগুরু বই আর গতি নাই । যারা ঈশ্বর লাভ করে নাই, তাঁর আদেশ পায় নাই, যারা ঈশ্বরের শক্তিতে শক্তিমান্ হয় নাই, তাদের কি সাধ্য জীবের ভববন্ধন মোচন করে ।

“আমি এক দিন পঞ্চবটীর কাছ দিয়ে ঝাউতলায় বাহে যাচ্ছিলাম । শুনতে পেলুম যে, একটা কোলা ব্যাঙ খুব ডাকছে । বোধ হলো সাপে ধরেছে । অনেকক্ষণ পরে যখন ফিরে আসছি, তখনও দেখি, ব্যাঙটা খুব ডাকছে । একবার উকি মেরে দেখলুম, কি হ'য়েছে । দেখি একটা চোঁড়ায় ব্যাঙটাকে ধ'রেছে—ছাড়তেও পাচ্ছে না—গিলতেও পাচ্ছে না—ব্যাঙটার যন্ত্রণা বুচ্ছে না । তখন ভা বসাম, ওরে যদি জাত সাপে ধ'রতো, তিন ডাকের পর ব্যাঙটা চূপ হ'য়ে যেতো, এ একটা চোঁড়ার ধ'রেছে কি না তাই সাপটারও যন্ত্রণা ব্যাঙটারও যন্ত্রণা ।

“যদি সৎগুরু হয়, জাবের অহংকার তিন ডাকে ঘুচে । গুরু কাঁচা হলে গুরুরও যন্ত্রণা শিষ্যেরও যন্ত্রণা । শিষ্যের অহংকার আর ঘুচে না, সংসার বন্ধন আর কাটে না । কাঁচা গুরুর পান্নায় পড়লে শিষ্য মুক্ত হয় না ।

ষষ্ঠ পরিচ্ছেদ ।

অহংকারবিশুদ্ধাত্মা কর্তাহমিতি মন্ত্রতে । গীতা ।

[মায়া বা অহং আবরণ গেলেই মুক্তি বা ঈশ্বর লাভ ।]

বিজয় । মহাশয় । কেন আমরা এরূপ বদ্ধ হ'য়ে আছি ? কেন ঈশ্বরকে দেখতে পাই না ।

শ্রীরামকৃষ্ণ । জীবের অহংকারই মায়া । এই অহংকার সব আবরণ করে রেখেছে । ‘আমি অ'লে যুচিবো জগৎপাল !’ যদি ঈশ্বরের কৃপায় ‘আমি অকর্তা’ এই বোধ হয়ে গেল, তা হলে সে ব্যক্তি ভো জীবশুদ্ধ হয়ে গেল ! তার আর ভয় নাই ।

“এই মায়া বা অহং যেন মেঘের স্বরূপ । সামান্য মেঘের জন্ম সূর্য্যাকে দেখা যায় না,—মেঘ সরে গেলেই সূর্য্যাকে দেখা যায় । যদি গুরুর কৃপায় একবার অহংবুদ্ধি যায়, তাহলে ঈশ্বর দর্শন হয় ।

“আড়াই হাত দূরে শ্রীরামচন্দ্র, যিনি সাক্ষাৎ ঈশ্বর, মধো সীতা-কপিণী মায়া বাবধান আছে ব’লে, লক্ষ্মণকৃপ জাব সেই ঈশ্বরকে দেখতে পান নাই । এই দেখ, আমি এই গামছাখানা দিয়ে মুখের সামনে আড়াল করছি । আর আমায় দেখতে পাচ্ছ না । তবু আমি এত কাছে । সেইরূপ ভগবান্ সকলের চেয়ে কাছে, তবু এই মায়া-আবরণেব দকণ তাঁকে দেখতে পার’ছ না ।

“জীব তো সচ্চিদানন্দ স্বরূপ । কিন্তু এই মায়া বা অহঙ্কারে তাদের সব নানা উপাধি হ’য়ে পড়েছে, আর তারা আপনাব স্বরূপ ভুলে গেছে ।

“এক একটা উপাধি হয়, আর জীবের স্ভাব বদলে যায় । যে কালাপেড়ে কাপড় পরে আছে, অমনি দেখবে, তার নিধুর টম্বার তান এসে জ্বোটে, আর তান খেলা, বেঁড়াতে যাবার সময় হাতে ছুড়ি (stick), এই সব এসে জ্বোটে । রোগা লোকও যদি বৃট জুতা পরে সে অমনি শিশু দিতে আরম্ভ করে, সিঁড়ি উঠবার সময় সাহেব-দেব মত লাফিয়ে উঠতে থাকে । মানুষের হাতে যদি কলম থাকে, এমনি কলমের গুণ যে, সে অমনি একটা কাগজ টাগজ পেলেই তার উপর ফাস্ ফাস্ করে টান দিতে থাকবে ।

“টাকাও একটা বিলক্ষণ উপাধি । টাকা হলেই মানুষ আর এক বকম হয়ে যায়, সে মানুষ থাকে না । এখানে এক জন ব্রাহ্মণ আসা যাওয়া কর্তো । সে বাহিরে বেশ বিনয়ী ছিল । কিছু দিন পরে আমরা কোন্নগরে গেছলুম । হৃদে সঙ্গে ছিল । নৌকা থেকে যাই নামছি, দেখি সেই ব্রাহ্মণ গঙ্গার ধারে বসে আছে । বোধ হয়, হাওয়া খাচ্ছিল । আমাদের দেখে ব’লছে, ‘কি ঠাকুর । বলি—আছ কেমন ?’ তার কথার স্বর শুনে আমি হৃদেকে বললাম, ‘ওরে হৃদে । এ লোকটার টাকা হযেছে, তাই এই রকম কথা’ । হৃদে হাসতে লাগলো ।

“একটা ব্যাঙের একটা টাকা ছিল । গর্ভে তার টাকাটা ছিল ।

দক্ষিণেধরে। শ্রীযুক্ত বিজয় গোস্বামী প্রভৃতি ভক্তসঙ্গে। ৮৯
 একটা হাতী সেই গর্ভ ডিঙ্গিয়ে গিছিল। তখন ব্যাঙটা বেরিয়ে এসে
 খুব রাগ করে হাতীকে লাথী দেখাতে লাগল, আর ব'লে, তোর
 এত বড় সাধ্য যে আমায় ডিঙ্গিয়ে বাস্। টাকার এত অহকার।

[সপ্তভূমি। অহকার কখন যায়; ব্রহ্মজ্ঞানের অবস্থা।]

“জ্ঞানলাভ হ'লে অহকার যেতে পারে। জ্ঞানলাভ হ'লে সমাধিস্থ
 হয়। সমাধিস্থ হ'লে তবে অহং যায়। সে জ্ঞানলাভ বড় কঠিন।

“বেদে আছে যে, সপ্তমভূমিতে মন গেলে তবে সমাধি হয়।
 সমাধি হ'লেই তবে অহং চলে যেতে পারে। মনের সচরাচর বাস
 কোথায়? প্রথম তিন ভূমিতে। লিঙ্গ, গুহ, নাভি—সেই তিন ভূমি,
 তখন মনের আসক্তি কেবল সংসারে, কামিনীকাঞ্চে। হৃদয়ে যখন
 মনের বাস হয়, তখন ঈশ্বরীয় জ্যোতিঃ দর্শন হয়। সে ব্যক্তি
 জ্যোতিঃ দর্শন ক'রে বলে, 'একি। একি!' তারপর কণ্ঠ, সেখানে
 যখন মনের বাস হয়, তখন কেবল ঈশ্বরীয় কথা কহিতে ও শুনতে
 ইচ্ছা হয়। কপালে—ক্রমধ্যে—মন গেলে তখন সচ্চিদানন্দরূপ
 দর্শন হয়, সেই রূপের সঙ্গে আলিঙ্গন স্পর্শন ক'রতে ইচ্ছা হয়;
 কিন্তু পারে না। ল'ঠনের ভিতর আলো দর্শন হয় কিন্তু স্পর্শ হয়
 না, ছুঁই ছুঁই বোধ হয়, কিন্তু ছোঁয়া যায় না। সপ্তমভূমিতে মন
 যখন যায়, তখন অহং আর থাকে না, সমাধি হয়।

বিজয়। সেখানে প'ছছিবাব পর ব্রহ্মজ্ঞান হয়, মানুষ কি দেখে?

শ্রীরামকৃষ্ণ। সপ্তমভূমিতে মন পৌঁছিলে কি হয় মুখে বলা
 যায় না।

“জাহাজ একবার কালাপানীতে গেলে আর ফিরে না। জাহাজের
 খপর আর পাওয়া যায় না। সমুদ্রের খপরও জাহাজের কাছে
 পাওয়া যায় না।

হুনের ছবি সমুদ্র মাপতে গিছিল। কিন্তু
 যাই নেমেছে, অমনি গলে গেছে। সমুদ্র কত গভীর, কে খপর
 দিবেক? যে দিবে, সে মিশে গেছে। সপ্তমভূমিতে মনের নাশ হয়,
 সমাধি হয়। কি বোধ হয়, মুখে বলা যায় না।

[অহং কিন্তু যায় না। 'বজ্জাং আমি'। 'দাস আমি'।]

“যে 'আমি'তে সংসারী করে, কামিনী-কাঞ্চে আসক্ত করে, সেই
 'আমি'খারাপ। জীব ও আত্মাব প্রভেদ হ'য়েছে, এই আমি মাঝখানে

আছে বলে । জলের উপর যদি একটা লাঠি কেলে দেওয়া যায়, তা'হলে ছটো ভাগ দেখায় । বস্তুতঃ, এক জল ; লাঠিটার দক্ষণ ছটো দেখাচ্ছে ।

“অহং”ই এই লাঠি ! লাঠি তুলে লও, সেই এক জলই থাকবে ।

“বজ্রাং ‘আমি’ কে ? যে ‘আমি’ বলে—‘আমায় জানে না । আমার এতো টাকা, আমার চেয়ে কে বড় লোক আছে ? যদি চোরে দশ টাকা চুরী ক’রে থাকে, প্রথমে টাকা কেড়ে লয়, তার পর চোরকে খুব মারে ; তাতেও ছাড়ে না, পাহারাওয়াল ডেকে পুলিশে দেয় ও ম্যাদ খাটায় । ‘বজ্রাং আমি’ বলে, ‘জানে না— আমার দশ টাকা নিয়েছে ! এত বড় আশ্পর্দা ।’

বিজয় । যদি অহং না গেলে সংসারে আসক্তি যাবে না, সমাধি হবে না, তা'হলে ব্রহ্মজ্ঞানের পথ অবলম্বন করাই ভাল, যাতে সমাধি হয় । আর ভক্তিবোধে যদি অহং থাকে , তবে জ্ঞানযোগই ভাল ।

ঐশ্বরীরামকৃষ্ণ । দুই একটা লোকের সমাধি হ’য়ে ‘অহং’ যায় বটে, কিন্তু প্রায় যায় না । হাজার বিচার কর, ‘অহং’ ফিরে ঘুরে এসে উপস্থিত । আজ অশ্বখ গাছ কেটে দাও, কাল আবার সকালে দেখো ফেঁকড়ী বেরিয়েছে ! একান্ত যদি ‘আমি’ থাকে না, থাকে শালা ‘দাস আমি’ হলে । ‘হে ঈশ্বর ! তুমি প্রভু, আমি দাস,’ এই ভাবে থাকো । ‘আমি দাস’ ‘আমি ভক্ত’, এরূপ ‘আমি’তে দোষ নাই , মিষ্ট খেলে অস্থল হয়, কিন্তু মিছরি মিষ্টির মধ্যে নয় ।

“জ্ঞানযোগ ভারি কঠিন । দেহাশ্ববুদ্ধি, না গেলে জ্ঞান হয় না । কলিযুগে অন্নগতপ্রাণ—দেহাশ্ববুদ্ধি, অহংবুদ্ধি, যায় না । তাই কলিযুগের পক্ষে ভক্তিবোধ । ভক্তিপথ সহজ পথ । আন্তরিক বাকুল হ’য়ে তাঁর নামগুণগান কর, প্রার্থনা কর, ভগবানকে লাভ ক’রবে, কোন সন্দেহ নাই ।

“যেমন জলরাশির উপর বাঁশ না রেখে একটা রেখা কাটা হ’য়েছে । যেন দুই ভাগ জল । আর রেখা অনেকক্ষণ থাকে না । ‘দাস আমি’ কি ‘ভক্তের আমি,’ কি ‘বালকের আমি’ এরা যেন ‘আমি’র রেখা মাত্র ।

সপ্তম পরিচ্ছেদ ।

ক্লেশোহধিকতরস্তেষামবাক্যাসক্তচেতসাম্ ।

অবাক্যাহি গতিহুঃখং দেহবন্দিরবাপাতে ॥ গীতা, ১২।৫ ।

ভক্তিব্যোগ যুগধর্ম, জ্ঞানযোগ বড় কঠিন ।

[‘দাস আমি’, ‘ভক্তের আমি’ । ‘বালকের আমি’ ।]

বিজয় (শ্রীরামকৃষ্ণের প্রতি) । মহাশয় । আপনি ‘বাক্যে আমি’ ভাগ করতে বলছেন । ‘দাস আমি’তে দোষ নাই ?

শ্রীরামকৃষ্ণ । হাঁ, ‘দাস আমি’ অর্থাৎ আমি ঈশ্বরের দাস, আমি তাঁর ভক্ত, এই অভিমান । এতে দোষ নাই, বরং এতে ঈশ্বর লাভ হয় ।

বিজয় । আচ্ছা, যার ‘দাস আমি’ তার কাম ক্রোধাদি কি রূপ ?

শ্রীরামকৃষ্ণ । ঠিক ভাব যদি হয়, তাহ’লে কাম ক্রোধের কেবল আকার মাত্র থাকে । যদি ঈশ্বর লাভের পর ‘দাস আমি’ বা ‘ভক্তের আমি’ থাকে, সে ব্যক্তি কারো অনিষ্ট করতে পারে না । পরশমণি ছোঁয়ার পর তরবার সোণা হ’য়ে যায়, তরবারের আকার থাকে, কিন্তু কারো হিংসা করে না ।

‘নারকেল গাছের বেল্লা শুকিয়ে ঝ’রে প’ড়ে গেলে, কেবল দাগমাত্র থাকে । সেই দাগে এইটি টের পাওয়া যায় যে, এককালে এখানে নারকেলের বেল্লা ছিল । সে রকম যার ঈশ্বর লাভ হ’য়েছে, তার অহংকারের দাগমাত্র থাকে, কাম ক্রোধের আকার মাত্র থাকে, বালকের অবস্থা হয় । বালকের যেমন সঙ্গ, রঙ্গ, তমো গুণের মধ্যে কোন গুণের অঁট নাই । বালকের কোন জিনিষের উপর টান ক’রতেও যতক্ষণ তাকে ছাড়তেও ততক্ষণ । একখানা পাঁচ টাকার কাপড় তুমি আধ পয়সার পুতুল দিয়ে তুলিয়ে নিতে পারো । কিন্তু প্রথমে খুব অঁট ক’রে বলবে এখন—‘না আমি দেবো না, আমার বাবা কিনে দিয়েছে’ । বালকের আবার সম্বাই সমান—ইনি বড়, উনি ছোট, এরূপ বোধ নাই ! তাই জাতি বিচার নাই । মা বলে দিয়েছে, ‘ও তোর দাদা হয়,’ সে ছুঁতোর

হ'লেও এক পাতে ব'সে ভাত খাবে। বালকের ঘৃণা নাই, শুচি অশুচি বোধ নাই। পাইখামায় গিয়ে হাতে মাটি দেয় না।

“কেউ কেউ সমাধির পরও ‘ভক্তের আমি,’ ‘দাস আমি’ নিয়ে থাকে। ‘আমি দাস, তুমি প্রভু’ ‘আমি ভক্ত, তুমি ভগবান,’ এই অভিমান ভক্তের থাকে। ঈশ্বরলাভের পরও থাকে, সব ‘আমি’ যায় না! আবার এই অভিমান অভ্যাস করতে করতে ঈশ্বর লাভ হয়। এরই নাম ভক্তিবোগ।

“ভক্তির পথ ধ'রে গেলে ব্রহ্মজ্ঞান হয়। ভগবান্ সর্বশক্তিমান, মনে ক'রলে ব্রহ্মজ্ঞানও দিতে পারেন। ভক্তেরা প্রায় ব্রহ্মজ্ঞান চায় না। ‘আমি দাস, তুমি প্রভু’ ‘আমি ছেলে, তুমি মা’ এই অভিমান রাখতে চায়।

বিজয়। ষাঁরা বেদান্ত বিচার করেন, তাঁরাও তো তাঁকে পান ? শ্রীরামকৃষ্ণ। হাঁ, বিচারপথেও তাঁকে পাওয়া যায়। একেই ভ্রান্তান্বেশোগ বলে। বিচারপথ বড় কঠিন। তোমায় তো সপ্তভূমিব কথা ব'লেছি। সপ্তম ভূমিতে মন প'হছিলে সমাধি হয়। ব্রহ্ম সত্য জগৎ মিথ্যা, এই বোধ ঠিক হ'লে মনের লয় হয়, সমাধি হয়। কিন্তু কলিতে জীব অন্নগত প্রাণ, ‘ব্রহ্ম সত্য, জগৎ মিথ্যা’ কেমন ক'রে বোধ হবে ? সে বোধ দেহবুদ্ধি না গেলে হয় না। ‘আমি দেহ নই, আমি মন নই, চতুর্বিংশতি তত্ত্ব নই, আমি সুখ দুঃখের অতীত, আমার আবার রোগ, শোক, জরা, মৃত্যু কৈ ?’—এ সব বোধ কলিতে হওয়া কঠিন। যতই বিচার করো কোন্ খান্ থেকে দেহাত্মবুদ্ধি এসে দেখা দেয় ! অশ্বখগাছ এই কোটে দাঁও, মনে ক'রলে মূলশুষ্ক উঠে গেল কিন্তু তার পর দিন সকালে দেখো, গাছের একটা ফেড়ী দেখা দিয়েছে ! দেহাভিমান যায় না। তাই ভক্তিবোগ কলির পক্ষে ভাল, সহজ।

“আর ‘চিনি হ'তে চাই না, চিনি খেতে ভালবাসি।’ আমার এমন কখন ইচ্ছা হয় না, যে বলি, ‘আমি ব্রহ্ম’। আমি বলি, ‘তুমি ভগবান, আমি তোমার দাস’। পঞ্চম ভূমি আর ষষ্ঠ ভূমির মাঝখানে বাচ-খেলান ভাল। ষষ্ঠ ভূমি পার হ'য়ে সপ্তম ভূমিতে অনেকক্ষণ থাকতে আমার সাধ হয় না। আমি তাঁর নামগুণগান ক'রবো, এই আমার সাধ। সেব্যসেবকভাব খুব ভাল। আর দেখো, গঙ্গারই ঢেউ, ঢেউয়ের

দক্ষিণেপবে । স্রীযুক্ত বিজয় গোস্বামী প্রভৃতি ভক্তসঙ্গে । ২৩
 গঙ্গা কেউ বলে না । 'আমিই সেই' এ অভিমান ভাল
 নয় । দেহান্ধবুদ্ধি থাকতে যে এ অভিমান করে, তার বিশেষ হানি
 হয় ; এগুতে পারে না, ক্রমে অধঃপতন হয় । পরকে ঠকায়, আবার
 নিজেকে ঠকায়, নিজের অবস্থা বুঝতে পারে না ।

[বিবিধা ভক্তি । উত্তম অধিকারী । ঈশ্বর দর্শনের উপায় ।]

“কিন্তু ভক্তি অমনি ক’রলেই ঈশ্বরকে পাওয়া যায় না । প্রেমাভক্তি
 না হ’লে ঈশ্বরলাভ হয় না । প্রেমাভক্তির আর একটি নাম রাগ-
 ভক্তি । প্রেম, অমুরাগ না হ’লে ভগবান্ লাভ হয় না । ঈশ্বরের
 উপর ভালবাসা না এলে তাঁকে লাভ করা যায় না ।

“আর এক রকম ভক্তি আছে , তার নাম বৈধী ভক্তি । এতো
 জপ ক’রতে হবে , উপোস ক’রতে হবে, তীর্থে যেতে হবে, এতো
 উপচারে পূজা ক’রতে হবে, এতোগুলি বলিদান দিতে হবে—এ সব
 বৈধীভক্তি । এ সব অনেক ক’রতে ক’বতে ক্রমে বাগভক্তি আসে ।
 কিন্তু রাগভক্তি যতক্ষণ না হবে, ততক্ষণ ঈশ্বরলাভ হবে না । তাঁর
 উপর ভালবাসা চাই । সংসারবুদ্ধি একেবারে চ’লে যাবে, আর
 তাঁর উপর ষোল আনা মন হবে, তবে তাঁকে পাবে ।

“কিন্তু কারু কারু বাগভক্তি আপনা আপনি হয় । স্বতঃসিদ্ধ ।
 ছেলেবেলা থেকেই আছে । ছেলেবেলা থেকেই ঈশ্বরের জগ্ন্য কাঁদে ।
 যেমন প্রহ্লাদ । ‘বিধিবাদী’ ভক্তি , যেমন, হাওয়া পাবে ব’লে
 পাখা করা । হাওয়াব জগ্ন্য পাখার দরকাব হয় । ঈশ্বরের উপর ভাল
 বাসা আস্বে ব’লে জপ, তপ, উপবাস । কিন্তু যদি দক্ষিণে হাওয়া
 আপনি বয়, পাখাখানা লোকে ফেলে দেয় । ঈশ্বরের উপর অমুরাগ,
 প্রেম, আপনি এলে, জপ, পাতি, কৰ্ম্ম ত্যাগ হয়ে যায় । হরি প্রেমে-
 মাতোয়ারা হ’লে বৈধীকৰ্ম্ম কে ক’রবে ?

“যতক্ষণ না তাঁর উপর ভালবাসা জন্মায়, ততক্ষণ ভক্তি কাঁচা-
 ভক্তি । তাঁর উপর ভালবাসা এলে, তখন সেই ভক্তির নাম পাকা-
 ভক্তি ।

“যার কাঁচা ভক্তি, সে ঈশ্বরের কথা, উপদেশ, ধারণা ক’রতে পারে
 না । পাকা ভক্তি হ’লে ধারণা ক’রতে পারে । ফটোগ্রাফের কাঁচে

যদি কালি (Silver Nitrate) মাখান থাকে, তা হ'লে যা ছবি পড়ে, তা রয়ে যায় । কিন্তু শুধু কাঁচের উপর হাজার ছবি পড়ুক, একটাও থাকে না—একটু স'রে গেলেই, যেমন কাঁচ তেমনি কাঁচ । ঈশ্বরের উপর ভালবাসা না থাকলে উপদেশ ধারণা হয় না ।

বিজয় । মহাশয়, ঈশ্ববকে লাভ ক'রতে গেলে, তাঁকে দর্শন ক'রতে গেলে, ভক্তি হ'লেই হয় ?

শ্রীরামকৃষ্ণ । হাঁ, ভক্তি দ্বারাই তাঁকে দর্শন হয় , কিন্তু পাকাভক্তি, প্রেমাভক্তি, রাগভক্তি, চাই । সেই ভক্তি এলেই তাঁর উপর ভালবাসা আসে । যেমন ছেলের মার উপর ভালবাসা, মার ছেলের উপর ভালবাসা , স্ত্রীব স্বামীর উপর ভালবাসা ।

“এ ভালবাসা, এ রাগভক্তি, এলে স্ত্রী পুত্র আত্মীয় কুটুম্বের উপর সে মায়ার টান থাকে না । দয়া থাকে । সংসার বিদেশ বোধ হয় , একটি কর্মভূমি মাত্র বোধ হয় । যেমন পাড়াগাঁয়ে বাড়ী কিন্তু কলকতা কর্মভূমি; কলকাতায় বাসা ক'রে থাকতে হয়, কর্ম ক'রবার জন্ত । ঈশ্বরে ভালবাসা এলে সংসারাসক্তি—বিষয়বুদ্ধি—একবারে যাবে ।

“বিষয়বুদ্ধির লেশমাত্র থাকলে তাঁকে দর্শন হয় না । দেশলায়ের কাঠী যদি ভিজে থাকে হাজার ঘণ্টা, কোন রকমেই জ্বলবে না—কেবল এক রাশ কাঠী লোকসান হয় । বিষয়াসক্ত মন ভিজে দেশলাই ।

“শ্রীমতী (রাধিকা) যখন বল্লেন, আমি কৃষ্ণময় দেখছি, সখীরা বল্লেন, কৈ আমরা তো তাঁকে দেখতে পাচ্ছি না । তুমি কি প্রলাপ বোচ্চো ? শ্রীমতী বল্লেন, সখি ! অহুরাগ-অজ্ঞান চক্ষে মাখো, তাঁকে দেখতে পাবে । (বিজয়ের প্রতি) তোমাদের ব্রাহ্মসমাজেরই গানে আছে—

“প্রভু বিনে অহুরাগ, করে বঙ্গ বাগ,তোমা'রে কি ধার জানা ।”

“এই অহুরাগ, এই প্রেম, এই পাকাভক্তি, এই ভালবাসা যদি একবার হয়, তা হ'লে সাকার নিরাকার দুই সাক্ষাৎকার হয় ।”

[ঈশ্বর দর্শন, তাঁর রূপা না হলে হয় না ।]

বিজয় । ঈশ্বর দর্শন কেমন ক'রে হয় ?

শ্রীরামকৃষ্ণ । চিন্তাবুদ্ধি না হ'লে হয় না । কামিনীকাকনে মন

দক্ষিণেশ্বরে । শ্রীযুক্ত বিজয় গোস্বামী প্রভৃতি ভক্তসঙ্গে । ১৫
 মলিন হ'য়ে আছে, মনে ময়লা প'ড়ে আছে । ছুঁচ কাঁদা দিয়ে চাকা
 থাকলে আর চুকে টানে না । মাটি কাঁদা ধুয়ে কেলে তখন চুকে
 টানে । মনের ময়লা তেমনি চোকের জলে ধুয়ে কেলা যায় । 'হে
 ঈশ্বর আর অমন কাজ ক'রকো না' ব'লে যদি কেউ অতুতাপে কাঁদে,
 তা'হলে ময়লাটা ধুয়ে যায় । তখন ঈশ্বররূপ চুকে পাথর মনরূপ
 ছুকে টেনে লন । তখন সমাধি হয়, ঈশ্বর দর্শন হয় ।

“কিন্তু হাজার চেষ্টা কর তাঁর কৃপা না হ'লে কিছু হয় না । তাঁর
 রূপা না হলে তাঁর দর্শন হয় না । কৃপা কি সহজে হয় ?
 অহঙ্কার একবারে ত্যাগ ক'রতে হবে । 'আমি কর্তা' এ বোধ থাকলে
 ঈশ্বর দর্শন হয় না । ভাঁড়ারে এক জন আছে, তখন বাড়ীর কর্তাকে
 যদি কেউ বলে মহাশয়, আপনি এসে জিনিস বার ক'রে দিন । তখন
 কর্তাটা বলে ভাঁড়ারে একজন র'য়েছে আমি আর গিয়ে কি ক'রব ।
 যে নিজেকে কর্তা হ'য়ে বসেছে তার হৃদয়মধ্যে ঈশ্বর সহজে আসেন না ।

“কৃপা হ'লেই দর্শন হয় । তিনি জ্ঞানমূঢ়া । তাঁর একটি কিরণে
 এটি জগতে জ্ঞানের আলো পড়েছে, তবেই আমরা পরস্পরকে
 জানতে পারছি, আর জগতে কত রকম বিজ্ঞা উপার্জন করছি । তাঁর
 আলো যদি একবার তিনি নিজের তাঁর মুখের উপর ধরেন, তা হ'লে
 দর্শনলাভ হয় । সাক্ষর সাহেব রাত্রে অঁধারে লঠন হাতে ক'রে
 বেড়ায় তার মুখ কেউ দেখতে পায় না । কিন্তু ঐ আলোতে সে
 সকলের মুখ দেখতে পায়, আর সকলে পরস্পরের মুখ দেখতে
 পায় ।

“যদি কেউ সাক্ষরকে দেখতে চায়, তা হলে তাকে প্রার্থনা
 ক'রতে হয় । ব'লতে হয়,—সাহেব, কৃপা ক'রে একবার আলোটা
 নিজের মুখের উপর ফিরাও, তোমাকে একবার দেখি ।

“ঈশ্বরকে প্রার্থনা ক'রতে হয়, ঠাকুর, কৃপা ক'রে জ্ঞানের আলো
 তোমার নিজের উপর একবার ধর, আমি তোমায় দর্শন করি ।

“যদি আলো না জলে, সেটি দারিত্র্যের চিহ্ন । হৃদয়মধ্যে
 জ্ঞানের আলো জ্বলতে হয় । 'জ্ঞানদীপ জ্বলে ঘরে, ব্রহ্মময়ীর মুখ
 দেখ না' ।

বিজয় সঙ্গে ঔষধ আনিয়াছেন । ঠাকুরের সম্মুখে সেবন করিবেন ।

ঐযথ জল দিয়া খাইতে হয়। ঠাকুর জল আনাইয়া দিলেন। ঠাকুর অহেতুক কৃপাসিদ্ধ, বিজয় গাভী ভাড়া, নৌকা ভাড়া, দিয়া আসিতে পারেন না, ঠাকুর মাঝে মাঝে লোক পাঠাইয়া দেন, আগতে বলেন। এবার বলরামকে পাঠাইয়াছিলেন। বলরাম ভাড়া দিবেন। বলরামের সঙ্গে বিজয় আসিয়াছেন। সন্ধ্যার সময় বিজয়, নবকুমার, ও বিজয়ের অশ্রাশ্র সঙ্গীগণ বলরামের নৌকাতে আবার উঠিলেন। বলরাম বাগবাজারের ঘাটে পৌঁছিয়া দিবেন। মাষ্টারও ঐ নৌকায় উঠিলেন।

নৌকা বাগবাজারের অরপূার ঘাটে আসিয়া পৌঁছিল। যখন বলরামের বাগবাজারের বাডাব কাছে তাঁহারা পৌঁছিলেন, তখন জ্যোৎস্না একটু উঠিয়াছে। আজ সুরঙ্গক্ষের চতুর্থী তিথি। নীতকাল, অন্ন নীত করিতেছে। ঠাকুর শ্রীরামকৃষ্ণের অমৃতোপম উপদেশ শ্রবণ করিতে করিতে ও তাঁহার আনন্দ মূর্ত্তি হৃদয়ে ধারণ করিয়া, বিজয়, বলরাম, মাষ্টার প্রভৃতি গৃহে প্রত্যাবর্তন করিলেন।

প্রথমভাগ-পঞ্চমখণ্ড।

—o:o:—

দক্ষিণেশ্বর কালীবাড়ীতে শ্রীমুক্ত অন্নত, শ্রীমুক্ত ত্রৈলোক্য প্রভৃতি ব্রাহ্মভক্তের সহিত কথোপকথন।

প্রথম পরিচ্ছেদ।

['সন্ধ্যা—অন্ধিরে।']

ফাল্গুনের কৃষ্ণাশ্বমী তিথি। বৃহস্পতিবার ১৬ই চৈত্র, ইংরাজী ২৯শে মার্চ, ১৮৮৩ খৃষ্টাব্দ। মধ্যাহ্নে ভোজনের পর ভগবান্ শ্রীরামকৃষ্ণ কিঞ্চিৎ বিশ্রাম করিতেছেন। দক্ষিণেশ্বর কালীবাড়ীর সেই পূর্বপরিচিত ঘর। সম্মুখে পশ্চিমদিকে গঙ্গা। চৈত্রমাসের গঙ্গা। বেলা দুইটার সময় জোয়ার আসিতে আরম্ভ হইয়াছে।

নক্ষিণেশ্বরে । অমৃত, ত্রৈলোক্য প্রভৃতি ভক্ত সঙ্গে । ১৭

ভক্তেরা কেহ কেহ আসিয়াছেন । ভ্রমধ্যে ব্রাহ্মভক্ত শ্রীবৃদ্ধ অমৃত ও মধুরূপী শ্রীবৃদ্ধ ত্রৈলোক্য, যিনি কেশবের ব্রাহ্মসন্যাসে ভগবতীলাগুণগান করিয়া আবালবৃদ্ধের কতবার মন হরণ করিয়াছেন ।

রাখালের অমৃত । এই কথা শ্রীরামকৃষ্ণ ভক্তদের বলিতেছেন ।

শ্রীরামকৃষ্ণ । এই দেখ, রাখালের অমৃত । সোজা খেলে কি ভাল হয় গা ? কি হবে বাপু ! রাখাল, তুই জগন্নাথের প্রসাদ খা ।

এই কথা বলিতে বলিতে ঠাকুর অদ্ভুত ভাবে ভাবিত হইলেন । বুঝি দেখিতে লাগিলেন সাক্ষাৎ নারায়ণ সম্মুখে রাখালরূপে বালকের দেহ ধারণ করে এসেছেন ! এ দিকে কামিনীকামনভ্যাগী শুদ্ধাত্মা বালকভক্ত রাখাল—অপরদিকে ঈশ্বরপ্রেমে অহরহঃ মাতোন্নয়ন শ্রীরামকৃষ্ণের সেই প্রেমের চক্ষু—সহজেই বাৎসল্যভাবে উদয় হইল । তিনি সেই বালক রাখালকে বাৎসল্যভাবে দেখিতে লাগিলেন ও ‘গোবিন্দ’ ‘গোবিন্দ’ এই নাম প্রেমভরে উচ্চারণ করিতে লাগিলেন । শ্রীকৃষ্ণকে দেখিয়া বশোদার যে ভাবের উদয় হইত, এ বুঝি সেই ভাব ! ভক্তেরা এই অদ্ভুত ব্যাপার দর্শন করিতেছেন, এমন সময়ে সব স্থির ! গোবিন্দ নাম করিতে করিতে ভক্তাবতার ঠাকুর শ্রীরামকৃষ্ণের সমাধি হইয়াছে ! শরীর-চিত্তার্শিতের স্থায় স্থির । ইন্দ্রিয়গণ কাজে জবাব দিয়া যেন চলিয়া গিয়াছে । নাসিকাগ্রে দৃষ্টি স্থির । নিশ্বাস বহিছে, কি না বহিছে । শরীর-মাত্র ইহলোকে পড়িয়া আছে । আত্মাপেক্ষী বুঝি চিন্তাক্রমে বিচরণ করিতেছে । একক্ষণ যিনি সাক্ষাৎ মায়ের স্থায় সন্তানের জন্ম বাস্তু হইয়াছিলেন, তিনি এখন কোথায় ? এই অদ্ভুত ভাবান্তরের নাম কি সন্মাত্তি ।

এই সময়ে গেরুৱাকাপড়পরা অপরিচিত একটা বাঙ্গালী আসিয়া উপস্থিত হইলেন ও আসন গ্রহণ করিলেন ।



দ্বিতীয় পরিচ্ছেদ ।

কর্ণেল্লিয়ারি সংখ্য ৪ আস্তে মনসা শ্বরন ।

ইল্লিয়ারান্ বিয়ুচাখা মিখ্যাচারঃ স উচ্যতে ॥ গীতা, ৩, ৬ ।

পরমহংসদেবের সমাধি ক্রমে ভঙ্গ হইতে লাগিল । ভাবন্ব হইয়াই কথা কহিতেছেন । আপনা আপনি বলিতেছেন—

[গেরুয়াবসন ও সন্ন্যাসী । অভিনয়েও মিথ্যা ভাল নয় ।]

শ্রীরামকৃষ্ণ (গেরুয়াদৃষ্টে) । আবার গেরুয়া কেন ? একটা কি পরুলেই হ'লো । (হাস্ত) একজন বল্লেছিল, “চণ্ডী ছেড়ে হলুম ঢাকী ।” —আগে চণ্ডীর গান গাইতো, এখন ঢাক বাজায় । (সকলের হাস্ত) ।

“বৈরাগ্য তিন চার প্রকার । সংসারের স্থালায় বলে গেরুয়া-বসন পরেছে—সে বৈরাগ্য বেশী দিন থাকে না । হয় ত কৰ্ম নাই,—গেরুয়া প'রে কাশী চলে গেল । তিন মাস পরে ঘরে পত্র এলো, ‘আমার একটি কৰ্ম হইয়াছে, কিছু দিন পরে বাড়ী যাইব, তোমরা ভাবিত হইও না’ । আবার সব আছে, কোন অভাব নাই, কিছু ভাল লাগে না । ভগবানের জন্ম একলা একলা কাঁদে । সে বৈরাগ্য যথার্থ বৈরাগ্য ।

“মিথ্যা কিছুই ভাল নয় । মিথ্যা ভেদ ভাল নয় । ভেকের মত যদি মন্টা না হয়, ক্রমে সৰ্বনাশ হয় । মিথ্যা বলতে বা ক'রতে ক্রমে ভয় ভেঙ্গে যায় । তার চেয়ে সাদা কাপড় ভাল । মনে আসক্তি, মাঝে মাঝে পতনও হচ্ছে, আর বাহিরে গেরুয়া । বড় ভয়ঙ্কর ।

[কেশবের বাড়ী গমন ও নবকৃন্দাবন মর্শন ।]

“এমন কি, যারা সৎ, অভিনয়েও তাদের মিথ্যা কথা বা কাজ ভাল নয় । কেশব সেনের ওখানে নবকৃন্দাবন নাটক দেখতে গি'ছিলাম । কি একটা আকুলে ক্রস (Cross) আবার জল ছড়াতে লাগলো ; বলে শাস্তিজল । একজন দেখি, মাতাল সেজে মাতলামি ক'রছে !

ব্রাহ্মভক্ত । কু—বাবু ।

শ্রীরামকৃষ্ণ । ভক্তের পক্ষে ওরূপ সাজাও ভাল নয় । ও সব বিষয়ে মন অনেককণ কেলো রাখায় দোষ হয় । মন ধোপা ঘরের কাপড়,

দক্ষিণেশ্ববে । অমৃত, ত্রৈলোক্য প্রভৃতি ভক্ত সঙ্গ । ৯৯

বে রঙে ছোপাবে, সেই রঙ হ'য়ে যায় । মিথ্যাতে অনেকক্ষণ ফেলে রাখলে মিথ্যার রঙ ধ'রে যাবে ।

“আর এক দিন নিমাইসন্ন্যাস, কেশবের বাড়ীতে দেখতে গি'ছিলাম । যাত্রাটী কেশবের কতকগুলো খোসামুদে শিশু জুটে খারাপ ক'রেছিল । এক জন কেশবকে ব'লে, 'কলির চৈতন্য হ'চ্ছেন আপনি' কেশব আবার আমার দিকে চেয়ে হাসতে হাসতে ব'লে, 'তা হ'লে ইনি কি ভ'লেন ?' আমি বল্লুম, 'আমি তোমাদের দাসের দাস । বেণুব বেণু ।' কেশবের লোকমান্য হ'বার ইচ্ছা ছিল ।

[নবেঙ্গ প্রভৃতি নিত্যসিদ্ধ । তাদের ভক্তি আশ্রয় ।]

শ্রীবামকৃষ্ণ (অমৃত ও ত্রৈলোক্যের প্রতি) । নরেশ্বর, রাখাল টাখাল এই সব ছোকরা এরা নিত্যসিদ্ধ, এরা জন্মে জন্মে ঈশ্বরের ভক্ত । অনেকেব সাধা সাধনা ক'রে একটু ভক্তি হয়, এদের কিন্তু আশ্রয় ঈশ্বরে 'ভালবাসা । যেন পাতালকোঁড়া শিব ;—বসানো শিব নয় ।

“নিত্যসিদ্ধ একটা থাক আলাদা । সব পার্থীর ঠোঁট বাঁকা নয় । এরা কখনও সংসাবে আসক্ত হয় না । যেমন প্রহ্লাদ ।

“সাধারণ লোক সাধন করে, ঈশ্বরে ভক্তিও করে । আবার সংসাবেও আসক্ত হয়, কামিনী কাঙ্ক্ষনে মুগ্ধ হয় । মাছি যেমন ফুলে বসে, সন্দেশে বসে ; আবার বিষ্ঠাতেও বসে । [সকলে স্তব্ধ]

“নিত্যসিদ্ধ যেমন সৌমাছি, কেবল ফুলের উপর ব'সে মধুপান কবে । নিত্যসিদ্ধ হরিরস পান কবে, বিষয় রসের দিকে যায় না ।

“সাধ্যসাধনা ক'রে যে ভক্তি, এদের সে ভক্তি নয় । এত জপ, এত ধ্যান ক'রতে হ'বে, এইরূপ পূজা ক'রতে হবে, এ সব 'বিধিবাদী'র ভক্তি । যেমন খান হ'লে, মাঠ পার হ'তে গেলে, আল দিয়ে ঘুরে ঘুরে যেতে হবে । আবার যেমন সম্মুখের গাঁয়ে যাবে, কিন্তু বাঁকা নদী দিয়ে ঘুরে ঘুরে যেতে হবে ।

“রাগভক্তি, প্রেমাভক্তি, ঈশ্বরে আত্মীয়ের স্থায় ভালবাসা, এলে আর কোন বিধিনিয়ম থাকে না ! শুধন ধামকাটা মাঠ যেমন পার হওয়া । আল দিয়ে যেতে হয় না । সোজা এক দিক দিয়ে গেলেই হ'লো ।

“বনে”এলে আর বীকা নদী দিয়ে ঘুরে ঘুরে বেতে হয় না । তখন মাঠের উপর এক বাঁশ জল । সোজা নৌকা চালিয়ে দিলেই হ’লো ।

“এই রাগভক্তি, অমুরাগ, ভালবাসা, না এলে ঈশ্বর লাভ হয় না

[সমাধিতত্ত্ব ; সবিকল্প ও নির্বিকল্প ।]

অমৃত । মহাশয় । আপনার এই সমাধি অবস্থায় কি বোধ হয় ?

শ্রীরামকৃষ্ণ । শুনেছো, কুমুরে পোকা চিন্তা করে আরম্ভণা কুমুরে পোকা হ’য়ে যায় ; কি প্রকম জানো ? যেমন হাঁড়ির মাছ গঙ্গায় ছেড়ে দিলে হয় ।

অমৃত । একটুও কি অহং থাকে না ?

শ্রীরামকৃষ্ণ । হাঁ, আমার প্রায় একটু অহং থাকে । সোণার একটু কণা সোণার চাপে যত ঘসো না কেন, তবু একটু কণা থেকে যায় । আর যেমন বড় আঁশ, আর তার একটা কিন্‌কি । বাহ্যজ্ঞান চলে যায়, কিন্তু প্রায় তিনি একটু ‘অহং’ রেখে দেন—বিলাসের জন্য । আমি তুমি থাকলে তবে আশ্বাদন হয় ।

কখন কখন সে

আমিটুকুও তিনি পুঁছে ফেলেন । এর নাম ‘জড় সমাধি’—নির্বিকল্প সমাধি । তখন কি অবস্থা মুখে বলা যায় না । মূনের পুতুল সমুদ্রে মাপতে গিছিল, একটু নেমেই গলে গেল । ‘তদাকারকারিত । তখন কে আর উপরে এসে সংবাদ দেবে, সমুদ্রে কত গভীর ।”

প্রথমভাগ-মুঠ খণ্ড ।

দক্ষিণেশ্বর কালীবাটিতে ভক্তসঙ্গে ব্রহ্মতত্ত্ব ও আদ্যাশক্তি বিষয়ে
কথোপকথন ! বিদ্যাসাগর ও কেশবসেনের কথা ।

প্রথম পরিচ্ছেদ ।

[জ্ঞানযোগ ও নির্বাপনমত । গণ্ডিত পদ্মলোচন । বিদ্যাসাগর ।]

আবারে কৃষ্ণা তৃতীয়া তিথি । ইংরাজি ২২শে জুলাই, ১৮৮৩

দক্ষিণেশ্বরে। মণিমল্লিক, সৌমিন্দ্র প্রভৃতি সঙ্গে। ১০১
 খৃষ্টাব্দ। আজ রবিবার। অস্তেরা শ্রীশ্রীপরমহংসদেবকে দর্শন করিতে
 আবার আসিয়াছেন। অল্প অল্প বারে তাঁহারা প্রায় আসিতে পারেন
 না। রবিবারে তাঁহারা অবসর পান। অথর, রাখাল, মাষ্টার
 কলিকাতা হইতে একখানি গাড়ী করিয়া বেলা একটা দুইটার
 সময় কাশীবাটীতে পৌঁছিলেন। ঠাকুর শ্রীরামকৃষ্ণ আহারাঙ্গে
 একটু বিশ্রাম করিয়াছেন। ঘরে মণিমল্লিকাদি আরও কয়েকজন তত্ত্ব
 বসিয়া আছেন।

রাসমণির কাশীরাড়ীর বৃহৎ প্রাক্কণের পূর্বাংশে শ্রীশ্রীরাধাকান্তের
 মন্দির ও শ্রীশ্রীভবতারিণীর মন্দির। পশ্চিমাংশে দ্বাদশ শিবমন্দির।
 সারি সারি শিব মন্দিরের ঠিক উত্তরে শ্রীশ্রীপরমহংসদেবের ঘর।
 ঘরের পশ্চিমে অর্ধ মণ্ডলাকার বারাণ্ডা। সেখানে তিনি দাঁড়াইয়া
 পশ্চিমাশ্র হইয়া গঙ্গা দর্শন করিতেন। গঙ্গার পোস্তা ও বারাণ্ডার
 মধ্যবর্তী ভূমিখণ্ডে ঠাকুরবাড়ীর পুষ্পোষ্ঠান। এই পুষ্পোষ্ঠান বহুদূর-
 ব্যাপী। দক্ষিণে বাগানের সীমা পর্য্যন্ত। উত্তরে পঞ্চবটী পর্য্যন্ত
 —যেখানে ঠাকুর শ্রীরামকৃষ্ণ তপস্বা করিয়াছিলেন—ও পূর্বে
 উষ্ঠানের দুই প্রবেশদ্বার পর্য্যন্ত। পরমহংসদেবের ঘরের কোলে
 দুএকটা কৃষ্ণচূড়ার গাছ। নিকটেই গন্ধরাজ, কোকিলাক্ষ, শ্বেত ও
 পদ্ম করবী। ঘরের দেওয়ালে ঠাকুরদের ছবি, তন্মধ্যে পিটার
 জলমধ্যে ডুবিতেছেন ও যীশু তাঁর হাত ধরিয়া ডুলিতেছেন, সে
 ছবিখানিও আছে। আর একটা বুদ্ধদেবের প্রস্তরময়ী মূর্তিও
 আছে। তত্ত্বপোষের উপর তিনি উত্তরাস্র হইয়া বসিয়া আছেন।
 ভক্তেরা মেজের উপর কেহ মাদুরে কেহ আসনে উপবিষ্ট।
 সকলেই মহাপুরুষের আনন্দমূর্তি একদৃষ্টে দেখিতেছেন। ঘরের
 অনতিদূরে পোস্তার পশ্চিম গা দিয়া পুতসলিলা গঙ্গা দক্ষিণবাহিনী
 হইয়া প্রবাহিত হইতেছিলেন। বর্ষাকালে ধরত্যাও যেন সাগর
 সঙ্গে পঁহুঁহিবার জল কত ব্যস্ত! গাথে কেবল একবার মহাপুরুষের
 ধ্যানমন্দির দর্শন স্পর্শন করিয়া চলিয়া বাইতেছেন।

শ্রীমুক্ত মণিমল্লিক পুরাতন ব্রাহ্মতত্ত্ব। বয়স ষাট পর্য্যবসি। কিছু
 দিন পূর্বে কাশীধাম দর্শন করিতে গিয়াছিলেন। আজ ঠাকুরকে দর্শন
 করিতে আসিয়াছেন ও তাঁহাকে কাশী-পর্য্যটন বৃত্তান্ত বলিতেছেন।

মগ্নমগ্নিক । আর একটা সাধুকে দেখলাম । তিনি বলেন, ইন্দ্রিয় সংযম না হ'লে কিছু হবে না । শুধু ঈশ্বর ঈশ্বর ক'রলে কি হবে ?

শ্রীরামকৃষ্ণ । এদের মত কি জান ? আগে সাধন চাই ; শম দম তিভিক্তা চাই । এরা নির্বাণের চেষ্টা ক'রছে । এরা বেদান্তবাদী, কেবল বিচার করে 'ব্রহ্ম সত্য, জগৎ মিথ্যা' । বড় কঠিন পথ । জগৎ মিথ্যা হ'লে তুমিও মিথ্যা, যিনি ব'লছেন তিনিও মিথ্যা, তাঁর কথাও স্বপ্নবৎ । বড় দূরের কথা ।

“কি রকম জান ? যেমন কপূর পোড়ালে কিছুই বাকী থাকে না । কাঠ পোড়ালে তবু ছাট বাকী থাকে । শেষ বিচারের পর সমাধি হয় । তখন 'আমি' 'তুমি' 'জগৎ' এ সবের খবর থাকে না ।

[পণ্ডিত পদ্মলোচন ও বিষ্ণুসাগরের সঙ্গে দেখা ।]

“পদ্মলোচন ভারী জ্ঞানী ছিলেন, কিন্তু আমি মা, মা, করতুম, তবু আমায় খুব মান্তো । পদ্মলোচন বর্ধমানের রাজার সভাপণ্ডিত ছিল । কলিকাতায় এসেছিল, এসে কামারহাটীর কাছে একটা বাগানে ছিল । আমার পণ্ডিত দেখবার ইচ্ছা হ'লো । হৃদেকে পাঠিয়ে দিলুম জানতে, অভিমান আছে কি না ? শুন্লাম পণ্ডিতের অভিমান নাই । আমার সঙ্গে দেখা হ'লো । এতো জ্ঞানী আর পণ্ডিত, তবু আমার মুখে রামপ্রসাদের গান শুনে কান্না ! কথা ক'য়ে এমন স্নেহ কোথাও পাই নাই । আমায় ব'লে, তক্তের সঙ্গ করবো এ কামনা ত্যাগ ক'রো, নচেৎ নানারকমের লোক তোমায় পণ্ডিত করবে ।' বৈষ্ণবচরণের গুরু উৎসবানন্দের সঙ্গে লিখে বিচার ক'রেছিল, আমায় আবার ব'লে, আপনি একটু শুশুন । একটা সভায় বিচার হ'য়েছিল—শিব বড় না ব্রহ্মা বড় । শেষে ব্রাহ্মণ পণ্ডিতেরা পদ্মলোচনকে জিজ্ঞাসা করলে । পদ্মলোচন এমনি সরল, সে ব'লে 'আমার চৌদ্দপুরুষ শিবও দেখে নাই, ব্রহ্মাও দেখে নাই ।' কামিনীকান্ধন-ত্যাগ শুনে আমায় এক দিন ব'লে, 'ওসব ত্যাগ করেছ কেন ? এটা টাকা, এটা মাটী, এ ভেদবুদ্ধি তো অজ্ঞান থেকে হয় ।' আমি কি বলবো, বললাম—কে জানে বাপু, আমার টাকাকড়ি ও সব ভাল লাগে না ।

দক্ষিণেশ্বরে । মণিমল্লিক, গোবিন্দ প্রভৃতি সঙ্গে । ১০৩

[বিদ্যাসাগরের দয়া । “কিন্তু অন্তরে সোণা চাপা ।”]

“এক জন পণ্ডিতের ভারী অভিমান ছিল । ঈশ্বরের রূপ মানতো না । কিন্তু ঈশ্বরের কার্যা কে বুঝবে ? তিনি আত্মশক্তিরূপে দেখা দিলেন । পণ্ডিত অনেকক্ষণ বেহুঁস হয়ে রইল । একটু হুঁস হবার পর কা ! কা ! কা ! (অর্থাৎ কালী) এই শব্দ কেবল ক’রতে লাগলো ।

ভক্ত । মহাশয়, বিদ্যাসাগরকে দেখেছেন, কি রকম বোধ হ’লো ?

শ্রীরামকৃষ্ণ । বিদ্যাসাগরের পাণ্ডিত্য আছে, দয়া আছে ; কিন্তু অন্তদৃষ্টি নাই । অন্তরে সোণা চাপা আছে, যদি সেই সোণার সন্ধান পেতো, এত বাহিরের কাজ যা ক’লে সে সব কম প’ড়ে যেতো ; শেষে একবারে তাগ হ’রে যেতো । অন্তরে হৃদয়মধ্যে ঈশ্বর আছেন এ কথা জানতে পারলে তাঁরই ধ্যান চিন্তায় মন যেতো । কারু কারু নিকাম কর্ম অনেক দিন ক’রতে ক’রতে শেষে বৈরাগ্য হয়, আর ঐ দিকে মন যায় , ঈশ্বরে মন লিপ্ত হয় ।

“ঈশ্বর বিদ্যাসাগর যেরূপ কাজ ক’রছে সে খুব ভাল । দক্ষা খুব ভাল । দয়া আর মায়া অনেক তফাৎ । দয়া ভাল, মায়া ভাল নয় । মায়া আত্মীয়ের উপর ভালবাসা, স্ত্রী, পুত্র, ভাই, ভগিনী, ভাইপো, ভাগনে, বাপ, মা এদেরই উপর । দয়া সর্বভূতে সমান ভালবাসা ।

দ্বিতীয় পরিচ্ছেদ ।

‘শুগ্ৰবাহতিরিক্তঃ সচ্চিদানন্দস্বরূপঃ ।’ মাণ্ড্য-উপনিষৎ ।

[ব্রহ্ম ত্রিগুণাতীত । ‘মুখে বলা যায় না’ ।]

মাষ্টার । দয়াও কি একটা বস্তু ?

শ্রীরামকৃষ্ণ । সে অনেক দূরের কথা । দয়া সৎ গুণ থেকে হয় । সৎগুণে পালন, রজোগুণে সৃষ্টি, তমোগুণে সংহার । কিন্তু ব্রহ্ম সৎস্বরূপঃ তিন গুণের পার । প্রকৃতির পার ।

“যেখানে ঠিক ঠিক সেখানে গুণ পঁহাছিতে পারে না । চোর যেমন

ঠিক যায়গায় যেতে পারে না, ভয় হয় পাছে ধরা পড়ে । সত্ত্বরজস্তুমঃ তিন গুণই চোর । একটা গল্প বলি শুন ।

“একটী লোক বনের পথ দিয়ে যাচ্ছিল । এমন সময়ে তাকে তিন জন ডাকাতে এসে ধরলে । তারা তার সর্বস্ব কেড়ে নিলে । এক জন চোর ব'লে আর এ লোকটাকে রেখে কি হবে ? এই কথা ব'লে খাঁড়া দিয়ে কাটতে এলো । তখন আর এক জন চোর ব'লে, না হে কেটে কি হবে ? একে হাত পা বেঁধে এখানে ফেলে যাও । তখন তাকে হাত পা বেঁধে এখানে রেখে চোরেরা চলে গেল । কিছুক্ষণ পবে তাদের মধ্যে এক জন ফিরে এসে ব'লে, আহা, তোমার কি লেগেছে ? এসো, আমি তোমার বন্ধন খুলে দিই । তার বন্ধন খুলে দিয়ে চোরটী বলে, ‘আমার সঙ্গে সঙ্গে এসো, তোমায় সদর রাস্তায় তুলে দিচ্ছি ।’ অনেকক্ষণ পরে সদর রাস্তায় এসে বলে, ‘এই রাস্তা ধ'রে যাও, ঐ তোমার বাড়ী দেখা যাচ্ছে’ । তখন লোকটী চোরকে ব'লে, ‘মশাই আমার অনেক উপকার করলেন, এখন আপনিও আসুন, আমার বাড়ী পর্য্যন্ত যাবেন । চোর ব'লে, ‘না, আমার ওখানে যাবার যো নাই, পুলিশে টের পাবে’ ।

“সংসারই অরণ্য । এই বনে সত্ত্বরজস্তুমঃ তিন গুণ ডাকাত, জীবের তত্ত্বজ্ঞান কে'ড়ে লয় । তমোগুণ জীবের বিনাশ ক'রতে যায় । রজোগুণ সংসারে বদ্ধ করে । কিন্তু সত্ত্বগুণ রজস্তুমঃ থেকে বাঁচায় । সত্ত্বগুণের আশ্রয় পেলে কাম ক্রোধ এই সব তমোগুণ থেকে রক্ষা হয় । সত্ত্বগুণ আবাব জীবের সংসারবন্ধন মোচন করে । কিন্তু সত্ত্বগুণও চোর, তত্ত্বজ্ঞান দিতে পারে না । কিন্তু সেই পরম ধামে যাবার পথে তুলে দেয় । দিয়ে বলে, ঐ দেখ তোমার বাড়ী ঐ দেখা যায় । যেখানে ব্রহ্মজ্ঞান সেখান থেকে সত্ত্বগুণও অনেক দূরে ।

“ব্রহ্ম কি, তা মুখে বলা যায় না । যার হয় সে খবর দিতে পারে না । একটা কথা আছে, কালাপানিতে গেলে জাহাজ আর ফিরে না ।

“চার বদ্ধ ভ্রমণ ক'রতে ক'রতে পাঁচীলে ঘেরা একটা জায়গা দেখতে গেলে । খুব উঁচু পাঁচাল । ভিতরে কি আছে দেখবার জন্ত সকলে বড় উৎসুক হল । পাঁচাল বেয়ে এক জন উঠলো । উঁকি মেরে যা

দক্ষিণেশ্বরে । মণিমল্লিক, গোবিন্দ প্রভৃতি সঙ্গে । ১০৫

দেখলে তাতে অবাঞ্ছিত হ'য়ে “হা হা হা হা” ব'লে ভিতরে গ'ড়ে গেল । আর কোন খবর দিল না । যেই উঠে সেই হা হা হা হা ক'রে প'ড়ে যায় । তখন খবর আর কে দিবে ?

[জড়-ভরত, দত্তা'ত্রয়, শুকদেব এদের ব্রহ্মজ্ঞান ।]

“জড়-ভরত, দত্তাত্রেয় এরা ব্রহ্ম দর্শন ক'রে আর খবর দিতে পারে নাই । ব্রহ্মজ্ঞান হ'য়ে সমাধি হ'লে আর ‘আমি’ থাকে না । তাই রামপ্রসাদ ব'লেছে, ‘আপনি যদি না পারিস মন তবে রামপ্রসাদকে সঙ্গে নেনা ।’ মনের লয় হওয়া চাই আবার ‘রামপ্রসাদের লয়’ অর্থাৎ অহংতত্ত্বের লয়, হওয়া চাই । তবে সেই ব্রহ্মজ্ঞান হয় ।

একজন ভক্ত । মহাশয় । শুকদেবের কি জ্ঞান হয় নাই ?

শ্রীরামকৃষ্ণ । কেউ কেউ বলে, শুকদেব ব্রহ্মসমুদ্রের দর্শন স্পর্শন মাত্র করেছিলেন, নেমে ডুব দেন নাই । তাই ফিরে এসে অত উপদেশ দিয়েছেন । কেউ বলে, তিনি ব্রহ্মজ্ঞানের পর ফিরে এসেছিলেন—লোক শিক্ষার জন্ত । পরীক্ষিতকে ভাগবত বলবেন, আরো কত লোক-শিক্ষা দিবেন, তাই ঈশ্বর তাঁর সব ‘আমি’র লয় করেন নাই । বিজ্ঞার ‘আমি’ এক রেখে দিয়েছিলেন ।

[কেশবকে শিক্ষা—দল (সাম্প্রদায়িকতা) ভাল নয় ।]

একজন ভক্ত । ব্রহ্মজ্ঞান হ'লে কি দলটল থাকে ?

শ্রীরামকৃষ্ণ । কেশবসেনের সঙ্গে ব্রহ্মজ্ঞানের কথা হ'চ্ছিল । কেশব ব'লে, আরও বলুন । আমি বল্লুম, আর ব'লে দলটল থাকে না । তখন কেশব ব'লে, তবে আর থাক, ম'শাই । (সকলের হাস্য) । তবু কেশবকে বল্লুম, ‘আমি’-‘আমার’ এটা অজ্ঞান । ‘আমি কর্তা’ আর আমার এই সব স্ত্রী, পুত্র, বিবয়, মান, সন্ত্রম, এ ভাব অজ্ঞান না হ'লে হয় না । তখন কেশব ব'লে, মহাশয় ‘আমি’ ত্যাগ ক'রলে যে আর কিছুই থাকে না । আমি বল্লুম; ‘কেশব, তোমাকে সব ‘আমি’ ত্যাগ করতে বলছি না, তুমি ‘কাঁচা আমি’ ত্যাগ কর । ‘আমি কর্তা ‘আমার স্ত্রী পুত্র’ ‘আমি গুরু’ এ সব অভিমান, কাঁচা আমি,—এইটি ত্যাগ কর । এইটি ত্যাগ ক'রে ‘পাকা আমি’ হ'য়ে থাকো । ‘আমি তাঁর দাস, আমি তাঁর ভক্ত, আমি অকর্তা, তিনি কর্তা ।’

[ঈশ্বরের আদেশ পেয়ে তবে স্বর্ণপ্রচার
কল্পা উচিত ।]

একজন ভক্ত । “পাকা আমি” কি দল ক’রতে পারে ?

শ্রীরামকৃষ্ণ । কেশবলেনকে বল্লুম, আমি দলপতি দল ক’রেছি, আমি লোক শিক্ষা দিচ্ছি, এ ‘আমি’ ‘কাঁচা আমি’ । মতপ্রচার বড় কঠিন । ঈশ্বরের আঞ্জা ব্যতিরেকে হয় না । তাঁর আদেশ চাই । গুরুদেব ভাগবত কথা ব’লতে আদেশ পেয়েছিলেন । যদি ঈশ্বরের সাক্ষাৎকার ক’রে কেউ আদেশ পায়, সে যদি প্রচার করে, লোক শিক্ষা দেয়, দোষ নাই । তার ‘আমি’ ‘কাঁচা আমি’ নয়, ‘পাকা আমি’ ।

শ্রীরামকৃষ্ণ । কেশবকে ব’লেছিলাম, ‘কাঁচা আমি’ ত্যাগ কর । ‘দাস আমি’ ‘ভক্তের আমি’ এতে কোন দোষ নাই ।

“তুমি দল দল করছো । তোমার দল থেকে লোক ভেঙ্গে ভেঙ্গে যাচ্ছে ।” কেশব ব’লে, মহাশয় তিন বৎসর এ দলে থেকে আবার ও দলে গেল । যাবার সময় আবার গালাগালি দিয়ে গেল । আমি বললাম, তুমি লক্ষণ দেখ না কেন, যাকে তাকে চেলা ক’রলে কি হয় ?

[কেশবকে শিক্ষা, আত্মশক্তিকে মানো ।]

“আর কেশবকে ব’লেছিলাম, আত্মশক্তিকে মানো । ব্রহ্ম আর শক্তি অভেদ—ধিনিই ব্রহ্ম তিনিই শক্তি । যতক্ষণ দেহবুদ্ধি, ছুটো বলে বোধ হয় । ব’লতে গেলেই ছুটো । কেশব কালী (শক্তি) মেনেছিল ।

“এক দিন কেশব শিষ্যদের সঙ্গে এখানে এসেছিল । আমি ব’ললাম, তোমার লেকচার শুনবো । চাঁদনীতে ব’সে লেকচার দিলে । তার পর ঘাটে এসে ব’সে অনেক কথাবার্তা হ’ল । আমি ব’ললাম, যিনিই ভগবান তিনিই একরূপে ভক্ত । তিনিই একরূপে ভাগবত । তোমরা বল ভাগবত-ভক্ত ভগবান । কেশব ব’ললে, আর শিষ্যরাও সব এক সঙ্গে ব’ললে, ভাগবত-ভক্ত-ভগবান । যখন বললাম, ‘বলো গুরু-কৃষ্ণ-বৈষ্ণব,’ তখন কেশব ব’ললে, মহাশয়, এখন এত দূর নয় ; তাহ’লে লোকে গোঁড়া ব’লবে ।

দক্ষিণেশ্বরে । মণিমনিক, গোবিন্দ শ্রদ্ধতি সঙ্গে । ১০৭

[পূর্বকথা - শ্রীরামকৃষ্ণের মূর্তী - মায়ার কাণ্ড দেখে ।]

“ত্রিগুণাভীত হওয়া বড় কঠিন । ঈশ্বর লাভ না ক’লে হয় না । জীব মায়ার রাজ্যে বাস করে । এই মায়ী ঈশ্বরকে জানতে দেয় না । এই মায়ী মানুষকে অজ্ঞান করে রেখেছে ! হৃদে একটা এঁড়ে বাছুর এনেছিল । এক দিন দেখি, সেটাকে বাগানে বেঁধে দিয়েছে, ঘাস খাওয়ানোর জন্য । আমি জিজ্ঞাসা করলাম, হৃদে ওটাকে রোজ ওখানে বেঁধে রাখিস কেন ? হৃদে ব’লে, ‘মামা এঁড়েটাকে দেশে পাঠিয়ে দিব । বড় হ’লে লাজল টানবে।’

যাই এ কথা ব’লেছে আমি মুচ্ছিত হ’য়ে প’ড়ে গেলাম । মনে হ’য়েছিল, কি মায়ার খেলা ! কোথায় কামাবপুকুর সিওড, কোথায় কল্‌কাতা ! এই বাছুরটী যাবে, ওষ্ট পথ । সেখানে বড় হবে । তার পর কত দিন পরে লাজল টানবে । এরই নাম সংসার,—এরই নাম মায়ী । অনেককণ পরে মুচ্ছা ভেঙ্গেছিল ।

তৃতীয় পরিচ্ছেদ ।

[‘সমাধি - অন্তিমেরে ।’]

শ্রীরামকৃষ্ণ অহর্নিশি সমাধিস্থ । দিনরাত কোথা দিয়া যাই-তেছে । কেবল ভক্তদের সঙ্গে এক একবার ঈশ্বরীয় কথা কীর্তন করেন । তিনটা চারিটার সময় মাষ্টার দেখিলেন, ঠাকুর ছোট তক্তাপোষে বসিয়া আছেন । ভাবাবিষ্ট । কিয়ৎকণ পরে মার সঙ্গে কথা কহিতেছেন ।

মার সঙ্গে কথা কহিতে কহিতে একবার বলিলেন, ‘মা, ওকে এক কলা দিলি কেন ?’ ঠাকুর খানিককণ নিস্তব্ধ হইয়া রহিলেন । আবার বলিতেছেন, ‘মা বুঝেছি, এক কলাতেই যথেষ্ট হবে । এক কলাতেই তোমার কাজ হবে, জীবনিকা হবে।’

ঠাকুর কি সাজোপাজদের ভিতর এইরূপে শক্তি সঞ্চার করিতেছেন ? এ সব কি আয়োজন হইতেছে যে, পরে তাঁচাৰা জীব শিক্ষা দিবেন ?

মাষ্টার ছাড়া ঘরে রাখালও বসিয়া আছেন। ঠাকুর এখনও আবিষ্ট। রাখালকে বলিতেছেন, 'তুই রাগ ক'রেছিলি? তাকে রাগালুম কেন, এর মানে আছে। ঔষধ ঠিক প'ড়বে বলে? গীলে মুখ তুললে পর মনসার পাতা টাটা দিভে হয়'।

কিয়ৎক্ষণ পরে বলিতেছেন, হাজরাকে দেখলাম শুষ্ক কাঠ। তবে এখানে থাকে কেন? তার মানে আছে, জটিলে, কুটিলে থাকলে দীলা পোষ্টাই হয়। (মাষ্টারের প্রতি)।

ঈশ্বরীয় রূপ মানেতে হয়। জগদ্ধাত্রীরূপের মানে জান? যিনি জগতকে ধারণ ক'রে আছেন। তিনি না ধ'রলে, তিনি না পালন ক'রলে জগৎ প'ড়ে যায়, নষ্ট হ'য়ে যায়। মনকবীকে যে বশ ক'রতে পারে তারই হৃদয়ে জগদ্ধাত্রী উদয় হন।

রাখাল। 'মন-মন্ত-করী'। শ্রীরামকৃষ্ণ। সিংহবাহিনীর সিংহ তাই হাতীকে জল ক'বে ব'য়েছে।

সন্ধ্যার পর ঠাকুরবাড়ীতে আরতি হইতেছে। সন্ধ্যাসমাগমে ঠাকুর শ্রীরামকৃষ্ণ নিজের ঘরে ঠাকুরদের নাম করিতেছেন। ঘরে ধূনা দেওয়া হইল। ঠাকুর বন্ধাজলি হইয়া ছোট তক্তাপোষটির উপর বসিয়া আছেন। মার চিন্তা করিতেছেন। বেলঘরের শ্রীযুত গোবিন্দ মুখুযো ও তাঁহার বন্ধুগণ আসিয়া প্রণাম করিয়া মেজেতে বসিলেন। মাষ্টারও বসিয়া আছেন। রাখালও আছেন।

বাহিরে চাঁদ উঠিয়াছে। জগৎ নিঃশব্দে হাসিতেছে। ঘরের ভিতরে সকলে নিঃশব্দে বসিয়া ঠাকুরের শাস্ত মূর্ত্তি দেখিতেছেন। ঠাকুর ভাববিষ্ট। কিয়ৎক্ষণ পরে কথা কহিলেন। এখনও ভাবাবস্থা।

[শ্রামারূপ—পুরুষ প্রকৃতি—যোগমায়ী—শিবকালী ও রাখালকৃষ্ণ
রূপের ব্যাখ্যা—'উত্তম তত্ত্ব'—বিচার পথ।]

শ্রীরামকৃষ্ণ (ভাবস্থ)। বল তোমাদের যা সংশয়। আমি সব বলছি। গোবিন্দ ও অশ্বাশ্ব ভক্তেরা ভাবিতে লাগিলেন। গোবিন্দ। আজ্ঞা, শ্রামা এ রূপটি হ'ল কেন?

শ্রীরামকৃষ্ণ। সে দূর বলে। কাছে গেলে কোন রংই নাই! দীঘির জল দূর থেকে কাল দেখায়, কাছে গিয়ে হাতে ক'রে তোল কোন রং নাই। আকাশ দূর থেকে যেন নীলবর্ণ। কাছের আকাশ

দক্ষিণেশ্বরে । মণিমল্লিক, গোবিন্দ প্রভৃতি সঙ্গে । ১০২

দেখ, কোন রং নাই । ঈশ্বরের যত কাছে যাবে, ততই ধারণা হবে তাঁর নাম, রূপ নাই, পেছিয়ে একটু দূরে এলে আবার ‘আমার শ্যামা মা’ ! যেন ঘাসফুলের রং । শ্যামা পুরুষ না প্রকৃতি ? একজন ভক্ত পূজা ক’রেছিল । একজন দর্শন করতে এসে দেখে ঠাকুরের গলায় পৈতে ! সে ব’ল্লে, তুমি মার গলায় পৈতে পরিয়েছ ! ভক্তটা ব’ল্লে, “তাই, তুমিই মাকে চিনেছ । আমি এখনও চিনতে পারি নাই, তিনি পুরুষ কি প্রকৃতি ! তাই পৈতে পরিয়েছি ।”

“শ্যামা শ্যামা, তিনিই ব্রহ্মা । যারই রূপ, তিনিই অরূপ । যিনি সগুণ তিনিই নিগুণ । ব্রহ্ম শক্তি—শক্তি ব্রহ্ম । অভেদ । সচ্চিদানন্দময় আর সচ্চিদানন্দময়ী ।

গোবিন্দ । শ্যোগমাস্ত্রা কেন বলে ?

শ্রীরামকৃষ্ণ । যোগমায়া অর্থাৎ পুরুষপ্রকৃতির যোগ । যা কিছু দেখছ সবই পুরুষপ্রকৃতির যোগ ! শিবকালীর মূর্তি, শিবের উপর কালী দাঁড়িয়ে আছেন । শিব শব হ’য়ে প’ড়ে আছেন । কালী শিবের দিকে চেয়ে আছেন । এই সমস্তই পুরুষপ্রকৃতির যোগ । পুরুষ নিষ্ক্রিয়, তাই শিব শব হ’য়ে আছেন । পুরুষের যোগে প্রকৃতি সমস্ত কাজ করছেন । সৃষ্টি স্থিতি প্রলয় করছেন । স্বাধাকৃষ্ণ যুগল মুক্তিভাণ্ডে আনেন্ত্রী । ঐ যোগের জগৎ বহিম ভাব । সেই যোগ দেখার জগুই শ্রীকৃষ্ণের নাকে মুক্তা, শ্রীমতীর নাকে নীল পাথর । শ্রীমতীর গৌর বরণ, মুক্তার শ্যাম উজ্জল । শ্রীকৃষ্ণের শ্যামবর্ণ, তাই শ্রীমতীর নীলপাথর । আবার শ্রীকৃষ্ণ পীতবসন ও শ্রীমতী নীলবসন পরেছেন ।

“উত্তম ভক্ত কে ? যে ব্রহ্মজ্ঞানের পর দেখে, তিনিই জীব-জগৎ, চতুর্বিংশতিতত্ত্ব হয়েছেন । প্রথমে ‘নেতি’ ‘নেতি’ বিচার ক’বে ছাদে পৌঁছিতে হয় । তার পর সে দেখে, ছাদও যে জিনিষে তৈয়ারি—ইট, চূণ, গুর্কি—সিঁড়িও সেই জিনিষে তৈয়ারি । তখন দেখে ব্রহ্মই জীব জগৎ সমস্ত হ’য়েছেন ।

“শুধু বিচার ! ধু ! ধু !—কাজ নাই । [ঠাকুর মুখামৃত ফেলিলেন ।

“কেন বিচার ক’বে শুধু হ’য়ে থাকবে ? যতক্ষণ ‘আমি তুমি’ আছে ততক্ষণ যেন তাঁর পাদপদ্মে শুকা ভক্তি থাকে ।

শ্রীরামকৃষ্ণ (গোবিন্দের প্রতি) । কখনও বলি—তুমিই আমি, আমিই তুমি । আবার কখনও ‘তুমিই তুমি’ হ’য়ে যায় ! তখন আমি খুঁজে পাই না । শক্তিরই অবতারণা । এক মতে রাম ও কৃষ্ণ চিদানন্দসাগরের দুটি চেষ্টা ।

“অদ্বৈতজ্ঞানের পর চৈতন্য লাভ হয় । তখন দেখে সর্বভূতে চৈতন্য রূপে তিনি । লাভের পর আনন্দ । ‘অদ্বৈত, চৈতন্য, নিত্যানন্দ ।’

[ঈশ্বরের রূপ আছে । ভোগবাসনা গেলে ব্যাকুলতা ।]

(মাষ্টারের প্রতি) । আব তোমায় বলছি—রূপ, ঈশ্বরীয় রূপ, অবিদ্বাস কোরো না । রূপ আছে বিদ্বাস কোরো । তারপর যে রূপটী ভালবাস সেইরূপ ধ্যান কোরো । (গোবিন্দের প্রতি) । কি জান, যতক্ষণ ভোগ বাসনা ততক্ষণ ঈশ্বরকে জানতে বা দর্শন করতে প্রাণ ব্যাকুল হয় না । ছেলে, খেলা নিয়ে, ভুলে থাকে । সন্দেশ দিয়ে ভুলোও, খানিক সন্দেশ খাবে । যখন খেলাও ভাল লাগে না, সন্দেশও ভাল লাগে না, তখন বলে ‘মা যাব’, আর সন্দেশ চায় না । যাকে চেনে না, কোনও কালে দেখে নাই, সে যদি বলে, আয় মার কাছে নিয়ে যাই—তাবই সঙ্গে যাবে । যে কোলে ক’রে নিয়ে যায় তারই সঙ্গে যাবে ।

“সংসারের ভোগ হ’য়ে গেলে ঈশ্বরের জগু প্রাণ ব্যাকুল হয় । কি ক’রে তাঁকে পাবো, কেবল এই চিন্তা হয় । যে যা বলে তাই শুনে ।”
মাষ্টার । স্বগতঃ) ভোগ-বাসনা গেলে ঈশ্বরের জগু প্রাণ ব্যাকুল হয় ।

প্রথম ভাগ-সপ্তম খণ্ড ।

—:~:—

দক্ষিণেশ্বরমন্দিরে—ভক্তসঙ্গে ।

প্রথম পরিচ্ছেদ ।

—*—

ঠাকুর শ্রীরামকৃষ্ণ আজ দক্ষিণেশ্বরমন্দিরে ভক্তসঙ্গে । শ্রাবণ কৃষ্ণাতিপদ, ১৯শে আগষ্ট, ১৮৮৩ খৃষ্টাব্দ ।

দক্ষিণেশ্বরে। অধর, বলরাম, নরেন্দ্র প্রভৃতি সঙ্গে। ১১১

আজ রবিবার। এইমাত্র ভোগারতির সময় সানাই বাজিতেছিল। ঠাকুরঘর বন্ধ হইল। ঠাকুর শ্রীরামকৃষ্ণও প্রসাদপ্রাপ্তির পর কিঞ্চিৎ বিজ্ঞান করিতেছেন। বিজ্ঞানের পর—এখনও মধ্যাহ্নকাল—তিনি তাঁহার ঘরে ছোট তক্তাপোষের উপর বসিয়া আছেন। এমন সময়ে মাষ্টার আসিয়া প্রণাম করিলেন। কিয়ৎক্ষণ পরে তাঁহার সঙ্গে বেদান্ত সম্বন্ধে কথা হইতে লাগিল।

[বেদান্তবাদীদিগের মত। কৃষ্ণকিশোরের কথা।]

শ্রীরামকৃষ্ণ মাষ্টারের প্রতি। দেখ, অষ্টাবক্রসংহিতায় আত্ম-জ্ঞানের কথা আছে। আত্মজ্ঞানীরা বলে, 'সোহমম,' অর্থাৎ 'আমিই সেই পরমাত্মা।' এ সব বেদান্তবাদী সন্ন্যাসী মত, সংসারীর পক্ষে এ মত ঠিক নয়। সবই করা যাচ্ছে, অথচ 'আমিই সেই, নিজিয় পরমাত্মা' এ কিকপ হ'তে পারে? বেদান্তবাদীরা বলে, আত্মা নির্লিপ্ত। সুখ-দুঃখ, পাপ পুণ্য এ সব আত্মার কোনও অপকার ক'রতে পারে না,—তবে দেহাভিমানী লোকদের কষ্ট দিতে পারে। ধোয়া দেওয়াল ময়লা করে, আকাশের কিছু ক'রতে পারে না। কৃষ্ণকিশোর জ্ঞানীদের মত ব'লতো, আমি 'খ' - অর্থাৎ আকাশবৎ। তা সে পরম ভক্ত, তার মুখে ও কথা ববং সাজে, কিন্তু সকলের মুখে নয়।

[পাপ ও পুণ্য। মায়া না দয়া?]

“কিন্তু 'আমি মুক্ত' এ অভিমান খুব ভাল। 'আমি মুক্ত' এ কথা ব'লতে ব'লতে সে মুক্ত হ'য়ে যায়। আবার 'আমি বন্ধ' 'আমি বদ,' এ কথা ব'লতে ব'লতে সে ব্যক্তি বন্ধই ব'য়ে যায়। যে কেবল বলে, 'আমি পাপী' 'আমি পাপী' সেই খালাই প'ড়ে যায়। বরং ব'লতে হয়, আমি তাঁর নাম ক'রেছি, আমার আবার পাপ কি, বন্ধন কি।

শ্রীরামকৃষ্ণ (মাষ্টারের প্রতি)। দেখ, আমার মনটা বড় খারাপ হ'য়েছে। হৃদয়ে চিঠি লিখেছে, তার বড় অসুখ। একি মায়া না দয়া?

* হৃদয় ইং ১৮১) নানবাঁধা দিন পণ্ডিত কালীবাটীতে প্রায় তেইশ বৎসর পবনহৃৎসদেবেব সেবা কবিয়াছিলেন। সম্পর্কে হৃদয় তাঁহার ভাগিনের। তাঁহার জন্মভূমি হুগলি জেলাব অন্তঃপাতী সি.ওড় গ্রাম। ঐ গ্রাম ঠাকুরেব জন্মভূমি ৬ কামাবপুকুর হইতে চই ক্রোশ। ১৩০১ সালেব বৈশাখমাসে দ্বিবিটি বৎসব বৎক্রমে জন্মভূমি-ে তাঁহার পবলোক প্রাপ্ত হইয়াছে।

মাষ্টার কি বলিবেন ? চূপ করিয়া রহিলেন ।

শ্রীরামকৃষ্ণ । মায়া কাকে বলে জান ? বাপ-মা, ভাই ভগ্নী, স্ত্রী-পুত্র, ভাগিনা-ভাগনী, ভাইপো-ভাইঝি, এই সব আত্মীয়ের প্রতি ভালবাসা । দয়া মানে—সর্বভূতে ভালবাসা । আমার এটা কি হ'লো, মায়া না দয়া ? হৃদে কিন্তু আমার অনেক ক'রেছিল—অনেক সেবা ক'রেছিল—হাতে ক'রে গু পরিষ্কার ক'রতো । তেমনি শেষে শাস্তিও দিয়েছিল ! এত শাস্তি দিত যে, পোস্তার উপর গিয়ে গজায় ঝাঁপ দিয়ে দেহত্যাগ ক'রতে গি'ছিলুম । কিন্তু আমার অনেক ক'রেছিল—এখন সে কিছু [টাকা] পেলে মনটা স্থির হয় । কিন্তু কোন্ বাবুকে আবার ব'লতে যাব ' কে ব'লে বেড়ায় ?

দ্বিতীয় পরিচ্ছেদ ।

‘স্বপ্নময় আধারে চিন্ময়ী দেবী ।

বিশুণ্ণুরে স্নানশ্রী দর্শন ।’

বেলা ছটা তিনটার সময় ভক্তবীর অধর সেন ও বলরাম আসিয়া উপনীত হইলেন ও ভূমিষ্ঠ হইয়া প্রণাম করিয়া আসন গ্রহণ করিলেন । তাঁহারা জিজ্ঞাসা করিলেন, আপনি কেমন আছেন ? ঠাকুর বলিলেন, ‘হাঁ, শরীর ভাল আছে, তবে আমার মনে একটু কষ্ট হ'য়ে আছে’ । হৃদয়ের পীড়া সঙ্ক্ষে কোন কথারই উত্থাপন করিলেন না ।

বড়বাজারের মল্লিকদের সিংহবাহিনী দেবীবিগ্রহের কথা পড়িল ।

শ্রীরামকৃষ্ণ । সিংহবাহিনী আমি দেখতে গি'ছিলুম । চাষাধোপা পাড়ার এক জন মল্লিকদের বাড়ীতে ঠাকুরকে দেখলুম । পোড়ো বাড়ী । তারা গরীব হ'য়ে গেছে । এখানে পায়রার গু, ওখানে শেওলা, এখানে বুরবুর ক'রে বালি গুরুকি পড়ছে । অল্প মল্লিকদের বাড়ীর যেমন দেখেছি, এ বাড়ীর সে শ্রী নাই । (মাষ্টারের প্রতি) । আচ্ছা, এর মানে কি বল দেখি ! [মাষ্টার চূপ করিয়া আছেন ।

শ্রীরামকৃষ্ণ । কি জান, যার যা কর্মের ভোগ আছে, তা তার করতে হয় । সংস্কার, প্রারদ্ধ, এ সব মান্তে হয় ।

দক্ষিণেশ্বরে । অধর, বলরাম, নরেশ্বর প্রভৃতি সঙ্গে । ১১৩

“আর পোড়ো বাডীতে দেখলুম যে, সেখানেও সিংহবাহিনীর মুখের ভাব জল জল ক’রছে । আবির্ভাব মানতে হয় ।

“আমি একবার বিষ্ণুপুরে গি’ছিলুম । রাজার বেশ সব ঠাকুর-বাডী আছে । সেখানে ভগবতীর মূর্তি আছে নাম স্নানস্নানী । ঠাকুর-বাডীর কাছে বড় দীঘি । কৃষ্ণবাঁধ । লালবাঁধ । আচ্ছা, দীঘিতে আবাঠার (মাথাঘসার) গন্ধ পেলুম কেন বল দেখি ? আমি ত জানতুম না যে মেয়েরা মৃগয়ীদর্শনের সময় আবাঠা তাঁকে দেয় ! আর দীঘির কাছে আমার ভাবসমাধি হ’ল, তখন বিগ্রহ দেখি নাই । আবেশে সেই দীঘির কাছে মৃগয়ী-দর্শন হ’ল—কোমব পর্য্যন্ত ।

[ভক্তের সুখ ৫:৭ । ভাগ৩ ও মহাভারতের কথা ।]

এত ক্ষণে আর সব ভক্ত আসিয়া জুটিতেছেন । কাবুলের রাজনিগ্রব ও যুদ্ধের কথা উঠিল । এক জন বলিতেছেন যে, ঈয়াকুব খা সিংহাসনচ্যুত হইয়াছেন । তিনি পরমহংসদেবকে সম্বোধন করিয়া বলিতেছেন, মহাশয় । ঈয়াকুব খা কিন্তু এক জন বড় ভক্ত ।

শ্রীরামকৃষ্ণ । কি জান, সুখ-দুঃখ দেহধাবণের ধর্ম্ম । কবিকঙ্কণচণ্ডীতে আছে যে, কালুবীর জেলে গি’ছিল, তার বৃকে পাষণ দিয়ে রেখেছিল । কিন্তু কালুবীর ভগবতীর ববপুত্র । দেহধারণ ক’রলেই সুখ দুঃখ ভোগ আছে ।

শ্রীমন্ত বড় ভক্ত ।

আর তার মা খল্লনাকে ভগবতী কত ভালবাসতেন, সেই শ্রীমন্তেব কত বিপদ । মগানে কাটতে নিয়ে গি’ছিলো । একজন কাঠবে, পবম ভক্ত, ভগবতীর দর্শন পেলে, তিনি কত ভালবাসলেন, কত কৃপা করলেন । কিন্তু তার কাঠরের কাজ আর ঘুচলো না ! সেই কাঠ কেটে আবার খেতে হবে । কারাগারে চতুর্ভুজ শঙ্খচক্র-গদাধারী ভগবান দেবকীর দর্শন হ’ল । কিন্তু কারাগার ঘুচলো না !

মাষ্টার । শুধু কারাগার ঘোচা কেন ? দেহই ত যত জঞ্জালের গোড়া । দেহটা ঘুচে যাওয়া উচিত ছিল ।

শ্রীরামকৃষ্ণ । কি জান, প্রাবন্ধ কর্ম্মের ভোগ । যে ক’দিন ভোগ আছে, দেহ ধারণ করতে হয় । এক জন কাণা গঙ্গান্নান

ক'রুলে । পাপ সব ঘুচে গেল । কিন্তু কাণা চোক আর ঘুচলো না । (সকলের হাস্য ।) পূর্বজন্মের কৰ্ম ছিল, তাই ভোগ ।

মণি । যে বাণটা ছোড়া গেল, তার উপর কোনও আয়ত্ত থাকে না ।

শ্রীরামকৃষ্ণ । দেহের সুখ দুঃখ যাই হোক, ভক্তের জ্ঞান ভক্তির ঐশ্বর্য থাকে, সে ঐশ্বর্য কখনও যা'বার নয় । দেখ না— পাণ্ডবদের অত বিপদ ! কিন্তু এ বিপদে তারা চৈতন্য একবারও হারায় নাই । তাদের মত জ্ঞানী, তাদের মত ভক্ত, কোথায় ?

তৃতীয় পরিচ্ছেদ ।

'সমাধিঅন্দিরো' । কাপ্তেন ও নরেন্দ্রের আগমন ।

এমন সময় নরেন্দ্র ও বিশ্বনাথ উপাধ্যায় আসিয়া উপস্থিত হইলেন । বিশ্বনাথ নেপালের বাজার উকিল,—রাজপ্রতিনিধি । ঠাকুর কাপ্তেন বলিতেন ' নরেন্দ্রের বয়স বছর বাইশ, বি, এ, পড়িতেছেন । মাঝে মাঝে বিশেষত, বিবাবে, দর্শন কবিত্তে আসেন ।

তঁাহারা প্রণাম করিয়া উপবিষ্ট হইলে, পরমহংসদেব নরেন্দ্রকে গান গাইতে অনুরোধ করিলেন । ঘরের পশ্চিম ধারে তানপুবাটী ঝুলান ছিল । সকলে একদৃষ্টে গায়কের দিকে চাহিয়া রহিলেন, —তঁাহারাও তবলার সুর বাঁধা হইতে লাগিল,—কখন গান হয় ।

শ্রীরামকৃষ্ণ (নরেন্দ্রের প্রতি) । দেখ, এ আব তেমন বাজে না ।

কাপ্তেন । পূর্ণ হয়ে বসে আছে, তাই শব্দ নাই । (সকলের হাস্য) । পূর্ণকুম্ভ ।

শ্রীরামকৃষ্ণ (কাপ্তেন প্রতি) । কিন্তু নারদাদি ?

কাপ্তেন । তাঁরা পরের দুঃখে কথা ক'য়েছিলেন ।

শ্রীরামকৃষ্ণ । হাঁ, নারদ, শুকদেব, এরা সমাধির পব নেমে এসেছিলেন,—দয়ার জন্ত, পরের তিতের জন্ত, তাঁরা কথা কয়েছিলেন ।

নরেন্দ্র গান আবস্ত কবিলেন । গাইলেন,—

দক্ষিণেশ্বরে । অধর, বলরাম, নরেন্দ্র প্রভৃতি ভক্ত সঙ্গে । ১১৫

সত্যং শিব সুন্দর রূপ ভাতি যদি অন্দিনে,

(সে দিন কবে বা হ'বে)

নিবধি নিরধি অহুদিন মোরা ডুবির রূপ সাগরে । জ্ঞান-অনন্তরূপে
পশিবে নাথ মম হৃদে, অবাচ্ চটয়ে অধীর মন শরণ লইরে শ্রীপদে । আনন্দ
অমৃতরূপে উদ্বিবে হৃদয়-আকাশে, চক্রে উদিলে চকোর যেমন ক্রীড়য়ে মন হবমে,
আমবাও নাথ তেমনি কবে মাতিব তব প্রকাশে । শান্তং শিব অদ্বিতীয় রাজরাজ-
চরণে, বিকাটব ওহে প্রাণসখা সফল কবির জীবনে । এমন অধিকার কোথা
পাব আর স্বর্গভোগ জীবনে (সশরীবে) । শুদ্ধমপাপবিদ্ধং রূপ হেরিয়ে নাথ
তোমাব, আলোক দেখিলে আধাব যেমন যার পলাইয়ে সন্দেহ, তেমনি নাথ
তোমাব প্রকাশে পলাইবে পাপ-আধাব । ওহে ক্রবতাবা-সম হৃদে অলস্তু বিশ্বাস
হে, জ্বালি দিয়ে দীনবন্ধু পবাও মানব আশ, তামি নিশিদিন প্রেমানন্দে মগন
হটয়ে হে, আপনাবে ভুলে যাব তোমাবে পাউষে হে । (সে দিন কবে হ'বে) ॥

আনন্দ অমৃতরূপে, এই কথা বলিতে না বলিতে ঠাকুর শ্রীরামকৃষ্ণ
গভীর সমাধিতে নিমগ্ন হইলেন ! আসীন হইয়া করযোড়ে বসিয়া
আছেন । পূর্ব-আশ্র । দেহ উন্নত । আনন্দময়ীর রূপসাগরে নিমগ্ন
হইয়াছেন । লোকবাক্য একবারে নাট । স্বাস বহিছে, কি না বহিছে !
স্পন্দহীন । নিমেষশূন্য । চিত্রাপিতের স্থায় বসিয়া আছেন । যেন এ
বাক্য ছাড়িয়া কোথায় গিয়াছেন ।

চতুর্থ পরিচ্ছেদ ।

সচ্চিদানন্দ লাভের উপায় ।

জ্ঞানী ও ভক্তের প্রভেদ ।

সন্মাপ্তি ভঙ্গ হইল । ইতিপূর্বে নরেন্দ্র শ্রীবামকৃষ্ণের সমাধি
দৃষ্টে কক্ষ ত্যাগ করিয়া পূর্বদিকের বারাণ্ডায় চলিয়া গিয়াছেন ।
সেখানে হাজরা মহাশয় কহলাসনে হরিনামের মালা হাতে করিয়া
বসিয়া আছেন । তাঁহার সঙ্গে নরেন্দ্র আলাপ করিতেছেন । এদিকে
ঘবে এক ঘর লোক । শ্রীরামকৃষ্ণ সমাধিভঙ্গের পর ভক্তদের মধ্যে
দৃষ্টিপাত করিলেন । দেখেন যে, নরেন্দ্র নাই ; শূন্য তানপুরা পড়িয়া
বহিয়াছে । আর ভক্তগণ, সকলে তাঁর দিকে ঐশ্বক্যের সহিত
চাহিয়া রহিয়াছেন ।

শ্রীরামকৃষ্ণ । আগুন জ্বলে গেছে, এখন থাক্‌লো আর গেল !
 (কাপ্তেন প্রহৃতির প্রতি) । চিদানন্দ আরোপ কর, তোমাদেরও
 আনন্দ হবে । চিদানন্দ আছেই,—কেবল আবরণ ও বিক্ষেপ ।
 বিষয়াসক্তি যত কমবে, ঈশ্বরের প্রতি মতি তত বাড়বে ।

কাপ্তেন । কলিকাতার বাড়ীর দিকে যত আসবে, কাশী থেকে
 তত তফাৎ হবে । কাশীর দিকে যত যাবে, বাড়ী থেকে তত তফাৎ
 হবে ।

শ্রীবামকৃষ্ণ । শ্রীমতী যত কৃষ্ণের দিকে এগুচ্ছেন, ততই কৃষ্ণের
 দেহগন্ধ পাচ্ছিলেন । ঈশ্বরের নিকট যত যাওয়া ততই তাঁতে
 ভাবভক্তি হয় । সাগরের নিকট নদী যতই যায়, ততই জোয়ার ভাঁটা
 দেখা যায় । জ্ঞানীর ভিতর একটানা গঙ্গা বহিতে থাকে । তাব
 পক্ষে সব স্বপ্নবৎ । সে সর্বদা স্বপ্নরূপে থাকে । ভক্তের ভিতর
 একটানা নয়, জোয়ার ভাঁটা হয় । হাসে, ক্লাদে, নাচে, গায় ।
 ভক্ত তাঁব সঙ্গে বিলাস ক'রে ভালবাসে—কখন সঁতার দেয়,
 কখন ডুবে, কখন উঠে—যেমন জলের ভিতর বরফ 'টাপুব টুপুব'
 'টাপুব টুপুব' করে । (হাস্য) ।

[সচ্চিদানন্দ ও সচ্চিদানন্দময়ী । ব্রহ্ম ও আত্মশক্তি অভেদ ।]

“জ্ঞানী ব্রহ্মকে জানতে চায় । ভক্তের ভগবান,—ষড়ৈশ্বর্যপূর্ণ
 সর্বশক্তিমান্ ভগবান্ । কিন্তু বস্তুতঃ ব্রহ্ম আর শক্তি অভেদ—যিনি
 সচ্চিদানন্দ, তিনিই সচ্চিদানন্দময়ী । যেমন মণির জ্যোতিঃ ও মণি,
 মণির জ্যোতিঃ ব'লেই মণি বুঝায়, মণি ব'লেই জ্যোতিঃ বুঝায় ।
 মণি না ভাবলে মণির জ্যোতিঃ ভাবতে পারা যায় না—মণির
 জ্যোতিঃ না ভাবলে মণি ভাবতে পারা যায় না । এক সচ্চিদানন্দ
 শক্তিভেদে উপাধিভেদ, তাই নানা রূপ—‘সে তো তুমিই গো
 তারা !’ যেখানে কার্য (সৃষ্টি, স্থিতি, প্রলয়) সেইখানেই শক্তি !
 কিন্তু জল স্থির থাকলেও জল, তরঙ্গ ভুডভুড়ি হ'লেও জল । সেই
 সচ্চিদানন্দই আত্মশক্তি—যিনি সৃষ্টি স্থিতি, প্রলয় করেন । যেমন
 কাপ্তেন যখন কোন কাজ করেন না, তখনও যিনি, আর কাপ্তেন
 পূজা করছেন তখনও তিনি ; আর কাপ্তেন লাট সাহেবের কাছে
 যাচ্ছেন, তখনও তিনি,—কেবল উপাধিবিশেষ ।

কাপ্তেন । আত্মা হাঁ, মহাশয় !

দক্ষিণেশ্বরে । অধর, বলরাম, নরেন্দ্র প্রভৃতি সঙ্গে । ১১৭

শ্রীরামকৃষ্ণ । আমি এই কথা কেশব সেনকে ব'লেছিলাম ।

কাপ্তেন । কেশব সেন ভ্রষ্টাচার, স্বেচ্ছাচার ; তিনি বাবু, সাধু নন ।

শ্রীরামকৃষ্ণ (ভক্তদের প্রতি) । কাপ্তেন আমায় বাবণ কবে, কেশব সেনের ওখানে যেতে ।

কাপ্তেন । মহাশয়, আপনি যাবেন, তা আব কি ক'র্ব্বো ?

শ্রীরামকৃষ্ণ (বিরক্তভাবে) । তুমি লাট সাহেবের কাছে যেতে পার টাকার জ্ঞ, আর আমি কেশব সেনের কাছে যেতে পারি না ? সে ঈশ্বরচিন্তা কবে, হবিনাম কবে । তবে না তুমি বল, 'ঈশ্বরমায়া-জীবজগৎ'—যিনি ঈশ্বর, তিনিই এই সব জীব, জগৎ হয়েছেন !

পঞ্চম পরিচ্ছেদ ।

নরেন্দ্রসঙ্গে । জ্ঞানশোণ ও ভক্তিশোণের সমন্বয় ।

এই বলিয়া ঠাকুর হঠাৎ ঘর হইতে উত্তর-পূর্বের বারাণ্ডায় চলিয়া গেলেন । কাপ্তেন ও অন্যান্য ভক্তেরা ঘরেই বসিয়া তাঁর প্রত্যাগমন প্রতীক্ষা করিতেছেন । মাষ্টার তাঁহাব সঙ্গে ঐ বাবাণ্ডায় আসিলেন ।

উত্তর-পূর্বের বারাণ্ডায় নরেন্দ্র হাজরার সহিত কথোপকথন কবিতেছিলেন । ঠাকুর শ্রীরামকৃষ্ণ জানেন, হাজরা বড় শুদ্ধ জ্ঞানবিচার কবেন,—বলেন, “জগৎ স্বপ্নবৎ,—পূজা নৈবেদ্য এ সব মনের ভুল—কেবল স্ব-স্বরূপকে চিন্তা করাই উদ্দেশ্য, আর ‘আমিই সেই’ ।”

শ্রীরামকৃষ্ণ (সহাস্তে) । কি গো ! তোমাদের কি সব কথা হ'চ্ছে ?

নরেন্দ্র (সহাস্তে) । কত কি কথা হ'চ্ছে, 'লম্বা' 'লম্বা' কথা !

শ্রীরামকৃষ্ণ (সহাস্তে) । কিন্তু শুদ্ধজ্ঞান আর শুদ্ধভক্তি এক । শুদ্ধজ্ঞান যেখানে শুদ্ধভক্তিও সেইখানে, নিষে যায় । ভক্তিপথ বেশ সহজ পথ ।

নরেন্দ্র । ‘আব কাজ নাই জ্ঞান-বিচারে, দে মা পাগল ক'রে !’ (মাষ্টারের প্রতি) দেখুন Hamiltonএ পড়'লুম—লিখ'ছেন, ‘A learned ignorance is the end of Philosophy and the beginning of Religion.’

শ্রীরামকৃষ্ণ (মাষ্টারের প্রতি) । এর মানে কি গা ?

নরেন্দ্র । Philosophy (দর্শনশাস্ত্র) পড়া শেষে হলে মানুষটা পণ্ডিত-মূর্খ হ'য়ে দাঁড়ায়, তখন ধর্ম ধর্ম করে । তখন ধর্মের আরম্ভ হয় ।

শ্রীরামকৃষ্ণ (সহাস্ত্রে) । 'Thank you ' Thank you ' (হাস্ত্র) ।

— — —

ষষ্ঠ পরিচ্ছেদ ।

সন্ধ্যা সন্মোগনে হরিন্দ্রপল্লি । নরেন্দ্রের কত গুণ ।

কিয়ৎক্ষণ পবে সন্ধ্যা আগত প্রায় দেখিয়া অধিকাংশ লোক বাটী গমন কবিলেন । নরেন্দ্রও বিদায় লইলেন ।

বেলা পড়িয়া আসিতে লাগিল । সন্ধ্যা হয় হয় । ঠাকুরবাড়ীর ফরাস চাবিদিকে আলোব আয়োজন করিতেছে । কালীঘবেব ও বিষ্ণুঘরের দুই জন পূজারি গঙ্গায় অর্ধনিমগ্ন হইয়া বাহা ও অম্বুব শুচি করিতেছেন, শীত্র গিয়া আরতি ও ঠাকুরদেব বাত্রিকালীন শীতল দিতে হইবে । দক্ষিণেশ্বরগ্রামবাসী যুবকবৃন্দ—কাহাবও হাতে ছডি, কেহ বন্ধু সঙ্গে—বাগান বেড়াইতে আসিয়াছে । তাহারা পোস্তার উপব বিচরণ করিতেছে ও কুশুমগন্ধবাহী নির্মল সন্ধ্যাসমীৰণ সেবন করিতে কবিতে শ্রাবণ মাসেব খবশ্রোত ঈষৎবীচিবিকম্পিত গঙ্গা-প্রবাহ দেখিতেছে । তন্মধ্যে হয় ত কেহ অপেক্ষাকৃত চিন্তাশীল, পঞ্চবটীর বিজনভূমিতে পাদচাবণ কবিতেছে । ভগবান শ্রীবামকৃষ্ণও পশ্চিমের বাবাণ্ডা হইতে কিয়ৎকাল গঙ্গাদর্শন কবিতে লাগিলেন ।

সন্ধ্যা হইল । ফবাস আলোগুলি জালিয়া দিয়া গেল । ঠাকুরেব ঘরে আসিয়া দাসী প্রদীপ জালিয়া ধূনা দিল । এদিকে দ্বাদশমন্দিবে শিবের আরতি, তৎপবেই বিষ্ণুঘরের ও কালীঘবেব আরতি, আরম্ভ হইল । কাসর, ঘড়ি ও ঘন্টা, মধুর ও গম্ভীর নিনাদ করিতে লাগিল —মধুর ও গম্ভীর—কেন না, মন্দিবেব পার্শ্বেই কলকলনিনাদিনী গঙ্গা !

শ্রাবণের কৃষ্ণাপ্রতিপদ, কিয়ৎক্ষণ পবেই চাঁদ উঠিল । বৃহৎ উঠান ও উদ্যানস্থিত বৃক্ষশীর্ষে ক্রমে চন্দ্রকিরণে প্লাবিত হইল । এদিকে

দক্ষিণেশ্বরে । অধর, বলরাম, নরেন্দ্র প্রভৃতি সঙ্গে । ১১৯

জ্যোৎস্নাস্পর্শে ভাগীরথীসলিল কত আনন্দ করিতে করিতে
প্রবাহিত হইতেছে ।

সন্কার পরেই শ্রীরামকৃষ্ণ জগন্নাথাকে নমস্কার করিয়া,
হাততালি দিয়া হবিষ্মনি করিতেছেন । কক্ষমধ্যে অনেকগুলি
ঠাকুরদের ছবি, — শ্রব পক্ষীদের ছবি, রাম রাজার ছবি, মা কালীর
ছবি, রাখাকৃষ্ণের ছবি । তিনি সকল ঠাকুরকে উদ্দেশ করিয়া ও
তাঁহাদের নাম করিয়া প্রণাম করিতেছেন । আবার বলিতেছেন,
ব্রহ্ম-আত্মা-ভগবান্, ভাগবত-ভক্ত-ভগবান্, ব্রহ্ম-শক্তি, শক্তি-ব্রহ্ম,
বেদ পুরাণ, তন্ত্র, গীতা, গায়ত্রী । শরণাগত শরণাগত, নাহং,
নাহং, তুঁহু তুঁহু, আমি যন্ত্র, তুমি যন্ত্রী, ইত্যাদি ।

নামের পর শ্রীরামকৃষ্ণ করযোড়ে জগন্নাথার চিন্তা করিতেছেন ।
দুই চারিজন ভক্ত সঙ্ঘাসনমাগমে উদ্ভানমধ্যে গঙ্গাতীরে বেড়াইতে-
ছিলেন । তাঁহারা ঠাকুরের আরাতির কিয়ৎক্ষণ পরে ঠাকুরের ঘরে
ক্রমে ক্রমে আসিয়া জুটিতেছেন । পবনহঃসদেব খাটে
উপবিষ্ট । মাষ্টার, অধর, কিশোরী ইত্যাদি নীচে সম্মুখে বসিয়া
আছেন ।

শ্রীরামকৃষ্ণ (ভক্তদের প্রতি) নরেন্দ্র, ভবনাথ, বাখাল, এরা
শব্দ নিত্যসিদ্ধ ঈশ্বরকোটি । এদের শিক্ষা কেবল বাড়ার ভাগ ।
দেখ না, নরেন্দ্র কাহাকেও চাহে গ্রাহ্য করে না । আমার সঙ্গে
কাপ্তেনের গাভীতে যাচ্ছিল—কাপ্তেন ভাল জায়গায় বসতে বলে
—তা চেয়েও দেখলে না । আমারই অপেক্ষা রাখে না । আবার যা
জানে, তাও বলে না—পাছে আমি লোকের কাছে বলে বেড়াই যে,
নরেন্দ্র এক বিদ্বান্ । মায়ামোহ নাষ্ট, —যেন, কোন বন্ধন নাই !
খুব ভাল আধার । একাধারে অনেকগুণ, গাইতে বাজাতে,
লিখতে পড়তে । এদিকে জিতেন্দ্রিয়,—বলেছে, বিয়ে কোববো
না । নরেন্দ্র আর ভবনাথ ছ'জনে ভারি মিল—যেন স্ত্রী পুরুষ ।
নরেন্দ্র বেশী আসে না । সে ভাল । বেশী এলে আমি বিফল হই ।

প্রথম ভাগ অষ্টম খণ্ড ।

—:~::~~::~~:—

শ্রীরামকৃষ্ণের সিন্দুরিয়াপাটী ব্রাহ্মসমাজে গমন ও
শ্রীযুক্ত বিজয়কৃষ্ণ গোস্বামী প্রভৃতির
সহিত কথোপকথন ।

—:~::~~::~~:—

প্রথম পরিচ্ছেদ ।

কাঙ্ক্ষিত মাসের কৃষ্ণা একাদশী । ২৬শে নভেম্বর, ১৮৮৩ খৃঃ ।
শ্রীযুক্ত মণিলাল মল্লিকের বাটীতে সিন্দুরিয়াপাটী ব্রাহ্মসমাজের অধি-
বেশন হয় । বাড়ীটা চিৎপুর রোডের উপর . পূর্বধারে জারিসন
বোডের চৌমাথা—যেখানে বেদানা, পেস্তা, আপেল এবং অন্যান্য
মেওয়ার দোকান,—সেখান হইতে কয়েক খানি দোকানবাড়ীর
উত্তরে । সমাজের অধিবেশন রাজপথের পাশ্বে বর্তী ছতলার হলঘরে
হয় । আজ সমাজের সাপ্তাহিক . তাই মণিলাল মহোৎসব করি-
যাচ্ছেন ।

উপাসনাগৃহ আজ আনন্দপূর্ণ, বাহিবে ও ভিতরে হবিৎ বৃক্ষ-
পল্লবে, নানাপুষ্প ও পুষ্পমালায়, সুশোভিত । গৃহমধ্যে ভক্তগণ
আসন গ্রহণ করিয়া প্রতীক্ষা করিতেছেন, কখন উপাসনা হইবে ।
গৃহমধ্যে সকলের স্থান হয় নাই, অনেকই পশ্চিমদিকের ছাদে
বিচরণ করিতেছেন, বা যথাস্থানে স্থাপিত সুন্দর বিচিত্র কাঠাসনে
উপবিষ্ট হইয়াছেন । মাঝে মাঝে গৃহস্থানী ও তাঁহার আত্মীয়গণ
আসিয়া মিষ্ট সম্ভাষণে অভাগত ভক্তবৃন্দকে আপ্যায়িত করিতে-
ছেন । সন্ধ্যার পূর্ব হইতেই ব্রাহ্ম ভক্তগণ আসিতে আরম্ভ করি
যাচ্ছেন । তাঁহারা আজ একটা বিশেষ উৎসাহে উৎসাহান্বিত,—
আজ শ্রীরামকৃষ্ণ পরমহংসদেবের শুভাগমন হইবে । ব্রাহ্ম
সমাজের নেতৃগণ কেশব, বিজয়, শিবনাথ প্রভৃতি ভক্তগণকে
পরমহংসদেব বড় ভালবাসেন, তাই তিনি ব্রাহ্মভক্তদের এত
প্রিয় । তিনি হবিৎপ্রেমে মাতোষাবা . তাঁহাব প্রেম, তাঁহাব জলন্ত

সিঁদুরিয়াপটী ব্রাহ্মসমাজ দর্শন। বিজয়াদি সঙ্গে। ১২১
 বিশ্বাস, তাঁহার বালকের ম্যায় ঈশ্বরের সঙ্গে কথোপকথন, ভগবানের
 জন্তু ব্যাকুল হইয়া ক্রন্দন, তাঁহার মাতৃজ্ঞানে স্ত্রীজাতির পূজা, তাঁহার
 বিষয়কথাবর্জন ও তৈলা-ধারা ভূলা নিরবচ্ছিন্ন ঈশ্বর-কথাশ্রবণ,
 তাঁহার সর্ব্বধর্ম্ম-সমষ্টি ও অপর ধর্ম্মে বিবেচনাবলেশশূন্যতা, তাঁহার
 ঈশ্বরভক্তের জন্তু রোদন,—এই সকল ব্যাপারে ব্রাহ্মভক্তদের চিত্তা-
 কর্ষণ করিয়াছেন। তাই আজ অনেকে বহুদূর হইতে তাঁহার দর্শন
 লাভার্থে আসিয়াছেন।

[শিবনাথ ও সত্যকথা। ঠাকুর 'সমাধিমন্দিরে'।]

উপাসনার পূর্বে শ্রীরামকৃষ্ণ, শ্রীযুক্ত বিজয়কৃষ্ণ গোস্বামী ও
 অগ্রাগ্র ব্রাহ্মভক্তদের সহিত সহাস্ত বদনে আলাপ করিতেছেন।
 সনাজগৃহে আলো জ্বালা হইল, অনতিবিলম্বে উপাসনা আরম্ভ
 হইবে।

পরমহংসদেব বলিতেছেন, হাঁগা, শিবনাথ আসবে না ?” একজন
 ব্রাহ্মভক্ত বলিতেছেন, “না, আজ তাঁর অনেক কাজ আছে, আসতে
 পারবেন না।” পরমহংসদেব বলিলেন, “শিবনাথকে দেখলে
 আমার বড় আনন্দ হয়, যেন ভক্তিরসে ডুবে আছে; আর বাক
 অনেকে গণে মানে, তা’তে নিশ্চয়ই ঈশ্বরের কিছু শক্তি আছে। তবে
 শিবনাথের একটা ভারি দোষ আছে—কথার ঠিক নাই। আমাকে
 ব’লেছিল যে, একবার ওখানে (দক্ষিণেশ্বরের কালীবাটীতে) যাবে,
 কিন্তু যায় নাই, আর কোন খবরও গাঠায় নাই; ওটা ভাল নয়।
 এই রকম আছে যে, সত্য কথাই বলিলে তপস্যা। সত্যকে
 অঁট ক’রে ধ’রে থাকলে ভগবান লাভ হয়। সত্যে অঁট না থাকলে
 ক্রমে ক্রমে সব নষ্ট হয়। আমি এই ভেবে, যদিও কখন ব’লে ফেলি
 যে বাছে যাব, যদি বাছে নাও পায় তবুও একবার গাড়ুটা সঙ্গে ক’রে
 ঝাউতলার দিকে যাই। ভয় এই—পাছে সত্যের অঁট যায়।
 আমার এই অবস্থার পর মাকে ফুল হাতে ক’রে বলেছিলাম, ‘মা!
 এই নাও তোমার জ্ঞান, এই নাও তোমার অজ্ঞান, আমায় শুদ্ধাভক্তি
 দাও মা; এই নাও তোমার শুচি, এই নাও তোমার অশুচি, আমায়
 শুদ্ধাভক্তি দাও মা; এই নাও তোমার ভাল, এই নাও তোমার মন্দ,
 আমায় শুদ্ধাভক্তি দাও মা; এই নাও তোমার পুণ্য, এই নাও

তোমার পাপ, আমায় শুদ্ধাভক্তি দাও ।’ যখন এই সব বলেছিলুম, তখন এ কথা বলতে পারি নাই, মা । এই নাও তোমার সত্য, এই নাও তোমার অসত্য । সব মাকে দিতে পারলুম, ‘সত্য’ মাকে দিতে পারলুম না ।”

ব্রাহ্মসমাজের পদ্ধতি অনুসারে উপাসনা আরম্ভ হইল । বেদীর উপরে আচার্য্য ; সম্মুখে সেজ । উদ্বোধনের পর আচার্য্য পরব্রহ্মের উদ্দেশে বেদোক্ত মহামন্ত্র উচ্চারণ করিতে লাগিলেন । ব্রাহ্মভক্তগণ সমস্বরে সেই পুরাতন আৰ্য্য ঋষির শ্রীমুখনিঃসৃত, তাঁহাদের সেই পবিত্র রসনার দ্বারা উচ্চারিত, নাম গান করিতে লাগিলেন । বলিতে লাগিলেন—“সত্যং জ্ঞানমনস্তং ব্রহ্ম, আনন্দরূপমমৃতম্ যদ্বিভাতি, শাস্তম্ শিবমদ্বৈতম্, শুদ্ধমপাপবিদ্ধম্ ।” প্রণবসংযুক্ত এই ধ্বনি ভক্তদের হৃদয়াকাশে প্রতিধ্বনিত হইল । অনেকের অন্তরে বাসনা নির্বাপিতপ্রায় হইল । চিন্তা অনেকটা স্থির ও ধ্যানপ্রবণ হইতে লাগিল । সকলেরই চক্ষু মুদ্রিত, —ঋণকালের জন্ত বেদোক্ত স্বগুণ ব্রহ্মের চিন্তা করিতে লাগিলেন ।

পরমহংসদেব ভাবে নিমগ্ন । স্পন্দহীন, স্থিরদৃষ্টি, অবাঙ্ক, চিত্র-পুস্তলিকার চায় বসিয়া আছেন । আত্মাপক্ষী কোথায় আনন্দে বিচরণ করিতেছেন ; আর দেহটী মাত্র শূন্যমন্দিরে পড়িয়া রহিয়াছে ।

সমাধির অব্যবহিত পরেই পরমহংসদেব চক্ষু মেলিয়া চারিদিকে চাহিতেছেন । দেখিলেন, সত্যস্থ সকলেই নির্মলিত নেত্র । তখন “ব্রহ্ম” “ব্রহ্ম” বলিয়া হঠাৎ দণ্ডায়মান হইলেন । উপাসনাস্ত্রে ব্রাহ্মভক্তেরা খোল করতাল লইয়া সঙ্কীর্ণন করিতেছেন । শ্রীরামকৃষ্ণ প্রেমানন্দে মস্ত হইয়া তাঁহাদের সঙ্গে যোগ দিলেন, আর নৃত্য করিতে লাগিলেন । সকলে মুগ্ধ হইয়া সেই নৃত্য দেখিতেছেন । বিজয় ও অমৃত্য ভক্তেরাও তাঁহাকে বেড়িয়া বেড়িয়া নাচিতেছেন । অনেকে এই অদ্ভুত দৃশ্য দেখিয়া ও কীর্ণনানন্দ সন্তোগ করিয়া এককালে সংসার ভুলিয়া গেলেন—ঋণকালের জন্ত হরি-রস-মদিরা পান করিয়া বিষয়ানন্দ ভুলিয়া গেলেন । বিষয় স্মৃতির রস তিক্তবোধ হইতে লাগিল ।

কীর্ণনাস্ত্রে সকলে আসন গ্রহণ করিলেন । ঠাকুর কি বলেন, স্তম্ভিবীর জন্ত সকলে তাঁহাকে ঘেরিয়া বসিলেন ।

দ্বিতীয় পরিচ্ছেদ ।

গৃহস্থের প্রতি উপদেশ ।

সমবেত ব্রাহ্মভক্তগণকে সম্বোধন করিয়া তিনি বলিতেছেন—“নির্লিপ্ত হ'য়ে সংসার করা কঠিন । প্রতাপ ব'লেছিল, মহাশয়, আমাদের জনক রাজার মত ; জনক নির্লিপ্ত হ'য়ে সংসার ক'রেছিলেন, আমরাও তাই ক'রবো । আমি বলুম, মনে করলেই কি জনকরাজা হওয়া যায় ? জনক-রাজা কত তপস্যা ক'রে জ্ঞানলাভ ক'রেছিলেন । হেটুমুণ্ড উর্দ্ধপদ হ'য়ে অনেক বৎসর ঘোরতর তপস্যা ক'রে, তবে সংসারে ফিরে গিচ্ছিলেন ।

“তবে সংসারীর কি উপায় নাই ?—হাঁ, অবশ্য আছে । দিন কতক নির্জনে সাধন করে ভয় । তবে ভক্তিলাভ হয়, জ্ঞানলাভ হয় ; তার পর গিয়ে সংসার কর, দোষ নাই । যখন নির্জনে সাধন ক'রবে, সংসার থেকে একবারে তফাতে যাবে, তখন যেন স্ত্রী, পুত্র, কন্যা, মাতা, পিতা, ভাই, ভগিনী, আত্মীয়, কুটুম্ব কেহ কাছে না থাকে । নির্জনে সাধনের সময় ভাববে, আমার কেউ নাই . ঈশ্বরই আমার সর্বস্ব । আর কেঁদে কেঁদে তাঁর কাছে জ্ঞান ভক্তির জন্ম প্রার্থনা ক'রবে ।

“যদি বল কত দিন সংসার ছেড়ে নির্জনে থাকবো ? তা এক দিন যদি এই রকম ক'রে থাক, সেও ভাল, তিন দিন থাকলে আরও ভাল ; বা বারোদিন, এক মাস, তিন মাস এক বৎসর, যে যেমন পারে । জ্ঞান ভক্তি লাভ ক'রে, সংসার ক'রলে, আর বেশী ভয় নাই ।

“হাতে তেল মোখে কাঁটাল ভাজলে হাতে আটা লাগে না । চোর চোর যদি খেল, বুড়ী ছুঁয়ে ফেলে আর ভয় নাই । একবার পরশ-মণিকে ছুঁয়ে সোণা হও, সোণা হবার পর হাজার বৎসর যদি মাটীতে পৌতা থাক, মাটী থেকে তোলবার পর সেই সোণাই থাকবে ।

“মনটি দুধের মত । সেই মনকে যদি সংসার জলে রাখ, তা হ'লে দুধে জলে মিশে যাবে । তাই দুধকে নির্জনে দই পেতে রাখন তুলতে হয় । যখন নির্জনে সাধন করে, মনরূপ দুধ থেকে, জ্ঞান-ভক্তিরূপ

মাখন ভোলা হ'লো, তখন সেই মাখন অনায়াসে সংসার-জলে রাখা যায় । সে মাখন কখনও সংসার-জলের সঙ্গে মিশে যাবে না—সংসার জলের উপর নির্লিপ্ত হ'য়ে ভাসবে ।”

তৃতীয় পরিচ্ছেদ ।

শ্রীযুক্ত বিজয় গোস্বামীর নিজ্জর্নে সাধন ।

শ্রীযুক্ত বিজয় সবে গয়া হইতে ফিরিয়াছেন । সেখানে অনেক দিন নিজ্জর্নে বাস ও সাধুসঙ্গ হইয়াছিল । এক্ষণে তিনি গৈরিক বসন পরিধান করিয়াছেন । অবস্থা ভারী সুন্দর, যেন সর্বদা অন্তর্মুখ । পরমহংসদেবের নিকট হেটুমুখ হইয়া রহিয়াছেন, যেন মগ্ন হইয়া কি ভাবিতেছেন ।

বিজয়কে দেখিতে দেখিতে পরমহংসদেব তাঁহাকে বলিলেন, “বিজয় । তুমি কি বাসা পাক্ড়েছ ?”

“দেখ, দু'জন সাধু ভ্রমণ কর্তে কর্তে একটি সহরে এসে পড়েছিল । একজন হাঁ করে সহরের বাজার, দোকান, বাড়ী, দেখছিল ; এমন সময়ে অপরটির সঙ্গে দেখা হ'ল । তখন সে সাধুটা বলে, তুমি হাঁ করে সহর দেখছ তন্নী তন্নী কোথায় ? প্রথম সাধুটা বলে, আমি আগে বাসা পাক্ড়ে, তন্নী তন্নী রেখে, ঘরে চাবি দিয়ে, নিশ্চিন্ত হ'য়ে বেরিয়েছি ; এখন সহরে রং দেখে বেড়াচ্ছি । তাই তোমায় জিজ্ঞাসা করছি, তুমি কি বাসা পাক্ড়েছ ? (মাষ্টার ইত্যাদির প্রতি) দেখ, বিজয়ের এত দিন কোয়ারা চাপা ছিল, এইবার খুলে গেছে ।

[বিজয় ও শিবনাথ । নিকাম কন্ম । সন্ন্যাসীর বাসনাত্যাগ ।]

শ্রীরামকৃষ্ণ (বিজয়ের প্রতি) । দেখ শিবনাথের ভারী ঝঞ্জাট । খবরের কাগজ লিখতে হয়, আর অনেক কন্ম কর্তে হয় । বিবয়-কন্ম করলেই অশান্তি হয়, অনেক ভাবনা চিন্তা জোটে ।

“শ্রীমদ্ভাগবতে আছে যে, অবধূত চব্বিশ গুরুর মধ্যে চিলুকে একটা গুরু করেছিলেন । এক জায়গায় জেলেরা মাছ ধর্তে ছিল, একটা চিল এক্ষে একটা মাছ ছেঁা মেরে নিয়ে গেল । কিন্তু মাছ দেখে পেছনে

পেছনে প্রায় এক হাজার কাক চিলকে তাড়া করে গেল ; আর সঙ্গে সঙ্গে কা কা ক'রে বড় গোলমাল কর্তে লাগলো । মাছ নিয়ে চিল যে দিকে যায়, কাকগুলোও তাড়া ক'রে সেইদিকে যেতে লাগলো । দক্ষিণ দিকে চিলটা গেল ; কাকগুলোও সেইদিকে গেল ; আবার উত্তরদিকে যখন সে গেল, ওরাও সেই দিকে গেল । এইরূপে পূর্ব-দিকে ও পশ্চিমদিকে চিল ঘুরতে লাগলো । শেষে ব্যতিব্যস্ত হ'য়ে ঘুরতে ঘুরতে মাছটা তার কাছ থেকে প'ড়ে গেল । তখন কাকগুলো চিলকে ছেড়ে মাছের দিকে গেল । চিল তখন নিশ্চিত হ'য়ে একটা গাছের ডালের উপর গিয়ে বসলো । ব'সে ভাবতে লাগলো, —ঐ মাছটা যত গোল করেছিল । এখন মাছ কাছে নাই, তাই আমি নিশ্চিত হলাম ।

“অবধূত চিলের কাছে এই শিক্ষা করলেন যে, যতক্ষণ সঙ্গে মাছ থাকে অর্থাৎ বাসনা থাকে, ততক্ষণ কর্ম থাকে, আর কর্মের দরুণ ভাবনা, চিন্তা, অশান্তি । বাসনাত্যাগ হ'লেই কর্ম ক্ষয় হয় আর শান্তি হয় ।

“তবে নিকাম কর্ম ভাল । তাতে অশান্তি হয় না । কিন্তু নিকাম করা বড় কঠিন । মনে করছি, নিকাম কর্ম করছি, কিন্তু কোথা থেকে কামনা এসে পড়ে, জানতে দেয় না । আগে যদি অনেক সাধন থাকে, সাধনের বলে কেউ কেউ নিকাম কর্ম কর্তে পারে । ঈশ্বর দর্শনের পর নিকাম কর্ম অনায়াসে করা যায় । ঈশ্বর দর্শনের পর প্রায়, কর্মত্যাগ হয়, দুই একজন (নারদাদি) লোকশিক্ষার জন্ত কর্ম কবে ।

[সন্ন্যাসী সঞ্চয় করিবে না । প্রেম হলে কর্মত্যাগ হয় ।]

শ্রীরামকৃষ্ণ । অবধূতের আর একটা গুরু ছিল—মৌমাছি । মৌমাছি অনেক কষ্টে অনেক দিন ধ'রে মধুসঞ্চয় করে । কিন্তু সে মধু নিজের ভোগ হয় না । আর একজন এসে চাক ভেঙ্গে নিয়ে যায় । মৌমাছির কাছে অবধূত এই শিখলেন যে, সঞ্চয় কর্তে নাই । সাধুরা ঈশ্বরের উপর ষোল আনা নির্ভর করবে । তাদের সঞ্চয় কর্তে নাই ।

“এটা সংসারীর পক্ষে নয় । সংসারীর সংসার প্রতিপালন কর্তে হয় । তাই, সঞ্চয়ের দরকার হয় । পন্থী (পাখী) আউর দরবেশ

(সাধু) সঞ্চয় কবে না । কিন্তু পাখীর ছানা হ'লে সঞ্চয় করে ;—
ছানার জন্ত মুখে ক'রে খাবার আনে ।

“দেখ বিজয়, সাধুর সঙ্গে যদি পুটলী পাটলা থাকে, পনরটা গাঁট-
ওয়ালো যদি কাপড় বুচকি থাকে, তাহলে তাদের বিশ্বাস কোরো না ।
আমি বটতলায় ঐ রকম সাধু দেখেছিলাম । দু'তিন জন বসে আছে,
কেউ ডাল বাচ্ছে, কেউ কেউ কাপড় সেলাই কচ্ছে, আর বড়মাসুকের
বাড়ীর ভাণ্ডারার গল্প করছে । বলছে “আরে, ও বাবুনে লাখো
রুপেয়া খরচ কিয়া, সাধু লোককো বহুৎ খিলায়া—পুরী, জিলেবী,
পেঁড়া, বরফী, মালপুয়া, বহুৎ চিজ তৈয়ার কিয়া ।” (সকলের হাস্য) ।

বিজয় । আজ্ঞা হাঁ । গয়ায় ঐ রকম সাধু দেখেছি । গয়ার
লোটাওয়ালো সাধু । (সকলের হাস্য) ।

শ্রীরামকৃষ্ণ (বিজয়ের প্রতি) । ঈশ্বরের প্রতি প্রেম আসলে
কর্ম্মভাগ আপনি হ'য়ে যায় । যাদের ঈশ্বব কর্ম্ম করাচ্ছেন, তারা
করুক । তোমার এখন সময় হ'য়েছে,—‘সব ছেড়ে তুমি বলো’, “মন
তুই ছাখ আর আমি দেখি, আর যেন কেউ নাহি দেখে ।”

এই বলিয়া ভগবান্ শ্রীরামকৃষ্ণ সেই অতুলনায় কঠে মাধুয়া বষণ
করিতে করিতে গান গাইলেন,—

সতনে হৃদ-হ্ন রেখো আদর্শিণী শ্যামা মাঝে ।

মন তুই ছাখ্ আব আমি দেখি, আব যেন কেউ নাহি দেখে ॥ কামাদিবে দিযে
ফাঁকি, আমি মন বিরলে দেখি, রসনাবে সঙ্গে রাখি, সে যেন মা ব'লে ডাকে ।
(মাঝে মাঝে সে যেন মা ব'লে ডাকে) ॥ কুঞ্চি কুম্বী যত, নিকট হ'তে
দিগ্নাকো, জ্ঞান নখনকে প্রহ্না বেখো, সে যেন সাবধানে থাকে । (খুব যেন
সাবধানে থাকে) ॥

শ্রীরামকৃষ্ণ (বিজয়ের প্রতি) । ভগবানের শরণাগত হ'য়ে এখন
লজ্জা, ভয়, এ সব ভাগ কর । ‘আমি হরিনামে যদি নাচি, লোকে
আমায় কি ব'লবে’—এ সব ভাব ত্যাগ কর ।

[লজ্জা, ঘৃণা, ভয় ।]

“লজ্জা, ঘৃণা, ভয়, তিন থাকতে নয় ।” লজ্জা, ঘৃণা, ভয়, জাতি
অভিমান, গোপন ইচ্ছা এ সব পাশ । এ সব গেলে জীবের মুক্তি
হয় ।

সিঁ ছুরিয়াপটা ব্রাহ্মসমাজ দর্শন । বিজয়াদি সঙ্গে । ১২৭

“পাশবদ্ধ জীব, পাশমুক্ত শিব । ভগবানের প্রেম—দুর্লভ জিনিষ ।
প্রথমে, ত্রীর যেমন স্বামীতে নিষ্ঠা, সেইরূপ নিষ্ঠা যদি ঈশ্বরেতে হয়
তবেই ভক্তি হয় । শুদ্ধাভক্তি হওয়া বড় কঠিন । ভক্তিতে প্রাণ
মন ঈশ্বরেতে লীন হয় ।

“তার পর ভাব । ভাবেতে মানুষ অবাধ হয় । বায়ু স্থির হ’য়ে
যায় । আপনি কুস্তক হয় । যেমন বন্দুকে গুলি ছোড়বার সময়, যে
বাল্কি গুলি ছোড়ে সে বাকাশৃণু হয় ও তার বায়ু স্থির হ’য়ে যায় ।

“প্রেম হওয়া অনেক দূরের কথা । চৈতন্যদেবেন প্রেম হ’য়েছিল ।
ঈশ্বরে প্রেম হ’লে বাহিরের জিনিষ ভুল হ’য়ে যায় । জগৎ ভুল হ’য়ে
যায় । নিজের দেহ যে এত প্রিয় জিনিষ,—তাও ভুল হ’য়ে যায় ।

এই বলিয়া পরমহংসদেব আবার গান গাহিতেছেন—

সে দিন কবে বা হবে ?

হবি বলিতে ধাবা বেয়ে প’ডবে (সে দিন কবে বা হবে ?) । সংসার বাসনা
যাবে (সে দিন কবে বা হবে) । অঙ্গে পুলক হবে (সে দিন কবে বা হবে) ।

চতুর্থ পরিচ্ছেদ ।

ভাব ও কুস্তক । মহাবায়ু উঠিলে ভগবান দর্শন ।

এইরূপ কথাবার্তা চলিতেছে, এমন সময়ে নিমন্ত্রিত আর কয়েকটা
ব্রাহ্মভক্ত আসিয়া উপস্থিত হইলেন । তন্মধ্যে কয়েকটা পণ্ডিত ও
উচ্চপদস্থ রাজকর্মচারী । তাঁহাদের মধ্যে এক জন শ্রীরজনীনাম রায় ।

ভাব হইলে বায়ু স্থির হয়, ঠাকুর বলিতেছেন । আর বলিতেছেন,
অর্জুন যখন লক্ষ্য বিঁধেছিল, কেবল মাছের চোখের দিকে দৃষ্টি ছিল
—আর কোন দিকে দৃষ্টি ছিল না । এমন কি, চোখ ছাড়া আর কোন
অঙ্গ দেখতে পায় নাই । এরূপ অবস্থায় বায়ু স্থির হয়, কুস্তক হয় ।

“ঈশ্বর দর্শনের একটা লক্ষণ,—ভিতর থেকে মহাবায়ু গরু গরু
ক’রে উঠে মাথার দিকে বায় । তখন যদি সমাধি হয়, ভগবানের
দর্শন হয় ।

[শুধু পাণ্ডিত্য মিথ্যা । ঐশ্বর্য, বিভব, মান, পদ, সব মিথ্যা ।]

শ্রীরামকৃষ্ণ (অভ্যাগত ব্রাহ্মভক্ত দৃষ্টে) । যারা শুধু পণ্ডিত,

কিন্তু তাদের ভগবানে ভক্তি নাই, তাদের কথা গোলমালে । সামা-
ধ্যায়ী ব'লে এক পণ্ডিত ব'লেছিল “ঈশ্বর নীরস, তোমরা নিজের
প্রেম-ভক্তি দিয়ে সরস ক'রো ।” বেদে যঁাকে “রসস্বরূপ” ব'লেছে
ঠাঁকে কি না নীরস বলে । আর এতে বোধ হ'চ্ছে, সে ব্যক্তি ঈশ্বর
কি বস্তু, কখনও জানে নাই । তাই এরূপ গোলমালে কথা ।

“এক জন ব'লেছিল, ‘আমার মামার বাড়ীতে এক গোয়াল ঘোঁড়া
আছে’ ! এ কথায় বুঝতে হবে, ঘোড়া আদবেই নাই, কেন না
গোয়ালে ঘোড়া থাকে না । (সকলের হাস্ত) ।

“কেউ ঐশ্বর্যের—বিভব, মান, পদ, এই সবের—অহঙ্কার করে ;
এ সব দুই দিনের জন্ম ; কিছুই সঙ্গে যাবে না । একটা গানে আছে—

ভেবে দেখে অন কেউ কার নথ, মিছে ভ্রম ভ্রমণে । ভুলনা
দক্ষিণে কালী বন্ধ হ'বে মায়াজালে ॥ যার জন্ম মর ভেবে, সে কি তোমাব সঙ্গে
যাবে । সেই প্রেধসী দিবে ছড়া, অমঙ্গল হবে ব'লে ॥ দিন দুই তিনেব জন্ম
ভবে, কর্তা ব'লে সবাই মানে, সেই কর্তারে দেবে ফেলে, কালাকালেব
কর্তা এলে ।

[অহঙ্কারের মহোষধ । তাবে বাড়া আছে ।]

“আর টাকার অহঙ্কার ক'র্থে নাই । যদি বলো, আমি ধনী,—তো
ধনীর আবার, তারে বাড়া, তারে বাড়া, আছে । সঙ্কারণ পর যখন
জোনাকি পোকা উঠে, সে মনে করে, আমি এই জগৎকে আলো
দিচ্ছি । কিন্তু নক্ষত্র যাই উঠলো, অমনি তার অভিমান চ'লে গেল ।
তখন নক্ষত্রেরা ভাবতে লাগলো আমরা জগৎকে আলো দিচ্ছি ! কিছু
পরে চন্দ্র উঠলো, তখন নক্ষত্রেরা লজ্জায় মলিন হ'য়ে গেল । চন্দ্র মনে
ক'রলেন, আমার আলোতে জগৎ হাসছে আমি জগৎকে আলো
দিচ্ছি ! দেখতে দেখতে অরুণ উদয় হলো, সূর্য্য উঠ'ছেন । চাঁদ মলিন
হ'য়ে গেল,—খানিকক্ষণ পরে আর দেখাই গেল না !

“ধনীরা যদি এইগুলি ভাবে, তা হ'লে ধনের অহঙ্কার হয় না ।”

উৎসব উপলক্ষে মণিলাল অনেক উপাদেয় খাণ্ডসামগ্রীর আয়োজন
করিয়াছেন । তিনি অনেক যত্ন করিয়া শ্রীরামকৃষ্ণ ও সমবেত ভক্ত-
গণকে পরিতোষ করিয়া খাওয়াইলেন । যখন সকলে বাড়ী প্রত্যাগমন
করিলেন, তখন রাত্রি অনেক কিন্তু কাহারও কোন কষ্ট হয় নাই ।

প্রথম ভাগ-নবম অঙ্ক ।

শ্রীযুক্ত জয়গোপাল সেনের বাড়ীতে শুভাগমন ।

প্রথম পরিচ্ছেদ ।

ইংরাজী ২৮শে নভেম্বর, ১৮৮৩ খ্রীষ্টাব্দ । আজ বেলা ৪টা ৫টার সময় শ্রীরামকৃষ্ণ শ্রীযুক্ত কেশবচন্দ্র সেনের কমল কুটার নামক বাটীতে গিয়াছিলেন । কেশব পীড়িত, শীঘ্রই মর্ত্যধাম ত্যাগ করিয়া যাইবেন । কেশবকে দেখিয়া রাত্রি ৭টাব পর মাথাঘসা গলিতে শ্রীযুক্ত জয়গোপালের বাটীতে কয়েকটি ভক্ত সঙ্গে ঠাকুর আগমন কারিয়াছেন ।

ভক্তেরা কত কি ভাবিতেছেন । ঠাকুর দেখিতেছি, নিশিদিন হরিপোমে বিহ্বল । বিবাহ করিয়াছেন, কিন্তু ধর্মপত্নীর সহিত এই-রূপ সংসার কবেন নাই । ধর্মপত্নীকে ভক্তি কবেন, পূজা কবেন, তাহার সন্তিত কেবল ঈশ্ববায কথা কহেন, ঈশ্বরের গান করেন, ঈশ্বরের পূজা করেন, ধ্যান করেন, মায়িক কোন সম্বন্ধই নাই । ঈশ্বরই বস্তু আর সব অবস্তু, ঠাকুর দেখিতেছেন । টাকা, ধাতুদ্রব্য, ঘটা ও বাটি স্পর্শ করিতে পারেন না । শ্রীলোককে স্পর্শ করিতে পাবেন না । স্পর্শ করিলে সিঁড়ি মাছেব কাঁটা ফোটা মত সেই স্থান ঝন্ঝন কন্ বন্ কবে । টাকা, সোণা, হাতে দিলে হাত তেউড়ে যায়, বিকৃতি অবস্থা প্রাপ্ত হয়, নিশ্বাস রুদ্ধ হয় । অবশেষে ফেলিয়া দিলে আবার পূর্কের গায, নিশ্বাস বহিতে থাকে !

ভক্তেরা কত কি ভাবিতেছেন । সংসার কি ত্যাগ করিতে হইবে ? পড়া শুনা আর করিবার প্রয়োজন কি ? যদি বিবাহ না করি, চাকরী তো করিতে হইবে না । মা বাপকে কি ত্যাগ করিতে হইবে ? আর আমি বিবাহ করিয়াছি, সন্তান হইয়াছে, পরিবার প্রতিপালন করিতে হইবে, —আমার কি হইবে ? আমারও ইচ্ছা কবে, নিশিদিন হরিপোমে মগ্ন হইয়া থাকি । শ্রীরামকৃষ্ণকে দেখি আর ভাবি, কি

করিতেছি । ইনি রাতদিন তৈলধারার ছায় নিরবচ্ছিন্ন ঈশ্বর চিন্তা করিতেছেন, আর আমি রাতদিন বিষয় চিন্তা করিতে ছুটিতেছি ! একমাত্র ইঁহারই দর্শন, মেঘাচ্ছন্ন আকাশের এক স্থানে একটু জ্যোতিঃ । এখন জীবন সমস্তা কিরূপে পূরণ করিতে হইবে ?

“ইনি তো নিজে ক’রে দেখালেন । তবে, এখনও সন্দেহ ?

‘ভেঙ্গে বালির বাঁধ পুরাই মনের সাধ !’ সত্যকি ‘বালির বাঁধ’ ? যদি তাঁর উপর সেরূপ ভালবাসা আসে, আর হিসাব আসবে না । যদি জোয়ার গাঙ্গে জল ছুটে, কে রোধ করবে ? যে প্রেমোদয় হওয়াতে শ্রীগৌরাজ্জ কোপীন ধারণ ক’রেছিলেন, যে প্রেমে ঈশা অনন্তচিন্ত হ’য়ে বনবাসী হ’য়েছিলেন, আর প্রেমময় পিতার মুখে চেয়ে শরীর ত্যাগ ক’বেছিলেন, যে প্রেমে বুদ্ধ রাজভোগ ত্যাগ ক’রে বৈরাগী হ’য়েছিলেন, সেই প্রেমের এক বিন্দু যদি উদয় হয়, এই অনিত্য সংসার কোথায় পড়ে থাকে !

“আচ্ছা, যাবা দুর্বল, যাদের সে প্রেমোদয় হয় না. যারা সংসারী জীব, যাদের পায়ে মায়ার বেড়ী, তাদের কি উপায় ? দেখি এই প্রেমিক বৈরাগী কি বলেন ?” ভক্তেরা এইরূপ চিন্তা করিতেছেন । ঠাকুর জয়গোপালের বৈঠকখানায় ভক্তসঙ্গে উপবিষ্ট—সম্মুখে জয়গোপাল, তাঁহার আত্মীয়েরা ও প্রতিবেশীগণ । একজন প্রতিবেশী বিচার করিবেন বলিয়া প্রস্তুত ছিলেন । তিনিই অগ্রণী হইয়া কথারম্ভ করিলেন । জয়গোপালের ভ্রাতা বৈকুণ্ঠও আছেন ।

[গৃহস্থাশ্রম ও শ্রীরামকৃষ্ণ ।]

বৈকুণ্ঠ । আমরা সংসারী লোক, আমাদের কিছু বলুন ।

শ্রীরামকৃষ্ণ । তাঁকে জেনে,—এক হাত ঈশ্বরের পাদপদ্মে রেখে আর এক হাতে সংসারের কার্য কর ।

বৈকুণ্ঠ । মহাশয় ! সংসার কি মিথ্যা ?

শ্রীরামকৃষ্ণ । যতক্ষণ তাঁকে না জানা যায়, ততক্ষণ মিথ্যা । তখন তাঁকে ভুলে মানুষ ‘আমার আমার’ করে, মায়ায় বদ্ধ হ’য়ে, কামিনী কাঞ্চে মুগ্ধ হ’য়ে, আরও ডোবে ! মায়াতে এমনই মানুষ অজ্ঞান হয় যে, পালাবাব পথ থাকলেও পালাতে পারে না । একটা গান আছে—

এমনি মহামান্ন আশ্রা রেখেছে কি কুহক কবে । ব্রহ্মা বিষ্ণু
অষ্টতন্ত্র জ্ঞানে কি জানিঙে পাবে ॥ বিল ক'বে ধুণী পাতে, মীন প্রবেশ করে
তাতে গভায়াতের পথ আছে তব মীন পালাতে নাবে ॥ গুটিপোকায় গুটি
কবে পালালেও পালাতে পাবে । মহামান্নর বন্ধ গুণী, আপনাব নাগে আপনি
মবে ॥

“তোমরা তো নিজে নিজে দেখ্ছো, সংসার অনিত্য । এই
দেখো না কেম ? কত লোক এলো গেল । কি জন্মালো, কত দেহ-
ত্যাগ কব্লে । সংসার এই আছে, এই নাই । অনিত্য । যাদের এতো
'আমাব' 'আমার' ক'রুছো চোখ বুঝ্লেই নাই । কেউ নাই, তবু
নাতির জগু কাশী যাওয়া হয় না ! 'আমার হারুর কি হবে ?'
'গভায়াতের পথ আছে, তবু মীন পালাতে নারে' । 'গুটিপোকা
আপন নাগে আপনি মবে।' এরূপ সংসার মিথ্যা , অনিত্য ।

প্রতিবেশী । মহাশয় । এক হাত ঈশ্বরে আর এক হাত সংসারে
রাখবো কেন ? যদি স সাব অনিত্য এক হাতই বা সংসারে দিব
কেন ?

শ্রীরামকৃষ্ণ । তাকে জেনে সংসার ক'রুলে, অনিত্য নয় ।
গান শোন ।—

গান । মনরে কৃষ্ণ কাজ জাননা ।

এমন মানব জাম বইল পাতত, আবাদ ক'লে ফলতো সোণা ॥ কালী নামে
দাওবে বেড়া ফসলে তছরূপ হবে না । সে যে মুক্তকেশীর শক্ত বেড়া, তাব
কাছেতে যম ঘেসে না । 'অন্ত কিবা শতাব্দন্তে, বাজাপ্ত হবে জাননা । এখন'
আপন একভাবে (মনবে) চুটিয়ে ফসল কেটে নেনা ॥ গুরুদত্ত বীজ রোপণ কবে,
ভক্তি-বাৰি সৈঁচে নেনা । একা বাদি না পরিস্ মন রামপ্রসাদকে সঙ্গে নেনা ।

দ্বিতীয় পরিচ্ছেদ ।

গৃহাশ্রমে ঈশ্বর লাভ । উপায় ।

শ্রীরামকৃষ্ণ । গান শুন্লে ? 'কালী নামে দেওরে বেড়া ফসলে
তছরূপ হবে না ।' ঈশ্বরের শরণাগত হও, সব পাবে । 'সে যে মুক্ত-
কেশীর শক্ত বেড়া, তাব কাছে ত যম ঘেসে না ।' শক্ত বেড়া !
তাঁকে যদি লাভ করতে পারো, সংসার অসার ব'লে বোধ হবে না ।

শ্রীরামকৃষ্ণ । মনে শিবস্তুতি এলে তবে বিবেক হয় , বিবেক হ'লে তবে তব্ব কথা মনে উঠে । তখন মনের বেড়াতে যেতে সাধ হয় কালীকল্পতরুমূলে । সেই গাছতলায় গেলে, ঈশ্বরের কাছে গেলে, চার ফল কুড়িয়ে পাবে—অনায়াসে পাবে, কুড়িয়ে পাবে—ধর্ম, অর্থ, কাম, মোক্ষ । তাঁকে পেলে ধর্ম, অর্থ কাম যা সংসারী দরকার, তাও হয়—যদি কেউ চায় । প্রতিবেশী । তবে সংসার মায়া বলে কেন ?

(বিশিষ্টাদ্বৈতবাদ ও ঠাকুর শ্রীরামকৃষ্ণ ।)

শ্রীরামকৃষ্ণ । যতক্ষণ ঈশ্বরকে না পাওয়া যায়, ততক্ষণ 'নেতি নেতি' ক'বে ভাগ ক'বতে হয় । তাঁকে যাবা পেয়েছে, তার জানে যে তিনিই সব হয়েছেন । তখন বোধ হয় ঈশ্বরমায়াজীব-জগৎ । জীবজগৎ শুদ্ধ তিনি । যদি একটা বেলের খোলা, শাঁস, বীচি আলাদা করা যায়, আর এক জন বলে, বেলটা কত ওজনে ছিল দেখত ; তুমি কি খোলা বীচি ফেলে শাঁসটা কেবল ওজন ক'ববে ? না , ওজন ক'রতে হ'লে খোলা বীচি সমস্ত ধ'রতে হ'বে । ধ'রলে তবে ব'লতে পারবে, বেলটা এতটা ওজনে ছিল । খোলটা যেন জগৎ , জীবগুলি যেন বীচি । বিচারেব সময় জীব আর জগৎকে অনাত্ম বলেছিলে, অবস্ত্ব বলেছিলে । বিচার কর'বাব সময় শাঁসকেই সাব, খোলা আব বীচিকে অসাব, ব'লে বোধ হয় । বিচার হ'য়ে গেলে, সমস্ত জড়িয়ে এক বলে বোধ হয় । আর বোধ হয় যে, যে সত্ত্বাতে শাঁস সেই সত্ত্বা দিয়েই বেলের খোলা আব বীচি হ'য়েছে । বেল বুঝতে গেলে সব বুঝিয়ে যাবে ।

“অনুলোম বিলোম । ঘোলেরই মাখন, মাখনেরই ঘোল । যদি ঘোল হ'য়ে থাকে তো মাখনও হ'য়েছে । যদি মাখন হ'য়ে থাকে, তাহ'লে ঘোলও হয়েছে । আত্মা যদি থাকেন,তো অনাত্মাও আছে ।

“ধারই নিত্য, তাঁরই লীলা (phenomenal world), ধারই লীলা তাঁরই নিত্য (Absolute) , যিনি ঈশ্বর ব'লে গোচর হন, তিনিই জীবজগৎ হয়েছেন । যে জেনেছে সে দেখে যে তিনিই সব হ'য়ে-ছেন । বাপ,—মা ছেলে, প্রতিবেশী, জীব জন্তু, ভাল মন্দ, গুটি অগুটি সমস্ত ।

[পাপবোধ । Sense of sin and responsibility.]

প্রতিবেশী । তবে পাপ পুণ্য নাই ?

শ্রীরামকৃষ্ণ । আছে, আবার নাই । তিনি যদি অহংতত্ত্ব (Ego) রেখে দেন তাহ'লে ভেদবুদ্ধিও রেখে দেন, পাপ পুণ্য জ্ঞানও রেখে দেন । তিনি ছ এক জনেতে অহঙ্কার একবারে পু ছে ফেলেন—তারা পাপপুণ্য ভালমন্দের পার হয়ে যায় । ঈশ্বর দর্শন যতক্ষণ না হয় ততক্ষণ ভেদবুদ্ধি ভালমন্দ জ্ঞান, থাকবেই থাকবে । তুমি মুখে বলতে পারো 'আমার পাপ পুণ্য সমান হ'য়ে গেছে , তিনি যেমন করাচ্ছেন, তেমনি ক'রছি ।' কিন্তু অন্তরে জান যে ও সব কথামাত্র, মন্দ কাজটা কব্লেই মন ধুগ্ ধুগ্ ক'রবে । ঈশ্বর দর্শনের পরও তাঁর যদি ইচ্ছা হয়, তিনি 'দাস আমি' রেখে দেন । সে অবস্থায় বক্ত বলে—আমি দাস, তুমি প্রভু । ঈশ্বরীয় কথা, ঈশ্বরীয় কাজ, সে ভক্তের ভাল লাগে . ঈশ্বরবিমুখ লোককে ভাল লাগে না , ঈশ্বর ছাড়া কাজ ভাল লাগে না । তবেই হ'লো, একরূপ ভক্তেতেও তিনি ভেদবুদ্ধি বাখেন ।

প্রতিবেশী । মহাশয় বলছেন, ঈশ্বরকে জেনে সংসাব কব । তাকে কি জানা যায় ?

['The 'Unknown and Unknowable']

শ্রীরামকৃষ্ণ । তাঁকে ইন্দ্রিয় দ্বারা বা এ মনেব দ্বারা জানা যায় না । সে মনে বিষয়বাসনা নাই সেই শুদ্ধ মনের দ্বারা তাঁকে জানা যায় ।

প্রতিবেশী । ঈশ্বরকে কে জানতে পারে ?

শ্রীরামকৃষ্ণ । ঠিক কে জানবে ? আমাদের যতটুকু দরকার, ততটুক হ'লেই হ'ল । আমার এক পাতকুয়া জলের কি দরকার ? এক ঘটি হ'লেই খুব হ'লো । চিনিব পাহাড়ের কাছে একটা পিঁপড়ে গিছিল । তার সব পাহাড়টার কি দরকার ? ১টা ২টা দানা হলেই হেউ চেউ হয় ।

প্রতিবেশী । আমাদের যে বিকার, এক ঘটি জলে হয় কে ? ইচ্ছা করে ঈশ্বরকে সব বুঝে ফেলি ।

[সংসাব-বিকারবোগ ও ঔষধ । ঔষধ—'মামেকং শবণং ব্রহ্ম' ।]

শ্রীরামকৃষ্ণ । এ বটে । কিন্তু বিকারেব ঔষধও আছে ।

প্রতিবেশী । মহাশয়, কি ঔষধ ?

শ্রীরামকৃষ্ণ । সাধুসঙ্গ, তাঁর নাম গুণ গান, তাঁকে সর্বদা প্রার্থনা । আমি বলেছিলাম, মা আমি জ্ঞান চাই না , এই নাও তোমাব জ্ঞান এই নাও তোমাব অজ্ঞান,—মা আমায় তোমার পাদপদ্মে কেবল শুদ্ধাভক্তি দাও । আর আমি কিছুই চাই নাই ।

“যেমন বোগ, তাব হেমনি ঔষধ । গীতায় তিনি বলেছেন, হে অজ্ঞান, তুমি আমাব শরণ লও, তোমাকে সব বকম পাপ থেকে আমি মুক্ত ক'ব্বো । তাঁর শরণাগত হও, তিনি সদ্ধক্তি দেবেন । তিনি সব ভাব লবেন । তখন সব বকম নিকার দূবে যাবে । এ বুদ্ধি দিয়ে কি তাঁকে বলা যান ? এক মন খটতে কি চাব সেব দুখ ধবে ? আর তিনি না বলালে কি বলা যায় ? তাই বলাছি, তাঁর শরণাগত হও—তাঁর যা ইচ্ছা তিনি বকন । তিনি ইচ্ছাময় । মানুষের কি শক্তি আছে ?”

শ্রীশ্রী ভাগ-দশম খণ্ড ।

প্রথম পরিচ্ছেদ ।

শ্রীযুক্ত সুবেশ্বর বাগানে মহোৎসব ।

আজ ঠাকুর সুবেশ্বর বাগানে আসিয়াছেন । বদিনাব, ঠাকুর নামেব কৃষ্ণাৰ্ণা তিথি, ১৫ই জন, ১৮৮৬ খৃষ্টাব্দ । ১২ব সকাল নয়টা হইতে শুক্লসঙ্গে আনন্দ করিতেছেন ।

সুবেশ্বর বাগান কলিকাতাব নিকটস্থ বাণু ডগাডী নামক পল্লীৰ অন্তর্গত । নিকটেই বামের বাগান—যে বাগানে ঠাকুর প্রায় ছয় মাস পূর্বে শুভাগমন করিয়াছিলেন । আজ সুবেশ্বর বাগানে মহোৎসব ।

সকাল হইতেই সঙ্কীৰ্ত্তন আবম্ব হইয়াছে । কীর্ত্তনীমাগণ মাথুর গাহিতেছে । গোপীদিগেব প্রেম, শ্রীকৃষ্ণবিরহে শ্রীমতীব শোচনীয় অবস্থা—সমস্ত বর্ণিত হইতেছিল । ঠাকুর গুল্মমূছঃ ভাবাবিষ্ট হইতেছেন । ভক্তগণ উদ্যানগৃহনাম্যে চতুর্দিকে কাঁচাব দিয়া দাঁড়াইয়া আছেন ।

উজ্জানগৃহমধ্যে প্রধান প্রাকোষ্ঠে সঙ্কীর্ণন হইতেছে । ঘরের মেসেণ্ডে সাদা চাদর পাতা ও মাঝেমাঝে তাকিয়া বহিয়াছে । এই প্রকোষ্ঠের পূর্বে ও পশ্চিমে একটি করিয়া কামবা এবং উত্তরে ও দক্ষিণে বাবাণ্ডা আছে । উজ্জানগৃহের সম্মুখে অর্থাৎ দক্ষিণদিকে একটি বাঁধাঘাটবিশিষ্ট সুন্দর পুস্কবিণী । গৃহ ও পুস্কবিণীঘাটের মধ্যবর্তী পূর্ব-পশ্চিমে উজ্জানপথ । পথের দুইধারে পুস্পগৃহ ও ফ্রোটনাদি গাছ । উজ্জান-গৃহের পূর্বধারে হইতে উত্তরের ফটক পর্যন্ত আর একটি বাস্তা গিয়াছে । লাল সুবকিব বাস্তা । তাহারও দুই পার্শ্বে নানা-বিধ পুস্পগৃহ ও ফ্রোটনাদি গাছ । ফটকের নিকট ও বাস্তার পূর্ব ধারে আর একটি বাঁধাঘাট পুস্কবিণী । পল্লীবাসী সাধারণ লোক এখানে স্নানাদি কবে এবং পানীয় জল লয় । উজ্জানগৃহের পশ্চিম ধারেও উজ্জানপথ, সেই পথের দক্ষিণ পশ্চিমে বঙ্গনশালা । আজ এখানে খুব ধুমধাম, ঠাকুর ও ভক্তদের সেবা হইতে । সুবেশ ও বাম সর্বদা তত্ত্বাবধান করিতেছেন ।

উজ্জানগৃহের বাবাণ্ডাতেও ভক্তদের সমাবেশ হইয়াছে । কেহ কেহ একাকী বা বন্ধুসঙ্গে প্রথমেও পুস্কবিণীর ধারে বেড়াইতেছেন । কেহ কেহ বাবাণ্ডাতে মাঝে মাঝে আসিয়া বিশ্রাম করিতেছেন ।

সঙ্কীর্ণন চলিতেছে । সঙ্কীর্ণনগৃহমধ্যে ভক্তের জনতা হইয়াছে । ভবনাথ, নিরঞ্জন, বাখাল, সুবেন্দ্র, বাম, মাষ্টার, মহিমাচরণ ও মণিমাঞ্জিক ইত্যাদি অনেকের উপস্থিতি । অনেকগুলি ব্রাহ্মণও উপস্থিত ।

মাধুর গান হইতেছে । কীৰ্ত্তনীয় প্রথমে গোবচন্দ্রিকা গাহিতেছেন । গোরাক্ষ সন্ন্যাস করিয়াছেন—কৃষ্ণাধরে পাগল হইয়াছেন । তাব অদর্শনে নবদ্বীপের ভক্তেরা কাঁচর হওয়া কাঁদিতোছেন । তাই কীৰ্ত্তনীয় গাহিতেছেন—গান । গোব একবার চল নদীঘাট ।

তৎপরে শ্রীমতীর বিবহ অবস্থাবর্ণন করিয়া আবাব গাহিতেছেন !

ঠাকুর ভাবাবিষ্ট । হঠাৎ দণ্ডায়মান হইয়া অতি করুণ স্ববে, আশ্ব দিতেছেন—“সখি ! হয় প্রাণবল্লভকে আমার কাছে নিয়ে আস, নয় আমাকে সেখানে বেখে আয় ।” ঠাকুরের শ্রীবাধার ভাব

হইয়াছে । কথাগুলি বলিতে বলিতেই নিৰ্ব্বাক হইলেন, দেহ স্পন্দহীন, অৰ্দ্ধনিমীলিতনেত্র । সম্পূৰ্ণ বাহ্যশূণ্য ; ঠাকুব সমাধিস্থ হইয়াছেন ।

অনেকক্ষণ পবে প্রকৃতিস্থ হইলেন । আবার সেই ককণ স্বৰ । বলিতেছেন, “সখি । তাব কাছে লয়ে গিয়ে তুই আমাকে কিনে নে ! আমি তোদের দাসী হ’ব । তুই তো কৃষ্ণ প্রেম শিখায়েছিলি ! —প্রাণবল্লভ !”

কীৰ্ত্তনীয়াদিগেব গান চলিতে লাগিল । শ্রীমতী বলিতেছেন, “সখি ! যমুনাৰ জল আ’নতে আমি যাব না । কদম্বতলে প্ৰিয়সখাকে দেখেছিলাম, সেখানে গেলেই আমি বিস্মল হই ।”

ঠাকুব আবার ভাবাবিষ্ট হইতেছেন । দীৰ্ঘ নিশ্বাস ফেলিয়া কাতব হইয়া বলিতেছেন, ‘আহা’ ‘আহা’ ।”

কীৰ্ত্তন চলিতেছে — শ্রীমতীৰ উক্তি—

গান । শীতল তুই অধ হোব সঙ্গস্থখ দালাস (. হ)

মাঝে মাঝে আখৰ দিতেছেন — না হব তোদের হ’ব, আমাৰ এন’দাৰ দেখাগো , । (ভূষণেব ভূষণ গেছে আৰ ভূষণে কাঙ্ক নাহ)

(আমাৰ স্তম্ভিন গিণে হুঁদিন হ’বেছে) তপশাবাদন কি দেবা হব না ,

ঠাকুব আখৰ দিতেছেন — .স কাল কি আজও হ’ব নাহ

কীৰ্ত্তনীবা আখৰ দিতেছেন—(এত কাণ গেল, সে কাণ কি আজও হ’ব নাহ ,

গান । মবিব মবিব সখি নিশ্চব মবিব, আমাৰ , কাল হেন গুণানবি কাৰে দিলে বাব । না পোডাটও বাবা অঙ্গ না ভাসাইও জলে, (দেখো যেন অঙ্গ পোডাটও না গো) (কৃষ্ণ বিলাসেব অঙ্গ ভাসাইও না গো) রক্ষা বিলাসেব অঙ্গ জলে না ডাববি, অনলে না দিবি) মবিগে গুলিবে বেথো তমালাব ডালে । (বেবে তমালে বাখবি , (তাতে পবশ হবে) (কাণোতে পবশ হবে , (কৃষ্ণ কালো তমাল কালো) (কালো বড় ভালবাসি) (শিশুকাল হ’তে) (আমাৰ কান্ত অচুগত তনু) (দেখো যেন কান্ত ছাড়া ক’বো না গো) ।

শ্রীমতীৰ দশম দশা—মূৰ্চ্ছিতা হইয়া পড়িয়াছেন ।

গান । ধনি ভেল মুবছিত, হবল গেযান, (নাম কবিত্তে কবিত্তে) (হাট কি ভাজলি বাই) তখনি ত প্রাণ সখি মুদিল নযান । (ধনি কেন এমন হলো) (এই বে কথা কটতেছিল) কেহ কেহ চন্দন দেব ধনীৰ অঙ্গে, কেহ কেহ বোউত বিদ্যাতবঙ্গে । (সাধেব প্রাণ যাবে ব’লে) কেহ কেহ জল ঢালি বেগ্ন রাইবেব বদনে (যদি ঠাচে) (যে কৃষ্ণ অচুবাগে মবে, সে কি জলে বাচে)

মৃচ্ছিতা দেখিলা সখিবা কৃষ্ণনাম কবিতোছেন । শ্রামমায়ে তাঁহার সংজ্ঞা হইল । তমাল দেখে ভাবছেন বুঝি সম্মুখে কৃষ্ণ এসেছেন ।

গান । শ্রাম নামে প্রাণ পেবে, ধনি উত্তি উত্তি চাব, না দেখি সে চাঁদমুখ কানে উভবান । (বলে কই বে শ্রীদাম) (তোবা মাঝ নাম শুনাইনি কই) (একবার এনে দেখা গো) সম্মুখে তমাল তক দেখিবাবে পাষ । (তখন) সেই তমাল তক কবি নিবীক্ষণ (বলে ঐ সে চূড়া) (আমার কক্ষের ঐ যে চূড়া) (চুড়া দেখা মাঝ) (তমাল গাছে ময়ূব ছাব বলে, ঐ সে চুড়া দেখা মাঝ) ।

সখিবা মূল্য কবিয়া মথুবায দত্তী পাঠাইয়াছেন । তিনি একজন মথুবাসিনীও সজ্জিত পবিচয় কবিলেন—

গান । এক বরণ সমনসিনী, মঙ্গল পবিচয় প্যে ।

শ্রীমতীর সখি দত্তী বলছেন -আমায় ডাকতে হবে না, সে আপনি আসবে। দত্তী মথুবাসিনীও সজ্জ বেখানে কৃষ্ণ আছেন সেইখানে যাইতেছেন । তৎপরে ব্যাকুল হ'য়ে কেঁদে কেঁদে ডাকছেন—

“কোথায় হবি হে, গোপীজনজীবন ! প্রাণবল্লভ । বাধাবল্লভ ! লজ্জানিবারণ হবি । একবার দেখা দেও । আমি অনেক গরব করে এদেব বলেছি, তুমি আপনি দেখা দিবে ।”

গান । মধুপন নাগব', হাসি কহত দিবি, গাকুলে গোপ কোথায় । (হায় গো) (কেমন কবে বা মাঝি গো) (এমন কাঁড়ালিনী বেণে) । মধুপন দাব, পাবে বাজা বৈঠত, তাহা তাহা মাঝি মাঝি । (কেমন ক'বে বা মাঝি (তোব সাহস দেখি লাভে মবি, বল কেমন ক'বে মাঝি) । হা হা নাগব, গোপীজন-জীবন (কাহা নাগব, দেখা দিখে দাসীও প্রাণ বাধ) । কোথায় গোপীজনজীবন প্রাণবল্লভ । (হে মথুবানাগ, দেখা দিখে দাসীও মন প্রাণ বাধ হবি) (হা হা বাধাবল্লভ) । কোথায় আছহে, সদয়নাথ রুদয়বল্লভ, লজ্জা নিবারণ হবি) (দেখা দিখে দাসীও মন বাধ হবি) । হা হা নাগব গোপীজনজনন, দত্তী ডাকত উভবাব ।

‘কোথায় গোপীজনজীবন প্রাণবল্লভ ।’ এই কথা শুনিয়া ঠাকুর সমাধিস্থ হইলেন ।

কীর্তনাস্তে কীর্তনীয়াবা উচ্চ সঙ্কীর্ণন কবিতোছেন । প্রভু আবার দণ্ডায়মান । সমাধিস্থ । কতক সংজ্ঞা লাভ করিয়া, অক্ষুটস্ববে বলিতেছেন, “কিটু, কিটু” (কৃষ্ণ, কৃষ্ণ) । ভাবে নিমগ্ন । নাম সম্পূর্ণ উচ্চারণ হইতেছে না ।

রাধাকৃষ্ণের মিলন হইল। কীর্তনীয়ারা ঐ ভাবের গান গাহিতেছেন।

ঠাকুর আখর দিতেছেন—“ধনি দাঁড়ালো রে! অজ হেলাইয়ে ধনি দাঁড়ালো রে। শ্যামের বামে ধনি দাঁড়ালো বে। তমাল বেড়ি বেড়ি ধনি দাঁড়ালো বে।”

এইবারে নাম সঙ্কীর্তন। তাহারা খোল করতাল সঙ্গে গাইতে লাগিল, “বাধে গোবিন্দ জয়!” ভক্তরা সকলেই উন্মত্ত! ঠাকুর র্তা করিতেছেন। ভক্তরাও তাহাকে বেড়িয়া আনন্দে নাচিতেছেন। মুখে “বাধে গোবিন্দ জয়, রাধে গোবিন্দ জয়!”

দ্বিতীয় পরিচ্ছেদ।

সরলতা ও ঈশ্বরলভ। ঈশ্বরের সেবা আর
সংসারের সেবা।

কীর্তনান্তে ঠাকুর ভক্তসঙ্গে একটু উপবেশন হইয়াছেন। এমন সময়ে নিবঞ্জন আসিয়া ভূমিষ্ঠ হইয়া প্রণাম কবিলেন। ঠাকুর তাহাকে দেখিয়াই দাঁড়াইয়া উঠিলেন! আনন্দে বিক্ষারিত-লোচনে সশ্রিতমুখে বলিয়া উঠিলেন, ‘তুই এসেছিস্!’ (মাষ্টারকে)। দেখ, এ ছোকবাটা বড় সবল। সরলতা পূর্ব্বজন্মে অনেক তপস্তা না ক’রলে হয় না। কপটতা, পাটোয়ারি এ সব থাকতে ঈশ্ববকে পাওয়া যায় না।

“দেখ্ছো না, ভগবান যেখানে অবতার হ’য়েছেন সেইখানেই সরলতা। দশরথ কত সরল। নন্দ—শ্রীকৃষ্ণের বাবা—কত সবল। লোকে বলে, “আহা কি স্বভাব, ঠিক যেন নন্দশোষ!”

ভক্তরা সরল। ঠাকুর কি ইঙ্গিত করিতেছেন যে, আবার ভগবান অবতীর্ণ হ’য়েছেন?

শ্রীরামকৃষ্ণ (নিবঞ্জনের প্রতি)। দেখ্ তোমর মুখে যেন একটা কালো আবরণ প’ড়েছে। তুই আফিসের কাজ করিস্ কি না, তাই প’ড়েছে। আফিসের হিসাবপত্র ক’রতে হয়,—আরও নানা রকম কাজ আছে; সর্ব্বদা ভাবতে হয়।

“সংসারী লোকেরা যেমন চাকরী করে, তুইও চাকরি করছিস্, তবে একটু তফাৎ আছে। তুই মার জন্তু চাকরি স্বীকার ক’রেছিস্।

অ। গুরুজন, ব্রহ্মামন্ত্রীশ্রদ্ধা। যদি মাগ্ হেলের জন্ত
চাক্রি ক'ন্তিস্, আমি বলতুম্, থিক্ থিক্ । শত থিক্ ! একশ' ছি !'

(মণিমল্লিকের প্রতি) । দেখ, ছোকরাটা ভারি সরল । তবে
আজ কাল একটু আধটু মিথ্যা কথা কয়, এই যা দোষ । সে দিন
ব'লে গেল যে আসবে, কিন্তু আর এলো না । (নিরঞ্জনের প্রতি)
ভাই রাখাল ব'লছিল,—তুই এঁড়েদয়ে এসেও দেখা করিস্ নাই
কেন ?

নিরঞ্জন । আমি এঁড়েদয়ে সবে ছুদিন এসেছিলাম ।

শ্রীরামকৃষ্ণ (নিরঞ্জনের প্রতি) । ইনি ছেড়মাষ্টার । তোর
সঙ্গে দেখা ক'রতে গিছিলেন । আমি পাঠিয়েছিলাম । (মাষ্টারের
প্রতি) তুমি সে দিন বাবুরামকে আমার কাছে পাঠিয়ে দিয়েছিলে ?

তৃতীয় পরিচ্ছেদ ।

[শ্রীরাধাকৃষ্ণ ও গোপীপ্রেম ।]

ঠাকুর পশ্চিমের কামরায় দু চার জন ভক্তের সহিত কথাবার্তা
কহিতেছেন । সেই ঘবে টেবিল চেয়াব কয়েকখানা জড় করা ছিল ।
ঠাকুর টেবিলে ভর দিয়া অর্ধেক দাঁড়িয়েছেন, অর্ধেক ব'সেছেন ।

শ্রীরামকৃষ্ণ (মাষ্টারের প্রতি) । আহা গোপীদের কি অহুরাগ ।
তমাল দেখে একবারে প্রেমোন্মাদ ! শ্রীমতীর একপ বিরহানল যে
চক্ষের জল সে আশ্রয়ের ঝাঁঝে শুকিয়ে যেতো—জল হ'তে হ'তে
বাম্প হ'য়ে উড়ে যেতো । কখনও কখনও তাঁর ভাব কেউ টের
পেতো না । সায়ের দিঘিতে হাতী নামলে কেউ টের পায় না ।

মাষ্টার । আজ্ঞা হাঁ । গৌরাক্ষের ঐ রকম হ'য়েছিল । বন
দেখে বৃন্দাবন ভেবেছিলেন, সমুদ্র দেখে যমুনা ভেবেছিলেন—

শ্রীরামকৃষ্ণ । আহা, সেই প্রেমের যদি এক বিন্দু কারু হয় ।
কি অহুরাগ ! কি ভালবাসা ! শুধু বোল আনা অহুরাগ নয়, পাঁচ
সিকা পাঁচ আনা ! এরই নাম প্রেমোন্মাদ । কথাটা এই, তাঁকে
ভালবাসতে হবে । তাঁর জন্ত ব্যাকুল হ'তে হবে । তা তুমি যে

পথেই থাকো,সাকারেই বিশ্বাস কর বা নিরাকারেই বিশ্বাস কর ; — ভগবান মানুষ হ'য়ে অবতার হন, এ কথা বিশ্বাস কর আর না কর ; — তাঁতে অমুরাগ থাকলেই হোল । তখন তিনি যে কেমন, নিজেই জানিয়ে দেবেন ।

“যদি পাগল হ'তে হয়, সংসারের জিনিস লয়ে কেন পাগল হবে ? যদি পাগল হ'তে হয়, তবে ঈশ্বরের জন্তু পাগল হও ।”

চতুর্থ পরিচ্ছেদ ।

ভবনাথ, মহিমা প্রভৃতি ভক্তসঙ্গে হরিকথা প্রসঙ্গে ।

ঠাকুর হলঘরে আবার ফিবিলেন । তাঁহাব বসিবাব আসনের কাছে একটা তাকিয়া দেওয়া হইল । ঠাকুর বসিবাব সময় “ওঁ তৎ-সৎ” এই মন্ত্র উচ্চারণ করিয়া তাকিয়া স্পর্শ করিলেন । বিষয়ী লোকেরা এই বাগানে আসা যাওয়া করে ও এই সকল তাকিয়া ব্যবহার করে . এই জন্তু বৃষ্টি ঠাকুর ঐ মন্ত্র উচ্চারণ করিয়া উপাধানটা শুদ্ধ করিয়া লইলেন । ভবনাথ, মাষ্টার পভৃতি কাছে বসিলেন ।

বেলা অনেক হইয়াছে , এখনও যাওয়া দাওয়ার আয়োজন হয় নাট । ঠাকুর বালকস্বভাব । বলিলেন, কৈগো এখনও যে দেয় না । নরেন্দ্র কোথায় ?

একজন ভক্ত (ঠাকুরের প্রতি, সহাস্তে) । মহাশয় ' রামবাব অধ্যক্ষ । তিনি সব দেখছেন । (সকলের হাস্য) ।

শ্রীরামকৃষ্ণ (হাসিতে হাসিতে) ! রাম অধ্যক্ষ ! তবেই হয়েছে ।

একজন ভক্ত । আজ্ঞা, রামবাব যেখানে অধ্যক্ষ ,—সেখানে এই রকমই হ'য়ে থাকে । (সকলের হাস্য) ।

শ্রীরামকৃষ্ণ (ভক্তদের প্রতি) । সুরেন্দ্র কোথায় ? আহা সুরেন্দ্রের বেশ স্বভাবটা হ'য়েছে । বড় স্পষ্ট বক্তা, কারকে ভয় ক'রে কথা কয় না । আর দেখো খুব মুক্তহস্ত । কেউ তার কাছে সাহায্যের জন্তু গেলে শুধু হাতে কেবে না । (মাষ্টারের প্রতি) তুমি ভগবান দাসের কাছে গিয়েছিলে, কি রকম দেখলে ?

মাষ্টার । আজ্ঞা, কালনায় গিছিলাম । ভগবান দাস খুব

বুড়ো হ'য়েছেন ।' রাত্রে দেখা হ'য়েছিল, কাঁথার উপর শুয়েছিলেন ।
প্রসাদ এনে একজন খাইয়ে দিতে লাগল । টেঁচিয়ে কথা কইলে
শুনতে পাম । আপনার নাম শুনে বলতে লাগলেন, তোমাদের
আব ভাবনা কি ?

সেই বাড়ীতে নামত্রয়ের পূজা হয় ।

ভবনাথ (মাষ্টারের প্রতি) । আপনি অনেক দিন দক্ষিণেশ্বরে
যান নাই । ইনি আমাকে দক্ষিণেশ্বরে আপনার বিষয় জিজ্ঞাসা
ক'নছিলেন, আর ব'ল'ছিলেন, যে মাষ্টারের কি অকুচি হ'য়ে গেল ।

এই বলিয়া ভবনাথ হাসিতে লাগিলেন । ঠাকুর উভয়ের কথো-
পকথন সমস্ত শুনিতেন । মাষ্টারের প্রতি সম্মেহে দৃষ্টি করিয়া
বলিতেছেন, হ্যাঁ গো, তুমি অনেক দিন যাও নাই কেন বল দেখি ?

মাষ্টার তো তো কবিত্তে লাগিলেন ।

এমন সময় মহিমাচরণ উপস্থিত । মহিমাচরণ কাশীপুরবাসী,
ঠাকুরকে ভারি শ্রদ্ধা ভক্তি করেন ও সবদা দক্ষিণেশ্বর যান ।
ব্রাহ্মণসন্তান, কিছু পৈতৃক বিষয় আছে । স্বাধীনভাবে থাকেন,
কাহারও চাকরী করেন না । সবদা শাস্ত্রালোচনা ও ঙ্গরচিন্তা
করেন । কিছু পাণ্ডিত্যও আছে । ইংরাজী, সংস্কৃত, অনেক গ্রন্থ
পড়িয়াছেন ।

ঐরামকৃষ্ণ (সহাস্ত্রে, মহিমার প্রতি) । এ কি ! এখানে জাহাজ
এসে উপস্থিত ! (সকলের হাস্য) । এমন জায়গায় ডিঙ্গি টিঙ্গি
আসতে পারে ; এ যে একেবারে জাহাজ ! (সকলের হাস্য) । তবে
একটা কথা আছে । এটা আষাঢ় মাস ! (সকলের হাস্য) ।

মহিমাচরণের সঙ্গে অনেক কথাবার্তী হইতেছে ।

ঐরামকৃষ্ণ (মহিমার প্রতি) : আচ্ছা লোককে খাওয়ান এক
রকম তাঁরই সেবা করা, কি বল ? সব জীবের ভিতরে তিনি অগ্নি-
রূপে র'য়েছেন । খাওয়ান কি না, তাঁকে আহুতি দেওয়া ।

“কিন্তু তা বলে অসৎ লোককে খাওয়াতে নাই । এমন লোক,
যারা ব্যাভিচারাদি মহাপাপক ক'রেছে,—যেঁদের বিষয়াসক্ত লোক,—
এরা যেখানে ব'সে খায়, সে জায়গায় সাত হাত মাটি অপবিত্র হয় ।

“হুদে সিওড়ে একবার লোক খাইয়েছিল । তাদের মধ্যে অনেকেই

খারাপ লোক । আমি বলুম, 'দেখ হুদে, ওদের যদি তুই খাওয়াগ, তবে এই তোর বাড়ী থেকে চ'লুম ।' (মহিমার প্রতি) । আচ্ছা, আমি শুনেছি তুমি আগে লোকদের খুব খাওয়াতে, এখন বৃষ্টি চা বেড়ে গেছে ? (সকলের হাস্য) ।

পঞ্চম পরিচ্ছেদ ।

ব্রাহ্মভক্তসঙ্গে ।

এইবার পাতা হইতেছে । দক্ষিণের বারাণ্ডায় । ঠাকুর মহিমাচরণকে বলিতেছেন, আপনি একবার যাও, দেখো ওরা সব কি করছে । আর, আপনাকে আমি বলতে পারি না, না হয় একটু পরিবেশন করলে ? মহিমাচরণ বলিতেছেন, "নিয়ে আসুক না, তারপর দেখা যাবে," এই বলিয়া 'ভ' ছ' কবিয়া একটু দালানেব দিকে গেলেন, কিন্তু কিয়ৎক্ষণ পরেই ফিরিয়া আসিলেন ।

ঠাকুর ভক্তসঙ্গে পরমানন্দে আহার করিতে বসিলেন ।

আহারান্তে ঘরে আসিয়া বিশ্রাম করিতেছেন । ভক্তেরাও দক্ষিণের পুৰ্ণীর বাধা ঘাটে আচমন করিয়া পান খাইতে খাইতে আবার ঠাকুরের কাছে আসিয়া জুটিলেন । সকলেই আসন গ্রহণ করিলেন ।

বেলা দুইটার পর প্রতাপ আসিয়া উপস্থিত ! তিনি একজন ব্রাহ্মভক্ত । আসিয়া ঠাকুরকে অভিবাদন করিলেন । ঠাকুরও মস্তক অবনত করিয়া নমস্কার করিলেন । প্রতাপের সহিত অনেক কথাবার্তা হইতেছে ।

প্রতাপ । মহাশয় ! আমি পাহাড়ে গিয়েছিলাম (দার্জিলিঙ্গে) ।

শ্রীরামকৃষ্ণ । কিন্তু তোমার শরীর ত' তত ভাল হয় নাই । তোমার কি অসুখ হয়েছে ?

প্রতাপ । আচ্ছা, তাঁর যে অসুখ ছিল, আমারও সেই অসুখ ।

কেশবেরও ঐ অসুখ ছিল । কেশবের অগাধ কথা হইতে লাগিল । প্রতাপ বলিতে লাগিলেন, কেশবের বৈরাগ্য বাল্যকাল থেকেই দেখা গিছিল । তাঁকে আহ্লাদ আমোদ ক'র্ষে প্রায় দেখা যেত না ! হিন্দু

কলেজে প'ড়তেন , সেই সময়ে সত্যেশ্বরের সঙ্গে তাঁর খুব বন্ধুত্ব হয় । আর ঐ সূত্রে শ্রীযুক্ত দেবেন্দ্রনাথ ঠাকুরের সঙ্গে আলাপ হয় । কেশবের দুইই ছিল । যোগও ছিল, ভক্তিও ছিল । সময়ে সময়ে তাঁর ভক্তির এত উচ্ছাস হ'তো যে, মাঝে মাঝে মূর্চ্ছা হ'ত । গৃহস্থ-দের ভিতর ধর্ম আনা তাঁর জীবনের প্রধান উদ্দেশ্য ছিল ।

[লোকমাণ্ড ৭ অঙ্ক । 'আমি কর্তা' 'আমি গুরু' । দর্শনের লক্ষণ ।]

একটা মহারাষ্ট্রদেশীয় স্ত্রীলোক সম্বন্ধে কথা হইতেছে ।

প্রতাপ । এদেশের মেয়েরাও কেউ কেউ বিলেতে গেছে । একটা মহারাষ্ট্রদেশের মেয়ে, খুব পণ্ডিত, বিলেতে গিছিল । তিনি কিন্তু খ্রীষ্টান হ'য়েছেন । মহাশয়, কি তাঁর নাম শুনেছেন ?

শ্রীরামকৃষ্ণ । না , তবে তোমার মুখে যা শুনলুম, তাতে বোধ হ'চ্ছে যে, তার লোকমাণ্ড হবার ইচ্ছা । এরূপ অহঙ্কার ভাল নয় । 'আমি কর্তা,' এটি অজ্ঞান থেকে হয় , হে ঈশ্বর তুমি ক'বুছ—এইটী জ্ঞান । ঈশ্বরই কর্তা, আর সব অকর্তা ।

“আমি 'আমি' ক'বলে যে কত দুর্গতি হয়, বাছুরের অবস্থা ভাবলে বুঝতে পারবে । বাছুর 'হাম্ মা, হাম্ মা', (আমি আমি) করে । তার দুর্গতি দেখ । হয়ত সকাল থেকে সন্ধ্যা পর্য্যন্ত লাঙ্গল টানতে হচ্ছে , রোদ নাই, বৃষ্টি নাই । হয়ত কষাই কেটে কেলে । মাংসগুলো লোকে খাবে । ছালটা চামড়া হবে , সেই চামড়ায় জুতো এই সব তৈয়ার হবে । লোক তার উপর পা দিয়ে চলে যাবে । তাতেও দুর্গতির শেষ হয় না । চামড়ায় ঢাক তৈয়ার হয় । আর ঢাকের কাটি দিয়ে অনবরত চামড়ার উপর আঘাত করে । অবশেষে কিনা নাড়ি ভূঁড়িগুলো নিয়ে তাঁত তৈয়ার করে ! যখন ধুরুরী তঁাত তোয়ের হয় তখন ধোনবার সময় 'তুঁছ তুঁছ' বলে । আর 'হাম্ মা, হাম্ মা' বলে না । তুঁছ তুঁছ বলে, তবেই নিস্তার, তবেই তার মুক্তি । কর্ম্মক্ষেত্রে আর আসতে হয় না ।

“জীবও যখন বলে, 'হে ঈশ্বর, আমি কর্তা নই, তুমিই কর্তা—

আমি যন্ত্র, তুমি যন্ত্রী, তখনই জীবের সংসার-যন্ত্রণা শেষ হয়। তখনই জীবের মুক্তি হয়, আর এ কর্মক্ষেত্রে আসতে হয় না।

একজন ভক্ত। জীবের অহঙ্কার কেমন ক'রে যায় ?

শ্রীরামকৃষ্ণ। ঈশ্বরকে দর্শন না ক'রলে অহঙ্কার যায় না। যদি কার অহঙ্কার গিয়ে থাকে, তার অবশ্য ঈশ্বরদর্শন হ'য়েছে।

ভক্ত। মহাশয়। কেমন ক'রে জানা যায় যে, ঈশ্বরদর্শন হয়েছে ?

শ্রীরামকৃষ্ণ। ঈশ্বরদর্শনের লক্ষণ আছে। শ্রীমদ্ভাগবতে আছে, যে ব্যক্তি ঈশ্বর দর্শন ক'রেছে, তাব চারিটা লক্ষণ হয়—(১) বালকবৎ (২) পিশাচবৎ, (৩) জড়বৎ, (৪) উন্মাদবৎ।

“যার ঈশ্বর দর্শন হ'য়েছে, তার বালকের স্বভাব হয়। সে ত্রিগুণাতীত—কোন গুণের আঁট নাই। আবার শুচি অশুচি তার কাছে দুই সমান, তাই পিশাচবৎ। আবার পাগলের মত ‘কতু হাসে, কতু কাঁদে’, এই বাবুর মত সাজে গোল্লে, আবার খানিকপবে গ্যাংটা ;—বগলের নীচে কাপড় রেখে বেড়াচ্ছে। তাই উন্মাদবৎ। আবার কখন বা জড়ের গ্যায় চুপ কবে বসে আছে। জড়বৎ।

ভক্ত। ঈশ্বর দর্শনের পর কি অহঙ্কার একবারে যায় ?

শ্রীরামকৃষ্ণ। কখন কখন তিনি অহঙ্কার একবারে পুণ্ডে কেলেন—যেমন সমাধি অবস্থায়। আবার প্রায় অহঙ্কার একটু রেখে দেন। কিন্তু সে অহঙ্কারে দোষ নাই। যেমন বালকের অহঙ্কার। পাঁচ বছরের বালক ‘আমি’ ‘আমি’ কবে, কিন্তু কাক অনিষ্ট করতে জানে না।

“পরশমনি ছুঁলে লোহা সোণা হয়ে যায়। লোহার তরোয়াল সোণার তরোয়াল হ'য়ে যায়। তরোয়ালের আকার থাকে, কাক অনিষ্ট করে না। সোণার তরোয়ালে মারা কাটা চলে না।

ষষ্ঠ পরিচ্ছেদ ।

বিলাতে কাকনের পূজা ! জীবনের উদ্দেশ্য কর্ম না ঈশ্বরলাভ ? শ্রীরামকৃষ্ণ (প্রতাপের প্রতি) । তুমি বিলাতে গিয়েছিলে, কি

দেখলে সব বল । প্রতাপ । বিলাতের লোকেরা আপনি যাকে কাকন বলেন, তারই পূজা করে । তবে অবশ্য কেউ কেউ ভাল লোক—অনাসক্ত লোক—আছে । কিন্তু সাধারণতঃ আগা গোড়া রজোগুণের কাণ্ড ! আমেরিকাতেও তাই দেখে এলুম ।

[বিলাত ও কন্মযোগ । কলিযুগে কন্মযোগ না ভক্তিযোগ ।]

শ্রীরামকৃষ্ণ (প্রতাপকে) । বিষয় কৰ্ম্মে আসক্তি শুধু যে বিলাতে আছে, এমন নয় । সব জায়গায় আছে । তবে কি জান ? কৰ্ম্মকাণ্ড হ'চ্ছে আদিকাণ্ড । সম্বন্ধে (ভক্তি, বিবেক, বৈরাগ্য, দয়া এই সব) না হ'লে ঈশ্বরকে পাওয়া যায় না । রজোগুণে কাজের আডম্বর হয় । তাই রজোগুণ থেকে ভ্রমোগুণ এসে, পড়ে । বেশী কাজ জড়ালেই ঈশ্বরকে ভুলিয়ে দেয় । কামিনীকাকনে আসক্তি বাড়ে ।

তবে কৰ্ম্ম একবারে ত্যাগ করবার বো নাট । ভোগ্যর প্রকৃতিতে ভোগ্য কৰ্ম্ম করাবে ! তা তুমি ইচ্ছা কর আর নাট কর । তাই ব'লেছে, অনাসক্ত হ'য়ে কৰ্ম্ম কর । অনাসক্ত হ'য়ে কৰ্ম্ম করা,— কি না, কৰ্ম্মের ফল আকাঙ্ক্ষা ক'রবে না । যেমন পূজা জপ তপ ক'রছো, কিন্তু লোকমাণ্ড হবার কিছা পুণ্য করবার জন্ত নয় ।

এরূপ অনাসক্ত হ'য়ে কৰ্ম্ম করার নাম কন্মযোগ । ভারি কঠিন । একে কলিযুগ, সহজেই আসক্তি এসে যায় । মনে ক'র'ছি, অনাসক্ত হ'য়ে কাজ করছি, কিন্তু কোনদিক দিয়ে আসক্তি এসে যায়, জানতে দেয় না ! হয়তো পূজা মহোৎসব কব'লুম, কি অনেক গরীব কাঙাল-দের সেবা ক'র'লুম—মনে ক'র'লুম যে, অনাসক্ত হ'য়ে করেছি, কিন্তু কোন দিক দিয়ে লোকমাণ্ড হবাব ইচ্ছা হয়েছে, জানতে দেয় না । তবে একবারে অনাসক্ত হওয়া সম্ভব কেবল তাঁর, যার ঈশ্বর দর্শন হয়েছে ।

একজন ভক্ত । ধারা ঈশ্বরকে লাভ করেন নাই তাঁদের উপায় কি ? তাঁরা কি বিষয় কৰ্ম্ম সব ছেড়ে দেবেন ?

শ্রীরামকৃষ্ণ । কলিতে ভক্তিশ্বেগ । নারদীয় ভক্তি । ঈশ্বরের নাম গুণ গান ও ব্যাকুল হয়ে প্রার্থনা করা , 'হে ঈশ্বর আমার জ্ঞান দাও, ভক্তি দেও, আমার দেখা দাও' । কন্মযোগবড় কঠিন ।

তাই প্রার্থনা কর্তে হয়, 'হে ঈশ্বর, আমার কর্ম কমিয়ে দাও । অর্থাৎ যে টুকু কর্ম রেখেছো, সে টুকু যেন তোমার কৃপায় অনাসক্ত হ'য়ে করতে পারি । আর যেন বেশী কর্ম জড়াতে না ইচ্ছা হয় ।

“কর্ম ছাড়বার যো নাই । আমি চিন্তা ক'রছি, আমি ধ্যান ক'রছি এও কর্ম । ভক্তিলাভ ক'রলে বিষয়কর্ম আপনা আপনি কমে যায় । আর ভাল লাগে না । ওলা মিছরীর পানা পেলে চিটে গুড়ের পানা কে খেতে চায় ?

একজন ভক্ত । বিলেতের লোকেরা কেবল 'কর্ম কর' 'কর্ম কর' করে । কর্ম তবে জীবনের উদ্দেশ্য নয় ?

শ্রীরামকৃষ্ণ । জীবনের উদ্দেশ্য ঈশ্বর লাভ । কর্ম তো আদিকাণ্ড , জীবনের উদ্দেশ্য হ'তে পারে না । তবে নিষ্কাম কর্ম একটা উপায়,—উদ্দেশ্য নয় ।

“শস্ত্র ব'লে, এখন এই আশীর্বাদ করুন যে, যা টাকা আছে, সেগুলি সন্ধ্যায় যায়,—হাসপাতাল, ডিম্পেলারী করা, রাস্তা ঘাট করা, কুয়ো করা, এই সব । আমি বললাম, এ সব কর্ম অনাসক্ত হ'য়ে ক'রতে পারলে ভাল , কিন্তু তা বড কঠিন । আর যাই হোক এটা যেন মনে থাকে যে, তোমার মানবজন্মেব উদ্দেশ্য ঈশ্বর লাভ , হাসপাতাল, ডিম্পেলারী করা নয় । মনে কর ঈশ্বর তোমার সাম্নে এলেন ; এসে বলেন, তুমি বর লও । তা হ'লে তুমি কি ব'লবে, আমায় কতকগুলো হাসপাতাল ডিম্পেলারী ক'রে দাও , না বলবে হে ভগবন, তোমার পাদপদ্মে যেন শুদ্ধা ভক্তি হয়, আর যেন তোমাকে আমি সর্বদা দেখতে পাই । হাসপাতাল, ডিম্পেলারী, এ সব অনিত্য বস্তু । ঈশ্বরই বস্তু আর সব অবস্তু । তাঁকে লাভ হ'লে আবার বোধ হয়, তিনিই কৰ্তা আমরা অকৰ্তা । তবে কেন তাঁকে ছেড়ে নানা কাজ বাড়িয়ে মরি ? তাঁকে লাভ হ'লে তাঁর ইচ্ছায় অনেক হাসপাতাল ডিম্পেলারী হ'তে পারে !

“তাই বলছি কর্ম আদিকাণ্ড । কর্ম জীবনের উদ্দেশ্য নয় । সাধন করে আরও এগিয়ে পড় । সাধন ক'বতে ক'রতে, আরও

এগিয়ে পড়লে, শেষে জানতে পারবে যে ঈশ্বরই বস্তু, আব সব অবস্তু, ঈশ্বর লাভই জীবনের উদ্দেশ্য । একজন কাঠুরে বনে কাঠ কাটতে গিছলো । হঠাৎ এক ব্রহ্মচারীর সঙ্গে দেখা হ'লো । ব্রহ্মচারী বল্লেন, 'ওহে, এগিয়ে পড়ো !' কাঠুরে বাড়ীতে ফিরে এসে ভা'বতে লাগলো, ব্রহ্মচারী এগিয়ে যেতে ব'ল্লেন কেন ?

“এই রকমে কিছু দিন যায় । এক দিন সে ব'সে আছে, এমন সময় এই ব্রহ্মচারীর কথাগুলি মনে পড়লো । তখন সে মনে মনে ব'ল্লেন, আজ আমি আরও এগিয়ে যাবো । বনে গিয়ে আবো এগিয়ে দেখে যে অসংখ্য চন্দনের গাছ । তখন আনন্দে গাডি গাডি চন্দনের কাঠ নিয়ে এলো, আব বাজাবে বেচে খুব বড় মালুস হয়ে গেল ।

“এই রকমে কিছু দিন যায় । আর এক দিন মনে প'ডলো, ব্রহ্মচারী বলেছেন, 'এগিয়ে পড়' । তখন আবাব বনে গিয়ে এগিয়ে দেখে, নদী'ব ধাবে কপো'ব খনি । এ কথা সে স্বপ্নেও ভাবে নাই । তখন খনি থেকে কেবল কাপা নিয়ে গিয়ে বিক্রী ক'ব'তে লাগলো । এত টাকা হ'লো যে, আগুল হ'য়ে গেল ।

“আবাব কিছু দিন যায় । একদিন ব'সে ভাব'ছে ব্রহ্মচারী তো আমাকে কপোর খনি পর্য্যন্ত যেতে বলেন নাই—তিনি যে এগিয়ে যেতে ব'লেছেন । এবার নদীর পারে গিয়ে দেখে, সোণার খনি ! তখন সে ভাব'লে, ওহো ! তাই ব্রহ্মচারী ব'লেছিলেন, এগিয়ে পড় ।

“আবার কিছু দিন পবে এগিয়ে দেখে, হীরে মাণিক বাশীকৃত পড়ে আছে । তখন তার কুবেরের মত ঐশ্বর্য্য হ'লো ।

“তাই বলছি যে, যা কিছু কর না কেন, এগিয়ে গেলে আরো ভাল জিনিষ পাবে । একটু জপ ক'বে উদীপন হ'য়েছে ব'লে মনে ক'রো না, যা হবার তা হ'য়ে গেছে । কর্ম্ম কিছু জীবনের উদ্দেশ্য নয় । আরো এগোও, কর্ম্ম নিষ্কাম ক'রতে পার'বে । তবে নিষ্কাম কর্ম্ম বড় কঠিন । তাই ভক্তি ক'রে ব্যাকুল হ'য়ে তাঁকে প্রার্থনা কর, 'হে ঈশ্বর, তোমার পাদপদ্মে ভক্তি দাও, আর কর্ম্ম কমিয়ে দাও, আর যেটুকু রাখবে, সেটুকু কর্ম্ম যেন নিষ্কাম হ'য়ে ক'রতে পারি ।'

“আরো এগিয়ে গেলে ঈশ্বরকে লাভ হবে। তাঁকে দর্শন হবে।
ক্রমে তাঁর আলাপ কথাবার্তা হবে।

কেশবের স্বর্গলাভের পর মন্দিবের বেদী লইয়া যে বিবাদ হয়,
এইবার তাহার কথা পড়িল।

শ্রীরামকৃষ্ণ প্রতাপের প্রতি)। শুনছি তোমার সঙ্গে বেদী
নিয়ে নাকি ঝগড়া হ'য়েছে। যারা ঝগড়া ক'রেছে, তারা তো সব
হ'রে, প্যালা, পঞ্চা। (সকলের হাস্য)।

(ভক্তদের প্রতি)। দেখ, প্রতাপ, অমৃত, এ সব শাঁক বাজে।
আর যা সব শুন তাদের কোন আওয়াজ নাই। (সকলের হাস্য)।

প্রতাপ। মহাশয়, বাজে যদি ব'লেন তো আঁবের কণিও বাজে।

সপ্তম পরিচ্ছেদ ।

ব্রাহ্মসমাজ ও শ্রীরামকৃষ্ণ । প্রতাপকে শিক্ষা ।

শ্রীরামকৃষ্ণ (প্রতাপের প্রতি)। দেখো, তোমাদের ব্রাহ্ম-
সমাজের লেকচার শুনলে লোকটার ভাব বেশ বোঝা যায়। এক
হরিসতায় আমায় নিয়ে গিছলো। আচার্য্য হয়েছিলেন একজন
পণ্ডিত, তাঁর নাম সামাধ্যায়ী। বলে কি, 'ঈশ্বর নীরস, আমাদের
প্রেম ভক্তি দিয়ে তাঁকে সরস ক'বে নিতে হ'বে'। এই কথা
শুনে অবাক! তখন একটা গল্প মনে প'ডলো। একটা ছেলে
বলেছিল, আমার মামার বাড়ীতে অনেক ঘোঁড়া আছে,—এক
গোয়াল ঘোঁড়া! এখন গোয়াল যদি হয়, তা হ'লে কখন ঘোঁড়া
ধাক্কে পারে না, গরু থাকাই সম্ভব। একপ অসম্বন্ধ কথা শুনলে
লোকে কি ভাবে? এই ভাবে যে, ঘোঁড়া টোঁড়া কিছুই নাই।
(সকলের হাস্য)।

একজন ভক্ত। ঘোঁড়া তো নাইই! গরুও নাই (সকলের
হাস্য)।

শ্রীরামকৃষ্ণ। দেখ দেখিন্, বিনি ক্লান্ত স্বরূপ তাঁকে কিনা
ব'লছে 'নীরস'! এতে এই বোঝা যায় যে, ঈশ্বর যে কি জিনিষ,
কখনও অমৃত্যব করে নাই।

['আমি কর্তা' 'আমার ঘর' অজ্ঞান । জীবনের উদ্দেশ্য 'ভুব নাগ' ।]

শ্রীরামকৃষ্ণ (প্রতাপের প্রতি) । দেখ, তোমায় বলি । তুমি লেখা পড়া জান, বুদ্ধিমান, গম্ভীরাত্মা । কেশব আর তুমি ছিলে যেন গৌর নিতাই ছু ভাই । লেকচার দেওয়া, তর্ক ঝগড়া, বাদ, বিস্বাদ এ'সব অনেক তো হ'লো । আর কি এ সব তোমার ভাল লাগে ? এখন সব মনটা কুড়িয়ে ঈশ্বরের দিকে দাও । ঈশ্বরেতে এখন ঝাঁপ দাও ।

প্রতাপ । আজ্ঞা হাঁ, তার সন্দেহ নাট, তাই করা কর্তব্য । তবে এ সব করা তাঁর নামটা যাতে থাকে !

শ্রীরামকৃষ্ণ (হাসিয়া) । তুমি ব'ল্ছো বটে, তাঁর নাম রাখবার জন্ত সব ক'ছো ; কিন্তু কিছু দিন পরে এ ভাবও থাকবে না । একটা গল্প শুন । একজন লোকের পাহাড়ের উপর একখানা ঘর ছিল । কুঁড়ে ঘর । অনেক মেহনত ক'রে ঘরখানি ক'রেছিল । কিছু দিন পরে একদিন তারি ঝড় এলো ! কুঁড়ে ঘর টল্ টল্ ক'র্ভে লাগলো । তখন স্বর রক্ষার জন্ত সে ভারি চিন্তিত হ'ল ! বলে, হে পবনদেব, দেখো ঘরটা ভেঙো না বাবা । পবনদেব কিন্তু শুনছেন না । ঘর মড় মড় ক'র্ভে লাগলো । তখন লোকটা একটা কিকির ঠাণ্ডরালে,—তার মনে পড়লো যে, হুম্মান পবনের ছেলে । বাই মনে পড়া অমনি ব্যস্ত হ'য়ে ব'লে উঠলো—বাবা । ঘর ভেঙো না, হুম্মানের ঘর, দোহাই তোমার । ঘর তবুও মড় মড় করে । কেবা তার কথা শুনে । অনেকবার 'হুম্মানের ঘর' 'হুম্মানের ঘর' করার পর দেখলে যে কিছুই হ'লো না । তখন বলতে লাগলো, বাবা 'লক্ষ্মণের ঘর' 'লক্ষ্মণের ঘর' । তাতেও হ'লো না । তখন বলে, বাবা, রামের ঘর, রামের । দেখো বাবা ভেঙো না, দোহাই তোমার । তাতেও কিছু হ'লো না, ঘর মড় মড় ক'রে ভাঙতে আরম্ভ হ'লো । তখন প্রাণ বাঁচাতে হবে, লোকটা ঘর থেকে বেরিয়ে আসবার সময় ব'ল্ছে,—মা শালার ঘর ।

(প্রতাপের প্রতি) । কেশবের নাম তোমায় রক্ষা কর্তে হবে না । যা কিছু হয়েছে, জানবে ঈশ্বরের ইচ্ছায় । তাঁর ইচ্ছাতে হ'লো, আবার তাঁর ইচ্ছাতে যাচ্ছে ; তুমি কি ক'র্বে ? তোমার এখন

কর্তব্য যে ঈশ্বরেতে সব মন দাও—তাঁর প্রেমের সাগরে ঝাঁপ দাও ।

এই কথা বলিয়া ঠাকুর সেই অহুলনীয় কণ্ঠে মধুর গান গাইতেছেন ।

ডুব্ ডুব ডুব্ রূপসাগরে আমার মন ।

তলাতল পাতাল খুঁজল পাবি রে প্রেম রত্ন ধন ॥

(প্রতাপের প্রতি) । গান শুনে ৭ লেকচার বগড়া, ও সব তো অনেক হ'লো, এখন ডুব দাও । আব এ সমুদ্রে ডুব দিলে মব্বার ভয় নাই, এ যে অমৃতের সাগর । মনে করো না যে এতে মানুষ বেহেড় হয়, মনে কোবো না যে বেশী ঈশ্বর ঈশ্বর ক'লে মানুষ পাগল হ'য়ে যায় । আমি নরেন্দ্রকে বলেছিলাম—

প্রতাপ । মহাশয়, নবেন্দ্র কে ?

শ্রীরামকৃষ্ণ । ও আছে একটি ছোকরা । আমি নরেন্দ্রকে বলেছিলুম দেখ্, ঈশ্বর রসের সাগর । তোর ইচ্ছা হয় না কি যে, এই রসের সাগরে ডুব দিই ? আচ্ছা, মনে কর্ এক খুলি রস আছে তুই মাছি হয়েছিস্, তা কোন্ খাসে বসে রস খাবি ? নরেন্দ্র বল্লে আমি খুলির কিনারায় ব'সে মুখ বাড়িয়ে খাব । আমি জিজ্ঞাসা ক'লুম কেন ? কিনারায় ব'সবি কেন ? সে বলে বেশী দূবে গেলে ডূবে যাব, আর প্রাণ হাবাব । তখন আমি বল্লুম, বাবা ! সচ্চিদানন্দ সাগরে সে ভয় নাই । এষে অমৃতের সাগর, এই সাগরে ডুব দিলে মৃত্যু হয় না, মানুষ অমর হয় । ঈশ্বরেতে পাগল হ'লে মানুষ বেহেড় হয় না ।

(ভক্তদের প্রতি) । 'আমি' আর 'আমার' এইটীর নাম অজ্ঞান । রাসমণি কালী বাড়ী ক'রেছেন এই কথাই লোকে বলে । কেউ বলে না যে, ঈশ্বর ক'রেছেন ! 'ব্রাহ্মসমাজ অমুক লোক ক'রে গেছেন', একথা আর কেউ বলে না যে, ঈশ্বরের ইচ্ছায় এটা হ'য়েছে । আমি ক'রছি, এইটীর নাম অজ্ঞান । হে ঈশ্বর, তুমি কর্তা আর আমি অকর্তা ; তুমি যন্ত্রী আমি যন্ত্র, এইটীর নাম জ্ঞান । হে ঈশ্বর, আমার কিছুই নয় -- এ মন্দির আমার নয়, এ কালীবাড়ী আমার

নয়, এ সমাজ আমার নয়, এ সব তোমার জিনিষ, এ স্ত্রী, পুত্র, পরিবার এ সব কিছুই আমার নয়, সব তোমারি জিনিষ; এর নাম জ্ঞান । •

“আমার জিনিষ, আমার জিনিষ, বলে—সেই সকল জিনিষকে ভালবাসার নাম আত্মা। সবাইকে ভালবাসার নাম দক্ষা। শুধু ব্রাহ্মসমাজের লোকগুলিকে ভালবাসি, কি শুধু পরিবারের ভালবাসি, এর নাম মায়ী। শুধু দেশের লোকগুলিকে ভালবাসি এর নাম মায়ী, সব দেশের লোককে ভালবাসা, সব ধর্মের লোকদের ভালবাসা, এটা দয়া থেকে হয়, ভক্তি থেকে হয়।

“মায়াতে মানুষ বন্ধ হ’য়ে যায়, ভগবান্ থেকে বিমুখ হ’য়। দয়া থেকে ঈশ্বর লাভ হয়। শুকদেব, নাষদ, এঁরা দয়া বেঁধেছিলেন।

অষ্টম পরিচ্ছেদ ।

প্রতাপকে শিক্ষা । ব্রাহ্মসমাজ ও কামিনীকামিনী ।

প্রতাপ । বাবা মহাশয়ের কাছে আছেন, তাঁদের ক্রমে উন্নতি হচ্ছে ?

শ্রীবামকৃষ্ণ । আমি বলি যে, সংসার কর্তে দোষ কি ? তবে সংসারে দাসীর মত থাক ।

গৃহস্থের সাধন ।

“দাসী মনিবের বাড়ীর কথায় বলে ‘আমাদের বাড়ী’ । কিন্তু তাব নিজের বাড়ী হয়তো কোন পাড়াগাঁয়ে । মনিবের বাড়ীকে দেখিয়ে মুখে বলে, ‘আমাদের বাড়ী’ । মনে জানে যে, ও বাড়ী আমাদের নয়, আমাদের বাড়ী সেই পাড়াগাঁয় । ‘আমার মনিবের ছেলেকে মানুষ করে, আর বলে, ‘হরি আমার বড় ছুঁট হয়েছে,’ ‘আমাব হরি মিষ্টি খেতে ভালবাসে না ।’ ‘আমাব হরি’ মুখে বলে বটে, কিন্তু জানে যে, হরি আমার নয়, মনিবের ছেলে ।

“তাই যারা আসে, তাদের আমি বলি, সংসার কর না কেন, তাতে দোষ নাই ! তবে ঈশ্বরেতে মন বেঁধে কব ; জানো যে বাড়ী

স্বল্প-পরিবার আমার নয়; এ সব ঈশ্বরের। আমার স্বল্প ঈশ্বরের কাছে। আর বলি যে তাঁর পাদপদ্মে ভক্তির জন্ত ব্যাকুল হ'য়ে সর্বদা প্রার্থনা করবে।”

বিলাতের কথা আবার পড়িল। একজন ভক্ত বলিলেন, মহা-শয় আজ কাল বিলাতের পণ্ডিতেরা নাকি ঈশ্বর আছেন এ কথা মানেন না।

প্রতাপ। মুখে যে যা বলুন, আন্তরিক তাঁরা যে কেউ নাস্তিক তা আমার বোধ হয় না। এই জগতের ব্যাপারের পেছনে যে একটা মহাশক্তি আছে এ কথা অনেককেই মানতে হ'য়েছে।

শ্রীরামকৃষ্ণ। তা হ'লেই হলো; শক্তিতো মান্ছে? নাস্তিক কেন হবে? প্রতাপ। তা ছাড়া ইউরোপের পণ্ডিতেরা

moral government (সংস্কারের পুরস্কার আর পাপের শাস্তি এই জগতে হয়) এ কথাও মানেন।

অনেক কথাবার্তার পর প্রতাপ বিদায় লইতে গাত্রোথান করিলেন।

শ্রীরামকৃষ্ণ (প্রতাপের প্রতি)। আর কি বলবো তোমায়? তবে এই বল। যে আর ঝগড়া বিবাদের ভিতর থেকে না।

“আর এক কথা। কামিনীকাকনই ঈশ্বর থেকে মানুষকে বিমুখ করে। সে দিকে যেতে দেয় না। এই দেখনা সকলেই নিজের পরিবারকে সুখ্যাভ করে (সকলের হান্স)। তা ভালই হোক আর মন্দই হোক,—যদি জিজ্ঞাসা কর তোমার পরিবারটি কেমন গা, অমনি বলে, আগে খুব ভাল— প্রতাপ। তবে আমি আসি।

প্রতাপ চলিয়া গেলেন। ঠাকুরের অন্ততমরী কথা, কামিনী-কাকনত্যাগের কথা, সমাপ্ত হইল না। সুরেন্দ্রের বাগানের বৃক্ষস্থিত পত্রগুলি দক্ষিণবাহু সংঘাতে ছলিতেছিল ও মর্ম্মর শব্দ করিতেছিল। কথাগুলি সেই শব্দের সঙ্গে মিশাইয়া গেল। একবার মাত্র ভক্ত-দের হৃদয়ে আঘাত করিয়া অবশেষে অনন্ত আকাশে লয় প্রাপ্ত হইল।

কিন্তু প্রতাপের হৃদয়ে কি এ কথা প্রতিধ্বনিত হয় নাই?

কিয়ৎকাল পরে শ্রীযুক্ত মণিলাল মল্লিক ঠাকুরকে বলিতেছেন—
“মহাশয়, এই বেলা দক্ষিণেশ্বরে যাত্রা করুন। আজ সেখানে কেশব

সেনের মা ও বাড়ীর মেয়েরা আপনাকে দর্শন ক'রতে যাবেন । তাঁরা আপনাকে না দেখতে গেলে ছদ্ম'ত ছঃখিত হ'য়ে কিরে আসবেন ।”

কয়মাস হইল কেশব স্বর্গারোহণ করিয়াছেন । তাই তাঁহার রুছা মাতাঠাকুরানী, পরিবার ও বাড়ীর অন্তান্ত মেয়েরা ঠাকুরকে দর্শন করিতে যাইবেন ।

শ্রীরামকৃষ্ণ (মণি মল্লিকের প্রতি) । রোঃলা বাগু, একে আমার ঘুম টুম হয় নাই ;—তাডাতাড়ি ক'রতে পাবি না । তারা গেছে তা আব কি ক'রবো । আর সেখানে তারা বাগান বেড়াবে,চ্যাড়াবে—বেশ আনন্দ হ'বে ।

কিয়ৎকণ বিখ্রাম করিয়া ঠাকুর যাত্রা করিতেছেন—দক্ষিণেধরে যাইবেন । বাটবার সময় সুরেন্দ্রের কল্যাণ চিন্তা করিতেছেন । সব ঘরে এক একবাব যাইতেছেন আর মৃৎমৃৎ নামোচ্চারণ করিতেছেন । কিছু অসম্পূর্ণ বাধিবেন না, তাই ঠাড়াইয়াই ঠাড়াইয়া বলিতেছেন—‘আমি তখন হুচি খাই মাই, একটু হুচি এনে দাও’ । কণিকামাত্র লইয়া খাটতেছেন । আর বলিতেছেন—‘এর অনেক মানে আছে । হুচি খাই নাই মনে হ'লে আবার আসবার ইচ্ছা হ'বে’ । (সকলেব গান্ধ) । মণি মল্লিক (সহাস্ত্রে) বেশ'ত আমরাও আসতাম ।

ভক্তেরা সকলে হাসিতেছেন ।

প্রথম ভাগ—একাদশ অধ্যায় ।

প্রথম পরিচ্ছেদ ।

ঠাকুর শ্রীরামকৃষ্ণের পণ্ডিত দর্শন ।

আজ রথযাত্রা । বুধবার, ২৫শে জুন, ১৮৮৪ ; আষাঢ় ওরা দ্বিতীয় । চতুর্দশবিংশৎ অতীত হইল । সকালে ঠাকুর ইশানের বাড়ী নিমন্ত্রণে আসিয়াছেন । ঠনঠনিয়ার ইশানের ডায়ানবাবাটা ।

আসিয়া ঠাকুর স্তম্ভেন বে, পণ্ডিত শশধর অনতিদূরে কলেজ স্ট্রীটে চাটুয্যোদের বাড়ী রহিয়াছেন। পণ্ডিতকে দেখিবার তাঁহার ভারি ইচ্ছা। বৈকালে পণ্ডিতের বাড়ী যাইবেন, স্থির হইল। বেলা প্রায় দশটা।

ঐশ্বরামকৃষ্ণ ঈশানের নীচের বৈঠকখানায় ভক্তসঙ্গে বসিয়া আছেন। ঈশানের পরিচিত ভাটপাড়ার দুই একটা ব্রাহ্মণ, তাঁহাদের মধ্যে একজন ভাগবতের পণ্ডিত, ঠাকুরের সঙ্গে হাজরা ও আরও দুই একটা ভক্ত, আসিয়াছেন। ঈশানের ঐশ প্রভৃতি ছেলেরাও উপস্থিত। একজন ভক্ত শক্তির উপাসক আসিয়াছেন। কপালে সিন্দুরের ফোঁটা। ঠাকুর আনন্দময়; সিন্দুরের টিপ দেখিয়া-হাসিতে হাসিতে বলিতেছেন,—‘উনি ত মার্কামারা’।

কিয়ৎক্ষণ পরে নরেন্দ্র ও মাষ্টার তাঁহাদের কলিকাতার বাটী হইতে আসিলেন। তাঁহারা ঠাকুরকে প্রণাম করিয়া তাঁহার কাছে উপবিষ্ট হইলেন। ঠাকুর মাষ্টারকে বলিয়াছিলেন ‘আমি অমুক দিন ঈশানের বাড়ী যাইতেছি, তুমিও যাইবে ও নরেন্দ্রকে সঙ্গে করিয়া আনিবে’।

ঠাকুর মাষ্টারকে বলিতেছেন, সে দিন তোমার বাড়ী যাচ্ছিলাম,—‘তোমার আড্ডাটা কোন্ ঠিকানায়?’

মাষ্টার। আজ্ঞা, এখন শ্যামপুকুর তেলি পাড়ায়, স্কুলের কাছে।

ঐশ্বরামকৃষ্ণ। আজ স্কুলে যাও নাই?

মাষ্টার। আজ্ঞা, আজ রথের ছুটি।

নরেন্দ্রের শিষ্যবিরোগের পক্ষ বাড়ীতে অভ্যক্ত কষ্ট। তিনি পিতার জ্যেষ্ঠপুত্র—ছোট ছোট ভাই ভগ্নী আছে। পিতা উকীল ছিলেন, কিছু রাখিয়া যাইতে পারেন নাই। সংসার প্রতিপালনের জন্ত নরেন্দ্র কাজ কর্ম চেষ্টা করিতেছেন। ঠাকুর নরেন্দ্রের কর্মের জন্ত ঈশান প্রভৃতি ভক্তদের বলিয়া রাখিয়াছেন। ঈশান Comptroller Generalএর আফিসে কর্মচারীদের একজন অধ্যক্ষ ছিলেন। নরেন্দ্রের বাটীর কষ্ট শুনিয়া ঠাকুর সর্বদা চিন্তিত থাকেন।

ঐশ্বরামকৃষ্ণ (নরেন্দ্রের প্রতি)। আমি ঈশানকে তোমার কথা

ঠনঠনিয়াতে শশধর পণ্ডিত প্রভৃতি সঙ্গে ।

১৫৭

বলেছি। ঈশান ওখানে (দক্ষিণেশ্বর কালীমন্দিরে) এক দিন ছিল কি না—তাই বলেছিলাম। তার অনেকের সঙ্গে আলাপ আছে।

ঈশান ঠাকুরকে নিমন্ত্রণ করিয়া আনিয়াছেন। সেই উপলক্ষে কতকগুলি বন্ধুদেরও নিমন্ত্রণ করিয়াছেন। গান হইবে। পাকোয়াজ, বাঁয়া তবলা ও তানপুরা আয়োজন হইয়াছে। বাড়ীর একজন একটা পাত্র করিয়া পাকোয়াজের জগু ময়দা আনিয়া দিল। বেলা ১১টা হইবে। ঈশানের ইচ্ছা নরেন্দ্র গান করেন।

শ্রীরামকৃষ্ণ (ঈশানের প্রতি) । এখনও ময়দা। তবে বুঝি (খাবাব) অনেক দেবী ।

ঈশান (সহাস্ত্রে) । আজ্ঞে না, তত দেবী নাই।

ভক্তেরা কেহ কেহ হাসিতেছেন। ভাগবতের পণ্ডিতও হাসিয়া একটা উদ্ভট শ্লোক বলিতেছেন। শ্লোক আবৃত্তির পর পণ্ডিত ব্যাখ্যা করিতেছেন। দর্শনাদি শাস্ত্র অপেক্ষা কাব্য মনোহর। যখন কাব্য পাঠ হয় বা লোকে শ্রবণ করে, তখন বেদান্ত, সাংখ্য, শ্রায়, পাতঞ্জল এই সব দর্শন শুধু বোধ হয়। কাব্য অপেক্ষা গীত মনোহর। সঙ্গীতে পাষণ্দ্রদয় লোকও গলে যায়; কিন্তু যদিও গীতের এত আকর্ষণ, যদি সুন্দরী নারী কাছ দিয়ে চলে যায়, কাব্যও পড়ে থাকে। গীত পশ্যন্ত ভাল লাগে না। সব মন ঐ নারীর দিকে চলে যায়। আবার যখন বুড়ুকা হয়, ক্ষুধা পায়, কাব্য, গীত, নারী কিছুই ভাল লাগে না। অন্নচিন্তা চমৎকার।

শ্রীরামকৃষ্ণ (সহাস্ত্রে) । ইনি রসিক।

পাখোয়াজ বাঁধা হইল। নরেন্দ্র গান গাহিতেছেন।

গান একটু আরম্ভ হইতে না হইতে ঠাকুর উপবের বৈঠকখানা ঘরে বিজ্রাম করিবার জগু চলিয়া আসিলেন। সঙ্গে মাষ্টার ও শ্রীশ। বৈঠকখানা ঘর রাস্তার উপর। ঈশানের শব্দে ৮ক্ষেত্রনাথ চাটুয্যো মহাশয় এই বৈঠকখানা ঘর করিয়াছিলেন।

মাষ্টার শ্রীশের পরিচয় দিলেন। বলিলেন,—‘ইনি পণ্ডিত ও অতিশয় শাস্ত্রপ্রকৃতি। শিশুকাল হইতে ইনি আমার সঙ্গে বরাবর পড়িয়াছিলেন। ইনি ওকালতি করেন।’

শ্রীরামকৃষ্ণ । এ রকম লোকের উকিল হওয়া !

মাষ্টার । ভুলে ওঁর ও পথে যাওয়া হয়েছে ।

শ্রীরামকৃষ্ণ । আমি গণেশ উকিলকে দেখেছি । ওখানে (দক্ষিণেশ্বর কালীবাটীতে) বাবুদের সঙ্গে মাঝে মাঝে যায় । পান্নাও যায়—সুন্দর নয়, তবে গান ভাল । আমার কিন্তু বড় মানে , সরল ।

(শ্রীশের প্রতি) । আপনি কি সার মনে করেছ ?

শ্রীশ । ঈশ্বর আছেন আর তিনিই সব করছেন । তবে তাঁর গুণ (Attributes) আমরা যা ধারণা করি তা ঠিক নয় । মানুষ তাঁর বিষয় কি ধারণা করবে , অনন্ত কাণ্ড !

শ্রীরামকৃষ্ণ । বাগানে কত গাছ, গাছে কত ডাল—এ সব হিসাবে তোমার কাজ কি ? তুমি বাগানে আম খেতে এসেছ আম খেয়ে যাও । তাঁতে ভক্তি, প্রেম হবার জন্মই মানুষ জন্ম । তুমি আম খেয়ে চলে যাও ।

“তুমি মদ খেতে এসেছ, শুঁড়ির দোকানে কত মণ মদ এ খপরে তোমার কাজ কি । এক গেলাস হ’লেই তোমার হ’য়ে যায় । তোমার অনন্ত কাণ্ড জানবার কি দরকার ।

“তাঁর গুণ কোট বৎসর বিচার করলেও কিছু জানতে পারবে না ।

ঠাকুর একটু চুপ করিয়া আছেন । আবাব কথা কহিতেছেন । ভাটপাড়ার একটা ব্রাহ্মণও বসিয়া আছেন ।

শ্রীরামকৃষ্ণ (মাষ্টারের প্রতি) । সংসারে কিছুই নাই । এঁর (ঈশানের) সংসার ভাল তাই,—তা না হ’লে যদি ছেলেরা রাঁড়-খোর, গাঁজাখোর, মাতাল, অবাধ্য এই সব হ’তো কষ্টের একশেষ হ’তো । সকলের ঈশ্বরের দিকে মন,—বিষ্ণুর সংসার এরূপ প্রায় দেখা যায় না । এরূপ ছ’ চারটে বাড়ী দেখলাম । কেবল কগড়া, কোঁদল, হিংসা, তারপর রোগ, শোক, দারিদ্র্য । দেখে বললাম—মা, এই বেলা মোড় কিরিয়ে দাও । দেখ না, নরেন্দ্র কি মুকিলেই পড়েছে ! বাপ মারা গেছে, বাড়ীতে খেতে পাচ্ছে না—কাজ কর্মের এত চেষ্টা

ক'র'ছে, জুটছে না—এখন কি করে বেড়াচ্ছে ডাখো । মাষ্টার, তুমি আগে অতো যেতে, এখন তত যাওনা কেন ? বুঝি পরিবারের সঙ্গে বেশী ভাব হয়েছে !

“তা দোষট বা কি ! চারিদিকে কামিনী কাঞ্চন । তাই বলি, ‘মা যদি কখনও শরীর ধারণ হয়, বেন সংসারী কোরো না ।’

তাটপাড়ার ব্রাহ্মণ । কি ! গৃহস্থ ধর্ম্মের সুখ্যাতি আছে !

শ্রীরামকৃষ্ণ । হাঁ , কিন্তু বড় কঠিন ।

ঠাকুর অণু কথা পাড়িতেছেন ।

শ্রীরামকৃষ্ণ (মাষ্টারের প্রতি) । আমরা কি অন্য় করলাম ? ওরা গাচ্ছে—নরেন্দ্র গাচ্ছে—আর আমরা সব পালিয়ে এলাম !

দ্বিতীয় পরিচ্ছেদ ।

কলিতে ভক্তিশোণ । কৰ্ম্মশোণ নহে ।

প্রায় বেলা চারিটার সময় ঠাকুর গাড়ীতে উঠিলেন । অতি কোমলাঙ্গ, অতি সম্বর্ণণে তাঁহার দেহ রক্ষা হয় । তাই পথে যাইতে কষ্ট হয়—প্রায় গাড়ী না হ'লে অল্প দূরও যাইতে পারেন না । গাড়ীতে উঠিয়া ভাবসমাধিতে মগ্ন হইলেন । তখন টিপ্ টিপ্ করিয়া বৃষ্টি পড়িতেছে । বর্ষাকাল , আকাশে মেঘ ; পথে কাদা । ভক্তেরা গাড়ীর পশ্চাৎ পশ্চাৎ পদব্রজে যাইতেছেন । তাঁহারা দেখিলেন, রথযাত্রা উপলক্ষে ছেলেরা তালপাতার ভেঁপু বাজাইতেছে ।

গাড়ী বাটীর সম্মুখে উপনীত হইল । ঘরদেশে গৃহস্থামী ও তাঁহার আত্মীয়গণ আসিয়া অভ্যর্থনা করিলেন ।

উপরে যাইবার সিঁড়ি । তৎপরে বৈঠকখানা । উপরে উঠিয়াই শ্রীরামকৃষ্ণ দেখিলেন যে শশধর তাঁহাকে অভ্যর্থনা করিতে আসিতেছেন । পণ্ডিতকে দেখিয়া বোধ হইল যে তিনি বৌবন অতিক্রম করিয়া প্রোচাবস্থা প্রাপ্ত হইয়াছেন । বর্ণ উজ্জ্বল গৌর বলিলে বলা যায় । গলায় রুদ্রাক্ষের মালা । তিনি অতি বিনীতভাবে ভক্তিভরে ঠাকুরকে প্রণাম করিলেন । তৎপরে সঙ্গে করিয়া ঘরে লইয়া বসাইলেন । ভক্তগণ পশ্চাৎ পশ্চাৎ যাইয়া আসন গ্রহণ করিলেন ।

সকলেই উৎসুক যে, তাঁহার নিকটে বসেন ও তাঁহার শ্রীমুখ-নিঃসৃত কথামৃত পান করেন ! নরেন্দ্র,রাখাল,রাম, মাষ্টার ও অগ্ণাণ্ড অনেক ভক্তেরা উপস্থিত আছেন। হাজরাও শ্রীরামকৃষ্ণের সঙ্গে দক্ষিণেশ্বরের কালীবাঈ হইতে আসিয়াছেন।

ঠাকুর পণ্ডিতকে দেখিতে দেখিতে ভাবাবিষ্ট হইলেন। কিয়ৎক্ষণ পরে সেই অবস্থায় হাসিতে হাসিতে পণ্ডিতের দিকে তাকাইয়া বলিতেছেন, বেশ। বেশ। পরে বলিতেছেন, যাঁচ্ছা তুমি কি রকম লেক্চার দাও।

শশধর। মহাশয়, আমি শাস্ত্রের কথা বুঝাইতে চেষ্টা করি।

শ্রীরামকৃষ্ণ। কলিযুগের পক্ষে নান্দীক ভক্তি।— শাস্ত্রে যে সকল কৰ্ম্মের কথা আছে তার সময় কে? আজকালকাব জ্বরে দশমূল পঁচন চলে না। দশমূল পঁচন দিতে গেলে রোগীর এ দিকে হয়ে যায়। আজকাল কিবার মিক্‌চার। কৰ্ম্ম করতে যদি বল,—তো নেজামুডা বাদ দিয়ে বলবে। আমি লোকদের বলি, তোমাদের 'আপোখণ্ডা' ও সব অত বলতে হবে না। তোমাদের গায়ত্রী জপ্‌লেই হবে। কৰ্ম্মের কথা যদি একান্ত বল তবে ঈশানের মত কৰ্ম্মী দুই এক জনকে বলতে পার।

বিষয়ী লোক ও লেক্চার।।

শ্রীরামকৃষ্ণ। হাজার লেক্চার দাও বিষয়ী লোকদের কিছু করতে পারবে না। পাথরের দেওয়ালে কি পেরেক মারা যায়? পেরেকের মাথা ভেঙ্গে যাবে তো দেওয়ালের কিছু হবে না। তরোয়ালের চোট মারলে কুমীরের কি হবে? সাধুর কমণ্ডলু (তুষা) চার ধাম করে আসে কিন্তু যেমন তেঁতো তেমনি তেঁতো। তোমার লেক্চারে বিষয়ী লোকদের বড় কিছু হচ্ছে না। তবে তুমি ক্রমে ক্রমে জানতে পারবে। বাছুর একেবারে দাঁড়াতে পারে না। মাঝে মাঝে পড়ে যায়, আবার দাঁড়ায়, তবে তো দাঁড়াতে ও চলতে শিখে।

(নবানুরাগ ও বিচার। ঈশ্বরলাভ হ'লে কল্পতাপ। যোগ ও সমাধি।)

“কে ভক্ত কে বিষয়ী চিহ্নে পাব না। তা সে তোমার দোষ নয়। প্রথম বড় উঠলে কোন্টা হেঁড়ল গাছ, কোন্টা আম গাছ বুঝা যায় না।

“ঈর্ষানিরাতে না হ’লে কেউ একবারে-কর্মত্যাগ ক’রতে পারে না । সন্ধ্যাদি কর্ম কত দিন? যত দিন না ঈর্ষের নামে অশ্রু আঁক’পুলক হয় । একবার ‘ও ভ্রাতা!’ র’লতে যদি চক্রে কল আলে, নিশ্চয় জেনো তোমার কর্ম শেষ হ’য়েছে । আর সন্ধ্যাদি কর্ম ক’রতে হবে না ।

‘কল হ’লেই কুণ পড়ে যায় । ভক্তি—কল ; কর্ম—কুল ; গৃহস্থের বউ, পেটের ছেলে হ’লে বেশী কর্ম ক’রতে পারে না । শাস্ত্রী দিন দিন তার কর্ম কমিয়ে দেয় । দশ মাস প’ড়লে, শাস্ত্রী প্রায় কর্ম ক’রতে দেয় না । ছেলে হ’লে সে ঐটিকে নিয়ে কেবল নাডাচাড়া করে ; আর কর্ম ক’রতে হয় না ।

সন্ধ্যা, গায়ত্রীতে লয় হয় । গায়ত্রী প্রণবে লয় হয় । প্রণব সমাধিতে লয় হয় । যেমন দশটাব শব্দ টং,—
উ অম্ম । যোগী নামভেদ ক’রে পরব্রহ্মে লয় হন । সমাধি মধ্যে সন্ধ্যাদি কর্মের লয় হয় । এই রকমে জ্ঞানীদেহ কর্মত্যাগ হয় ।

তৃতীয় পরিচ্ছেদ ।

শুধু পুণ্ডিত-মিথ্যা । সাধনা ও বিবেক বৈরাগ্য ।

‘সমাধি’ কথা বলিতে বলিতে ঠাকুরের অবাস্তর হইল । তাঁহার চন্দ্র-মুখ হইতে স্বর্গীয় জ্যোতিঃ বহির্গত হইতেছে । আর বাহ্যজ্ঞান নাই । মুখে একটা কথা নাই । নেত্র স্থির ! নিশ্চয়ই অগন্তের মাথকে দর্শন করিতেছেন । অনেকক্ষণ পরে প্রকৃতিস্থ হইয়া বাহ্যের ক্রম বলিতেছেন, আমি জল খাব । সমাধির পর যখন জল খাইলো তাহি-তেম, তখন ভক্তেরা জ্ঞানিতে পারিতেন যে, এবার ইনি জ্ঞানশূন্য বাহ্য জ্ঞান লাভ করিবেন ।

ঠাকুর তাবে বলিতে লাগিলেন, মা ! সে দিন ঈশ্বর বিষ্ণুসাগরকে দেখালি । তার পর আমি আবার বচলছিলাম, ‘মাণে আমি আর এক জন পণ্ডিতকে দেখবো’ ; তাই তুমি আমার এখানে এনেছিলে ।

পরে শশধরের দিকে তাকাইয়া বলিলেন, ‘বাবা ! আর একটু বস বাড়াও । আর কিছুদিন সাধন ভজন কর । গাছে কা’উতেই এক কাঁদি । তবে তুমি লোকের ভালর জন্ত এ পর ক’র ।

এই বলিয়া ঠাকুর শশধরকে মাথা নোয়াইয়া নমস্কার করিতেছেন ।
আরও বলিতেছেন, “যখন প্রথমে তোমার কথা শুন্‌লুম, জিজ্ঞাসা
করলুম যে, এই পণ্ডিত কি শুধু পণ্ডিত না বিবেক-বৈরাগ্য আছে ?

[আদেশ না পেলে আচার্য্য হওয়া যায় না ।]

“সে পণ্ডিতের বিবেক নাই, সে পণ্ডিতই নয় ।

“যদি আদেশ হ'য়ে থাকে, তা'হলে লোক শিক্ষায় দোষ নাই ।
আদেশ পেয়ে যদি কেউ লোক-শিক্ষা দেয়, তাকে কেউ হারাতে
পারে না ।

“বাখাদিনীর কাছ থেকে যদি একটি কিরণ আসে, তা'হলে এমন
শক্তি হয় যে, বড় বড় পণ্ডিতগুলো কেঁচোর মত হয়ে যায় !”

“প্রদীপ জ্বাললে বাতুলে পোকগুলো ঝাঁকে ঝাঁকে আপনি আসে
—ডাক্তে হয় না । তেমনি যে আদেশ পেয়েছে, তার লোক ডাক্তে
হয় না ; অমুক সময়ে লেক্চার হবে ব'লে, খবর পাঠাতে হয় না ।
তার নিজের এমনি টান যে লোক তার কাছে আপনি আসে । তখন
রাজা, বাবু, সকলে দলে দলে আসে । আর বলতে থাকে, আপনি
কি লবেন ? আম, সন্দেশ, টাকা, কড়ি, শাল এই সম্ব এনেছি,
আপনি কি লবেন ? আমি সে সকল লোককে বলি, ‘দূর কর—
আমার গুসব ভাল লাগে না, আমি কিছু চাই না’ ।

“চুষুক পাথর কি লোহাকে বলে, তুমি আমার কাছে এস ?
বলতে হয় না,—লোহা আপনি চুষুক পাথরের টানে ছুটে আসে !

“এক্লপ লোক পণ্ডিত নয় বটে । তা'বোলে মনে করো না যে,
জ্ঞান জ্ঞানের কিছু কমতি হয় । বই প'ড়ে কি জ্ঞান হয় ? যে আদেশ
পেয়েছে, তার জ্ঞানের শেষ নাই । সে জ্ঞান ঈশ্বরের কাছ থেকে
আসে,—কুরায় না ।

ওদেশে খান মাপবার সময়, একজন
মাপে, আর একজন রাশ ঠেলে দেয় ; তেমনি যে আদেশ পায়, সে
বত লোক-শিক্ষা দিতে থাকে, মা' আমার পেছন থেকে জ্ঞানের রাশ
ঠেলে ঠেলে দেয় ; সে জ্ঞান আর কুরায় না ।

“নার যদি একবার কটাক হয়, তা'হলে কি আর জ্ঞানের অভাব
থাকে ? তাই জিজ্ঞাসা কর্চি, কোন আদেশ পেয়েচ কি না ?

হাজরা । হাঁ, অবশ্য আদেশ পেয়েছেন । কেমন মহাশয় ?
পণ্ডিত । না, আদেশ ? তা এমন কিছু পাই নাই ।

গৃহস্বামী ! আদেশ পান নাই বটে, কর্তব্যবোধে লেকচার দিচ্ছেন ।

শ্রীরামকৃষ্ণ । যে আদেশ পায় নাই, তার লেকচার কি হবে ?

“একজন (ব্রাহ্ম) লেকচার দিতে দিতে ব'লেছিল, 'তাইরে, আমি
কত মদ খেতুম, হেন কর্তাম, তেন কর্তাম । এই কথা শুনে, লোক-
গুলো বলাবলি করতে লাগলো, 'শালা, বলে কিরে ?' 'মদ খেত !'
এই কথা বলাতে উঃ-টা উৎপত্তি হ'ল । তাই ভাল লোক না হ'লে
লেকচারে কোন উপকার হয় না ।

“বরিশানে বাড়া একজন সদরওয়ালো বলেছিল, 'মহাশয় আপনি
প্রচার করতে আরম্ভ করুন । তা'হলে আমিও কোমর বাঁধি । আমি
বল্লাম, ওগো একটা গল্প শোন । ওদেশে হালদার পুকুর ব'লে একটি
পুকুর আছে । যত লোক তার পাড়ে বাছে ক'রতো । সকাল বেলা
যারা পুকুরে আসতো, গালাগালে তাদের ভূত ছাড়িয়ে দিত । কিন্তু
গালাগালে কোন কাজ হ'ত না , আবার তার পর দিন সকালে পাড়ে
বাছে ক'রেছে, লোকে দেখতো । কিছুদিন পরে কোম্পানি থেকে
একজন চাপরাসী পুকুরের কাছে একটা ছকুম মেরে দিল ; কি আশ্চর্য,
একবারে বাছে করা বন্ধ হ'য়ে গেল ।

“তাই বলছি, হেঁজি পেঁজি লোক লেকচার দিলে কিছু কাজ হয়
না । চাপরাস থাকলে তবে লোক মানবে । ঈশ্বরের আদেশ না
থাকলে লোক-শিক্ষা হয় না । যে লোক-শিক্ষা দিবে, তার খুব শক্তি
চাই । কলকাতায় অনেক হনুমানপুরী আছে—তাদের সঙ্গে তোমার
লড়তে হবে । এরা ত্রো (যারা চারিদিকে সত্য বসে আছে)
পাঠাঠা ।

“চৈতন্যদেব অবতার । তিনি যা ক'রে গেলেন তারই কি র'য়েছে
বল দেখি ? আর যে আদেশ পায় নাই, তার লেকচারে কি উপকার
হবে ?

[কিরূপে আদেশ পাওয়া যায় ।]

শ্রীরামকৃষ্ণ । তাই বলছি ঈশ্বরের পারপক্ষে ময় হও ! এই কথা
বলিয়া ঠাকুর প্রেমে মাতোয়ারা হইয়া গান গাইতেছেন ।

১৮৮. ডুব্ ডুব্ ডুব্ মগ্ন-সাগরে জামীর মন ।

অজ্ঞাতল গাতুল-খুঁজল পাবি রে প্ৰেম-সরধন ।

শ্রীশ্রীমহাকবিঃ এ সাগরে ডুবলে মনে না ;—এবে অমৃতের সাগর ।

[অমৃতকে খিকা—ঈশ্বর অমৃতের সাগর ।]

“আমি মরেজকে ব'লেছিলাম—ঈশ্বর মনের সমুদ্রে ; তুই এ সমুদ্রে ডুব্ দিবি কি না বল । আচ্ছা, মনে কর খুলিতে এক খুলি রস র'য়েছে, আর তুই মাছি হ'য়েছিস । কোথা ব'সে রস খাবি বল ? নরেজ ব'লে, আমি খুলির আড়ায় ধনে মুখ বাড়িয়ে খাবো ; কেন না বেশী দূরে গেলে ডুবে যাব । তখন আমি বললাম, বাবা এ সচ্চিদানন্দ-সাগর—এতে মরণের ভয় নাই, এ সাগর অমৃতের সাগর । যারা অজ্ঞান তারা ই বলে যে, ভক্তি প্রেমের বাড়াবাড়ি ক'রতে মাই । ঈশ্বর-প্রেমের কি বাড়াবাড়ি আছে ? তাই, তোমায় বলি, সচ্চিদানন্দসাগরে ময় হও ।

“ঈশ্বর-লাভ হ'লে ভাবনা কি ? তখন আদেশও হ'বে, লোক-খিকাও হ'বে ।

চতুর্থ পরিচ্ছেদ ।

ঈশ্বর-হাতের অনন্ত পথ । ভক্তিব্যোগই মুগ্ধধর্ম ।

শ্রীশ্রীমহাকবিঃ দেখ, অমৃত-সাগরে যাবার অনন্ত পথ । যে কোন প্রকারে এ সাগরে পড়তে পারলেই হ'ল । মনে কর অমৃতের একটা কুণ্ড আছে । কোন রকমে এই অমৃত একটু মুখে পড়লেই অমর হবে ;—তা তুমি নিজে কাঁপ দিয়েই পড়, বা সিঁড়িতে আন্তে আন্তে নেবে একটু খাও, বা কেউ তোমায় খাকা-মেরে কেঁকেই দিক । একই কল । একটু অমৃত আশ্বাসন করলেই অমর হবে ।

“অনন্ত পথ ;—তার মধ্যে জ্ঞান, কর্ম, ভক্তি—যে পথ দিয়া যাও, আস্তরিক হ'লে, ঈশ্বরকে পাবে ।

মোটামুটি যোগ তিন প্রকার ;—‘জ্ঞানযোগ,’ ‘কর্মযোগ,’ আর ‘ভক্তিব্যোগ ।’

“জ্ঞানযোগ ;—জানী, বস্তুকে জানতে চায় । নেতি নেতি

বিচার করে ! ব্রহ্ম সত্য, জগৎ মিথ্যা এই বিচার করে । সদস্য বিচার করে ! বিচারের শেষ যেখানে সেখানে সমাধি হয়, তার ব্রহ্ম-জ্ঞান লাভ হয় ।

কর্মশ্যোগ,—কর্ম দ্বারা ঈশ্বরে মন রাখা । তুমি যা শিখাচ্ছ ।

“অনাসক্ত হয়ে প্রাণায়াম, ধ্যানধারণাদি কর্মশ্যোগ । সঙ্গারী যদি অনাসক্ত হ’য়ে ঈশ্বরে কল সমর্পণ ক’রে, তাঁতে ভক্তি রেখে, সঙ্গারের কর্ম করে, সেও কর্মশ্যোগ । ঈশ্বরে কল সমর্পণ ক’রে পূজা, জপাদি কর্ম করার নামও কর্মশ্যোগ । ঈশ্বর আভই কর্মশ্যোগের উদ্দেশ্য ।

“ভক্তিশ্যোগ—ঈশ্বরের নাম গুণ কীর্তন এই সব করে, তাঁতে মন রাখা । কলিয়ুগের পক্ষে ভক্তিশ্যোগ সহজ পথ । ভক্তিশ্যোগই যুগধর্ম ।

“কর্মশ্যোগ বড় কঠিন । প্রথমতঃ, আগেই ব’লেছি, সময় কৈ ? শাস্ত্রে যে সব কর্ম ক’রতে ব’লেছে, তার সময় কৈ ? কলিতে আয়ু কম । তার পর অনাসক্ত হ’য়ে, ফলকামনা না ক’রে, কর্ম করা ভারি কঠিন । ঈশ্বর লাভ না ক’রলে ঠিক অনাসক্ত হওয়া যায় না । তুমি হয় তো জান না, কিন্তু কোথা থেকে আসক্তি এসে পড়ে ।

“জ্ঞানশ্যোগও এ যুগে ভারি কঠিন । জীবের একে অন্নগত প্রাণ ; তাতে আয়ু কম । আবার দেহবুদ্ধি কোন মতে যায় না । এ দিকে দেহবুদ্ধি না গেলে একবারে জ্ঞানই হবে না । জ্ঞানী বলে, আমি সেই ব্রহ্ম ; আমি শরীর নই ; আমি ক্ষুধা, তৃষ্ণা, রোগ, শোক, জন্ম, মৃত্যু, সুখ, দুঃখ, এ সকলের পার । যদি রোগ, শোক, সুখ, দুঃখ এ সব বোধ থাকে, তুমি জ্ঞানী কেমন ক’রে হবে ? এ দিকে কাঁটায় হাত কেটে যাচ্ছে, দরদর ক’রে রক্ত পড়ছে, খুব লাগছে,—অথচ ব’লেছে, কৈ হাত তো কাটে নাই ! আমার কি হ’য়েছে ?

[জ্ঞানশ্যোগ বা কর্মশ্যোগ যুগধর্ম নহে ।]

“তাই এ যুগের পক্ষে ভক্তিশ্যোগ ! এতে অস্বাভাব্য পথের চেয়ে সহজে ঈশ্বরের কাছে যাওয়া যায় । জ্ঞানশ্যোগ বা কর্মশ্যোগ আর অস্বাভাব্য পথ দিয়েও ঈশ্বরের কাছে যাওয়া যেতে পারে, কিন্তু এ সব পথ ভারি কঠিন ।

“ভক্তিবোগ যুগধর্ম্য । তার এ মানে নয়, যে ভক্ত এক জায়গায় যাবে, জ্ঞানী বা কর্মী আর এক জায়গায় যাবে । এর মানে যিনি ব্রহ্মজ্ঞান চান, তিনি যদি ভক্তি পথ ধরেও যান, তা হ’লেও সেই জ্ঞান লাভ ক’রবেন । ভক্তবৎসল মনে ক’রলেই ব্রহ্মজ্ঞান দিতে পারেন ।

[ভক্তের কি ব্রহ্মজ্ঞান হয় ? ভক্ত কিরূপ কর্ম ও কি প্রার্থনা করে ।]

“ভক্ত, ঈশ্বরের সাকার রূপ দেখতে চায় ও তাঁর সঙ্গে আলাপ ক’রতে চায় ;—প্রায় ব্রহ্মজ্ঞান চায় না । তবে ঈশ্বর ইচ্ছাময়, তাঁর যদি খুসী হয়, তিনি ভক্তকে সকল ঐশ্বর্যের অধিকারী করেন । ভক্তিও দেন, জ্ঞানও দেন । কলকাতায় যদি কেউ একবার এসে পড়তে পারে, তা হ’লে গডের মাঠ, অসিটী (Asiatic Society’s Museum) সবই দেখতে পাষ ।

“কথাটা এই, এখন কলকাতায় কেমন ক’রে আসি ।

“জগতের মাকে পেলে, ভক্তিও পাবে জ্ঞানও পাবে । জ্ঞানও পাবে ভক্তিও পাবে । ভাবদমাধিতে রূপদর্শন, নির্বিকল্প সমাধিতে অখণ্ডসচ্চিদানন্দ দর্শন হয়, তখন অহং, নাম, রূপ থাকে না ।

“ভক্ত বলে, ‘মা, সকাম কর্মে আমার বড় তয় হয় । সে কর্মে কামনা আছে । সে কর্ম ক’রলেই ফল পেতে হবে । অবার অনাসক্ত হ’য়ে কর্ম করা কঠিন । সকাম কর্ম ক’রতে গেলে, তোমায় ভুলে যাবো । তবে এমন কর্মে কাজ নাই । যত দিন না তোমায় লাভ ক’রতে পারি, ততদিন পর্যন্ত যেন কর্ম কমে যায় । যে টুকু কর্ম থাকবে, সে টুকু কর্ম যেন অনাসক্ত হ’য়ে ক’রতে পারি, আর সঙ্গে সঙ্গে যেন খুব ভক্তি হয় । আর যত দিন না তোমায় লাভ ক’রতে পারি, ততদিন কোন নূতন কর্ম জড়াতে মন না যায় । তবে যখন ভূমি আদেশ ক’রবে তখন তোমার কর্ম ক’রবো, নাচেৎ নয় ।

—————

পঞ্চম পরিচ্ছেদ ।

তীর্থযাত্রা ও ঠাকুর শ্রীরামকৃষ্ণ । আচার্য্যের তিন শ্রেণী ।

পণ্ডিত : মহাশয়ের তীর্থে কতদূর যাওয়া হ'য়েছিল ?

শ্রীরামকৃষ্ণ । হাঁ, কতক জায়গা দেখেছি । (সহাস্ত্রে) হাজার অনেক দূর গিছল ; আর খুব উচুতে উঠেছিল । জ্বীকেশ গিছল । (সকলের হাস্ত) । আমি অত দূর যাই নাই, অত উচুতেও উঠি নাই ।

“চিল শকুনিও অনেক উচ্ছে উঠে, কিন্তু নজর ভাগাড়ে । (সকলের হাস্ত) । ভাগাড় কি জান ? কামিনী ও কাঞ্চন ।

“যদি এখানে ব'সে ভক্তি লাভ করতে পার, তীর্থ যাবার কি দরকার ? কাশী গিয়ে দেখগাম, সেই গাছ । সেই তেঁতুলপাতা !

“তীর্থে গিয়ে যদি ভক্তিলাভ না হ'লো, তা হ'লে তীর্থ যাওয়ার আর ফল হ'ল না । আর ভক্তিই সার, এক মাত্র প্রয়োজন । চিল শকুনি কি জান ? অনেক লোক আছে, তারা লম্বা লম্বা কথা কয় । আর বলে যে, শাস্ত্রে যে সকল কৰ্ম্ম করতে বলেছে, আমরা অনেক ক'রেছি । এদিকে তাদের মন ভারি বিষয়াসক্ত—টাকা, কড়ি, মান, সন্ত্রম, দেহের সুখ, এই সব নিয়ে বাস্ত ।

পণ্ডিত । আজ্ঞা হাঁ । মহাশয়, তীর্থে যাওয়া যা, আর কৌস্তভ মণি কেলে অণু হীরা মাণিক খুঁজে বেড়ানোও তা ।

শ্রীরামকৃষ্ণ । আর তুমি এইটা জেনো, হাজার শিক্ষা দাও—সময় না হ'লে ফল হবে না । ছেলে বিছানায় শোবার সময় মাকে ব'লে, ‘মা আমার যখন হাগা পাবে, তখন তুমি আমায় উঠিও ।’ মা ব'লে, ‘বাবা, হাগাই তোমাকে উঠাবে, একমুহূর্ত্ত তুমি কিছু ভেব না’ (হাস্ত) ।

“সেইরূপ ভগবানের জন্ম ব্যাকুল হওয়া ঠিক সময় হ'লেই হয় ।

(পাত্রাপাত্র দেখে উপদেশ । ঈশ্বর কি দয়াময় ।)

“তিন রকম বৈষ্ণ আছে ।

“এক রকম তারা নাড়ী দেখে, ঔষধ ব্যবস্থা ক’রে চলে যায়। রোগীকে কেবল ব’লে যায়, ঔষধ খেয়ো হে। এরা অধম থাকের বৈষ্ণু।

“সেইরূপ কতকগুলি আচার্য্য উপদেশ দ্বিজে যায়, কিন্তু উপদেশে লোকের ভাল হ’ল কি মন্দ হ’ল তা দেখে না। তার জ্ঞান তাবে না।

“কতকগুলি বৈষ্ণু আছে, তারা ঔষধ ব্যবস্থা করে রোগীকে ঔষধ খেতে বলে। রোগী যদি খেতে না চায়, তাকে অনেক বুঝায়। এরা মধ্যম থাকের বৈষ্ণু। সেইরূপ মধ্যম থাকের আচার্য্যও আছে। তাঁরা উপদেশ দেন, অ বার অনেক ক’রে লোকদের বুঝান যা’তে তারা উপদেশ অনুসারে চলে।

“আবার উত্তম বৈষ্ণু আছে। মিষ্ট কবাত্তে রোগী না বুকে, তারা জোর পর্য্যাপ্ত করে। দাকার হয়, রোগীর বুকে হাটু দিয়ে রোগীকে ঔষধ গিলিয়ে দেয়। সেইরূপ উত্তম থাকের আচার্য্য আছে। তাঁরা ঈশ্বরের পথে আনবার জ্ঞান শিষ্যদের উপর জোর পর্য্যাপ্ত করেন।

পণ্ডিত। মহাশয়, যদি উত্তম থাকের আচার্য্য থাকেন, তবে কেন আপনি, সময় না হ’লে জ্ঞান হয় না, একথা ব’ললেন ?

শ্রীরামকৃষ্ণ। সত্য বটে। কিন্তু মনে কর, ঔষধ যদি পেটে না যায়—যদি মুখ থেকে গড়িষে যায়, তা হ’লে বৈষ্ণু কি ক’রবে ? উত্তম বৈষ্ণুও কিছু ক’রতে পারে না।

শ্রীরামকৃষ্ণ। পাত্র দেখে উপদেশ দিতে হয়। তোমরা পাত্র দেখে উপদেশ দাও না। আমার কাছে কেহ হোকরা এলে আগে জিজ্ঞাসা করি, ‘তোমার ফে আছে ?’ মনে কর, বাপ নাই, হয় তো বাপের ঋণ আছে, সে কেমন ক’রে ঈশ্বরে মন দিবেক ? শুন্ছো বাপু ?

পণ্ডিত। আজ্ঞা হাঁ, আমি সব শুন্ছি।

শ্রীরামকৃষ্ণ। একদিন ঠাকুরবাড়ীতে কতকগুলি শিখ সিপাহি এসেছিল। মা কালীর মন্দিরের সম্মুখে তাদের সঙ্গে দেখা হ’ল। একজন ব’ললে, ‘ঈশ্বর দয়াময়’। আমি বললাম, ‘বটে ? সত্য না কি ? কেমন ক’রে জান্গে ? তারা বলে, ‘কেন মহারাজ, ঈশ্বর আমাদের খাওয়াচ্ছেন,—এত যত্ন ক’চ্ছেন। আমি বললাম, সে কি আশ্চর্য্য ?

ঐশ্বর্য বে সকলের বাপ ! বাপ ছেলেকে দেখবে না ত কে দেখবে ?
ওপাড়ার লোক এসে দেখবে না কি ?

নরেন্দ্র । তবে দস্তায়ে বসবো না ?

শ্রীরামকৃষ্ণ । তাঁকে কি দয়াময় বলতে বারণ করছি ? আমার
বলবার মানে এই যে, ঐশ্বর আমাদের আপনার লোক, পর মন ।

পণ্ডিত । কথা অমূল্য ।

শ্রীরামকৃষ্ণ । তোর গান শুনছিলুম— কিন্তু ভাল লাগলো না ।
তাই উঠে গেলুম । বললুম উমেদারি অবস্থা— ন আলুনি বোধ হলো ।

নরেন্দ্র লজ্জিত হইলেন, মুখ ঈষৎ আরক্তিম হইল । তিনি
চুপ করিয়া রছিলেন ।

ষষ্ঠ পরিচ্ছেদ ।

বিদায় ।

ঠাকুর জল খাইতে চাহিলেন । তাঁহার কাছে এক গ্লাস জল
রাখা হইয়াছিল, সে জল খাইতে পারিলেন না, আর এক গ্লাস
আনিতে বলিলেন । পরে শুনা গেল কোনও ঘোর ইঞ্জিরাসক্ত
বান্ধি ঐ জল স্পর্শ করিয়াছিল ।

পণ্ডিত (হাজরার প্রতি) । আপনারা ইঁহার সঙ্গে রাত দিন
ধাটেকন—আপনারা মহানন্দে আছেন ।

শ্রীরামকৃষ্ণ (হাসিতে হাসিতে) । আজ আমার খুব দিন ! আমি
দ্বিতীয়ার চাঁদ দেখলাম (সকলের হাস) । দ্বিতীয়ার চাঁদ কেন
বললুম জান ? সীতা রাবণকে বলোছিলেন, রাবণ পূর্ণচন্দ্র, আর
রামচন্দ্র আমার দ্বিতীয়ার চাঁদ । রারণ মানে বুঝতে পারে নাই,
তাই ভারি খুসি । সীতার বলবার উদ্দেশ্য এই যে, রাবণের সম্পদ
যত দূর হবার হইয়েছে, এইবার দিন দিন পূর্ণচন্দ্রের স্থায় হ্রাস পাবে ।
রামচন্দ্র দ্বিতীয়ার চাঁদ, তাঁর দিন দিন বৃদ্ধি হবে ।

ঠাকুর গাত্রোখান করিলেন । বন্ধুবান্ধব সঙ্গে পণ্ডিত ভক্তিতাবে
প্রণাম করিলেন । ঠাকুর সন্তসঙ্গে বিদায় গ্রহণ করিলেন ।

সপ্তম পরিচ্ছেদ ।

ঠাকুর তক্তসঙ্গে ঈশানের বাটীতে কিবিলেন । সন্ধ্যা হয় নাই । ঈশানের নীচের বৈঠকখানায় আসিয়া বসিলেন । ভক্তেরা কেহ কেহ আছেন । ভাগবতের পণ্ডিত, ঈশান, ঈশানের ভেলেরা উপস্থিত আছেন ।

শ্রীরামকৃষ্ণ (সহাস্তে) । শশধরকে বল্যাম, গাচে না উঠতে এক কাঁদি—আরও কিছু সাধন ভজন কর, তার পর লোক-শিক্ষা দিও ।

ঈশান । সকলেই মনে করে যে আমি লোক-শিক্ষা দিই । জোনাকি পোকা মনে করে আমি জগৎকে আলোকিত করছি । তা এক জন বলেছিল, ‘হে জোনাকি পোকা, তুমি আবার আলো কি দেবে !—ওহে তুমি অন্ধকার আরও প্রকাশ করছো ।’

শ্রীরামকৃষ্ণ (ঈষৎ হাস্য করিয়া) । কিন্তু শুধু পণ্ডিত নয় ;—একটু বিবেক বৈরাগ্য আছে ।

ভাটপাড়ার ভাগবতের পণ্ডিতটিও এখনও বসিয়া আছেন । বয়স ৭০।৭৫ হইবে । তিনি ঠাকুরকে একদৃষ্টে দেখিতেছিলেন ।

ভাগবতপণ্ডিত (শ্রীরামকৃষ্ণের প্রতি) । আপনি অহাস্তা ।

শ্রীরামকৃষ্ণ । সে নারদ, প্রহ্লাদ, শুকদেব এদের ব’লতে পারেন, আমি আপনার সম্বানের শ্যায় ।

“তবে এক হিসাবে ব’লতে পারেন । এম্মি আছে যে ভগবানের চেয়ে তক্ত বড়—কেন না তক্ত ভগবানকে হৃদয়ে ব’য়ে নিয়ে বেড়ায় । (সকলের জানন্দ) । তক্ত ‘মোরে দেখে হাঁন, আপনাকে দেখে বড় ।’ যশোদা কৃষ্ণকে বাঁধতে গিচ্‌লেন । যশোদার বিশ্বাস, আমি কৃষ্ণকে না দেখলে তাকে কে দেখবে ।

কখন ও ভগবান চুষুক, তক্ত ছুঁচ,—ভগবান আকর্ষণ ক’রে তক্তকে টেনে লন । আবার কখনও তক্ত চুষুক পাধর হন, ভগবান ছুঁচ হন, ভক্তের এত আকর্ষণ, যে তার প্রেমে মুগ্ধ হ’য়ে ভগবান তার কাছে গিয়ে পড়েন ।

ঠাকুর দক্ষিণেখরে প্রত্যাবর্তন করিবেন । নীচের বৈঠকখানার

দক্ষিণদিকের বারাণ্ডায় আসিয়া দাঁড়াইয়াছেন ! ঈশান প্রভৃতি ভক্তরাও দাঁড়াইয়া আছেন । ঈশানকে কথায় বলে অনেক উপদেশ দিতেছেন ।

শ্রীরামকৃষ্ণ (ঈশানের প্রতি) । সংসারে থেকে যে তাঁকে ডাকে সে বীবভক্ত । ভগবান বলেন, যে সংসার ছেড়ে দিয়েছে সে'ত আমার ড কবেই, আমার সেবা ক'রবেই—তার আর বাহাদুরী কি ? সে যদি আমায় না ডাকে সকলে ছিছি ক'রবে । আব যে সংসারে থেকে তাঁকে ডাকে—বিশ মণ পাথর তেলে যে আমায় দেখে সেইই ধন্য, সেইই বাহাদুর—সেইই বীবপুরুষ ।

ভাগবত-পণ্ডিত । শাস্ত্রে ত ঐ কথাই আছে । ধর্ম্মব্যাধের কথা আর পতিব্রতার কথা । তপস্বী মনে ক'রেছিল যে আমি কৃষ্ণ আর বককে ভয় ক'রেছি অতএব আমি খুব উচু হ'য়েছি । সে পতিব্রতার বাড়ী গিচলো । তার স্বামীর উপর এত ভক্তি যে দিনরাত স্বামীর সেবা ক'রত । স্বামী বাড়ীতে এলে পা খোবার জল দিত ; এমন কি মাথার চুল দিয়ে তার পা পুঁছে দিত । তপস্বী অতিথি, ত্রিকা পাওয়ান দেবী হ'চ্ছিল তাই চৈচিয়ে বলেছিল যে, তোমাদের ভাল হ'বে না । পতিব্রতা অমনি দূর থেকে বোললে, এ তো কাকী বকী ভয় করা নয় । একটু দাঁড়াও ঠাকুর, আমি স্বামীর সেবা ক'রে তোমার পূজা ক'রছি ।

“ধর্ম্মব্যাধের কাছে ব্রহ্মজ্ঞানের জন্ম গিচলো । ব্যাধ পশুর মাংস বিক্রী করতো কিন্তু রাতদিন ঈশ্বর জ্ঞানে বাপ মার সেবা ক'রতো । যে ব্রহ্মজ্ঞানের জন্ম তার কাছে গিচলো সে দেখে অরোক,—তাবতে লাগলো, ‘এ ব্যাধ মাংস বিক্রী করে, তার সংসারী লোক । এ আবার আমায় কি ব্রহ্মজ্ঞান দিবে । কিন্তু সেই ব্যাধ পূর্ণ জ্ঞানী ।

ঠাকুর এইবার গাড়ীতে উঠিবেন ! পাশের বাড়ীর (ঈশানের শব্দধর বাড়ীর) দরোজায় দাঁড়াইয়াছেন । ঈশান ও ভক্তেরা কাছে দাঁড়াইয়া আছেন—তঁাহাকে গাড়ীতে তুলিয়া দিবেন । ঠাকুর আরার কথায় বলে ঈশানকে উপদেশ দিতেছেন—“পিঁপড়ের মত মনোবাস্তব থাক, এই সংসারে নিত্য অনিত্য মিশিত্রে র'য়েছে । বাসিন্দে চিনিতে মিশান—পিঁপড়ে হ'য়ে—চিনিটুকু নেবে ।

“জলেদ্বয়ে একসঙ্গে রয়েছে । চিদানন্দরস আর বিষয় রস ! হংসের মত দুধটুকু নিয়ে জলটি ভাগ ক’রবে ।

“আর পানকোটির মত । গায়ে জল লাগছে কেড়ে ফেলবে । আর পোকাল মাছের মত । পোক থেকে কিন্তু গা দেখ পরিষ্কার উজ্জ্বল ।

“গোলমালে মাল আছে—গোল ছেড়ে মালটি নেবে ।

ঠাকুর গাড়ীতে উঠিয়া দক্ষিণেশ্বরে যাত্রা করিতেছেন ।

প্রথম ভাগ-দ্বাদশ খণ্ড ।

সিঁতিব্রাহ্মসমাজ পুনর্ব্বার দর্শন ও বিজয়কৃষ্ণ প্রভৃতি ব্রাহ্ম-
ভক্তদিগকে উপদেশ ও তাঁহাদের সহিত আনন্দ ।

প্রথম পরিচ্ছেদ ।

শ্রীরামকৃষ্ণ ‘সমাধি মন্দিরে’ ।

আবার ব্রাহ্মভক্তেরা সিঁতির ব্রাহ্মসমাজে মিলিত হইলেন । ৬ কালী পূজার পর দিন, কার্তিক মাসের শুক্লা প্রতিপদ তিথি, ১৯এ অক্টোবর ১৮৮৪ । এবার শরভের মহোৎসব । শ্রীযুক্ত বেণীমাধব পালের মনোহর উত্তানবাটীতে আবার ব্রাহ্মসমাজের অধিবেশন হইল । প্রাতঃকালের উপাসনাদি হইয়া গিয়াছে । শ্রীশ্রীপরমহংসদেব বেলা সাড়ে চারিটার সময় আসিয়া পহঁছিলেন । তাঁহার গাড়ী বাগানের মধ্যে দাঁড়াইল । অমনি দর্লে ছলে ভক্ত মণ্ডলাকারে তাঁহাকে ঘেরিতে লাগিলেন । প্রথম প্রকোষ্ঠ মধ্যে সমাজের বেদী রচনা হইয়াছে । সম্মুখে দালান । সেই দালানে ঠাকুর উপবেশন করিলেন । অমনি ভক্তগণ চারিধারে তাঁহাকে বেটন করিয়া বসিলেন । বিজয়, ত্রৈলোক্য, ও অননকগুলি ব্রাহ্মভক্ত উপস্থিত । তন্মধ্যে ব্রাহ্মসমাজভূক্ত একজন সদরপুত্রালাও (Sub-judge) আছেন ।

সমাজগৃহ মহোৎসব উপলক্ষে বিচিত্র শোভা ধারণ করিয়াছে । কোথাও নানাবর্ণের রত্নাকা ; মধ্যে মধ্যে চর্শ্মোপরি বা বাতায়নপথে নয়নরঞ্জন, সুন্দর পাদুপ-বিভ্রমকারী বৃক্ষপল্লব । সম্মুখে পূর্বপরিচিত সেই সরোবরের স্বচ্ছসলিল মধ্যে শরতের সুনীল নভোমণ্ডল প্রতিভাসিত হইতেছে । উত্তানস্থিত রাজ্য রাজ্য পথগুলির দুই পার্শ্বে সেই পূর্বপরিচিত কল-পুষ্পের বৃক্ষশ্রেণী । আজ ঠাকুরের ত্রীমুখ-নিঃসৃত সেই বেদধ্বনি ভক্তেরা আবার শুনিতে পাইবেন—যে ধ্বনি আর্ষাঋষিদের মুখ হইতে বেদাকারে এককালে বহির্গত হইয়াছিল—যে ধ্বনি আর একবার নরকপথারী পরমসন্ন্যাসী, ব্রহ্মগতপ্রাণ, জীবের দুঃখে কাতন, ভক্তবৎসল, ভক্তাবতার, চরিপ্রেমবিপ্লব, ঈশার মুখে তাঁহার দ্বাদশ শিষ্য সেই নিরঙ্কর মৎস্যজীবীগণ শুনিয়াছিলেন, যে ধ্বনি পুণ্যক্ষেত্রে কুরুক্ষেত্রে ভগবান্ ত্রীকৃষ্ণের মুখ হইতে ত্রীমন্তগবদগীতাকারে এককালে বহির্গত হইয়াছিল—সারথিবেশধারী মানবাকার সচ্চিদানন্দগুরু প্রমুখাৎ যে মেঘ গম্ভীর ধ্বনি মধ্যে বিনয়নত্র, বাকুল 'গুডাকেশ' কোঁন্তেয এষ্ট কথায়ত পান করিয়াছিলেন, যথা—

কবিং পুরাণম্ অমুশাসিতারম্, অণোরগীয়ান্ সমমুস্মারেৎ যঃ
সর্বশ্চ খাতারম্ চিন্তারূপম্, আদিত্যবর্ণং তমসঃ পরস্তাৎ ।
প্রয়াণ-কালে মনসাচ্চলেন, ভক্ত্যা যুক্তো যোগবদেন চৈব
ক্রবোর্ষ্মাধো প্রাণমাবেশ্য সমাক্ স তং পরং পুরুষমুপতি দিবাম্ ॥
যদঙ্করং বেদবিদো বদন্তি, বিশান্তি যদ্ যতয়ো বীতনাগঃ
যদিচ্ছস্তো ব্রহ্মচর্ষাং চরন্তি, তন্তে পদং সংগ্রহেণ প্রবক্ষ্যে ॥

ঠাকুর ত্রীরামকৃষ্ণ আসন গ্রহণ করিয়া সমাজের সুন্দররচিত বেদীর প্রতি দৃষ্টিপাত করিয়াই অমনি নতশির হইয়া প্রণাম করিলেন । বেদী হইতে ত্রীভগবানের কথা হয়—তাই তিনি দেখিতেছেন যে, বেদীক্ষেত্র পুণ্যক্ষেত্র । দেখিতেছেন, এখানে অচ্যুতের কথা হয়, তাই সর্ব-ভীর্ষের সমাগম হইয়াছে । আদালতগৃহ দেখিলে মোকর্দ্দমা মনে পড়ে ও জজ মনে পড়ে, সেইরূপ এই হরিকথার স্থান দেখিলে তাঁহার ভগবানের উদ্দীপন হইয়াছে ।

শ্রীযুক্ত ত্রৈলোক্য গান গাহিতেছেন । শ্রীরামকৃষ্ণ করিলেন, হ্যাঁগা, এই গানটা তোমার বেশ, 'দেহমা পাগল ক'রে', এটা গাও না । তিনি গাহিতেছেন,—

গান্ । আমায় দেমা পাগল ক'রে (ব্রহ্মময়ী) । আব কাক নাই জ্ঞান-বিচারে ॥ তোমাব প্রেমব সুবা, পানে কব মাতোয়াবা, ওমা ভক্তচিত্ত-হবা ডুবাও প্রেমসাগরে ॥ তোমাব এ পাগলা-গাবদে, কেহ .হাসে কেহ কাঁদে, কেহ নাচে আনন্দ ভবে, ঈশা মসা শ্রীচৈতন্ত, ওমা প্রেমের ভবে অচৈতন্ত, হায় কবে হব মা ধন্য, (ওমা) মিশ তাব তিতবে ॥ স্বর্গেতে পাগলের মেলা, যেমন গুরু তেমান চেলা, প্রেমের খেলা কে বঝাত পারে । তুই প্রেম উম্মাদিনী, ওমা পাগলের শিবোমণি, প্রেমধনে কব মা ধনী, কাকাল প্রেমদাসবে ॥

গান শুনিতে শুনিতে শ্রীরামকৃষ্ণের ভাবান্তর হইল । একবারে সম্মাধিস্থ—'উপেক্ষিয়া মহন্তর, তাজি চতুর্বিংশ তর, সর্বতত্ত্বাতীত তর দেখি আপনি আপনে ।' কশ্ম্মশ্রিয়, জ্ঞানেশ্রিয়, মন, বুদ্ধি, অঙ্কার সমস্তই যেন পুঁচিয়া গিয়াছে । দেহমাত্র চিত্রপুস্তলিকায় গায় বিছমান । একদিন ভগবান্ পাণ্ডবনাথের এইরূপ অবস্থা দেখিয়া যুধিষ্ঠির প্রমুখ শ্রীকৃষ্ণগতান্তবান্ পাণ্ডবগণ কাঁদিয়াছিলেন । তখন অর্ষাকুলগৌরব ভীষ্মদেব শবশয্যায় শায়িত থাকিয়া অস্তিমকালে ভগবানের ধ্যাননিরত ছিলেন । কুকর্ষ্মের যুদ্ধ সবে সমাপ্ত হইয়াছে । সহজেই কাঁদিবাব দিন । শ্রীকৃষ্ণের এই সমাধিপ্রাপ্ত অবস্থা বুঝিতে না পারিয়া পাণ্ডবেরা কাঁদিয়াছিলেন, ভাবিয়াছিলেন, তিনি বুঝি দেহতাগ করিলেন ।

দ্বিতীয় পরিচ্ছেদ ।

চরিকথাপ্রসঙ্গে । ব্রহ্মসমাজে নিরাকার বাদ ।

কিয়ৎকণ বিলম্বে ঠাকুর শ্রীরামকৃষ্ণ কিঞ্চিৎ প্রকৃতিস্থ হইয়া ভাবাবস্থায় ব্রাহ্মতন্ত্রদের উপদেশ দিতেছেন । এই ঈশ্বরীয় জ্ঞান খুব ঘনীভূত ; যেন বন্ধা মাতাল হইয়া কি বলিতেছেন । তাব ক্রমে ক্রমে কমিয়া আসিতেছে, অবশেষে পূর্বের ঠিক সহজাবস্থা ।

['আমি সিদ্ধি খাব' । শ্রীতা ও অষ্টসিদ্ধি । ঈশ্বরলাভ কি ?]

শ্রীরামকৃষ্ণ (ভাবস্থ) । মা ! কারণানন্দ চাই না । সিদ্ধি খাব ।

"সিদ্ধি কি না বল্ত লাভ । 'অষ্টসিদ্ধি'র সিদ্ধি নয় । সে (অগ্নিমা লঘিমাাদি) সিদ্ধির কথা কৃষ্ণ অর্জুনেরকে ব'লেছিলেন, 'ভাই, যদি দেখ বে, অষ্টসিদ্ধির একটা সিদ্ধি কারও আছে, তা'হলে জেনো বে, সে ব্যক্তি আমাকে পাবে না । কেন না, সিদ্ধি থাকলেই অহঙ্কার থাকবে, আর অহঙ্কারের লেশ থাকলে ভগবানকে পাওয়া যায় না ।

"আর এক আছে, প্রবর্তক, সাধক, সিদ্ধ, সিদ্ধের সিদ্ধ । যে ব্যক্তি সবে ঈশ্বরের আরাধনায় প্রবৃত্ত হয়েছে, সে প্রবর্তকের থাক । প্রবর্তক ফোঁটা কাটে, তিলক মালা পরে, বাহিরে খুব আচার করে । সাধক, আরো এগিয়ে গেছে ; তাব লোক দেখান ভাব কমে যায় । সাধক ঈশ্বরকে পাবার জন্য ব্যাকুল হয়, আন্তরিক তাঁকে ডাকে, তাঁর নাম করে, তাঁকে সরলাস্তঃকরণে প্রার্থনা করে । সিদ্ধ কে ? যঁর নিশ্চ-; যান্ত্রিক্য বৃদ্ধি হয়েছে, যে ঈশ্বর আছেন, আর তিনিই সব ক'রছেন যিনি ঈশ্বরকে দর্শন ক'রছেন । 'সিদ্ধের সিদ্ধ' কে ? যিনি তাঁর সঙ্গে আলাপ করেছেন । শুধু দর্শন নয় ; কেউ পিতৃভাবে, কেউ বাৎসলা-ভ বে, কেউ মধুর ভাবে, তাঁর সঙ্গে আলাপ করেছেন ।

"কাঠে আগুন নিশ্চিত আছে, এই বিশ্বাস ; আর কাঠ থেকে আগুন বার ক'রে ভাত রেঁধে খেয়ে, শাস্তি আর তৃপ্তিলাভ করা ; দুটা ভিন্ন জিনিস ।

"ঈশ্বরীয় অবস্থার ইতি করা যায় না । তারে বাড়া, তারে বাড়া, আছে ।

[বিঘ্নীর ঈশ্বর । ব্যাকুলতায় ঈশ্বরলাভ । দৃঢ় হও ।]

শ্রীরামকৃষ্ণ (ভাবস্থ) । এরা ব্রাহ্মজ্ঞানী, নিরাকারবাদী । তা বেশ ।

(ব্রাহ্মভক্তদের প্রতি) । একটাতে দৃঢ় হও, হয় সাকারে নয় নিরাকারে । তবে ঈশ্বর লাভ হয়, নচেৎ হয় না । দৃঢ় হলে সাকার-বাদীও ঈশ্বর লাভ করবে, নিরাকারবাদীও করবে । মিছরীর কুটা সিঁদে ক'রে খাও, আর আড় ক'রে খাও, মিষ্টি লাগবে । (সঙ্-লের হান্ত) ।

"কিন্তু দৃঢ় হ'তে হবে ; ব্যাকুল হ'য়ে তাঁকে ডাকতে হইবে । বিঘ-

শ্রীরামকৃষ্ণ কিরূপ জান ? যেমন খুড়ী কেটার কৌদল শুনে হেলেরা খেলা করবার সময় পরস্পর বলে, ‘আমার ঈশ্বরের দিবা।’ আর যেমন কোন কিট্ বাবু পান ‘চিবুতে চিবুড়ে, চাতে ষ্টিক্ (stick) ক’রে, বাগানে বেড়াতে বেড়াতে একটা ফুল তুলে বন্ধুকে বর্নে ; ‘ঈশ্বর কি beautiful ফুল করেছেন !’ কিন্তু এ বিবয়ীর ভাব কণিক, যেন তপ্ত লোহার উপর জলের ছিটে ।

“একটার উপর দৃঢ় হ’তে হবে । ডুব নাও । না দিলে সমুদ্রের ভিতর রক্ত পাওয়া যায় না । জলের উপর কেবল ভাসলে পাওয়া যায় না ।

এই বলিয়া ঠাকুর শ্রীরামকৃষ্ণ, যে গানে কেশবাদি ভক্তদের মন মুগ্ধ করিতেন, সেই গান—সেই মধুর কণ্ঠে—গাইতেছেন । সকলের বোধ হইতেছে, যেন স্বর্গধামে বা বৈকুণ্ঠে বসিয়া আছেন ।

ডুব্ ডুব্ ডুব্ রূপসাগরে আমার মন ।

তলাতল পাতাল খুঁজলে পাবি রে প্রেম রতন । (৭৫ পৃষ্ঠা)

তৃতীয় পরিচ্ছেদ ।

ব্রাহ্মভক্তসঙ্গে । ব্রাহ্মসমাজ ও ঈশ্বরের ঐশ্বর্য্য বর্ণনা ।

শ্রীরামকৃষ্ণ । ডুব নাও । ঈশ্বরকে ভালবাসতে শেখ । তাঁর প্রেমে মগ্ন হও । দেখ, তোমাদের উপাসনা শুনেছি । কিন্তু তোমাদের ব্রাহ্মসমাজে ঈশ্বরের ঐশ্বর্য্য অত বর্ণনা কর কেন ? ‘হে ঈশ্বর, তুমি আকাশ করিয়াছ, বড় বড় সমুদ্র করিয়াছ, চন্দ্রলোক, সূর্যলোক, নক্ষত্র লোক, সব করেছো’, এ সব কথা আমাদের অতো কাজ কি ?

“সব লোক বাবুর বাগান দেখেই অবাক—কেমন গাছ, কেমন ফুল, কেমন ঝিল, কেমন বৈঠকখানা, কেমন তার ভিতর ছবি, এই সব দেখেই অবাক । কিন্তু কই, বাগানের মালিক যে বাবু, তাঁকে ধোঁজে ক’জন ? বাবুকে ধোঁজে ছুই এক জনা । ঈশ্বরকে ম্যাকুল হয়ে খুঁজলে তাঁকে মর্শন হয়, তাঁর সঙ্গে আলাপ হয়, কথা হয়, যেমন আমি তোমাদের সঙ্গে কথা ক’ছি । সত্যি বলছি মর্শন হয় ।

“একথা কাবেই বা বলছি, কে বা বিশ্বাস করে ।

[শাস্ত্র না প্রত্যক্ষ (The Law or Revelation) ?]

শ্রীবামকৃষ্ণ । শাস্ত্রের ভিতর কি ঈশ্বকে পাওয়া যায় ? শাস্ত্র পড়ে হৃদ অস্তিমাত্র বোধ হয় । কিন্তু নিজে ডুব না দিলে ঈশ্বর দেখা দেন না । ডুব দেবার পর, তিনি নিজে জানিয়ে দিলে তবে সন্দেহ দূর হয় । বহু ছাড়াব পড়, মুখে ছাড়াব প্লোক বল, বাকুল হয়ে তাতে ডুব না দিলে তাকে ন'বতে পাব'বে না । শুধু পাণ্ডিত্যে মানুষকে ভোলাতে পাব'বে, কিন্তু তাকে পাব'বে না ।

“শাস্ত্র, বহু, শুধু এ সব তাতে কি হবে ? তাঁর রূপা না হ'লে কিছু হবে না, যাতে তাঁর রূপা হয়, বাকুল হয়ে তাঁর চেষ্টা কৰো । রূপা হ'লে তাঁর দর্শন হবে । তিনি তোমাদের সঙ্গে কথা ক'টাবেন ।

[ব্রাহ্মসমাজ ৫ সামা 'ঈশ্বরের নৈমিত্ত্য দান']

সদনওয়াল। মহাশয়, তাঁর রূপা কি একজনের উপর নেশী আর এক জনের উপর কম ? তা হ'লে যে ঈশ্বরের বৈষম্য-দার হয় ।

শ্রীবামকৃষ্ণ । স কি ? খোড়াটা ও টা আর সবটা ও টা । তুমি যা ব'লেছো ঈশ্বর বিজ্ঞাসাগর এই কথা ব'লেছিল । বলেছিল, মহাশয়, তিনি কি কা'কে নেশী শক্তি দিয়েছেন, কা'কে কম দিয়েছেন ? আমি ব'ললাম, বিভিন্নরূপে তিনি সকলের ভিতর আছেন—আমার ভিতরেও যেমন পীপ'ডটীর ভিতরও তেমন । কিন্তু শক্তিবিশেষ আছে । যদি সকলেই সমান হ'বে তবে ঈশ্বর বিজ্ঞাসাগর নাম শুনে তোমায় আমবা কেন দেখতে এসেছি ? তোমার কি ছোটো শি, ব'বিব'বে'ড তা নয়, তুমি দয়ালু, তুমি পণ্ডিত, এত সব গুণ তোমার অপ'বে'বে'চ'য়ে আছে, তাই তোমার এত নাম । দেখ না, এমন লোক আছে .ব একলা একশো লোককে হাবাত প'বে, আশার এমন আছে, একজনের ভয়ে পালায় ।

“যদি শক্তিবিশেষ না হয়, লোকে কে'ধ'কে এতো মানতো কেন ?

“গীতায় আছে, যাকে অনেক গণে মানে—তা বিজ্ঞার জগুই হউক, বা গাওনা রাজনার জগুই হউক, বা লেক্চার (Lecture) দেবার জগুই হউক, বা আর কিছু'ব জগুই হউক—নিশ্চিত জেন যে, লোক ঈশ্বরের বিশেষ শক্তি অ'বে ।

ব্রাহ্মভক্ত (সদরওয়ালার প্রতি) । যা ব'লছেন মেনে নেন না ।
 শ্রীরামকৃষ্ণ (ব্রাহ্মভক্তের প্রতি) । তুমি কি রকম লোক ।
 কথায় বিশ্বাস না ক'রে শুধু মেনে লওয়া । কপটতা । তুমি ঢা-
 কাচ দেখছি । ব্রাহ্মভক্তটা অতিশয় লজ্জিত হইলেন ।

— —

চতুর্থ পরিচ্ছেদ ।

ব্রাহ্মসমাজ, কেশব ও নিলি গু সংসার
 সংসার ত্যাগ ।

[পূর্বকথা— কেশবকে শিক্ষা—নির্জনে সাধন । জ্ঞানেব লক্ষণ]

সদরওয়ালার । মহাশয়, সংসার কি ত্যাগ ক'রতে হবে ?

শ্রীরামকৃষ্ণ । না,তোমাদের ত্যাগ কেন ক'রতে হবে ? সংসাবে
 থেকেই হ'তে পারে । তবে আগে দিন কতক নির্জনে থাকতে হয় ।
 নির্জনে থেকে ঈশ্বরের সাধনা ক'রতে হয় । বাড়ীৰ কাছে এমন
 একটি আড্ডা ক'রতে হয়, যেখানে থেকে বাড়ীতে এসে অমনি
 একবার ভাত খেয়ে যেতে পার । কেশব সেন, প্রতাপ, এরা সব
 ব'লেছিল, মহাশয়, আমাদের জনক বাজার মত । আমি বল্লুম,
 জনক রাজা অমনি মুখে বল্লেনই হওয়া যায় না । জনক রাজা হেটু-
 মুণ্ড হ'য়ে আগে নির্জনে কত তপস্বী ক'রেছিল ! তোমরা কিছু কব,
 তবে তো 'জনক রাজা' হবে । অমুক খুব তব তর ক'রে ইংরাজি
 লিখতে পারে ; তা কি একেবারেই লিখতে পেবেছিল ? সে গরিবের
 ছেলে , আগে একজনের বাড়ীতে থেকে তাদের বে ধে দিতো, আর
 দুটা ছটা খেতো, অনেক কষ্টে লেখা পড়া শিখেছিলো, তাই এখন
 তর তর ক'বে লিখতে পাবে ।

“কেশবসেনকে আরও ব'লেছিলুম, নির্জনে না গেলে, শক্ত
 রোগ সারবে কেমন ক'রে ? বোগটা হ'লে বিকাব । আবার যে
 ঘরে বিকারী রোগী, সেই ঘবেই আচার তেঁতুল আর জলের জালা ।
 তা রোগ সারবে কেমন ক'বে ? আচার তেঁতুল—এই দেখো, ব'লতে
 ব'লতে আমার মুখে জল এসেছে । (সকলের হাস্য) । সম্মুখে

থাকলে কি হয়, সকলেই তো জান। মেয়েমানুষ পুরুষের পক্ষে এই আচার তেঁতুল। ভোগ-বাসনা জলের জালা, বিষয়-ভৃষ্কার শেষ নাই, আর এই বিষয় রোগীর ঘরে !

“এতে কি বিকার রোগ সারে ? দিন কতক ঠাইনাড়া হ’য়ে থাকতে হয়, যেখানে আচার তেঁতুল নাই, জলের জালা নাই। তারপর নীরোগ হ’য়ে আবার সেই ঘরে এলে আর ভয় নাই। তাঁকে লাভ ক’রে সংসারে এসে থাকলে, আর কামিনী কাঙ্ক্ষনে কিছু করতে পারে না। তখন জনকের মত নিলিপ্ত হ’তে পারবে। কিন্তু প্রথমাবস্থায় সাবধান হওয়া চাই। খুব নিৰ্জনে থেকে সাধন করা চাই। অশ্বখগাছ যখন চারা থাকে, তখন চারিদিকে বেড়া দেয়, পাছে ছাগল গরুতে নষ্ট করে। কিন্তু গুঁড়ি মোটা হ’লে আর বেড়াব দরকার থাকে না। হাতী বেঁধে দিলেও গাছের কিছু করতে পারে না। যদি নিৰ্জনেতে সাধন ক’রে ঈশ্বরের পাদপদ্মে ভক্তি ক’রে, বল বাড়িয়ে, বাড়ী গিয়ে সংসার কর, কামিনী-কাঙ্ক্ষনে তোমার কিছু ক’রতে পারবে না।

“নিৰ্জনে দৈ পেতে মাখন তুলতে হয়। জ্ঞানভক্তি রূপ মাখন যদি একবার মন রূপ ছুধ থেকে তোলা হয়, তা’হলে সংসাররূপ জলের উপর রাখলে নিলিপ্ত হ’য়ে ভাসবে। কিন্তু মনকে কাঁচা অবস্থায়—ছুধের অবস্থায়, যদি সংসাররূপ জলের উপর রাখ, ছুধে জলে মিশিয়ে যাবে। তখন আর মন নিলিপ্ত হ’য়ে ভাসতে পারবে না।

“ঈশ্বর লাভের জন্য সংসারে থেকে, এক হাতে ঈশ্বরের পাদপদ্ম ধ’রে থাকবে, আর এক হাতে কাজ ক’রবে। যখন কাজ থেকে অবসর হবে, তখন দুই হাতেই ঈশ্বরের পাদপদ্ম ধ’রে থাকবে, তখন নিৰ্জনে বাস ক’রবে, কেবল তাঁর চিন্তা আর সেবা ক’রবে।

সদরওয়াল (আনন্দিত হইয়া) । মহাশয়, এ অতি সুন্দর কথা। নিৰ্জনে সাধন চাই বই কি ! এটা আমরা ভুলে যাই। মনে করি একবারে জনকরাজা হ’য়ে প’ড়েছি ! (শ্রীরামকৃষ্ণের ও সকলের হাস্য ! সংসারত্যাগের যে প্রয়োজন নাই, বাড়ীতে থেকেও ঈশ্বরকে পাওয়া যায়, এ কথা শুনেও আমার শাস্তি ও আনন্দ হ’লো।

শ্রীরামকৃষ্ণ । ত্যাগ তোমাদের কেন ক'রতে হবে ? যে কালে যুদ্ধ করতেই হবে, কেজা থেকেই যুদ্ধ ভাল । ইঞ্জিয়ের সঙ্গে যুদ্ধ, খিদে তৃষ্ণা এ সবের সঙ্গে যুদ্ধ, ক'রতে হবে । এ যুদ্ধ সংসার থেকেই ভাল । আবার কলিতে অন্নগত প্রাণ, হয়তো খেতেই পেলেন না । তখন ঈশ্বর ঠীশ্বর সব ঘুরে যাবে । একজন তার মাগ্কে ব'লেছিল, 'আমি সংসার ত্যাগ ক'রে চল্লম' । মাগটী একটু জ্ঞানী ছিল । সে বল্লে, 'কেন তুমি ঘুরে ঘুরে বেড়াবে ? যদি পেটের ভাতের জন্ম দশ ঘরে যেতে না হয়, তবে যাও । তা যদি হয়, এই এক ঘরই ভাল ।'

‘তোমরা ত্যাগ কেন ক'রবে ? বাড়ীতে বরং সুবিধা । আহাবের জন্ম ভাবতে হবে না । সহবাস স্বদারাব সঙ্গে, তাতে দোষ নাষ্ট । শরীবের যখন যেটী দরকার, কাছেই পাবে । বোগ হ'লে সেবা করবাব লোক কাছে পাবে ।

‘জনক, বাস, বশিষ্ঠ জ্ঞানলাভ ক'বে সংসারে ছিলেন । এ রা দুখনা তরবার ঘুবাতেন । একখান জ্ঞানের, একখান কর্মের ।

সদরওয়াল। মহাশয় । জ্ঞান হ'য়েছে তা কেনন ক'রে জানবো ?

শ্রীরামকৃষ্ণ । জ্ঞান হ'লে তাঁকে (ঈশ্বরে) আব দূবে দেখায় না । তিনি আর তিনি বোধ হয় না । তখন ইনি । হৃদয় মধ্যে তাঁকে দেখা যায় । তিনি সকলেরই ভিতর আছেন, যে খুঁজে সেই পাষ ।

সদরওয়াল। মহাশয় ! আমি পাপী, কেনন কবে বলি যে, তিনি আমার ভিতরে আছেন ?

[ব্রাহ্মসমাজ, শ্রীষ্টেশ্বর ও পাপবাদ ।]

শ্রীরামকৃষ্ণ । ঐ তোমাদের পাপ আর পাপ । এ সব বুঝি ঐষ্ট্যানি মত ? আমায় একজন একখানি বই (Bible) দিলে । একটু পড়া শুনলায় ; তা তাতে কেবল ঐ এক কথা । পাপ আর পাপ । আমি তাঁর নাম ক'রেছি, ঈশ্বর কি রাম কি হরি ব'লেছি—আমার আবার, পাপ ! এমন বিশ্বাস থাকা চাই । নামমাহাত্ম্যে বিশ্বাস থাকা চাই ।

সদরওয়াল। মহাশয় ! কেনন ক'রে ঐ বিশ্বাস হয় ?

শ্রীরামকৃষ্ণ ! তাতে অনুভূতি কর । তোমাদেরই গানে আছে, 'প্রভু ! বিনে অনুভূতি, ক'রে যজ্ঞ যাগ, তোমারে কি যায় জানা !'

যাতে একপ অন্ত্রবাগ, একপ ঈশ্বরে ভালবাসা হয়, তার জন্ম তাঁর কাছে গোপনে ব্যাকুল হ'য়ে প্রার্থনা কর, আর কাদ । মাগের ব্যামো হ'লে, কি টাকা লোকসান হ'লে, কি কৰ্ম্মের জন্ম, লোকে এক ঘটা কাদে, ঈশ্বরের জন্ম কে কাদছে বল দেখি ?

প্রথম পরিচ্ছেদ ।

“আশ্মোকান্না দাও ।” গৃহস্থের কর্তব্য কত দিন ?
বৈলোকা । মহাশয়, এদের সময় বই, তংরোজব কল্প করতে হয় ।

শ্রীরামকৃষ্ণ । আচ্ছা, তাঁকে আশ্মোকান্না দাও । ভাল লোকেব উপর যদি কেউ ভাব দেয়, সে লোক কি তার মন্দ কবে ? তার উপর আনুভবিক সন ভাব দিয়ে তুমি নিশ্চিন্ত হ'য়ে বাসে থাক । তিনি যা কাজ ক'রতে দিয়েছেন, তাই ক'বো ।

“বিভালছানার পাচওয়ারি বৃদ্ধি নাই । মা মা কবে । মা যদি হেঁসালে বাখে সেইখানেই প'ড়ে আছে । কেবল মিউ মিউ ক'বে ডাকে । মা যখন গৃহস্থের বিজ্ঞানায় রাখে, তখনও সেই ভাব । মা মা কবে ।

সদব । আমবা গৃহস্থ, কত দিন এ সব কর্তব্য ক'রতে হবে ?

শ্রীরামকৃষ্ণ । তোমাদের কর্তব্য আছে বৈ কি ? ছেলেদের মানুষ কর । স্ত্রীকে ভবনপোষণ ক'বতে, তোমার অবর্ভমানে স্ত্রীর ভরণ-পোষণেব যোগাড় ক'রে রাখতে, হবে । তা যদি না কর, তুমি নির্দয় । শুকদেবাদি দয়া বেখেজিলেন । দয়া যার নাই, সে মানুষই নয় ।

সদরওয়াল । সন্তান প্রতিপালন কত দিন ?

শ্রীরামকৃষ্ণ । সাবালক হওয়া পর্য্যন্ত । পাখী বড় হ'লে যখন সে আপনার ভার নিতে পারে, তখন তাকে খাড়া ঠোকরায়, কাছে আসতে দেয় না । (সকলের হাস্য) ।

সদরওয়াল । স্ত্রীর প্রতি কি কর্তব্য ?

শ্রীরামকৃষ্ণ । তুমি বেঁচে থাকতে থাকতে বশ্মোপদেশ দেবে,

ভরণ পোষণ ক'রবে। যদি সতী হয়, তোমার অবর্ষমানে তার খাবার যোগাড় ক'রে রাখতে হবে।

“তবে জ্ঞানোদ্গাদ হ'লে আর কর্তব্য থাকে না। তখন কালকার জ্ঞান ভূমি না ভাবলে ঈশ্বর ভাবেন। জ্ঞানোদ্গাদ হ'লে তোমার পরিবারদের জ্ঞান তিনি ভাববেন। যখন জমীদার নাবালক ছেলে রেখে ম'রে যায়, তখন অছী সেই নাবালকের ভার লয়। এ সব আইনের ব্যাপার, তুমি তো সব জানো ?” সদর। আজ্ঞা ঠাঁ।

বিজয় গোস্বামী। আহা! আহা! কি কথা! যিনি অনশ্রম হ'য়ে তাঁর চিন্তা করেন, যিনি তাঁর প্রেমে পাগল, তাঁর ভাব ভগবান নিজে বহন করেন। নাবালকের অমনি ‘অছী এসে জোটে! আহা কবে সেই অবস্থা হবে? ঈশ্বরের হয় তাঁরা কি ভাগবান!

ত্রৈলোক্য। মহাশয়, সংসারে যথার্থ কি জ্ঞান হয়? ঈশ্বর লাভ হয়? শ্রীরামকৃষ্ণ (হাসিতে হাসিতে)! কেন গো তুমি তো সারে মাতে আছো। (সকলের হাস্য)। ঈশ্বরে মন রেখে সংসারে আছো তো। কেন সংসারে হবে না? অবশ্য হলেন।

(সংসারে জ্ঞানীর লক্ষণ, ঈশ্বরলাভের লক্ষণ। স্বীকৃত)।

ত্রৈলোক্য। সংসারে জ্ঞান লাভ হ'য়েছে, তার লক্ষণ কি?

শ্রীরামকৃষ্ণ। হরিনামে ধারা আর পুলক। তাঁর মধুর নাম শুনেই শরীর রোমাঞ্চ হবে, আর চক্ষু দিয়ে ধারা বেয়ে প'ড়বে।

“যতক্ষণ বিষয়াসক্তি থাকে, কামিনী-কাঞ্চনে ভালবাসা থাকে, ততক্ষণ দেহবুদ্ধি যায় না। বিষয়াসক্তি যত কমে, ততই আত্মজ্ঞানের দিকে চ'লে যেতে পারা যায়, আব দেহবুদ্ধি কমে। বিষয়াসক্তি একবারে চলে গেলে আত্মজ্ঞান হয়, তখন আত্ম আলাদা আর দেহ আলাদা বোধ হয়। নারিকেলের জল না শুকুলে, দা দিয়ে কেটে শাঁস আলাদা মালা আলাদা করা কঠিন হয়। জল যদি শুকিয়ে যায়, তা হ'লে নড় নড় করে; শাঁস আলাদা হয়ে যায়। একে বলে খোড়ো নারিকেল।

“ঈশ্বর লাভ হ'লে লক্ষণ এই যে, সে ব্যক্তি খোড়ো নারিকেলের মত হ'য়ে যায়—দেহাশ্রবুদ্ধি চ'লে যায়। দেহের সুখ দুঃখে তার

সুখ হুঃখ বোধ হয় না । সে ব্যক্তি দেহের সুখ চায় না । জীবমুক্ত হ'য়ে বেড়ায় ।

‘কাণীর ভক্ত জীবমুক্ত নিত্যানন্দময় ।’

‘যখন দেখবে, ঈশ্বরের নাম ক'রতেই অশ্রু আর পুলক হয়, তখন জানবে, কামিনী-কাঞ্চনে আসক্তি চ'লে গেছে, ঈশ্বর লাভ হ'য়েছে । দেশলাই যদি শুকনো হয়, একটা ঘসলেই দপ্ ক'রে জ্বলে উঠে । আর যদি ভিজ্ঞে হয়, পঞ্চাশটা ঘসলেও কিছু হয় না । কেবল কাঠি-গুলো ফেলা যায় । বিষয় রসে র'সে থাকলে, কামিনী-কাঞ্চন রসে মন ভিজ্ঞে থাকলে, ঈশ্বরের উদ্দীপনা হয় না । হাজার চেষ্টা কর, কেবল পণ্ড্রম । বিষয়রস শুকুলে তৎক্ষণাৎ উদ্দীপন হয় !

(উপায় ব্যাকুলতা . —তিনি যে আপনার মা ।)

ত্রৈলোকা । বিষয়রস শুকাবার এখন উপায় কি ?

শ্রীরামকৃষ্ণ । মার কাছে ব্যাকুল হ'য়ে ডাকো ! তাঁর দর্শন হ'লে বিষয়রস শুকিয়ে যাবে ; কামিনী কাঞ্চনে আসক্তি সব দূরে চ'লে যাবে । আপনারা মা বোধ থাকলে এক্ষণই হয় । তিনি তো ধর্ম-মা নন । আপনারই মা ! ব্যাকুল হ'য়ে মার কাছে আকার কর । ছেলে ঘুড়ি কিনবার জন্তু মার আঁচল ধ'রে পয়সা চায়—মা হয় তো আর মেয়েদের সঙ্গে গল্প ক'রছে । প্রথমে মা কোন মতে দিতে চায় না । বলে, না, তিনি বারণ করে গেছেন, তিনি এলে ব'লে দিব, এক্ষণই ঘুড়ী নিয়ে একটা কাণ্ড করবি । যখন ছেলে কাঁদতে শুরু করে, কোন মতে ছাড়ে না, মা অণ্ড মেয়েদের বলে, ‘রোস মা, এ ছেলেটাকে একবার শাস্ত ক'বে আসি । ব'লে চাবিটা নিয়ে কড়াং কড়াং ক'রে বাস্ত খুলে একটা পয়সা কেলে দেয় । তোমরাও মার কাছে আকার করো, তিনি অবশ্য দেখা দিবেন । আমি শিখদের (Sikhs) ঐ কথা বলেছিলাম । তারা দক্ষিণেশ্বর কালীবাড়ীতে এসেছিল, মা-কালীর মন্দিরের সম্মুখে ব'সে কথা হ'য়েছিল । তারা ব'লেছিল, ‘ঈশ্বর দয়াময় । জিজ্ঞাসা ক'রলুম, কিসে দয়াময় ? তারা ব'লে, ‘কেন মহারাজ ! তিনি সর্বদা আমাদের দেখছেন, আমাদের ধর্ম অর্থ সব দিচ্ছেন, আহা! যোগাচ্ছেন । আমি বলুম, যদি কাবো ছেলেপুলে হয়,

তাদের খবর, তাদের খাওয়ার ভান, বাপে নেবে না তো কি বায়ুন পাড়ার লোকে এসে নেবে ?

সদরওয়াল। মহাশয় । তিনি কি তবে দয়াময় ন'ন ?

শ্রীরামকৃষ্ণ । তা কেন গো ? ও একটা ব'ল্লুম , তিনি যে বড় আপনার লোক । তাঁর উপর আমাদের জোব চলে । আপনার লোককে এমন কথা পর্য্যন্ত বলা যায়, 'দ্বিবি না রে, শালা ?' ..

যষ্ঠ পরিচ্ছেদ

[অহঙ্কার ও সদরওয়াল।]

শ্রীরামকৃষ্ণ (সদরওয়ালার প্রতি) । আচ্ছা, অভিমান, অহঙ্কার, জ্ঞানে হয়—না অজ্ঞানে হয় ? অহঙ্কার তনোপ্তণ , অজ্ঞান থেকে উৎপন্ন হয় । এই অহঙ্কার আডাল আছে ব'লে তাই ঈশ্বরকে দেখা যায় না । 'আমি ম'লে ঘুচিবে জড়াল' । অহঙ্কার করা বৃথা । এ শরীর, এ ঐশ্বর্য, কিছুই থাকবে না । একটা মাতাল দুর্গা প্রতিমা দেখ্ছিল । প্রতিমাব সাজ গোজ দেখে ব'ল্ছে, মা যতই সাজো গোজো, দিন দুই তিন পরে তোমায টেনে গঙ্গায় ফেলে দিবে । (সকলের হাস্য) । তাই সকলকে ব'ল্ছি, জুজুই হও, আর যেই হও, সব চ দিনেব জগা । তাই অভিমান অহঙ্কার ভাগ ক'বতে হয় ।

[ব্রাহ্মসমাজ ও সামা , লোক ভিন্ন প্রকৃতি ।]

'সব, রজঃ ও তনোপ্তণের ভিন্ন স্বভাব । তনোপ্তণীদেব লক্ষণ, অহঙ্কার, নিদ্রা, বেশী ভোজন, কাম, ক্রোধ এই সব । ব্রহ্মোপ্তণীরা বেশী কাজ জডায় , কাপড় পোষাকে ফিট বাট্, বাড়ী পরিষ্কার পরিচ্ছন্ন, বৈঠকখানায় Queenএব ছবি; যখন ঈশ্বর চিন্তা করে, তখন চেলা গরদ পরে , গলায় রুদ্রাক্ষের মালা, তার মাঝে মাঝে একটা একটা সোণাব রুদ্রাক্ষ , যদি কেউ ঠাকুর বাড়ী দেখতে আসে, তবে সঙ্গে ক'রে ক'রে দেখায় আর বলে, এদিকে আসুন আবও আছে, শ্বেত পাথ-বেল, মার্বেল পাথবেব মোজে আছে, মোল ফোকব নাট-মন্দিব

নাটমন্দির আছে । আবার দান করে, লোককে 'দেখিয়ে' । 'স্বপ্নস্বপ্নী লোক অতি শিষ্ট শাস্ত্র ; কাপড় যা তা ; রোজগার' পেট 'চীলা পর্য্যন্ত ; কখনও লোকের ভোষামোদ ক'রে ধন লয় না ; বাড়ীঠে মেরামত নাই , ছেলেদের পোষাকের জন্ত ভাবে না , মনি গঙ্গামের জন্ত ব্যস্ত হয় না ; ঈশ্বর চিন্তা, দান ধ্যান, সমস্ত গোপনে—লোকে টের পায় না ; মশারির ভিতর ধ্যান করে, লোকে ভাবে বাবুর রাতে ঘুম হয় নাট, তাই বেলা পর্য্যন্ত ঘুমাচ্ছেন । স্বপ্নস্বপ্ন সিঁড়ির শেষ ধাপ, তারপরেই ছাদ । স্বপ্নস্বপ্ন এলেই ঈশ্বর লাভের আর দেৱী হয় না—আর একটু গেলেই তাঁকে পাবে । (সদরওয়ারালার প্রতি) ভূমি ব'লেছিলে সব লোক সমান ; এই দেখ, কত ভিন্নপ্রকৃতি !

“আরও কত রকম থাক্ থাক্ আছে,—নিত্যজীব, মুক্তজীব, মুমুকুজীব, বদ্ধজীব,—নানা রকম মানুষ । নারদ, শুকদেব নিত্য-জীব , যেমন Steamboat (কলের জাহাজ) পারে আপনিও যেতে পারে, আবার বড় জীব জন্ত হাতী পর্য্যন্ত পারে নিয়ে যায় । নিত্য জীবেরা নায়েবের স্বরূপ , একটা তালুক শাসন করে—আর একটা শাসন ক'রতে যায় । আবার মুমুকুজীব আছে, তারা সংসার-জাল থেকে মুক্ত হবার জন্ত ব্যাকুল হ'য়ে প্রাণপণে চেষ্টা ক'রছে । এদের মধ্যে ছুই একজন জাল থেকে পালাতে পারে, তারা মুক্তজীব । নিত্য জীবেরা এক একটা সিয়ানা মাছের মত ; কখন জালে পড়ে না !

“কিন্তু বদ্ধজীব—সংসারী জীব—তাদের হুস নাই । তারা জালে প'ড়েই আছে, অথচ জালে বদ্ধ হ'য়েছি, এরূপ জ্ঞানও নাই । এরা হরি-কথা সম্মুখে হ'লে সেখান থেকে চ'লে যায়,—বলে, হরিনাম মরবার সময় হবে, এখন কেন ? আবার মুত্যাশ্রয় করে পরিবার কিছা ছেলেদের বলে, 'প্রদীপে অত সলতে- কেন, 'একটা সলতে দাও, তা না হ'লে তেল পুড়ে থাকে' ; আর পরিবারের ছেলেদের মনে ক'রে কাঁদে আর বলে, 'হায় ! আমি হ'লে । এদের কি হবে ।' আর বদ্ধজীব যাতে এত দুঃখ ভোগ করে, তাই আবার করে. ; যেমন উটের কাঁটা ঘাস খেতে খেতে মুখ দিয়ে 'দরদর' ক'রে রক্ত পড়ে, তবু কাঁটা ঘাস ছাড়বে না ! এদিকে ছেলে 'মারি' গেছে,

শেষে কাতর, তবু আবার বছর বছর ছেলে হবে . মায়ের বিয়েতে মর্কবাস্ত হ'লো আবার বছর বছর ছেলে মেয়ে হবে . বলে, কি ক'রবে অদৃষ্টে ছিল ! যদি ভীষ ক'রতে যায়, নিজে ঈশ্বরচিন্তা ক'রবার অবসর পায় না—কেবল পরিবারের পুটলী বইতে বইতে প্রাণ যায়, ঠাকুরের মন্দিরে গিয়ে ছেলেকে চরণামৃত খাওয়াতে, গড়ান্ডি দেওয়াতেই, ব্যস্ত । বন্ধজীব নিজের আর পরিবারদের পেটের জন্ত দাসত্ব করে—আর মিথ্যা কথা, প্রবঞ্চনা, ভোষামোহ, ক'বে ধন উপায় করে । যাত্রা ঈশ্বর চিন্তা করে. ঈশ্বরের ধ্যানে মগ্ন হয়. বন্ধজীব ভাগের পাপল বলে উড়িয়ে দেয় । যাত্রা কত রকম দেখ . তুমি লব এক বলছিলে 'কত ভিন্নপ্রকৃতি' কার কেবলী শক্তি. কাক কম ।

[বন্ধজীব মৃত্যুকালে ঈশ্বরকে নমস্কার করে না ।]

'সংসারামৃত বন্ধজীব মৃত্যুকালে সংসারের কখাট বলে নাচিয়ে মালা জপলে, গজানন করলে, ভীষ গেলে—কি ছ'র ৬ সংসার আশক্তি ভিতরে থাকলে মৃত্যুকালে সেটা দেখা যায় । কত মানল ছাবল বকে . চন্দ্রো! বিকারের খেয়ালে হলুদ, পাচকোডন . কত পাক' বলে চেঁচিয়ে উঠলে । 'গুরুপাখী লজ্জবেল' রাধাকৃষ্ণ বলে বিদ্রি ধরলে নিজের বুলি বেয়োয় . ক্যা ক্যা করে । পীতায় মাতে মৃত্যুকালে যা মনে ক'রবে, পবলোকে তাই হবে । ভবত বাজ' 'ছবিণ, ছবিণ' ক'রে লেহভাগ ক'বেছিল, ছবিণ'ভয় হ'লো । ঈশ্বর চিন্তা ক'রে লেহভাগ ক'রলে ঈশ্বর লাভ হয়, আন এ সংসারে আস'তে হয় না ।

ব্রাহ্মভক্ত । মচাময় অগ্ন সময় ঈশ্বর চিন্তা ক'বেচে, কিন্তু মৃত্যু সময় ক'রে নাই বলে কি আবার এই মুখতঃখময় সংসারে আস'বে হবে ৭ কেন, আগে তো ঈশ্বর চিন্তা ক'বেছিল ৭

শ্রীরামকৃষ্ণ । জীব ঈশ্বর চিন্তা করে, কিন্তু ঈশ্বরে বিশ্বাস নাই . আবার ছলে যায়, সংসারের আস'ক্ত হয় । যেমন এটি হাতীকে পান ক'রিয়ে দিলে, আবার ধূলা কাঁদা মাখে । মন মস্তকরী । তবে হাতীকে নাইয়েই যদি আশ্রাবলে সাধ কবিয়ে দিতে পাব, আন ধূলা কাঁদা

মাৰ্গতে পাবো না । যদি জীব ব্ৰহ্মকালে ইঁথব চিন্তা কৰে, তা হলে শুদ্ধ মন হয়, সে মন কামিনীকাকনে আৰাব আমন্ত হবাব অকলব পাব না ।

“ঈশ্বৰে বিশ্বাস নাই . তাই এতে কৰ্মভোগ । লোকে বলে যে, গল্পাশ্বানেব সময় তোমাৰ পাপগুলো তোমাৰ ছেতে গল্পাষ ভীবেব গাচেব উপৰ ব'সে থাকে । যাই তুমি গল্পাশ্বান ক'বে ভীবে উঠে অমনি পাপগুলো . তানাৰ ঘাচে আৰাব চেপে কমে (সকলেব হান্ন) । . দহত্যাগেব সময় ঘাচে ঈশ্বৰ চিন্তা হয়, তাই তাৰ আগে থাকে উপায় কৰেত হয় । উপায়—অভ্যাসযোগ । ঈশ্বৰ চিন্তা অভ্যাস ক'বলে . শ্বমেব দিনে ও তাকে মনে পড়বে ।

ব্ৰাহ্মভক্ত । . বশ কথা হলো অতি শুল্কৰ কথা ।

শ্ৰীৰামকৃষ্ণ । কি এলোমলো নকলুম । তবে আমার ভাব কি জান ? আমি যতু তিনি বন্দী, আমি যব তিনি ঘরপী, আমি গাড়ী তিনি Engineer, আমি বখ তিনি নখী , যেমন চালান, তমনি চলি, যেমন কবান, তমনি কবি ।

— — —

সপ্তম পরিচ্ছেদ ।

[শ্ৰীৰামকৃষ্ণৰ সহকৰ্মীনাশ্বনে ।]

লোক । আৰাব গান গাহিততেন । সবে খোল কবতালি বাজিততেন । শ্ৰীৰামকৃষ্ণ প্ৰেমে উন্নত হটমা নৃত্য কৰিততেন । নৃত্য কৰিতে কৰিত কতবাব অস্বাধিষ্ট হইততেন । সমাধিষ্ট অবস্থায় দাড়াইষা আছেন . স্পন্দনীন মেহ, বিকনেহ, সহাস্ত বদন, কোন প্ৰিয় ভক্তেব স্বৰ্গেশে হাত দিয়া আছেন । আৰাব ভাষাশে মন্ত মাত্ৰেব কায় নৃত্য বাক্ষশা প্ৰাপ্ত হইয়া পানেব আঁখৰ দিতেতেন,—

‘ন চ মা, তুলুক . বহু বেচে , আপান নেচ নাচাও গো মা (আৰাব বলি) আদপে একবাব নাচ মা . নাচ গো বন্ধনী . সেৰ তুলুক-মোহনৰূপে ।’

সে অপূৰ্ব দৃষ্ট । মাত্ৰগতপ্ৰাণ, প্ৰেমে মাতোষাষা সেই স্বৰ্গীয় নালকেব নৃত্য । ব্ৰাহ্মভক্তেবা তাহাকে বেটন কবিষা নৃত্য কৰিত-

ছেন . যেন লোহাকে চুম্বকে ধরিয়েছে । সকলে উদ্ভ্রান্ত হইয়া ব্রহ্ম নাম করিতেছেন , আবার ব্রহ্মের সেই মধুর নাম, আ—নাম, করিতেছেন । অনেকে বালকের মত ‘মা মা’ বলিতে বলিতে কাঁদিতেছেন ।

কীর্তনান্তে সকলে আসন গ্রহণ করিলেন । এখনও সমাজের সঙ্ঘাতকালীন উপাসনা হয় নাই । হঠাৎ এই কীর্তনানন্দে সমস্ত নিয়ম কোথায় ভাসিয়া গিয়াছে । শ্রীধুক্ত বিজয়কৃষ্ণ গোস্বামী রাত্রে বেদীতে বসিবেন এরূপ বন্দোবস্ত হইয়াছে । এখন বাজি প্রায় ৮টা ।

সকলে আমন গ্রহণ করিয়াছেন । শ্রীরামকৃষ্ণও আসীন । সম্মুখে বিজয় । বিজয়ের শাস্ত্রটীঠাকুরাণী ও অন্যান্য মেয়ে ভক্তবাক্য তাঁতাকে দর্শন করিবেন ও তাঁহার সঙ্গে কথা কহিবেন বলিয়া সম্বাদ পাঠাইলে, তিনি একটা ঘবেব ভিত্তব গিয়া তাহাদের সঙ্গে দেখা করিলেন ।

কিয়ৎপরে ফিরিয়া আসিয়া বিজয়কে বলিতেছেন, “দেখ তোমার শাস্ত্রডীর কি ভক্তি । বলে, সংসারের কথা আর বলবেন না , এক টেউ যাচ্ছে, আর এক টেউ আসতে । আমি ব’লুম, ওগো তোমার আর তাতে কি ! তোমার তো জ্ঞান হ’য়েছে । তোমার শাস্ত্রডী তাতে ব’লে ‘আমার আবার কি জ্ঞান হ’য়েছে । এখনও বিদ্যামায়া আর অবিদ্যামাযার পাব হই নাই , শুধু অবিদ্যার পার হ’লে তো হবে না, বিদ্যার পার হ’তে হবে, তবে তো জ্ঞান হবে । আপনিই তো ও কথা বলেন ।’

এ কথা হইতেছে, শ্রীধুক্ত বৈশীপাল আসিয়া উপস্থিত হইলেন ।

বৈশীপাল । মহাশয়, তবে গাত্রোথান করুন, অনেক দেৱী হ’য়ে গেছে , উপাসনা আরম্ভ করুন । বিজয় । মহাশয়, আর উপাসনার কি দরকার । আপনাদের এখানে আগে পায়সেব ব্যবস্থা, তারপর কড়ার দাল ও অন্যান্য ব্যবস্থা ।

শ্রীরামকৃষ্ণ (আসিয়া) । যেমন ভক্ত সে সেইরূপ আরোজন করে । সদগুণীভক্ত পায়স দেয়, রজোগুণীভক্ত পকাশ বাঞ্জন দিবে ভোগ দেয় , তমোগুণী ভক্ত ছাগ ও অন্যান্য বলি দেয় ।

বিজয় উপাসনা করিতে বেদিতে বসিবেন কি না ভাবিতেছেন ।

অষ্টম পরিচ্ছেদ ।

বিজয়ের প্রতি উপদেশ ।

ব্রাহ্মসমাজে Lecture. আচার্য্যের কাহাণী ।

ঈশ্বরই গুরু ।

বিজয় । আপনি অন্তগ্রহ করুন, তবে আমি বেদী থেকে বলবো ।

শ্রীরামকৃষ্ণ । অভিমান গেলেই হলো । ‘আমি লেক্‌চার দিচ্ছি, তোমরা শুন’ এ অভিমান না থাকলেই হলো । অহঙ্কার জ্ঞানে হয়, না অজ্ঞানে হয় ? যে নিবহঙ্কার, তাবই জ্ঞান হয় । নীচ জায়গায় বৃষ্টির জল দাঁড়ায়, উঁচু জায়গা থেকে গড়িয়ে যায় ।

যতক্ষণ অহঙ্কার থাকে, ততক্ষণ জ্ঞান হয় না, আবার মুক্তিও হয় না । এই সংসারে ফিরে ফিরে আসতে হয় । বাছুর হাঙ্গা হাঙ্গা (আমি আমি) করে, তাই অত যন্ত্রণা । কষায়ে কাটে, চামডায় জুতা হয়, আবার ঢোল ঢাকের চামড়া হয়, সে ঢাক কত পেটে, কষ্টের শেষ নাঈ ! শেষে নাড়ী থেকে ঠাঁত হয়, সেই ঠাঁতে যখন ধুমুরীর যন্ত্র তৈয়াব হয়, আব ধুমুরীর ঠাঁতে হুঁত হুঁত (তুমি তুমি) বলতে থাকে, তখন নিস্তার হয় । তখন আর হাঙ্গা হাঙ্গা (আমি আমি) বলছে না, বলছে হুঁত হুঁত (তুমি তুমি), অর্থাৎ হে ঈশ্বর, তুমি কর্তা, আমি অকর্তা . তুমি যন্ত্রী, আমি যন্ত্র . তুমিই সব ।

“গুরু, বাবা ও কর্তা, এইতিন কথায় আমার গায়ে কাঁটা বেঁধে । আমি তাঁর ছেলে, চিবকাল বালক, আমি আবার ‘বাবা’ কি ? ঈশ্বর কর্তা, আমি অকর্তা . তিনি যন্ত্রী আমি যন্ত্র ।

“যদি কেউ আমার গুরু বলে, আমি বলি, ‘হর শালা, গুরু কি রে ?’ এক সচ্চিদানন্দ বই আমার গুরু নাই । তিনি বিনা কোন উপায় নাঈ । তিনিই একমাত্র ভবসাগরের কাণ্ডাবী । (বিজয়ের প্রতি) । আচার্য্যগিরি করা বড় কঠিন । ওতে নিজের হানি হয় । অমনি দশজন মান্ছে দেখে পাষেব উপর প! দিয়ে বলে, ‘আমি বলছি আর তোমরা শুন ।’ এই ভাবটা বড় খাবাপ । তার

ঐ পর্য্যন্ত । ঐ একটু মান , লোকে হৃদ বলবে, 'আহা বিজয় বাবু বেশ বল্লেন, লোকটা খুব জ্ঞানী ।' 'আমি ব'লছি', এ জ্ঞান কোরো না । আমি মাকে বলি, 'মা; তুমি যত্নী আমি যত্ন . যেমন করাও তেমনি কবি, যেমন বলাও তেমনি বলি ।'

বিজয় (বিনীতভাবে) । আপনি বলুন, তবে আমি গিয়ে বোসবো ।

শ্রীরামকৃষ্ণ (হাসিতে হাসিতে) । আমি কি ব'লবো . টান মামা সকলেবই মামা । তুমিই তাঁকে ব'লো । যদি আশ্চর্যিক হয়, কোন ভয় নাই ।

বিজয় আবার অমুনয় কবাত্তে শ্রীরামকৃষ্ণ বলিলেন, 'যাও, যেমন পদ্ধতি আছে তেমনি করোগে , আশ্চর্যিক তাঁর উপর ভক্তি থাকলেই হোলো ।' বিজয় বেদীতে আসীন হইয়া ব্রাহ্মসমাজেব পর্দাও অনুসারে উপাসনা করিতেছেন । বিজয় প্রার্থনার সময় মা মা কবিত্তা ডাকিতেছেন । সকলেবই মন দ্রবীভূত হইল ।

উপাসনাস্থে ভক্তদের সেবাব জন্ত ভোক্তনের আয়োজন হইতেছে । সতরঞ্চ, গালিচা, সমস্ত উঠাইয়া পাতা হইতে লাগিল, ভক্তরা সকলেই বসিলেন । ঠাকুর শ্রীরামকৃষ্ণের আসন হইল । তিনি বসিয়া শ্রীযুক্ত বৈশীপাল প্রদত্ত উপাদেয় লুচি, কচুরি, পাপর, নামাবিধ মিষ্টান্ন, দধি, কীব ইত্যাদি সমস্ত ভগবানকে নিবেদন কবিত্তা আনন্দে প্রসাদ লইলেন ।

নবম পরিচ্ছেদ ।

মা । কালী ব্রহ্ম, পূর্ণ জ্ঞানের পর, অভেদ ।

আহাবাস্তে সকলে পান খাইতে খাইতে বাটী প্রত্যাগমনের উদ্দ্যোগ কবিত্তেছেন । বাইবার পূর্বে ঠাকুর শ্রীরামকৃষ্ণ বিজয়েব সহিত একান্তে বসিয়া কথা কহিতেছেন । সেখানে মাষ্টার আছেন ।

[ব্রাহ্মসমাজে উৎসবের মাতৃভাব । Motherhood of God.]

শ্রীরামকৃষ্ণ । তুমি তাঁকে মা মা বলে প্রার্থনা কবছিলে । এ খুব ভাল ! কথায় বলে, মায়ের টান বাপেব চেয়ে বেশী ! মায়ের উপর ছোঁর চলে, বাপের উপর চলে না । ছেলোকোব মায়ের জমিদারী

থেকে গাড়ী গাড়ী ধন আসছিল, সঙ্গে কত লাল পাগড়িওয়ালা লাঠি হাতে স্বারবান্ । হ্রেলোকা রাস্তায় লোকজন নিয়ে দাড়িয়েছিল, জোর ক'রে সব ধন কেড়ে নিলে । মায়ের ধনের উপর খুব জোর চলে । বলে নাকি ছেলের নামে তেমন নাশিশ চলে না ।

বিজয় । ব্রহ্ম যদি মা, তা হ'লে তিনি নাকার না নিরাকার ?

শ্রীরামকৃষ্ণ । শিমি ব্রহ্ম তিমি কালী (মা, আত্মশক্তি ।

যখন নিষ্ক্রিয়, তাঁকে ব্রহ্ম ব'লে কই । যখন সৃষ্টি, স্থিতি, প্রলয় এই সব কাজ করেন, তাঁকে শক্তি ব'লে কই । স্থির জল ব্রহ্মের উপমা । জল হেল্চে চল্চে, শক্তি বা কালীর উপমা । কালী 'কি না— যিনি মহাকালের (ব্রহ্মের সত্তিত বরণ করেন । কালী 'নাকার আকার নিবাকার' । ভোমাদের যদি নিরাকার বলে বিশ্বাস, কালীকে সেইরূপ চিন্তা ক'রবে । একটা স্চ ক'রে তার চিন্তা ক'রলে, তিনিই জানিয়ে দেবেন, তিনি কেমন । শ্যামপুকুরে পৌছিলে তেলী-পাড়াও জানতে পারবে । জানতে পারবে যে, তিনি শুধু আছেন (অস্তিত্বাত্ম) তা নয় । তিনি ভোমার কাছে এসে কথা ক'য়েন— আমি যেমন ভোমার সঙ্গে কথা ক'চ্ছি । বিশ্বাস করো, সবহ'য়ে যাবে । আর একটা কথা— ভোমার নিরাকার বলে যদি বিশ্বাস তাই বিশ্বাস দট ক'রে করো । কিন্তু মত্বয়র বুদ্ধি (Dogmatism) কোরো না । তার সম্বন্ধে এমন কথা জোর কোরে বোলো না যে, তিনি এই হ'তে পারেন, আর এই হ'তে পারেন না । ব'লো 'আমার বিশ্বাস তিনি নিরাকার, আর কত কি হ'তে পারেন, তিনি জানেন । আমি জানি না, বুঝতে পারি না ।' মাত্বয়ব এক ছটাক বুদ্ধিতে ঈশ্বরের স্বরূপ কি বুঝা যায় ? একলের ঘটিতে কি চার সের ছুধ ধরে ? তিনি যদি কৃপা ক'রে কখনও দর্শন দেন, আর বুদ্ধিযে দেন, তবে বুঝা যায়, নাচেৎ নয় ।

'শ্বাস ব্রহ্ম, তিমিই শক্তি, তিনিই মা ।

'প্রসাদ বলে মাত্বভাবে আমি তত্ত্ব করি যারে ।

সেটা চাতরে কি ভাববো কাঁড়ি, বোঝনারে মন তারে ঠোরে' ।

'আমি তত্ত্ব কবি যারে ।' অর্থাৎ আমি সেই ব্রহ্মের তত্ত্ব

ক'রছি। তাঁরেই মা মা বলে ডাকছি। আবার রামপ্রসাদ ঐ কথাই বলছে,—‘আমি কালীত্রয় জেনে মর্শ্ব, ধর্শ্বাধর্শ্ব সব ছেড়েছি।’

‘অধর্শ্ব কি না অসৎ কর্ম। ধর্শ্ব কিনা বৈধী কর্ম—এতো দান কবতে হবে, এতো ব্রাহ্মণ ভোজন করাতে হবে, এই সব ধর্শ্ব।

বিজয়। ধর্শ্বাধর্শ্ব ত্যাগ ক'রলে কি বাকী থাকে ?

শ্রীরামকৃষ্ণ। শুদ্ধা ভক্তি। আমি মাকে বলেছিলাম, মা। এই লও তোমার ধর্শ্ব, এই লও তোমার অধর্শ্ব, আমায় শুদ্ধাভক্তি দাও, এই লও তোমার পুণা, এই লও তোমার পাপ, আমায় শুদ্ধাভক্তি দাও; এই লও তোমার জ্ঞান, এই লও তোমার অজ্ঞান, আমায় শুদ্ধাভক্তি দাও। দেখ, জ্ঞান পযাস্তু আমি চাই নাই। আমি লোকমাণ্ডল চাই নাই। ধর্শ্বাধর্শ্ব ছাড়লে শুদ্ধাভক্তি—অমলা, নিকাম, অহেতুকী ভক্তি—বাকী থাকে।

(ব্রাহ্মসমাজ ও বেদান্ত প্রতিপাদ্য ব্রহ্ম। আদ্যাশক্তি।)

ব্রাহ্মভক্ত। তিনি আর তাঁর শক্তি কি তফাৎ ?

শ্রীরামকৃষ্ণ। পূর্ণ জ্ঞানের পর অভেদ। যেমন মণির জ্যোতিঃ আর মণি, অভেদ। মণির জ্যোতিঃ ভাবলেই মণি ভাবতে হয়। দুধ আর ছুধের ধবলত্ব যেমন অভেদ। একটাকে ভাবলেই আব একটাকে ভাবতে হয়। কিন্তু এ অভেদ জ্ঞান—পূর্ণজ্ঞান না হ'লে হয় না। পূর্ণ জ্ঞানে সম্মাশি হয়, চতুর্বিংশতি তত্ত্ব ছেড়ে চ'লে যায়—তাই অহতত্ত্ব থাকে না। সমাধিতে কি বোধ হয় মুখে বলা যায় না। নেমে একটু আভাসের মত বলা যায়। যখন সমাধি ভঙ্গের পব ‘ওঁ ওঁ’ বলি, তখন আমি একশো হাত নেমে এসেছি। ব্রহ্ম বেদবিধির পার, মুখে বলা যায় না। সেখানে ‘আমি’ ‘তুমি’ নাই।

‘যতক্ষণ ‘আমি’ ‘তুমি’ আছে, যতক্ষণ ‘আমি প্রার্থনা কি ধ্যান করছি’ এজ্ঞান আছে, ততক্ষণ ‘তুমি, ঈশ্বর) প্রার্থনা শুনছো’ এজ্ঞানও আছে, ঈশ্বরকে ব্যক্তি বলে বোধ আছে। তুমি প্রভু, আমি দাস, তুমি পূর্ণ, আমি অংশ, তুমি মা, আমি ছেলে, এ বোধ থাকবে। এই ভেদ বোধ :—আমি একটি, তুমি একটি। এ ভেদ বোধ তিনিই

করাছেন । তাই পুরুষ মেয়ে, আলো অন্ধকার, এই সব বোধ হ'চ্ছে । যতক্ষণ এই ভেদ বোধ, ততক্ষণ শক্তি (Personal God) মানতে হবে । তিনিই আমাদের ভিতর 'আমি' রোধ দিয়েছেন । হাজার বিচার কর, 'আমি' আর যায় না । আর তিনি বান্ধি হ'য়ে দেখা দেন ।

‘তাই যতক্ষণ ‘আমি’ আছে, ভেদবুদ্ধি আছে,—ব্রহ্ম নিগুণ বলবার যো নাই । ততক্ষণ সগুণ ব্রহ্ম মানতে হবে । এই সগুণ ব্রহ্মকে বেদ, পুরাণ, তন্ত্রে, কাল্পনী বা আত্মশক্তি বলে গেছে ।

বিজয় । এই আত্মশক্তি দর্শন, আর ঐ ব্রহ্মজ্ঞান কি উপায়ে করতে পারে ?

শ্রীরামকৃষ্ণ । বাবুল হৃদয়ে তাঁকে প্রার্থনা করো । আর কাদো । চিত্তশুদ্ধ হ'য়ে যাবে । নিশ্চল জলে সূর্যের প্রতিবিন্দু দেখতে পাবে । তন্ত্রের আমিকপ আসীতে সেই সগুণব্রহ্ম আত্মশক্তি দর্শন ক'বে । কিন্তু আসী খুব পোঁছা চাই । ময়লা থাকলে ঠিক প্রতিবিন্দু পড়বে না ।

‘যতক্ষণ ‘আমি’ জলে সূর্যকে দেখতে হয়, সূর্যকে দেখবার আর কোনরূপ উপায় হয় না, আর যতক্ষণ প্রতিবিন্দু সূর্য বই সত্য সূর্যকে দেখবার উপায় নাই, ততক্ষণ প্রতিবিন্দু সূর্যই যোল আনা সত্য । যতক্ষণ আমি সত্য, ততক্ষণ প্রতিবিন্দু সূর্যও সত্য—যোল আনা সত্য ! সেই প্রতিবিন্দু সূর্যই আত্মশক্তি ।

‘ব্রহ্মজ্ঞান যদি চাও—সেই প্রতিবিন্দুকে ধরে সত্য সূর্যের দিকে যাও । সেই সগুণব্রহ্ম, যিনি প্রার্থনা, শ্রুতেন তারেই বল, তিনিই সেই ব্রহ্মজ্ঞান দিবেন । কেন না, যিনিই সগুণব্রহ্ম, তিনিই নিগুণ ব্রহ্ম, যিনিই শক্তি, তিনিই ব্রহ্ম । পূর্ণ জ্ঞানের পর অভেদ ।

‘মা ব্রহ্মজ্ঞানও দেন । কিন্তু শুদ্ধভক্ত প্রায় ব্রহ্মজ্ঞান চায় না ।

‘আর এক পথ, জ্ঞানযোগ, বড় কঠিন পথ । ব্রাহ্মসমাজের তোমরা জ্ঞানী নও, তন্ত্র । যাবা জ্ঞানী, তাদের বিশ্বাস যে, ব্রহ্ম সত্য জগৎ মিথ্যা, স্বপ্নবৎ । আমি তুমি, সব স্বপ্নবৎ ।

[ব্রাহ্মসমাজে বিদ্বেন ভাব ।]

‘তিনি অন্তরামী ’ তাঁকে পরল মনে, শুদ্ধ মর্মে প্রার্থনা কর ।

তিনি সব বুঝিয়ে দিবেন । অহঙ্কার ত্যাগ ক'রে তাঁর শরণাগত হও , সব পাবে ।

গান্ধী । আপনাতে আপনি থেক মন, যেও নাকো কারু ষার । যা চাৰি তা ব'সে পাৰি, খোঁজো নিচু অন্তঃপুৰে । পবন ধন ঐ পরশমণি, যা চাৰি তা দিতে পারে । কত মণি প'ড়ে আছে, চিন্তামণির নাচ ছুঁয়ারে ।

“যখন বাহিরে লোকের সঙ্গে মিশবে, তখন সকলকে ভালবাসবে , মিশে যেন এক হ'য়ে যাবে—বিবেচ্য ভাব আর রাগ'বে না । 'ও ব্যক্তি সাকার মানে, নিরাকার মানে না , ও নিরাকার মানে সাকার মানে না ; ও হিন্দু, ও মুসলমান, ও খ্রীষ্টান এঁই ব'লে নাক সিটকে ঘূণা ক'রো না । তিনি যাকে যেমন বুঝিয়েছেন । সকলের ভিন্ন ভিন্ন প্রকৃতি জানবে, জেনে তাদের সঙ্গে মিশবে,—যত দূর পার । আর ভাল বাসবে । তার পর নিজের ঘরে গিয়ে শান্তি আনন্দভোগ ক'রবে । 'জ্ঞানদীপ স্বেলে ঘরে ব্রহ্মময়ার মুখ দেখো না ।' নিজের ঘরে স্ব স্বরূপকে দেখতে পারে । রাখাল যখন গরু চরাতে যায়, গরু সব মাঠে গিয়ে এক হ'য়ে যায় । এক পালের গরু । যখন সন্ধ্যার সময় নিজের ঘরে যায়, আবার পৃথক হ'য়ে যায় । নিজের ঘরে 'আপ নাতে আপনি থাকে ।'

[সন্ন্যাসে সঙ্কর ক'রিতে নাহি শ্রীমদ্র বর্ণপানেন্দু অতঃপর সম্ভাব্যতাব ।]

রাত্রি দশটার পর শ্রীরামকৃষ্ণ দক্ষিণেশ্বরের কালাবাডাতে ফিরিবাব জন্ম গাভীতে উঠিলেন । সঙ্গে দুই একজন সেবক ভক্ত । গভীর অন্ধকার, গাছতলায় গাভী দাঁড়িয়ে । বর্ণপাল রামলালের জন্ম লুচি মিষ্টান্নাদি গাভীতে তুলিয়া দিতে আসিলেন ।

বেণীপাল । মহাশয় । রামলাল আসতে পারেন নাহি, তার জন্ম কিছু খাবার এঁদের হাতে দিতে ইচ্ছা করি । আপনি অনুমতি করুন ।

শ্রীরামকৃষ্ণ (বাস্তু হইয়া) । ও বাবু বেণীপাল । তুমি আমার সঙ্গে ও সব দিও না । ওতে আমার দোষ হয় । আমার সঙ্গে কোন জিম্মিষ সঙ্কয় ক'রে নিয়ে যেতে নাহি । তুমি কিছু মনে করবে না ।

বেণীপাল । যে আজ্ঞা । আপনি আলীক্বাদ ককন ।

শ্রীরামকৃষ্ণ । আজ খুব আনন্দ হ'লে । দেখ, অর্থ যাব দাস,

দক্ষিণেশ্বরে । মনোমোহন, হৃদয়, মহিমাচরণ প্রভৃতি সঙ্গে । ১৯৫
সেই মানুষ । যারা আর্থের ব্যবহার জানেন না, তারা মানুষ হ'য়ে
মানুষ নয় । আকৃতি মানুষের কিন্তু পশুর ব্যবহার ! ধন্য তুমি !
এতগুলি ভক্তকে আনন্দ দিলে ।

প্রথম ভাগ-ত্রয়োদশ অধ্যায় ।

প্রথম পরিচ্ছেদ ।

দক্ষিণেশ্বরে মনোমোহন, মহিমা প্রভৃতি ভক্তসঙ্গে ।

চল ভাই, আবার তাকে দর্শন করতে যাও । সেই মহাপুরুষকে,
সেই বালককে দেখে, যিনি মা বউ আবার কিছু জানেন না, যিনি
আমাদের জন্য দেহ ধারণ করে এসেছেন—তিনি বলে দেবেন, কি
করে এই কঠিন জীবন সমস্ত। পূর্ণ করে দেবে । সন্ন্যাসীকে বলে
দেবেন, গৃহীকে বলে দেবেন । অব্যাহত দার । দক্ষিণেশ্বরের কালা-
বাড়ীতে আমাদের জন্য অপেক্ষা করছেন । চল, চল, তাঁকে
দেখো ।

‘অনন্ত গুণাধার প্রসন্নমূর্তি, শ্রবণে শাব কথ্য আঁখি করে ।

চল ভাই, অস্তুরকৃপাসিন্ধু, প্রিয়দর্শন, ঈশ্বর প্রেমে নিশিদিন
মাতোষালা মহাস্তনদন শ্রীরামকৃষ্ণকে দর্শন করে মানব-জীবন সার্থক
করি ।

আজ বৃদিবাব, ২৬শে অক্টোবর, ১৮৮৪ । হেমন্তকাল । কার্তিকের
শুক্লাসপ্তমী তিথি । দু'প্রহর বেলা । ঠাকুরের সেই পূর্ব-পরিচিত
ঘরে ভক্তেরা সমবেত হইয়াছেন । সে ঘরের পশ্চিম গায়ে অক্ষয়-
কার বারাণ্ডা । বারাণ্ডার পশ্চিমে উদ্ভান-পথ, উত্তর দক্ষিণে যাউ-
তেছে । পথের পশ্চিমে মা কালীর পুষ্পাঙ্কান, তাহার পরেই
পোস্তা, তৎপরে পবিত্র-সলিলা দক্ষিণবাহিনী গঙ্গা ।

ভক্তেরা অনেকই উপস্থিত । আজ আনন্দের ছাট । আনন্দময়
ঠাকুর শ্রীরামকৃষ্ণের ঈশ্বরপ্রেম ভক্তমুখদর্পণে মুকুবিভ হইতেছিল । কি
আশ্চর্য ! আনন্দ কেবল ভক্তমুখদর্পণে কেন ? বাস্তবের উদ্ভানে,

বৃক্ষপত্র, নানাবিধ যে কুস্তম ফুটিয়া বহিয়াছে তদ্বোধো, বিশাল ভাগীরথী বক্ষে, রবিকরপ্রদীপ্ত নীলনভোমণ্ডলে, মুরারিচরণচ্যুত-গঙ্গা-বারিকণবাহী শীতল সমীরণ মধো, এই আনন্দ প্রতিভাসিত হইতেছিল। কি আশ্চর্য্য! সত্য সত্যই 'মধুমৎ পাখিবং রজঃ'—উত্তানের ধূলি পর্বাস্তু মধুময়।—ইচ্ছা হয় গোপনে বা ভক্তসঙ্গে এই ধূলির উপর গড়াগড়ি দিই। ইচ্ছা হয়, উত্তানের একপার্শ্বে দাঁড়াইয়া সমস্ত দিন এই মনোহারি গাঙ্গবাবি দর্শন করি। ইচ্ছা হয়, এই উত্তানের লতা গুল্ম ও পত্রপুষ্পাশোভিত স্নিগ্ধোজ্জ্বল বৃক্ষগুলিকে আত্মীয়স্বজনে সাদব সম্ভাষণ ও প্রেমালিঙ্গন দান করি। এই ধূলির উপর দিয়া কি ঠাকুর শ্রীরামকৃষ্ণ পাদচারণ করেন। এই বৃক্ষ লতা গুল্ম মধা দিয়া তিনি কি অহরহঃ যাতায়াত করেন। ইচ্ছা করে, জ্যোতির্ময় গগন পানে অনগ্গদষ্ট হইয়া তাকাইয়া থাকি। কেন না দেখিতেছি, ভূলোক দুালোক সমস্তই প্রেমানন্দে ভাসিতেছে।

ঠাকুবাড়ীর পূজাবী, দৌবারিক, পথিচাবক, সকলকে কেন পরমাত্মীয় বোধ হইতেছে—কেন এ স্থান বর্ষদিনান্তে দৃষ্ট জন্মভূমির স্থায় মধুর লাগিতেছে? আকাশ, গঙ্গা, দেবমন্দির, উত্তানপথ, বৃক্ষ, লতা, গুল্ম, সেবকগণ, আসনে উপবিষ্ট ভক্তগণ, সকলে যেন এক জিনিসের তৈয়ারী বোধ হইতেছে। যে জিনিসে নির্মিত শ্রীরামকৃষ্ণ, এঁবাও বোধ হইতেছে, সেই জিনিসের হইবেন। যেন একটী মোমেব বাগান, গাছপালা, ফল পাতা, সব মোমেব, বাগানের পথ, বাগানের মালা, বাগানের নিবাসীগণ, বাগানমধ্যস্থিত গৃহ সমস্তই মোমেব। এখানকার সব আনন্দ দিবে গড়া।

শ্রীমনোমোহন, শ্রীযুক্ত মতিম চরণ, মাষ্টার উপস্থিত ছিলেন। ক্রমে ঈশান, সন্দয় ও জাজরা। এঁবা ছাড়া অনেক ভক্তেবা ছিলেন। বলবাম রাখাল, এঁবা তখন শ্রীরূদ্দাবনধামে। এই সময়ে নূতন ভক্তেবা আসেন যান, নাবাণ, পন্ট, ছোট নবেন, তেজচন্দ্র, বিনোদ, হবিপদ। বাবুবাম আসিয়া মাঝে মাঝে থাকেন। বাম, সুরেশ, কেদার ও দেবেন্দ্রাদি ভক্তগণ প্রায় আসেন—কেহ কেহ সপ্তাহান্তে, কেহ দুই সপ্তাহের পর। লাটু থাকেন। যোগিনের বাড়ী নিকট, তিনি প্রায় প্রত্যেক যাতায়াত করেন। নবেন্দ্র মাঝে মাঝে আসেন, এলেই আনন্দেব

দক্ষিণেশ্বরে । মশ্মোহন, হৃদয়, মহিমাচরণ প্রভৃতি সঙ্গে । ১৯৭
 হাট । নরেশ্বর তাঁহার সেই দেবতুল্য কণ্ঠে ভগবানের নামগুণ গান
 করেন, অমনি ঠাকুরের নানাবিধ ভাব ও সমাধি হইতে থাকে । একটা
 যেন উৎসব পড়িয়া যায় । ঠাকুরের ভারি ইচ্ছা, ছেলোদের কেহ
 তাঁর কাছে বাত্রি দিন থাকেন, কেন না তারা শুদ্ধাত্মা, সংসারে
 বিবাহাদিসূত্রে বা বিষয় কর্ম্মে আবদ্ধ হয় নাই । বাবুরামকে থাকিতে
 বলেন : তিনি মাঝে মাঝে থাকেন । শ্রীযুক্ত অধর সেন প্রায় আসেন ;

ঘরের মধ্যে ভক্তেরা বসিয়া আছেন । ঠাকুর শ্রীবামকৃষ্ণ বালকের
 গায় দাঁড়িয়ে কি ভাবছেন । ভক্তেরা চেয়ে আছেন ।

[অবাক্ত ও বাক্ত, The Undifferentiated and the Differentiated]

শ্রীবামকৃষ্ণ (মনোমোহনের প্রতি) । সব স্বাক্ষ দেখছি । তোমরা
 সব ব'সে আছ : দেখছি রামই সব এক একটা হ'য়েছেন ।

মশ্মোহন । রামই সব হ'য়েছেন, তবে আপনি যেমন বলেন,
 'আপো নাবায়ণ,' জলই নারায়ণ, কিন্তু কোন জল খাওয়া যায়
 কোন জলে মুখ ধোয়া চলে, কোন জলে বাসন মাজা ।

শ্রীবামকৃষ্ণ । হাঁ, কিন্তু দেখছি তিনিই সব । জীব জগৎ তিনি
 হ'য়েছেন । এই কথা বলিতে বলিতে ঠাকুর ছোট পাটটীতে বসিলেন ।

শ্রীবামকৃষ্ণের সঙ্গে আঁট ও সঞ্চয় । ;

শ্রীবামকৃষ্ণ (মহিমাচরণের প্রতি) । ভাগ্য, সত্য কথা কহিতে
 হবে বলে কি আমার স্মৃতি বাই হলো নাকি । যদি ত্যাগ বলে
 ফেলি খাবনা, তবে খিদে পেলেও আর খাবার যো নাই । যদি বলি
 ঝাউতলায় আমার গাড়ু নিয়ে অমুক লোকের ঘোতে হবে,—আব
 কেউ নিয়ে গেলে তাকে আবার ফিবে ঘোতে বলতে হবে । একি
 হলো বাপু ! এব কি কোন উপায় নাই ।

“আবার সঙ্গে করে কিছু আনবার যো নাই । পান, খাবার,—
 কোন জিনিষ সঙ্গে ক'রে আনবার যো নাই । তা হ'লে সঞ্চয় হলো
 কি না । হাতে মাটি নিয়ে আসবার যো নাই ।

এই সময় একটা লোক আসিয়া বলিল, মহাশয়, হৃদয়ঃ যদুমল্লিকের

* হৃদয় মুখোপাধ্যায়, সম্পর্কে ঠাকুরের ভাগিনেয় । ঠাকুরের জন্মভূমি

বাগানে এসেছে। ফটকের কাছে দাঁড়িয়ে, আপনার সঙ্গে দেখা করতে চায়। শ্রীরামকৃষ্ণ ভক্তদের বলিতেছেন, হৃদয়ের সঙ্গে একবার দেখা ক'বে আসি। তোমরা বোসো। এই বলিয়া কালো বাগিন্স করা চটা জুতাটী প'রে পূর্বদিকের ফটক অভিমুখে চলিলেন। সঙ্গে কেবল মাষ্টার।

লাল সুরকীর উত্তানপথ। সেই পথে ঠাকুর পূর্বদিক-ভইয়া যাউতে-ছেন। পথে খাজাঞ্চী দাঁড়াইয়াছিলেন, ঠাকুরকে প্রণাম কবিলেন। দক্ষিণে উঠানের ফটক রহিল, সেখানে শ্রীশ্রীবিংশতি দৌবারিকগণ বসিয়াছিল। বামে কুঠি—বাবুদের বৈঠকখানা, আগে এখানে নীল কুঠী ছিল, তাই কুঠী বলে। তৎপরে পাথর দুই দিকে কুম্ভম বৃক্ষ.— অদূরে পথের ঠিক দক্ষিণ দিকে গাজিতলা ও মা কালীর পুঙ্গবী সোপানাবলি-শোভিত ঘাট। ক্রমে পূর্বদিক, ব.মদিকে দ্বারবানদের ঘর ও দক্ষিণে তুলসী মঞ্চ। উঠানের বাহিরে আসিয়া দেগেন, যদুমল্লিকের বাগানেব ফটকের কাছে হৃদয় দণ্ডায়মান।

দ্বিতীয় পরিচ্ছেদ

সেবক সন্নিকটে। হৃদয় দণ্ডায়মান।

হৃদয় কৃতান্তলিপুটে দণ্ডায়মান। দর্শনমাত্র রাজপথের উপর দণ্ডের শ্যায় নিপতিত হইলেন। ঠাকুর উঠিতে বলিলেন, হৃদয় আবার হাত জোড় করিয়া বালকের মত কাঁদিতেছেন।

কি আশ্চর্য্য! ঠাকুর শ্রীরামকৃষ্ণও কাঁদিতেছেন। চক্ষের কোণে কয়েক ফোঁটা জল দেখা দিল। তিনি অশ্রুবাবি হাত দিয়া মুছিয়া ফেলিলেন—যেন চক্ষে জল পড়ে নাই। একি! যে হৃদয় তাঁকে কত যজ্ঞা দিয়াছিল, তাঁর জন্ম ছুটে এসেছেন। আর কাঁদছেন।

৬কামাবপুকুরের নিকট সিওডে হৃদয়েব বাড়ী। প্রায় বিংশতি বর্ষ ঠাকুরের কাছে থাকিয়া দক্ষিণেশ্বরবন মন্দির মা কালীর পূজা ও ঠাকুরের সেবা কবিয়া-ছিলেন। তিনি বাগানেব কর্তৃপক্ষীয়দের অসন্তোষভাজন হওয়াতে তাঁহাব বাগানে প্রবেশ কনিবাব করুকম দিন না। অদূরেব মা ভামতী ঠাকুরের পিসী।

দক্ষিণেশ্বরে । মাম্মোহন, হৃদয়, মহিমাচরণ প্রভৃতি সঙ্গে । ১৯৯

শ্রীরামকৃষ্ণ । এখন যে এলি ?

হৃদয় (কাঁদিত, কাঁদিত) । তোমাব সঙ্গে দেখা কর্তে এলাম ।

আমার দুঃখ আর কার কাছে বল্‌বো ?

শ্রীরামকৃষ্ণ (সান্ত্বনাথ, মহাশ্বে) । সংসারের এইরূপ দুঃখ আছে । সংসার কর্তে গেলেই সুখ দুঃখ আছে । (মাষ্টারকে দেখাইয়া) এঁরা এক এক বার তাই আসে , এসে ঈশ্বরীয় কথা দুটো শুনলে মনে শান্তি হয় । তোর কিসের দুঃখ ?

হৃদয় । (কাঁদিত কাঁদিত) আপনার সঙ্গে ছাড়া, তাই দুঃখ ?

শ্রীরামকৃষ্ণ । তুই তো বলেছিলি, 'তোমার ভাব, তোমাতে থাক্, আমার ভাব আমাতে থাক্ '

হৃদয় । তা তাতো বলেছিলাম—আমি কি জানি ?

শ্রীরামকৃষ্ণ । আজ এখন তবে আয়, আর এক দিন তখন ব'সে কথা কাহিব । আজ বিবাহের অনেক লোক এসেছে, তারা ব'সে রয়েছে এবাব দেশ খান টান কেমন হ'য়েছে ?

হৃদয় । হী, তা এক রকম মন্দ হয় নাই ।

শ্রীরামকৃষ্ণ । আজ তবে আয় আবার এক দিন আসিস্ ।

হৃদয় আবার সাষ্টাঙ্গ হইয়া প্রণাম করিল । ঠাকুর সেট পথ দিয়া ফিবিয়া আসিতে লাগিলেন । সঙ্গে মাষ্টার ।

শ্রীরামকৃষ্ণ (মাষ্টারের প্রতি) । আমার সেবাও যত করোঁচ যন্ত্রণাও তেমনি দিয়েছে । আমি যখন পেটের ব্যারামে দুখানি ভাড হ'য়ে গেছি—কিছু খোতে 'পারতুম না তখন আমায় বল্লেন, "এই দেখ, আমি কেমন খাট। তোমার মনের গুণে খেতে পারোঁ না ।" আবার বল্লেন, "বোকা—আমি না থাকলে তোমাব সাধুগিরি বেরিয়ে যেতো ।" এক দিন এ রকম কবে যন্ত্রণা দিলে যে পোস্তার উপর দাঁড়িয়ে জোয়ারের জলে দেহ ত্যাগ কর্তে গিয়েছিলুম ।

• মাষ্টার শুনিয়া অবাক্ । বোধ হয় ভাবিতেন, কি আশ্চর্য । এমন লোকের জন্য ইনি অশ্রুবারি বিসর্জন করিতেছিলেন ?

শ্রীরামকৃষ্ণ (মাষ্টারের প্রতি) । আজ্ঞা, অত সেবা করত,—তবে কেন হ'বে এমন হ'লো ? ছেলেকে যেমন মানুষ করে সেট রকম করে

শ্রীশ্রীরামকৃষ্ণকথামৃত । [১৮৮৪, অক্টোবর ২৬।
আমাকে দেখেছে । আমি তো রাত দিন বেছঁস হ'য়ে থাকতুম, তার
উপর আবার অনেক দিন ধরে বামোয় ভুগেছি । ও যে রকম ক'রে
আমাঘ রাখতো, সেই রকম আমি থাকতুম ।

মাষ্টার কি বলিবেন, চুপ করিয়া রহিলেন । হয় ত ভাবিতেছিলেন
হৃদয় বুঝি নিকাম হইয়া ঠাকুরের সেবা করেন নাই ।

কথা কহিতে কহিতে ঠাকুর নিজের ঘরে পঁহছিলেন । ভক্তেরা
প্রতীক্ষা করিতেছিলেন । ঠাকুর আবার ছোট খাটটোতে বসিলেন ।

তৃতীয় পরিচ্ছেদ ।

ভক্তসঙ্গে—নানা প্রসঙ্গে । ভাব, মহাভাবের গূঢ় তত্ত্ব ।

শ্রীযুক্ত মহিমাচরণ প্রভৃতি ছাড়া কয়েকটা কোন্নগরের ভক্ত আসিয়া-
ছেন, একজন শ্রীরামকৃষ্ণের সঙ্গে কিয়ৎকাল বিচার ক'রেছিলেন ।

কোন্নগরের ভক্ত । মহাশয় । শুনলাম যে, আপনার ভাব হয়,
সম্মাশ্রি হয় । কেন হয়, কিরূপে হয়, আমাদের বুঝিয়ে দিন ।

শ্রীরামকৃষ্ণ । শ্রীমতীর মহাভাব হ'তো, সখীরা কেহ ছুঁতে গেলে
অণু সখী বোলতো, 'কৃষ্ণবিলাসের অঙ্গ ছুঁস্নি—এ র দেহ মধ্যে এখন
কৃষ্ণ বিলাস ক'ব্ছেন । ঈশ্বর অনুভব না হ'লে ভাব বা মহাভাব
হয় না । গভীর জল থেকে মাছ এলে জলটা নড়ে,—তেমন মাছ
ত'লে জল তোলপাড় করে । তাই 'ভাবে হাসে কাঁদে, নাচে
গায় ।'

“অনেকক্ষণ ভাবে থাক। যায় না । আয়নার কাছে ব'সে কেবল
মুখ দেখলে লোকে পাগল মনে ক'ববে ।

কোন্নগরের ভক্ত । শুনেছি, মহাশয় ঈশ্বর দর্শন ক'রে থাকেন,
তা হ'লে আমাদের দেখিয়ে দিন ।

[কথা বা সাধন না কবিলে ঈশ্বর দর্শন হয় না ।]

শ্রীরামকৃষ্ণ । সবই ঈশ্বরাদান—মানুষে কি কববে ? তাঁর নাম

দক্ষিণেশ্বরে। মনোহন, হৃদয়, মহিমাচরণ প্রভৃতি সঙ্গে। ১০১
করতে করতে কখনও ধারা পড়ে, কখনও পড়ে না। তার ধান
ক'রতে এক এক দিন বেশ উদ্দীপন হয় --আবার এক দিন কিছুই
হ'লো না।

'কশ্ম চাউ, তবে দর্শন হয়। এক দিন ভাবে হালদার পুকুর *
দেখলুম। দেখি, একজন ভাটলোক পানা সেলে জল নিচ্ছে, আর
হাতে তুলে এক একবার দেখছে। যেন দেখালে, পানা না সেলে
জল দেখা যায় না'- কশ্ম না কবলে ভক্তি লাভ হয় না, ঈশ্বর দর্শন
হয় না। পান, জপ এই সব কশ্ম, তার নামগুণকীর্তনও কশ্ম,
আবার দান, যজ্ঞ এ সবও কশ্ম।

'নাখন যদি চাও, তবে দুধকে দই পাতে হয়। তার পব নির্জনে
বাখতে হয়। তার পব দই ব'সলে পবিশ্রম করে মন্থন ক'রতে হয়।
তবে নাখন 'হাল' হয়

মহিমাচরণ। আজ্ঞা হা, কশ্ম চাউ বই কি। অনেক খাটতে হয়,
তবে লাভ হয়। পড়তেই কত হয়। জনশ্রু শাস্ত্র।

[আগ (বদ্য) জ্ঞান বিচার) - না আগে ঈশ্বর লাভ *]

শ্রীবামকক্ষ মহিমাচরণ প্রতি। শাস্ত্র কত প'ড়বে * শুধু
বিচার ক'বলে কি হবে * আগে তাকে লাভ ক'ববার চেষ্টা ক'ব,
গুরুলােকে লিঙ্গাজন ক'রে কিছু কশ্ম ক'ব। গুরু না থাকেন,
তাকে ব্যাকুল হয়ে প্রাথনা ক'ব, তিনি কমন - তিনিই জানিয়ে
দিবেন।

'বই পড়ে কি জানবে : যতক্ষণ না হাতে পলিছান যায় দূর হ'তে
কেবল হা, হা শব্দ। হাতে পলিছিল আর এক বকম। তখন স্পষ্ট
দেখতে পাবে, শুনতে পাবে। 'আলু নাও' 'পয়সা দাও' শুনতে পাবে।

'সমুদ্র দূর হ'তে হো, হো শব্দ ক'বড়ে। কাছে গেলে কত জাহাজ
যাচ্ছে, পাখী উড়ছে, চেউ হ'চ্ছে দেখতে পাবে।

'বই পড়ে ঠিক অল্প হবে হয় না। অনেক তযাং, তাঁকে দর্শনের
পব বই, শাস্ত্র, সায়েন্স (science) সব খড়্‌কুটো বোধ হয়।

'বড় বাবু সঙ্গে আলাপ দ'বকার। তার কথানা বাড়ী, কটা

তপসি, দেলাব গুরুপাত্রী ক'রাবপুত্রব গ্রান হাওব শ্রীবামকক্ষের বাড়ী।

সহ বাড়ীবে সংগে হা, দ'বপুত্রব, একটা দিনী বিশেষ।

বাগান, কত কোম্পানির কাগজ, এ আগে জান্‌বার জ্ঞান অত বাস্তব কেন ? চাকরদের কাছে গেলে তারা দাঁড়াতেই দেখে না। --কোম্পানির কাগজের খবর কি দিবে ! কিন্তু যো সো করে বড় বাবু সঙ্গে একবার আলাপ কর, তা থাক্কা খেয়েই হোক, আর বেড়া ডিঙ্কিয়েই হোক,—তখন কত বাড়ী, কত বাগান কত কোম্পানির কাগজ তিনিই ব'লে দিবেন। বাবুর সঙ্গে আলাপ হ'লে আবার চাকর দ্বারবান্‌ সব সেলাম ক'রবে। (সকলেব হাস্য) । *

ভক্ত । এখন বড় বাবু সঙ্গে আলাপ কিসে হয় ? (হাস্য) ।

শ্রীরামকৃষ্ণ । তাই ক'ম্‌ চাই । ঈশ্বর আছেন ব'লে বসে থাকলে হবে না। যো সো ক'রে তাব কাছে যেতে হবে। নিঃস্বপ্নে তাবে ডাকো, প্রার্থনা কব . 'দেখা দাও', ব'লে। ব্যাকুল হ'য়ে ব'ন্দো। কামিনী-কাঞ্চনের জ্ঞান পাগল হ'য়ে বেড়াতে পাবো। তবে তাব জ্ঞান একটু পাগল হও। লোকে বলুক যে ঈশ্বরের জ্ঞান অমুক পাগল হ'য়ে গেছে। দিন কতক না হল সব ত্যাগ করে তাঁকে একলা ডাকো !

“শুধু তিনি ‘আছেন’ ব'লে ব'সে থাকলে কি হবে ? ভালদার পুকুরে বড় মাছ আছে। পুকুরের পাড়ে শুধু ব'সে থাকলে কি মাছ পাওয়া যায় ? চাব করো, চাবা ফেলো, ক্রমে গভীর জল থেকে মাছ আসবে, আর জল নড়বে। তখন আনন্দ হয়। হয়তো মাছটা খানিকটা একবার দেখা গেলো—মাছটা ধপাও ক'রে উঠলো। যখন দেখা গেল, তখন আনন্দ।

“তুধকে দই পেতে মগ্ন ক'রলে তবে তো মাখন পাবে (মতিমা প্রতি ।) এ তো ভাল বালাই হলো।” ঈশ্বরকে দেখিয়ে দাও, আব উনি চুপ করে বসে থাকবেন। মাখন তুলে মুখের কাছে ধরো। (সকলেব হাস্য) । ভাল বালাই —মাছ ধ'রে হাতে দাও।

“একজন রাজাকে দেখতে চায়। রাজা আছেন সাত দেউড়ীর

* “Seek ye first the Kingdom of Heaven and all other things shall be added unto you.”

দক্ষিণেশ্ববে । মনোহন, হৃদয়, মহিমাচরণ প্রভৃতি সঙ্গে । ২০৩
পরে । প্রথম দেউড়ী পার না হ'তে হ'তে বলে, 'রাজা কই ?' যেমন
আছে, এক একটা দেউড়ী তো পাব হ'তে হবে ।

(ঈশ্বরলাভের উপায় ব্যাকুলতা ।)

মহিমাচরণ । কি কেশ্বের দ্বারা তাঁকে পাওয়া যেতে পারে ।

শ্রীবামকৃষ্ণ । এই কেশ্ব তাঁকে পাওয়া যাবে, আর এ কেশ্বের
দ্বারা পাওয়া যাবে না, তা নয় । তাঁর রূপাব উপব নির্ভব । তবে
ব্যাকুল হ'য়ে কিছ কশ্ব ক'বে যেতে হয় । ব্যাকুলতা থাকলে তাঁর
রূপা হয় ।

"একটা সুযোগ হ'য়ে, চাই । সাধুসঙ্গ, বিবেক, সদগুরু লাভ ,
হয় হো একজন বড় ভাই সমাবেব ভাব নিলে , হয় তো স্ত্রীটি
নিজাশক্তি, বড় দাম্পিক , কি বিবাহ আদর্শই হ'লো না, সমাবেব
বন্ধ হ'তে হ'লো না . -এই সব যোগাযোগ হ'লে হ'য়ে যায় ।

"এক জনের বাড়ীতে ভারি অশুখ ,--যায় যায় । কেউ ব'লে,
সাত্তী নক্ষত্র রুষ্টি প'ড়বে, সেই রুষ্টির জল মড়ার মাথার খুলিতে
থাকবে আর একটা সাপ ব্যাঙকে তেড়ে যাবে, ব্যাঙকে ছোবল
মারবাব সময় ব্যাঙটা যাই লাফ দিয়ে পালাবে, অমনি সেই সাপের
বিষ মডার মাথার খুলিতে পড়ে যাবে . সেই বিষের ঔষধ তৈয়ার
ক'বে যদি খাওয়াতে পাব, তবে নাচে । তখন যাব বাড়ীতে অশুখ,
সেই লোক দিন ক্ষণ নক্ষত্র দেখে বাড়ী থেকে বেকলো, আর ব্যাকুল
হয়ে ঐ সব খুজাত লাগলো । মনে মনে ঈশ্বরকে ডাকছে, 'ঠাকুর !
তুমি যদি জোটপাট করে দাও, তবেই হয় ।' এইরূপে যেতে যেতে
সত্য সত্যই দেখতে পেল, একটা মডার খুলি পড়ে র'য়েছে ।
দেখতে দেখতে এক পসলা রুষ্টিও হ'ল । তখন সে ব্যক্তি ব'লছে,
'হে গুরুদেব । মডার মাথার খুলিও পেলুম, স্বাতীক্ষত্র রুষ্টিও
হ'লো, সেই রুষ্টির জলও ঐ খুলিতে প'ড়েছে , এখন রূপা করে
আব কষটীর যোগাযোগ ক'রে দাও ঠাকুর ।'

"ব্যাকুল হ'য়ে ভাব্ছে । এমন সময় দেখে একটা বিষধর সাপ
আস্ছে । তখন লোকটির ভারি আহ্লাদ . সে এত ব্যাকুল হ'লো
যে বক ছড় ছড় ক'বতে লাগলো , আর সে বলতে লাগলো, 'হে
গুরুদেব । এবাব সাপও এসেছে , অনেকগুলি যোগাযোগও হ'ল ।

কৃপা ক'রে এখন আর যেগুলি বাকী আছে, সে গুলি করিয়ে দাও।' বলতে বলতে বাঙাও এলো। সাপটা বাঙা তাড়া ক'রে যেতেও লাগলো। মডার মাথার খুলিব কাছে এসে যাই হোবল দিতে যাবে, বাঙটা লাফিয়ে ওদিকে গিয়ে প'ড়লো, আর বিষ অমনি খুলিব ভিতর প'ড়ে গেল। তখন লোকটী আনন্দে হাততালি দিয়ে নাচতে লাগলো।

"তাই বলছি বাকুসভা থাক'ল সব চ'য মায।"

চতুর্থ পরিচ্ছেদ .

সম্মান ও গ্রহণপ্রাপ্ত। ঐশ্বরল'ভ অ'ত্যগঃ
টিক সম্মান'কে -

শ্রীরামকৃষ্ণ। মন থেকে সব ভাণ্ড না হ'লে ঐশ্বর লাভ হয় না। সাধু সঞ্চয় ক'বতে পাবে না। সঞ্চয় না ক'ব 'পত্নী আটু'ব দবাবশ:' পাখী আর সাধু সঞ্চয় ক'বে না। এখনকার ভাব,--তা'ও মাটী দেবার জন্ম মাটী নিয়ে যেতে পারি না। বেটুঘাটা ক'ব পান আনবার যা নাট। জন্মে যখন বড় যন্ত্রণা দিচ্ছে, তখন এখন থেকে কাশী চ'লে যাবো মংলব হ'ল। ভাবলুম, কাপড় লব--কিন্তু টাকা কেমন ক'বে লব? আর কাশী যাওয়া হ'ল না (সকলের হাস্য)।

শ্রীরামকৃষ্ণ। (মহিমা'ব প্রতি)। :গ্রামবা সংসাবৌ, ভোমবা এও বাথ, অও রাখ। সংসাবও বাথ, ধম্মও নাথ।

মহিমা। 'এও' কি আব থাক ?

শ্রীবামকৃষ্ণ। আমি পঞ্চবটীর কাছে গঙ্গাব ধাবে 'টাকা' মাটী, মাটীই টাকা, টাকাই মাটী এই বিচার ক'বতে ক'বতে যখন টাকা গঙ্গার জলে ফেল দিলুম, তখন একটু ভয় হ'ল। ভাবলুম, আমি কি লক্ষ্মীভাড়া হ'লুম? মা লক্ষ্মী যদি খ্যাট বন্ধ ক'বে দেন, তা হ'লে কি হবে। তখন হাজরার মত পাটোয়ারী করলুম। বল্লুম, মা! তুমি যেন হৃদয়ে থেকে। একজন তপস্যা করতে ভগবতী সন্তুষ্ট হ'য়ে বলেন, তুমি বব লও। সে বলে, মা যদি বব দিবে, তবে এই কব,

দক্ষিণেশ্বরে । মনোহর, জদয়, মহিমাচরণ প্রভৃতি সঙ্গে । ২০৫
 যেন আমি নাতিব সঙ্গে সোণাব খালে ভাত খাই । এক ববেতে
 নাতি, ঐশ্বর্যা, সোণাব খাল, সব ত'ল । (সকলেব হাস্য) ।

“মন থেকে কামিনী-কাঞ্চন ত্যাগ হ'লে ঈশ্ববে মন যায়, মন
 গিয়ে লিপ্ত হয় । যিনি বন্ধ, তিনিই মুক্ত হ'তে পারেবন । ঈশ্বর
 থেকে বিমুখ হ'লেই বন্ধ—নিক্তিব নীচের কাটা উপরের কাটা
 থেকে তকাৎ হয় কখন ? যখন নিক্তিব বাটীতে কামিনী-কাঞ্চনের
 ভাব পড়ে ।

“ভেলে ভূমিষ্টে ত'য়ে কেন কাচদ ? গর্ভে ছিলাম, যোগে ছিলাম ।
 ভূমিষ্টে ত'য়ে এষ্ট ব'ল কাচদ - কাচ। এ, কাচ। এ, এ কাপায় এলাম,
 ঈশ্বরের পাদপদ্ম চিহ্ন। ক'বছিলাম, এ আবার কোথায় এলাম !”

তামাদের পক্ষে অনেক ত্যাগ সম্ভব অন্যসঙ্গে হয়ে কব ।”

[সংসার ত্যাগ । ক দবকাব ।

মহিমা । তাব উপব মন গেলে আব কি সম্ভাব থাকে ?

শ্রীবামচন্দ্র । সে কি ? সংসারব থাকবে না তো কোথায় যাব ?
 আমি দেখছি যেখানে থাকি, বামের অয়োধ্যায় আছি । এষ্ট জগৎ
 সংসার বামের অয়োধ্যায় । বামচন্দ্র হুকাব কাচ জ্ঞান লাভ কববার
 পব ব'ল্লেন, আমি সম্ভাব ত্যাগ ক'বন । দশবথ তাঁকে বুঝাবাব
 গুণ বশিষ্টকে পাঠালেন । বশিষ্ট দেখলেন বামের তীব বৈবাগ ।
 তখন বল্লেন, ‘বাম’ আগে আমাব সংসার বিচার কর, তাবপব
 সংসার ত্যাগ ক'বো । আচ্ছা, জিজ্ঞাসা কবি, সংসার কি ঈশ্বব
 ছাড়া । তা যদি হয়, তুমি ত্যাগ কব । বাম দেখলেন, ঈশ্ববই জীব
 জগৎ সব হয়েছেন । তাব সহ্যেতে সমস্ত সত্য বলে বোধ হ'লে ।
 তখন বামচন্দ্র চূপ কবে বঠলেন ।

“সংসারে কাম ক্রোধ এষ্ট সবের সঙ্গে যুদ্ধ কবতে হয়, নানা
 বাসনাব সঙ্গে যুদ্ধ কবতে হয় আসক্তিব সঙ্গে যুদ্ধ কবতে হয় । যুদ্ধ
 কেবলা থেকে হলেই সুবিধা । গৃহ থেকে যুদ্ধই ভাল .—খাওয়া
 মেলে .—ধর্মপত্নী অনেক বকম সাহায্য কবে । কলিতে অন্নগত
 প্রাণ—অল্পেব জগ্ন্য সাত জায়গায় ঘুবাব চেয়ে এক জায়গাই ভাল ।
 গৃহে, কেবলাব ভিতব থেকে যেন যুদ্ধ করা ।

“আব সংসারে থাকো, ঝড়ের এঁটো পাত হ'য়ে । ঝড়ের এঁটো

পাতাকে কখনও ঘরের ভিতর লয়ে যায়, কখন গাঙ্গাকুড়ে । হাওয়া যেদিকে যায়, পাতাও সেইদিকে যায় । কখনও ভাল জায়গায় কখনও মন্দ জায়গায় । তোমাকে এখন সংসারে ফেলেছেন, ভাল, এখন সেই স্থানেই থাক —আবাব যখন সেখান থেকে তুলে ওব চেয়ে ভাল জায়গায় লয়ে ফেলবেন, তখন যা হয় হবে ।

[সংসার আত্মসমর্পণ Resignation) , বামেব ইচ্ছা]

“সংসারে বেখেছেন, তা কি করবে ? সমস্ত তাঁকে সমর্পণ কর —তাকে আত্মসমর্পণ কর । তা হ'লে আর কোন গোল থাকবে না । তখন দেখবে, তিনিই সব ক'বেছেন । সবই 'বামেব ইচ্ছা' । একজন ভক্ত । 'বামেব ইচ্ছা' গল্পটী কি :

শ্রীবানকৃষ্ণ । কোন এক গ্রামে একটা ভাতী থাকে, বড় পাশ্চিক । সকলেই তাকে বিক্রয় করে, আর ভালবাসে । ভাতী ছাড়া গিয়ে কাপড় বিক্রয় করে । খবিরদার দান জিহ্বাবা করলে বলে, —বামেব ইচ্ছা, সুভাব দান ১ টাকা, মঙ্গলভব দান ১০ আনা, বামেব ইচ্ছা মনকা ৮ আনা, ক'রদার দান বামেব ইচ্ছা ১১/০ । লোকেব এত বিক্রয় যে তৎক্ষণে দান দে'ল দিয়ে কাপড় নিত । লোকটী ভাবি ভক্ত, বাহিরে পাওয়া দাওয়াব প'ব অনেকক । চণ্ডীমণ্ডপে বাসে ঈশ্বর চিহ্ন করে, তাঁর নামগুণ কীতন করে । একদিন অনেক বাত হ'য়েছে, লোকটী'ব বৃন্দ হচ্ছে না, বাসে আছে, এক একবার তামাক খাচ্ছে, এমন সময় সেই প'ব দিয়ে এককল ডাকাড ডাকাতি করত যাচ্চ ।

তাদের মুঠে'ব অভাব হওয়াতে এই ভাতীকে এসে বলে, 'আমি আনাদের সঙ্গে' । —এই বলে হাত ধবে টেনে নিয়ে চললে । তারপ'ব একজন গৃহস্থে'ব বাড়ি গিয়ে ডাকাতি করলে । কতকগুলো জিনিষ ভাতীর মাথায় দিলে । এমন সময় পুলিশ এসে পড়ল । ডাকাতে'ব পালাল, কেবল ভাতীটী, মাথায় মোট, ধবা পড়লো । সে বাহিরে তাকে হাজতে রাখা হল । প'বদিন মাজিষ্টার সাত্তে'ব কাছ নিচাব । গ্রামের লোক জানতে পেবে সব এসে উপস্থিত । তা'ব সকলে বলে,

দক্ষিণেশ্বরে। মন্মোহন, শস্য, মহিমাচরণ প্রভৃতি সঙ্গে। ২০৭
 হজুব। এ লোক কখনও ডাকাতি কব্বে পাৰে না। সাহেব তখন
 তাঁতীকে জিজ্ঞাসা কব্বে, 'কিগো, তোমাব কি হায়েছে বল ?'

'তাঁতী বন্ধে, হজুব। বামেব ইচ্ছা আমি বাগানে ভাও খেলম।
 তারপর বামেব ইচ্ছা, আমি চণ্ডীমণ্ডপ বসে আছি, বামেব ইচ্ছা,
 অনেক বাত হ'ল। আমি, বামেব ইচ্ছা, তাব চিন্তা কব্ছিলাম
 আব তার নাম গুণ গণন কব্ছিলাম। এমন সময়ে, বামেব ইচ্ছা,
 এক দল ডাকাতি সেই পথ দিয়ে যাচ্ছিল। বামেব ইচ্ছা, তারা
 আমায় ধ'ব টেনে ল'য়ে গল। বামেব ইচ্ছা, তারা এক গুহাঘর
 বাড়ী ডাকাতি কলে। বামেব ইচ্ছা আমায় মাথায় মাট দিল।
 এমন সময় বামেব ইচ্ছা, পুলিশ এসে পড়ল। বামেব ইচ্ছা, আমি
 বলা পড়লম। তখন, বামেব ইচ্ছা, পুলিশের লোকেরা হাজত
 দিল। আজ সকালে, বামেব ইচ্ছা, হজুবের কাছে এনেছে।'

"অমন বাস্মিক লোক দেখে, সাহেব তাঁতীটীকে ছেড়ে দিবার
 ভয়ম দিলেন। তাঁতী বাস্তবে বন্ধদেব বন্ধেব বামেব ইচ্ছা আমাকে
 ছেড়ে দিয়েছে।

স সাব বলা, পরামস করা, সপে
 বামেব ইচ্ছা। তাই তাব উপর সব ফলে দিয়ে স সাবে কাজ কব

"তা না হলে আব কিট ব। ক বনে ?

একজন কবাণী জাল গিছিল। জল পাচ ধব হ'লে 'স
 জল থেকে বেধিয়ে এল এখন জল থেকে এসে, 'স কি কেবল
 ধষ্ট ধষ্ট ক'বে নাচলে। না কবাণীগির্ঘট ক বনে ?

"স সাবী যদি জানপ্ত হয, 'স মন কবলে মন'বাস স সাব
 থাক্তে পাৰে। ম'ব জ'ন লাভ হ'বলে তাব এখন সেখান নাট।
 তাব সব সমান। ম'ব সেখানে আচ্ছ, তাব এখনে আচ্ছ।

[পুস্তকখা ব'শব'সেনেব সঙ্গে কথা স'না'বে জানকত]।

'যখন কেশবসেনাক বাগানে প্রথম দেখলম, ব'লেছিলাম -- 'একট
 লাজ খসেছে।' সভাশুদ্ধলোক হেসে উঠলো। কেশব বন্ধে, তোমরা
 হেসো না, এব কিছু মানে আছে এক জিজ্ঞাসা করি'। আমি
 বলাম, যতদিন বেচাচিব লাজ না খসে, তাব কেবল জাল থাকত

হয়, আড়ায় উঠে ডাঙ্গায় বেড়াতে পারে না, যেই ল্যাজ খসে, অমনি লাক দিয়ে ডাঙ্গায় পড়ে। তখন জলেও থাকে, আবার ডাঙ্গায়ও থাকে। তেমনি মানুষের যতদিন অবিচার ল্যাজ না খসে, ততদিন সংসার জলে পড়ে থাকে। অবিচার ল্যাজ খসলে—জ্ঞান হ'লে, তবে মুক্ত হ'য়ে বেড়াতে পারে, আবার ইচ্ছা হ'লে সংসারে থাকতে পারে।

পঞ্চম পরিচ্ছেদ ।

গৃহস্থাশ্রমকথাপ্রসঙ্গে । নির্লিপ্ত সংসার ।

শ্রীযুক্ত মহিমাচরণাদি ভক্তেরা বসিয়া শ্রীরামকৃষ্ণের চরিত্রকথামৃত পান করিতেছেন। কথাগুলি যেন বিবিধ বর্ষার মণিরত্ন, যে যত পারেন কুড়াইতেছেন—কিন্তু কোচড় পরিপূর্ণ হ'য়েছে, এত ভাব বোধ হ'লে যে উঠা যায় না। ক্ষুদ্র ক্ষুদ্র আধার, আব ধাবণা হয় না। সৃষ্টি হইতে এ পর্যন্ত যত বিষয়ে মানুষের হৃদয়ে যত রকম সমস্তা উদয় হ'য়েছে—সব সমস্তা পূরণ হইতেছে। পদ্মলোচন, নারায়ণ শাস্ত্রী, গোবী পণ্ডিত, দয়ানন্দ সবস্বতী ইত্যাদি শাস্ত্রবিৎ পণ্ডিতেরা অবাক হ'য়েছেন। দয়ানন্দ ঠাকুর শ্রীরামকৃষ্ণকে যখন দর্শন করেন ও তাঁহার সমাধি অবস্থা দেখিলেন, তখন আক্ষুপ করে বলেছিলেন, আমবা এত বেন বদান্ত কেবল প'ড়েছি, কিন্তু এই মহাপুরুষ তাহার ফল দেখিতেছি, একে দেখে প্রমাণ হ'ল যে পণ্ডিতেরা কেবল শাস্ত্র মন্বন কবে ঘোলটা খান, এরূপ মহাপুরুষেরা মাখনটা সমস্ত খান। আবার ইংরাজী পড়া কেশবচন্দ্র সেনাদি পণ্ডিতেরাও দেখে অবাক হয়েছেন। ভাবেন, কি আশ্চর্য্য, নিরক্ষর বাক্তি এ সব কথা কিরূপে বলছেন ' এ যে ঠিক যীশুখ্রীষ্টের মত কথা! গ্রাম্যভাষা ' সেই গল্প ক'রে ক'রে বৃথান—যাতে পুরুষ স্ত্রী হলে সকলে অনায়াসে বুঝিতে পারে। যীশু, Father (পিতা) Father (পিতা) করে পাগল হ'য়েছিলেন, ইনি আ আ করে পাগল! শুধু জ্ঞানের অক্ষয় ভাণ্ডার নহে,—ঈশ্বর প্রেম 'কলসে কলসে ঢালে, তবু না ফুরায় ' ইনিও যীশুব মত ত্যাগী, তাঁহারই মত ইহারও জলও বিখাস! তাই

দক্ষিণেশ্বরে । মশ্মোহন, হৃদয়, মহিমাচরণ প্রভৃতি সঙ্গে । ২০৯
 কথাগুলির এত জোর । সংসারী লোক বলে তো এত জোর হয় না ;
 তারা ত্যাগী নয়, তাদের স্বল্প বিশ্বাস কই ? কেশব সেবাদি
 পণ্ডিতেরা আরো ভাবেন,—এই নিরক্ষর লোকের এত উদার ভাব
 কেমন ক'রে হ'ল । কি আশ্চর্য্য ! কোন রূপ বিঘেষভাব
 নাই ! সব ধর্ম্মাবলম্বীদের আদর করেন—কাহারও সহিত ঝগড়া
 নাই !

আজ মহিমাচরণের সহিত ঠাকুরের কথাবার্তা শুনিয়া কোন ভক্ত
 ভাব্ছেন, 'ঠাকুর তো সংসার ত্যাগ কর্তে বলেন না—বরং বল্ছেন,
 সংসার কেলা স্বরূপ, এই কেলায় থেকে কাম ক্রোধ ইত্যাদির সহিত
 মুক্ত করিতে পারা যায় । আবার বল্ছেন, সংসারে থাকবে না তো
 কোথায় যাবে ? কেরাণী জেল থেকে বেরিয়ে এসে কেরাণীর কাজই
 করে । অতএব এক রকম বলা হ'লো, জীবন্মুক্ত সংসারেও থাকতে
 পারে । আদর্শ—কেশব সেন ? তাঁকে ব'লেছিলেন, 'তোমারই ল্যাজ
 খসেছে—আর কা'রু হয় নাই ।' কিন্তু একটা কথা আছে, ঠাকুর কেবল
 বল্ছেন, মাঝে মাঝে নিৰ্জনে থাকতে হবে । চারা গাছে বেড়া দিতে
 হবে—নচেৎ ছাগলে গরুতে খেয়ে ফেলবে । গাছের গুঁড়ী হয়ে গেলে,
 চারিদিকের বেড়া ভেঙ্গে দাও আর না দাও ; এমন কি, হাতী বেঁধে
 দিলেও গাছের কিছু হবে না । নিৰ্জনে থেকে থেকে জ্ঞান লাভ ক'রে
 —ঈশ্বরে ভক্তি লাভ ক'রে, সংসারে এসে থাকলে, কিছু ভয় নাই ।
 তাই নিৰ্জনবাস কথাটা কেবল বল্ছেন ।

ভক্তেরা এইরূপ চিন্তা করিতেছেন । শ্রীরামকৃষ্ণ কেশবের কথার
 পর, আর দু একটা সংসারী ভক্তের কথা, বলিতেছেন ।

(শ্রীদেবেন্দ্রনাথ ঠাকুর । শোণ ও ভোণ ।)

শ্রীরামকৃষ্ণ (মহিমাচরণাদির প্রতি) । আবার সেজো বাবুর *
 সঙ্গে দেবেন্দ্র ঠাকুরকে দেখতে গি'ছলাম । সেজো বাবুকে বল্লুম,
 'আমি শুনেছি, দেবেন্দ্র ঠাকুর ঈশ্বর চিন্তা করে, আমার তাকে
 দেখবার ইচ্ছা হয় ।' সেজো বাবু ব'লে, 'আচ্ছা বাবা, আমি

* সেজো বাবু—রাণী রাসমণির জামাতা, শ্রীযুক্ত মথুরানাথ বিশ্বাস । ঠাকুরকে
 প্রথমাবধি সপ্তাশ্রম ভক্তি, ও শিব্যের ছায় সেবা, করিতেন ।

তোমায় নিয়ে যাব ; আমরা হিন্দু কলেজে এক ক্লাসে প'ড়তুম, আমার সঙ্গে বেশ ভাব আছে । সেজো বাবুর সঙ্গে অনেক দিন পরে দেখা হ'ল । দেখে দেবেশ্বর ব'লে, তোমার একটু বদলেছে—তোমাব ভুঁড়ি হয়েছে ! সেজো বাবু আমার কথা ব'লে, ইনি তোমার দেখতে এসেছেন—ইনি ঈশ্বর ঈশ্বর ক'রে পাগল ।' আমি লক্ষণ দেখবার জন্য দেবেশ্বরকে বল্লুম, 'দেখি গা তোমার গা ।' দেবেশ্বর গায়ের জামা তুললে, দেখলাম—গৌরবর্ণ, তার উপর সিন্দুর ছডান ? তখন দেবেশ্বরের চুল পাকে নাই ।

“প্রথম যাবার পর একটু অভিমান দেখেছিলাম । তা হবে না গা ? অত ঐশ্বর্য, বিজ্ঞা, মান, সজ্ঞম ? অভিমান দেখে সেজো-বাবুকে বল্লুম, 'আচ্ছা, অভিমান জ্ঞানে হয়, না অজ্ঞানে হয় ? যার ব্রহ্মজ্ঞান হ'য়েছে, তার কি 'আমি পণ্ডিত,' 'আমি জ্ঞানী,' 'আমি ধনা,' ব'লে অভিমান থাকতে পারে ?

“দেবেশ্বরের সঙ্গে কথা কইতে কইতে আমার হাঠাৎ সেই অবস্থাটা হ'ল । সেই অবস্থাটা হ'লে কে কিরূপ লোক দেখতে পাই । আমার ভিতর থেকে হী হী ক'রে একটা হাসি উঠল । যখন ঐ অবস্থাটা হয়, তখন পণ্ডিত কণ্ডিত তৃণ জ্ঞান হয় । যদি দেগি, পণ্ডিতের বিবেক-বৈরাগ্য নাই, তখন খড কুটোর মত বোধ হয় । তখন দেখি, যেন শকুনি খুব উঁচুতে উঠ'ছে কিন্তু ভাগাড়ের দিকে নজর ।

“দেখলাম,শোণ ভোগ দুইই আছে , অনেক ছেলে পূলে ছোট ছোট ; ডাক্তার এসেছে ;—তবেই হ'লো, অত জ্ঞানী হ'য়ে সংসার নিয়ে সর্বদা থাকতে হয় । বল্লুম, তুমি কলির জনক । জনক 'এদিক উদিক দুদিক রেখে খেয়েছিল দুধের বাটি ।' তুমি সংসারে থেকে ঈশ্বরে মন রেখে শুনে, তোমায় দেখতে এসেছি , আমায় ঈশ্বরীয় কথা কিছু শুনাও ।

তখন বেদ থেকে কিছু কিছু শুনালে । ব'লে, এই জগৎ যেন একটা ঝাড়ের মত, আর জীব হয়েছে—এক একটা ঝাড়ের দীপ । আমি এখানে পঞ্চবটীতে যখন ধ্যান করতুম ঠিক ঐ রকম দেখে-ছিলাম । দেবেশ্বরের কথার সঙ্গে মিলন দেখে ভাবলুম তবে তো খুব বড় লোক । ব্যাখ্যা করতে বল্লাম .- তা ব'লে. “এ জগৎ

দক্ষিণেশ্বরে । মনোহর, হৃদয়, মহিমাচরণ প্রভৃতি সঙ্গে । ২১১
 কে জানতো ?—ঈশ্বর মানুষ করেছেন, তাঁর মহিমা প্রকাশ করবার
 জন্তু । ঝাড়ের আলো না থাকলে সব অন্ধকার, ঝাড় পর্যন্ত দেখা
 যায় না !”

[ব্রাহ্মসমাজে ‘অসভ্যতা’ । কাপ্তেন তরু গৃহস্থ ।]

“অনেক কথাবার্তার পর দেবেন্দ্র খুঁসী হয়ে বলে, আপনাকে
 উৎসবে (ব্রাহ্মোৎসবে) আসতে হবে । আমি বললাম সে ঈশ্বরের
 ইচ্ছা, আমার তো এট অবস্থা দেখুচ্ছে ।—কখন কি ভাবে তিনি
 রাখেন । দেবেন্দ্র বলে, ‘না, আসতে হবে ; তবে ধুতি আর উডানি
 পরে এসো, —তোমাকে এলোমেলো দেখে কেউ কিছু বলবে, আমার
 কষ্ট হবে ।’ আমি বললাম, তা পারবো না । আমি বাবু হ’তে পারবো
 না । দেবেন্দ্র, সেজো বাবু, সব হাসতে লাগলো ।

“তার পর দিনই সেজো বাবুর কাছে দেবেন্দ্রের চিঠি এলো—
 আমাকে উৎসব দেখতে যেতে বারণ করেছে । বলে—অসভ্যতা হবে,
 গায়ে উডানি থাকবে না । (সকলের হাস্য)

শ্রীরামকৃষ্ণ (মহিমা প্রতি) । আর একটা আছে—কাপ্তেন ।*
 সংসারী বটে, কিন্তু ভারি ভক্ত । তুমি আলাপ কোরো ।

“কাপ্তেনের বেদ, বেদান্ত, শ্রীমদ্ভাগবত, গীতা, অধ্যাত্ম, এ সব
 কণ্ঠস্থ । তুমি আলাপ ক’রে দেখো ।

“খুব ভক্তি । আমি বরাহনগরে রাস্তা দিয়ে যাচ্ছি, তা আমার
 ছাতা ধরে । ওর বাড়ীতে লয়ে গিয়ে কত যত্ন ।—বাতাস
 করে—পা টিপে দেয়—আর নানা তরকারি ক’রে খাওয়ায় । আমি
 এক দিন ওর বাড়ীতে পাইখানায় বেহুঁস হ’য়ে গেছি । ও তো অত
 আচারী, পাইখানার ভিতর আমার কাছে গিয়ে পা ফাঁক করে বসিয়ে
 দেয় । অত আচারী যুগা করলে না ।

“কাপ্তেনের অনেক খরচা । কাশীতে ভায়েরা থাকে, তাদের দিতে

* শ্রীবিষ্ণুনাথ উপাধ্যায়, নেপাল নিবাসী, নেপালের রাজার উকিল, রাজ-
 প্রতিনিধি, কলিকাতায় থাকিতেন । স্মৃতি সঙ্গীতনিষ্ঠ ব্রাহ্মণ ও পরম ভক্ত ।

হয় । মাপ আগে কৃপণ ছিল, এখন এত বিব্রত হ'য়েছে যে, সব রকম খরচ ক'রতে পারে না ।

“কাপ্তেনের পরিবার আমায় ব'লে যে, সংসার ঠ'র ভাল লাগে না । তাই মাঝে ব'লেছিল, সংসার ছেড়ে দেবো । মাঝে মাঝে, ছেড়ে দেবো ছেড়ে দেবো ক'রতো ।

“ওদের বংশই ভক্ত । বাপ লডায়ে যেতো । শুনেছি লডায়েব সময় এক হাতে শিব পূজা, এক হাতে তরবার খোলা, যুদ্ধ ক'রতো ।

“লোকটা ভারি আচারী । আমি কেশব সেনের কাছে যেতুম, তাই এখানে এক মাস আসে নাই । বলে কেশব সেন ভট্টাচার—ইংরাজের সঙ্গে খায়, ভিন্ন জাতে মেয়ের বিয়ে দিয়েছে, জাত নাই । আমি বলুম, আমার সে সবে দরকার কি ? কেশব হরিনাম করে, দেখতে যাই, ঈশ্বরীয় কথা শুন্তে যাই—আমি কুলটি খাই, কাঁটায় আমার কি কাজ ? তবুও আমায় ছাড়ে না ; বলে তুমি কেশব সেনের ওখানে কেন যাও ? তখন আমি বলুম, একটু বিরক্ত হ'য়ে, আমি তো টাকার জন্ত যাই না—আমি হরিনাম শুন্তে যাই—আর তুমি লাট সাহেবের বাড়ীতে যাও কেমন করে ? তারা গ্লেন্ধ, তাদের সঙ্গে থাকো কেমন ক'রে ? এই সব বলার পর তবে একটু থামে ।

কিন্তু খুব ভক্তি । যখন পূজা করে, কর্পূরের আর্পিত করে । আজ পূজা ক'রতে ক'রতে আসনে বসে স্তব কবে । তখন আব একটা মানুষ । যেন তন্দ্রায় হয়ে যায় ।

ষষ্ঠ পরিচ্ছেদ ।

বেদান্তবিচারে । মায়াবাদ ও শ্রীরামকৃষ্ণ ।

শ্রীবামকৃষ্ণ (মহিমাচরণের প্রতি) । বেদান্ত বিচারে, সংসার মায়াময়—স্বপ্নের মত, সব মিথ্যা । যিনি পরমাত্মা, তিনি সাক্ষিস্বরূপ—জাগ্রত, স্বপ্ন, সুষুপ্তি, তিন অবস্থারই সাক্ষিস্বরূপ । এ সব, তোমার

দক্ষিণেশ্বরে । মনোহন, হৃদয়, মহিমাচরণ প্রভৃতি সঙ্গে । ২১৩
 ভাবের কথা । স্বপ্নও যত সত্য, জাগরণও সেইরূপ সত্য । একটা গল্প
 বলি শুনো । তোমার ভাবের ।

“এক দেশে একটা চাষা থাকে । ভারী জ্ঞানী । চাষ বস করে—
 পরিবার আছে, একটা ছেলে অনেক দিন পরে হ’য়েছে ; নাম—হারু ।
 ছেলেটার উপর বাপ মা দু’জনেরই ভালবাসা ; কেন না, সবে ধন
 নীলমণি । চাষাটা ধার্মিক, গাঁয়ের সব লোকেই ভালবাসে । এক
 দিন মাঠে কাজ করছে, এক জন এসে খপর দিলে, হারুর কলেরা
 হ’য়েছে । চাষাটা বাড়ী গিয়ে অনেক চিকিৎসা করালে কিন্তু
 ছেলেটা মারা গেল । বাড়ীর সকলে শোকে কাতর হ’লো কিন্তু
 চাষাটির যেন কিছুই হয় নাই । উণ্টে সকলকে বুঝায় যে, শোক
 ক’রে কি হবে ? তার পর আবার চাষ করতে গেল । বাড়ী ফিরে
 এসে দেখে, পরিবার আরো কাঁদছে । ব’লে, ‘ভূমি নিষ্ঠুর—ছেলেটার
 জন্ম একবার কাঁদলেও না ?’ চাষা তখন স্থির হয়ে ব’লে, ‘কেন কাঁদছি
 না, বলবো ? আমি কাল একটা ভারি স্বপ্ন দেখেছি । দেখলাম যে
 রাজা হ’য়েছি আর আট ছেলের বাপ হ’য়েছি—খুব সুখে
 আছি । তার পর ঘুম ভেঙ্গে গেল । এখন মহা ভাবনায় প’ড়েছি—
 আমার সেই আট ছেলের জন্ম শোক ক’রবো, না তোমার এই এক
 ছেলে হারুর জন্ম শোক ক’রবো ?

“চাষা জ্ঞানী, তাই দেখছিল স্বপ্ন অবস্থাও যেমন মিথ্যা, জাগরণ
 অবস্থাও তেমনি মিথ্যা, এক নিত্যবস্তু, সেই আত্মা ।

“আমি সবই লই । তুম্বীস্ব আবার জাগ্রত, স্বপ্ন, সুষুপ্তি । আমি
 তিন অবস্থাই লই । ব্রহ্ম আবার মায়া, জীব, জগৎ আমি সবই লই ।
 সব না নিলে ওজনে কম পড়ে ।”

একজন ভক্ত । ওজনে কেন কম পড়ে ? (সকলের হাস্ত ।)

শ্রীরামকৃষ্ণ । ব্রহ্ম—জীবজগৎবিশিষ্ট । প্রথম নেতি নেতি
 করবার সময় জীবজগৎকে ছেড়ে দিতে হয় । অহং বুদ্ধি যতক্ষণ,
 ততক্ষণ তিনিই সব হ’য়েছেন, এই বোধ হয় ;—তিনিই চতুর্বিংশতি
 তত্ত্ব হ’য়েছেন ।

বেলের সার বলতে গেলে সাঁসই বুঝায়, তখন বাঁচি আর
 খোলা ফেলে দিতে হয় । কিন্তু বেলেটা কত ওজনে ছিল বলতে

থেলে শুধু সাঁস-ওজন করলে হবে না । ওজনের সময় সাঁস বাঁচি, খোলা সব নিতে হবে । যারই সাঁস, তারই বাঁচি, তারই খোলা । শাঁস্কাই নিত্য, তাঁস্কাই লীলা ।

“তাই আমি নিত্য লীলা সবই লই । মায়া বোলে জগৎ সংসার উড়িয়ে দিই না । তা হ’লে যে ওজনে কম প’ড়বে ।

[মায়াবাদ ও বিশিষ্টাধৈতবাদ, জ্ঞানযোগ ও ভক্তিযোগ ।]

মহিমাচরণ । এ বেশ সামঞ্জস্য,— নিত্য থেকেই লীলা, আবার লীলা থেকেই নিত্য ।

শ্রীরামকৃষ্ণ । জ্ঞানীরা দেখে সব স্বপ্নবৎ । ভক্তেরা সব অবস্থা লয় । জ্ঞানী দুধ দেয় ছিড়িক্ ছিড়িক্ করে । (সকলের হাত) । এক একটা গরু আছে—বেছে বেছে খায় ; তাই ছিড়িক্ ছিড়িক্ দুধ । যারা অতো বাছে না আব সব খায়, তারা হুড়্ হুড়্ ক’রে দুধ দেয় । উত্তম ভক্ত—নিত্য, লীলা, দুই লয়, তাই নিত্য থেকে মন নেমে এলেও তাঁকে সন্তোষ করতে পায় । উত্তম ভক্ত # হুড়্ হুড়্ করে দুধ দেয় । (সকলের হাত) ।

মহিমা । তবে দুধ একটু গন্ধ হয় । (হাত) ।

শ্রীরামকৃষ্ণ (সহাস্তে) । হয় বাটে, তবে একটু আওটাতে হয় । একটু আশুনে আউটে নিতে হয় । জ্ঞানাগিব উপর একটু দুধটা চড়িয়ে দিতে হয়, তা হ’লে আর গন্ধটা থাকবে না । (সকলের হাত) ।

[ওঁকার ও নিত্যলীলাযোগ ।]

শ্রীরামকৃষ্ণ (মহিমার প্রতি) । ওঁকারের ব্যাখ্যা তোমরা কেবল বল, ‘অকার উকার মকার ।’

মহিমাচরণ । অকার, উকার, মকার—কি না সৃষ্টি, স্থিতি, প্রলয় ।

শ্রীরামকৃষ্ণ । আমি উপমা দিই ঘণ্টার টং শব্দ । ট-অ-অ-অ-অ-অ । লীলা থেকে নিতো লয় ;—স্থল, সূক্ষ্ম, কারণ থেকে মহা-কারণে লয় । জাগ্রৎ, স্বপ্ন, স্বেপ্তি থেকে তুরীয়ে লয় । আবার ঘণ্টা বাজ্ লো, যেন মহাসমুদ্রে একটা গুরু জিনিস পড়্ লো, আর ঢেউ আরস্ত

* উত্তম ভক্ত—যে মাং পশ্চতি সর্বত্র সর্বত্র যয়ি পশ্চতি ।

তত্ত্বাহং ন প্রণতামি স চ মে ন প্রণততি ।

দক্ষিণেশ্বরে । মগ্নোহন, হৃদয়, মহিমাচরণ প্রভৃতি সঙ্গে । ২১৫
 হ'ল । মিত্য থেকে লীলা আরম্ভ হ'ল, মহাকাব্য থেকে মূল সূক্ষ্ম,
 কারণ শরীর দেখা দিল—সেই স্তম্ভীক্স থেকেই আগ্রং স্বয়ং, স্তম্ভীক্স
 সব অবস্থা এসে পড়লো । আবার মহাসমুদ্রের ঢেউ মহাসমুদ্রেই লয়
 হ'ল । নিত্য ধ'রে ধ'রে লীলা, আবার লীলা ধ'রে ধ'রে নিত্য ।
 আমি টং শব্দ উপমা দিই । আমি ঠিক এই সব দেখেছি । আমায়
 দেখিয়ে দিয়েছে চিত্রসমুদ্র, অস্ত নাট । তাই থেকে এই সব লীলা
 উঠলো, আবার ঐতেই লয় হয়ে গেল । চিনাকালে কোটী ব্রহ্মাণ্ডের
 উৎপত্তি, আবার ঐতেই লয়, তোমাদের বইয়ে কি আছে, অত আমি
 জানি না ।

মহিমা । ষাঁরা দেখেছেন, তাঁরা তো শাস্ত্র লেখেন নাই । তাঁরা
 নিজের ভাবেই বিভোর, লিখবেন, কখন । লিখতে গেলেই একটু
 হিসাবী বুদ্ধির দরকার । তাঁদের কাছে শুনে অল্প লোকের লিখেছে ।

(সংসারাসক্তি কত দিন । ব্রহ্মানন্দ পর্য্যন্ত ।)

শ্রীরামকৃষ্ণ । সংসারীরা বলে, কেন কামিনী-কাঞ্চনে আসক্তি
 যায় না ? তাঁকে লাভ করলে আসক্তি যায় ।। যদি একবার ব্রহ্মা-
 নন্দ পায়, তা হ'লে ইন্দ্রিয়স্বখ ভোগ করতে, বা অর্থ, মান, সন্ত্রমের
 জন্তু, আর মন দৌড়ায় না ।

বাবুলে পোকা যদি একবার আলো দেখে, তা হ'লে আর
 অন্ধকারে যায় না ।

“রাবণকে বলেছিল, তুমি সীতার জন্তু মায়ায় নানা রূপ ধরছো,
 এক বার ক্লাম রূপ ধ'রে সীতার কাছে যাও না কেন । রাবণ বলে,
 তুচ্ছ ব্রহ্মপদং পরবধূসঙ্গঃ কুতঃ--যখন রানকে চিন্তা করি, তখন
 ব্রহ্মপদ তুচ্ছ হয়, পরস্ত্রী তো সামান্য কথা ! তা রামরূপ কি ধ'রবো ।”

(যত ভক্তি বাড়ে, সংসারাসক্তি কমে । চৈতন্যভক্ত নিলিষ্টা ।

“তাই জন্তুই মাধন ভজন । তাঁকে চিন্তা যত করবে, ততই
 সংসারের সামান্য ভোগের জিনিষে আসক্তি ক'মবে । তাঁর পাদপদ্মে

* নিত্য ধ'রে লীলা &—From the Absolute to the Relative,
 from the Infinite to the Finite—from the Undifferentiated
 to the Differentiated—from the Unconditioned to the Con-
 ditioned ; and again from the Relative to the Absolute &

+ বসবর্জ্যঃ রসোহপ্যস্ত পরং দৃষ্ট্বা নিবর্ততে ।.

যত ভক্তি হবে, ততই বিবয়বাসনা কম পড়ে আসবে, ততই দেহের হৃৎকের দিকে নজর কমবে, পরশ্রীকে লাভবৎ বোধ হবে, নিজের শ্রীকে ধর্ম্মের সহায় বহু বোধ হবে, পশুভাব চ'লে যাবে, দেবভাব আসবে, সংসারে একবারে অনাসক্ত হ'য়ে যাবে । তখন সংসারে যদিও থাকে, জীবশুক্ত হ'য়ে বেডাবে । চৈতন্যদেবের ভক্তেরা অনাসক্ত হ'য়ে সংসারে ছিল ।

[জ্ঞানী ও ভক্তের গুণ রহস্য ।]

শ্রীরামকৃষ্ণ (মহিমাকে) । যে ঠিক ভক্ত, তার কাছে হাজার বেদান্ত বিচার করো, আর 'স্বপ্নবৎ' বল, তার ভক্তি যাবার নয় । কিরে ঘুরে একটুখানি থাকবেই । একটা মুষল বানা বনে পড়েছিল, তাতেই 'মুষলং কুলনাশনম্' ।

শিব অংশে জন্মালে জ্ঞানী হয় ; ব্রহ্ম সত্য, জগৎ মিথ্যা, এই বোধের দিকে মন সর্ব্বদা যায় । বিষ্ণু অংশে জন্মালে প্রেম ভক্তি হয়, সে প্রেম ভক্তি যাবার নয় । জ্ঞান-বিচারের পর এই প্রেম ভক্তি যদি কমে যায়, আবার এক সময় হুহু ক'রে বেড়ে যায় ; যদুবংশ ধ্বংস ক'রেছিল মুষল, তারই মত ।

সপ্তম পরিচ্ছেদ ।

মাভূসেবা ও শ্রীরামকৃষ্ণ । হাজরা মহাশয় ।*

ঠাকুর শ্রীরামকৃষ্ণের ঘরের পূর্ব্ববারাণ্ডায় হাজরা মহাশয় বসিয়া জপ করেন । বর্ষস ৪৬।৪৭ হইবে । ঠাকুরের দেশের লোক । অনেক দিন হইতে বৈরাগ্য হইয়াছে,—বাহিরে বাহিরে বেড়ান, কখন কখন বাড়ীতে গিয়া থাকেন । বাড়ীতে কিছু জমি টমি আছে, তাহাতেই শ্রীপুস্তকাদির ভরণপোষণ হয় । তবে প্রায় হাজার টাকা দেনা আছে, উক্ত হাজরা মহাশয় সর্ব্বদা চিন্তিত থাকেন ও কিসে শোধ যায়, সর্ব্বদা চেষ্টা করেন ।

* ঠাকুর শ্রীরামকৃষ্ণের জন্মভূমি কামারশুকুরের সন্নিকট মড়াগোড় গ্রাম ইহার জন্মভূমি । সন্মতি (১৩০৬ সালের চৈত্র মাসে) যদুদেশে থাকিয়া ইহার পর-লোক প্রাপ্তি হইয়াছে । মৃত্যুকালে ঠাকুরের প্রতি ইহার অকৃত বিশ্বাস ও ভক্তির পরিচয় পাওয়া গিয়াছে । ইহার বরংক্রম ৩৩, ৩৪ বৎসর হইয়াছিল ।

দক্ষিণেশ্বরে। মনোহন, জয়, মহিমাচরণ প্রভৃতি সঙ্গে। ২১৭ কলিকাতায় সর্বদা যাতায়াত আছে, সেখানে ঠনঠনেনিবাসী শ্রীযুক্ত ঈশানচন্দ্র মুখোপাধ্যায় মহাশয় তাঁহাকে সাতিশয় বহু করেন ও সমধুর শ্রায় সেবা করেন। ঠাকুর শ্রীরামকৃষ্ণ তাঁহাকে বহু ক'রে রেখেছেন, কাপড়-ছিঁড়ে গেলে কাপড় কিনে দেওয়ান, সর্বদা সংবাদ লন ও ঈশ্বরীয় কথা তাঁহার সঙ্গে সর্বদা হ'য়ে থাকে। হাজরা মহাশয় বড় তর্কিক। প্রায় কথা কহিতে কহিতে তাঁকের ভবঙ্গে ভেসে এক দিকে চলে যেতেন। বারাণ্ডায় আসন ক'রে সর্বদা জপের মালা লয়ে জপ করতেন।

হাজরা মহাশয়ের মাতাঠাকুরাণীর অশ্রুত সংবাদ আসিয়াছে। রামলালকে দেশ থেকে আসবার সময় তিনি হাতে ধ'রে অনেক ক'বে বলেছিলেন, 'খুঁড়ো মহাশয়কে আমার কাকুতি জানিয়ে বোলো, তিনি যেন প্রভাপকে ব'লে ক'য়ে দেশে পাঠিয়ে দেন। এক বার যেন আমার সঙ্গে দেখা হয়। ঠাকুর তাই হাজরাকে বলেছিলেন, 'একবার বাড়ীতে গিয়ে মার সঙ্গে দেখা ক'রে এসো, তিনি রামলালকে অনেক ক'রে বলে দিয়েছেন। মাকে কষ্ট দিয়ে কখন ঈশ্বরকে ডাকা হয়? একবার দেখা দিয়ে বরং চলে এসো।'

তঁকের মজলিস্ ভাঙ্গিলে পর, মহিমাচরণ হাজরাকে সঙ্গে করিয়া ঠাকুরের কাছে উপস্থিত হইলেন। মাষ্টারও আছেন।

মহিমাচরণ (শ্রীরামকৃষ্ণের প্রতি, সহাস্ত্রে)। মহাশয়। আপনার কাছে দরবার আছে। আপনি কেন হাজরাকে বাড়ী যেতে ব'লেছেন? আবার সংসারে যেতে ওর ইচ্ছা নাই।

শ্রীরামকৃষ্ণ। ওর মা রামলালের কাছে অনেক দুঃখ ক'রেছে; তাই বল্লুম, তিন দিনের জন্ত না হয় যাও, একবার দেখা দিয়ে এসো। মাকে কষ্ট দিয়ে কি ঈশ্বর সাধনা হয়? আমি বৃন্দাবনে র'য়ে থাকিলাম, তখন মাকে মনে পড়লো, ভাবলুম—মা যে কাঁদবে, আবার সেজে বাবুব সঙ্গে এখানে চলে এলুম! আর সংসারে যেতে জ্ঞানীর ভয় কি?

মহিমাচরণ (সহাস্ত্রে)। মহাশয়, জ্ঞান হ'লে তো!

শ্রীরামকৃষ্ণ (সহাস্ত্রে)। হাজরার সবটাই হ'য়েছে, একটু সংসারে মন আছে—ছেলেবা র'য়েছে, কিছু টাকা ধার ব'য়েছে। মামীর সব অশ্রুত

সেরে গেছে, একট কনুর আছে ! (মহিমাচরণ প্রভৃতি সকলের হস্ত) ।

মহিমা । কোথায় জ্ঞান হ'য়েছে, মহাশয় ?

শ্রীরামকৃষ্ণ (হাসিয়া) । না—গো, তুমি জ্ঞান না । সন্ধ্যাই বলে, হাজরা একটা লোক, রাসমণির ঠাকুরবাড়ীতে আছে । হাজরারই নাম করে, এখানকার নাম কেউ করে ? (সকলের হস্ত) ।

হাজরা । আপনি নিরুপম—আপনার উপমা নাই, তাই কেউ আপনাকে বুঝতে পারে না ।

শ্রীরামকৃষ্ণ । তবেই নিরুপমের সঙ্গে কোন কাজ হয় না , তা এখানকার নাম কেউ ক'রবে কেন ?

মহিমা । মহাশয় ।

ও কি জানে ? আপনি বেরূপ উপদেশ দেবেন ও তাই করবে ।

শ্রীরামকৃষ্ণ । কেন, তুমি ওকে বরং জিজ্ঞাসা কর , ও আমায় ব লেছে, তোমার সঙ্গে আমার লেনা দেনা নাই ।

মহিমা । ভারি তর্ক করে ।

শ্রীরামকৃষ্ণ । ও মাঝে মাঝে আমায় আবার শিক্ষা দেয় (সকলের হস্ত) । তর্ক যখন করে, হয়তো আমি গালাগালি দিয়ে বস্লাম । তর্কের পর মশারির ভিতর হয়তো শুয়েছি , আবার কি বলেছি মনে ক'রে বেরিয়ে এসে, হাজরাকে প্রণাম করে যাই,— তবে হয় ।

[বেদান্ত ও শুদ্ধাত্মা ।]

শ্রীরামকৃষ্ণ (হাজরার প্রতি) । তুমি শুদ্ধাত্মাকে ঈশ্বর বল কেন ? শুদ্ধাত্মা নিষ্ক্রিয়, তিন অবস্থার সাক্ষিয়রূপ । যখন সৃষ্টি স্থিতি প্রণয় কার্য্য ভাবি, তখন তাঁকে ঈশ্বর বলি । শুদ্ধাত্মা কিরূপ, যেমন চুষুক পাথর অনেক দূরে আছে, কিন্তু ছুঁচ নড়্ছে— চুষুক-পাথর চূপ ক'রে আছে—নিক্রিয় ।

অষ্টম পরিচ্ছেদ ।

[সন্ধ্যা-সঙ্গীত ও ঈশান-সংবাদ ।

সন্ধ্যা আগতপ্রায় । ঠাকুর পাদচারণ করিতেছেন । মণি একাকী ধসিয়া আছেন ও চিন্তা করিতেছেন দেখিয়া, ঠাকুর হঠাৎ তাঁহাকে

দক্ষিণেশ্বরে । মন্মোহন, হৃদয়, মহিমাচরণ প্রভৃতি সঙ্গে । ১১৯
সম্বোধন করিয়া স্নেহে বলিতেছেন, “গোটা দু-এক মার্কিনের জামা
দিও, সকলের জামা তো পরি না—কাপ্তেনকে বোলবো মনে করে-
ছিলাম, তা তুমিই দিও ।” মণি দাঁড়াইয়া উঠিয়াছিলেন, বলিলেন,
‘যে আজ্ঞা’ ।

সন্ধ্যা হইল । শ্রীরামকৃষ্ণের ঘরে ধূনা দেওয়া হইল । তিনি
ঠাকুরদের প্রণাম করিয়া, বীজ মন্ত্র জপিয়া, নাম গান করিতেছেন ।
ঘরের বাহিরে অপূর্ব শোভা । কার্তিক মাসের শুক্লপক্ষের সপ্তমী
তিথি । বিমল চন্দ্রকিরণে একদিকে ঠাকুরবাড়ী হাসিতেছে, আর
একদিকে ভাগীরথীবক্ষ সুগুণিশুর বক্ষের ত্রায় ঈষৎ বিকম্পিত
হইতেছে । জোয়াব পূর্ণ হইয়া আসিল । আরতির শব্দ গঙ্গার
স্নিগ্ধোজ্জলপ্রবাহসমুদ্ভূত কলকলনাদ সঙ্গে মিলিত হইয়া বহুদূর
পর্যন্ত গমন করিয়া লয় প্রাপ্ত হইতেছিল ! ঠাকুরবাড়ীতে এককালে
তিন মন্দিরে আরতি—কালীমন্দিরে, বিষ্ণুমন্দিরে ও শিবমন্দিরে ।
দ্বাদশ শিবমন্দিরে এক একটা করিয়া শিবলিঙ্গের আরতি । পুরো-
হিত শিবের এক ঘর হইতে আর এক ঘরে যাইতেছেন , বাম হস্তে
ঘটা, দক্ষিণ হস্তে পঞ্চপ্রদীপ, সঙ্গে পরিচারক—তাহার হস্তে কাঁসর ।
আরতি হইতেছে, তৎসঙ্গে ঠাকুরবাড়ীর দক্ষিণপশ্চিম কোণ হইতে
রসনচৌকির স্তম্ভের নিনাদ শুনা যাইতেছে ! সেখানে নহবৎখানা,
সন্ধ্যাকালীন রাগ রাগিণী বাজিতেছে । আনন্দময়ীর নিত্য উৎসব
—যেন জীবকে স্মরণ করাইয়া দিতেছে, ‘কেহ নিরানন্দ হইও না ।
ঐহিকের সুখ দুঃখ আছেই, থাকে থাকুক—জগদম্বা আছেন,
আমাদের মা আছেন । আনন্দ কর । দাসীপুত্র ভাল খেতে পায়
না, ভাল পরতে পায় না, বাড়ী নাই, ঘর নাই,—তবু বুকে জোর
আছে, তার যে মা আছে । মার কোলে নির্ভর । পাতানো মা
নয়, সত্যকার মা । আমি কে, কোথা থেকে এলাম, আমার কি
হবে, আমি কোথায় যাব, সব মা জানেন । কে অত ভাবে !
আমার মা জানেন—আমার মা, যিনি দেহ মন প্রাণ আত্মা দিয়ে
আমায় গ’ড়েছেন । আমি জানতেও চাই না । যদি জানবার দর-
কার হয়, তিনি জানিয়ে দিবেন । অত কে ভাবে ! মায়ের হেলেরা
সব আনন্দ কর ।”

বাহিরে কোমুদীপ্লাবিত জগৎ হাসিতেছে ;—কক্ষমধ্যে শ্রীরামকৃষ্ণ হরি-প্রেমানন্দে বসিয়া আছেন । ঈশান কলিকাতা হইতে আসিয়াছেন, আবার ঈশ্বরীয় কথা হইতেছে । ঈশানের ভাবি বিশ্বাস । বলেন, একবার যিনি দুর্গা নাম ক'রে বাড়ী থেকে যাত্রা করেন, তাঁর সঙ্গে শূলপাণি শূলহস্তে যান । দিপদে ভয় কি ? শিখ নিজে রক্ষা করেন ।

[বিশ্বাসে ঈশ্বরলাভ । ঈশানকে কন্যযোগ উপদেশ ।]

শ্রীরামকৃষ্ণ (ঈশানের প্রতি) । তোমার খুব বিশ্বাস—আমাদের কিম্বদন্তি নাই । (সকলের হাস্ত) বিশ্বাসেই তাঁকে পাওয়া যায় । ঈশান । আজ্ঞা, হাঁ ।

শ্রীরামকৃষ্ণ । তুমি জপ, আত্মিক, উপবাস, পূরশ্চরণ এই সব কৰ্ম ক'রছ । তা বেশ । যার আন্তরিক ঈশ্বরের উপর টান থাকে, তাকে দিয়ে তিনি, এই সব কৰ্ম করিয়ে লন । ফলকামনা 'না ক'বে এই সব কৰ্ম ক'রে বেতে পারলে নিশ্চিত তাঁকে লাভ হয় ।

[বৈদী ভক্তি ও রাগভক্তি : কৰ্মত্যাগ কখন ?]

শাস্ত্র অনেক কৰ্ম ক'রতে বলে গেছে—তাই ক'বছি ; একগ ভক্তিকে বৈদীভক্তি বলে । আর এক আছে, রাগভক্তি । সেটি অনুরাগ থেকে হয়, ঈশ্বরে ভালবাসা থেকে হয়—যেমন প্রহ্লাদের । সে ভক্তি যদি আসে, আর বৈদী কৰ্মের প্রয়োজন হয় না ।”

ষষ্ঠ পরিচ্ছেদ ॥

[সেবক হৃদয়ে ।]

সঙ্কার পূর্বে মণি বেড়াইতেছেন ও ভাবিতেছেন - রামের ইচ্ছা এটি তো বেশ কথা ! এতে তো Predestination আর Free will, Liberty আর Necessity, এ সব ঝগড়া মিটে যাচ্ছে । আমায় ডাকাতে ধ'রে নিলে 'রামের ইচ্ছায়' ; আবার আমি ডাক খাচ্ছি 'রামের ইচ্ছায়' ; আমি ডাকাতি ক'রছি 'রামের ইচ্ছায়' ; আমায় পুলিশে ধরলে 'রামের ইচ্ছায়' ; আমি সাধু হয়েছি 'রামের ইচ্ছায়' ; আমি প্রার্থনা ক'রেছি 'হে প্রভু আমায় অসঙ্কি দিও না—

দক্ষিণেশ্বরে । মনোহন, হৃদয়, মহিমাচরণ প্রভৃতি সঙ্গে । ২২১
আমাকে দিয়ে ডাকাতি করিও না—এও রামের ইচ্ছা । সং ইচ্ছা
অসং ইচ্ছা তিনি দিচ্ছেন । তবে একটা কথা আছে, অসং ইচ্ছা
তিনি কেন দিচ্ছেন—ডাকাতি করা বাব ইচ্ছা তিনি কেন দিবেন ?
তার উত্তর ঠাকুর বলেন এই,—তিনি জানোয়ারের ভিতর যেমন
বাঘ, সিংহ, সাপ ক'রেছেন, গাছের ভিতর যেমন বিষ গাছও
ক'রেছেন, সেইরূপ মানুষের ভিতরে চোর ডাকাতও ক'রেছেন ।
কেন ক'রেছেন তা কে বলবে ? ঈশ্বরকে কে বুঝবে ?

“কিন্তু তিনি যদি সব ক'রেছেন Sense of responsibility
তো যায় । তা কেন যাবে ? ঈশ্বরকে না জানলে, তাঁর না দর্শন
হলে 'বামের ইচ্ছা, উটী ষোল আনা বোধই হবে না । তাঁকে লাভ
না ক'লে এটা একবার বোধ হয়, আবার ভুল হয়ে যাবে । যত-
ক্ষণ না পূর্ণ বিশ্বাস হয় ততক্ষণ পাপ পুণ্য বোধ, responsibility
বোধ, থাকবেই থাকবে । ঠাকুর বুঝালেন, 'রামের ইচ্ছা' । তোতা-
পাখীর মত 'রামের ইচ্ছা' মুখে বলে হয় না । যতক্ষণ ঈশ্বরকে জানা
না হয়, তাঁর ইচ্ছায় আমায় ইচ্ছায় এক না হয়, যতক্ষণ না 'আমি
যন্ত্র' ঠিক বোধ হয়, ততক্ষণ তিনি পাপ পুণ্য বোধ, সুখ দুঃখ বোধ শুচি
অশুচি বোধ, ভাল মন্দ বোধ রেখে দেন, Sense of responsibility
বেখে দেন । তা না হ'লে তাঁর মায়ায় সংসার কেমন
কোবে চলবে ?

“ঠাকুরের ভক্তির কথা যত ভাবিতেছি, ততই অবাঞ্ছিত হইতেছি ।
কেশব সেন হরিনাম করেন, ঈশ্বর চিন্তা করেন, অমনি তাঁকে
দেখতে ছুটেছেন,—অমনি কেশব আপনার লোক হ'লেন । তখন
কাপ্তেনের কথা আব শুনলেন না । তিনি বিলাতে গিয়াছিলেন,
সাহেবদের সঙ্গে খেয়েছেন, কণ্ঠাকে ভিন্ন জাতিতে বিবাহ দিয়াছেন,
এ সব কথা ভেসে গেল । কুলটা খাই, কাঁটায় আমার কি কাজ ?
ভক্তিসূত্রে সাকারবাদী, নিরাকারবাদী এক হয়, হিন্দু, মুসলমান,
খৃষ্টান, এক হয় ; চারি বর্ণ এক হয় । ভক্তিবন্ধই তন্ত্র । ধর্ম
শ্রীরামকৃষ্ণ, তোমাবই জয় । তুমি সনাতন ধর্মের এই বিশ্বজনীন
ভাব আবার মূর্ত্তিমান কবিলে । তাই বুঝি তোমার এ'তো আকর্ষণ !
সকল ধর্মাবলম্বীদের তুমি পরমাত্মীয়নির্বিশেষে আলিঙ্গন

করিতেছে ! তোমার এক কষ্টিপাথর ভক্তির । তুমি কেবল জ্ঞাথো—
—অনুরে ঈশ্বরে ভালবাসা ও ভক্তি আছে কি না । যদি তা
থাকে, অমনি সে তোমার পরম আত্মীয়—হিন্দুর যদি ভক্তি
দ্যাথো, অমনি সে তোমার আত্মীয়—মুসলমানের যদি আল্লার
উপর ভক্তি থাকে, সেও তোমার আপনার লোক—খ্রীষ্টানের যদি
যীশুর উপর ভক্তি থাকে, সেও তোমার পরম আত্মীয় । তুমি বল
যে, সব নদীই ভিন্ন দিগ্দেশ হইতে আসিয়া এক সমুদ্র মধ্যে পড়ি-
তেছে । সকলেরই উদ্দেশ্য এক সমুদ্র ।

“ঠাকুর এই জগৎ স্বপ্নবৎ ব'লছেন না । বলেন, 'তা হ'লে ওজনে
কম পড়ে ।' মাযাবাদ নয় । বিশিষ্টাধৈতবাদ । কেন না, জীব-
জগৎ অলীক ব'লছেন না, মনের ভুল ব'লছেন না । ঈশ্বর সত্য,
আবার মানুষ সত্য, জগৎ সত্য । জীবজগৎবিশিষ্ট ব্রহ্ম । বীচি
খোলা বাদ দিলে সব বেলটা পাওয়া যায় না !

“শুনিলাম এই জগৎব্রহ্মাণ্ড মহাচিদাকাশে আবির্ভূত হইতেছে,
আবার কালে লয় হইতেছে—মহাসমুদ্রে তরঙ্গ উঠিতেছে, আবার
কালে লয় হইতেছে । আনন্দসিদ্ধনীরে অনন্ত-লীলালহরী । এ
লীলাব আদি কোথায় ? অন্ত কোথায় ? তাহা মুখে বলিবার যো
নাই—মনে চিন্তা করিবার যো নাই । মানুষ কতটুকু—তার বুদ্ধি বা
কতটুকু ! শুনিলাম মহাপুরুষেরা সমাধিস্থ হ'য়ে সেই নিত্য পরম
পুরুষকে দর্শন ক'রেছেন—নিত্য লীলাময় হরিকে সাক্ষাৎকাব
ক'রেছেন । অবশ্য ক'রেছেন, কেন না ঠাকুর শ্রীরামকৃষ্ণও
বলিতেছেন । তবে এ চক্ষু চক্ষে নয়—বোধ হয় দিব্য চক্ষু
যাহাকে বলে, তাহার দ্বারা । যে চক্ষু পাইয়া অর্জুন বিশ্বরূপ
দর্শন ক'রেছিলেন, যে চক্ষুর দ্বারা ঋষিরা আত্মার সাক্ষাৎকার
ক'রেছিলেন, যে দিব্যচক্ষুর দ্বারা ঈশা তাঁহার স্বর্গীয় পিতাকে
অহরহ দর্শন করিতেন ! সে চক্ষু কিসে হয় ? ঠাকুরের মুখে
শুনিলাম, ব্যাকুলতার দ্বারা হয় । এখন সে ব্যাকুলতা হয়
কেমন ক'রে ? সংসার কি ত্যাগ ক'রতে হবে ? কৈ, তাও তো
আজ ব'লেন না ।”

শ্রীশ্রীরামকৃষ্ণকথামৃত ।

প্রথম ভাগ-চতুর্দশ অঙ্ক ।

শ্রীরামকৃষ্ণের বলরামের গৃহে আগমন ও
তাঁহার সহিত নরেন্দ্র, গিরিশ, বসরাম,
চুণিলাল, লাহি, মাষ্টার, নারায়ণ
প্রভৃতি ভক্তের কথোপ
কথন ও আনন্দ ।

প্রথম পরিচ্ছেদ ।

কাল্কন কৃষ্ণা দশমী তিথি, পূর্বাষাটানক্ষত্র । ১৯শে কাল্কন,
বুধবার, ইংরাজী ১১ মার্চ, ১৮৮৫ । আজ আন্দাজ বেলা দশটার
সময় শ্রীরামকৃষ্ণ দক্ষিণেশ্বর হইতে আসিয়া ভক্তগৃহে বনুবলরামমন্দিরে
শ্রীশ্রীজগন্নাথের প্রসাদ পাইয়াছেন । সঙ্গে লাটু প্রভৃতি ভক্ত ।

ধন্য বলরাম ! তোমারই আলয় আজ ঠাকুরের প্রধান কর্মক্ষেত্র
হইয়াছে ! কত নূতন নূতন ভক্তকে আকর্ষণ করিয়া প্রেমডে'রে
বাঁধিলেন, ভক্তসঙ্গে কত নাটিলেন, গাইলেন ! যেন শ্রীগৌরাজ
শ্রীবাসমন্দিরে প্রেমের হাট বসাইছেন !

দক্ষিণেশ্বরের কালীবাটিতে ব'সে ব'সে কাঁদেন ; নিজের অন্তরঙ্গ
দেখিবেন ব'লে ব্যাকুল ! রাত্রে ঘুম নাই ! মাকে বলেন 'মা ওর বড়
ভক্তি, ওকে টেনে নাও, মা ওকে এখানে এনে দাও ; যদি সে না
আসতে পারে, তা হ'লে মা আমার সেখানে লয়ে যাও, আমি দেখে
আসি ।' তাই বলরামের বাড়ী ছুটে ছুটে আসেন । লোকের কাছে
কেবল বলেন, 'বলরামের ৬জগন্নাথের সেবা আছে, খুব শুদ্ধ অন্ন ।'
যখন আসেন অমনি নিমন্ত্রণ করিতে বলরামকে পাঠান । বলেন,
'যাও —নরেন্দ্রকে, ভবনাথকে, রাখালকে নিমন্ত্রণ করে এ.স। । এদের
খাওয়ালে নারায়ণকে খাওয়ান হয় ! এরা সামান্য নয়, এরা ঐশ্বর্যাংশ
জন্মেছে এদের খাওয়ালে তোমার খুব ভাল হবে' ।

বলরামের আলয়েই শ্রীযুক্ত গিরিশ ঘোষের সঙ্গে প্রথম ব'সে

আলাপ । এইখানেই রথের সময় কীৰ্ত্তনানন্দ । এইখানেই কঁতকার প্রেমের দরবারে আনন্দের মেলা হইয়াছে ।

['পশুতি তব পধানম্' । ছোট নরেন ।]

মাষ্টার নিকটে বিছালয়ে পড়ান । শুনিয়াছেন, আজ দশটার সময় শ্রীরামকৃষ্ণ বলরামের বাটীতে আসিবেন । মাঝে অধ্যাপনার কিঞ্চিৎ অবসর পাওয়া বেলা দুই প্রহরের সময় এখানে আসিয়া উপস্থিত । আসিয়া দর্শন ও প্রণাম করিলেন । ঠাকুর আহারাশু বৈঠকখানায় একটু বিশ্রাম করিতেছেন । মাঝে মাঝে খলী পেকে কিছু মসূনা বা কাবাব চিনি খাচ্ছেন, গল্পবয়স্ক ভক্তেরা চারিদিকে ঘেরিয়া আছেন ।

শ্রীরামকৃষ্ণ (সন্তোহে) । তুমি যে এখন এলে ? স্কুল নাই ?

মাষ্টার । স্কুল থেকে আসছি—এখন সেখানে বিশেষ কাজ নাই ।

ভক্ত । না মহাশয় ! উনি স্কুল পালিয়ে এসেছেন ! (মকলেরহাস্য) ।

মাষ্টার (স্বগতঃ) । হায়, কে, টেনে আনলে !

ঠাকুর যেন একটু চিন্তিত হইলেন । পরে মাষ্টারকে কাছে বসাইয়া কত কথা কহিতে লাগিলেন । আর বলিলেন, 'আমার গামছাটা নিংড়ে দাও তো গা, আর জামাটা শুকোতে দাও ; আর পাটা একটু কাম্‌ডাচ্ছে, একটু হাত বুলিয়ে দিতে পার ? মাষ্টার সেবা করিতে জানেন না, তাই ঠাকুর সেবা করিতে শিখাইতেছেন । মাষ্টার লম্বব্যস্ত হইয়া একে একে ঐ কাজগুলি করিতেছেন । তিনি পায়ে হাত বুলাইতেছেন ও শ্রীরামকৃষ্ণ কথাগুলো কত উপদেশ দিতে লাগিলেন ।

[শ্রীরামকৃষ্ণ ও ঐর্ষ্যভাগের পবাকঠা, ঠিক মর্যাদা ।]

শ্রীরামকৃষ্ণ (মাষ্টারের প্রতি) । ইয়াগা, এটা আমার কদিন ধ'রে হ'চ্ছে কেন বল দেখি ? হাতের কোন জিনিসে হাত দেবার ঘো নাই । একবার একটা বাটীতে হাত দি'ছিলুম,—তা, হাতে শিকীমাছের কাঁটা কোটা মত হলো । হাত কন্ কন্ কন্ কন্ করতে লাগলো । গাডু না ছুঁলে নয়, তাই মনে করলুম, গামছাখানা ঢাকা দিয়ে দেখি তুলতে পারি কি না : যাই হাত দিয়েছি, অমনি হাতটা কন্ কন্ কন্ কন্ করতে লাগল, খুব বেদনা ! শেষে মাঝে প্রার্থনা করলুম, 'মা আর অমন

কর্ম করবো না, মা এবার মাপ করো ।

শ্রীরামকৃষ্ণ (মাষ্টারের প্রতি) । হাঁগা, ছোট নরেন যাওয়া আসা ক'চ্ছে, বাড়ীতে কিছু বলবে ? খুব শুদ্ধ, মেয়ে সঙ্গ কখনও হয় নাই ।

মাষ্টার ! আর খোলটা বড় । শ্রীরামকৃষ্ণ । হাঁ, আবার বলে যে ঈশ্বরীয় কথা একবার শুন্লে আমার মনে থাকে । বলে— ছেলেবেলায় আমি কাঁদতুম্—ঈশ্বর দেখা দিচ্ছেন না বলে ।

মাষ্টারের সঙ্গে ছোট নরেন সম্বন্ধে এইরূপ অনেক কথা হইল । এমন সময় উপস্থিত ভক্তদের মধ্যে একজন বলিয়া উঠিলেন, 'মাষ্টার মহাশয় ! আপনি দূলে যাবেন না ?'

ঠাকুর । ক'টা বেজেছে ? ভক্ত । একটা বাজতে দশ মিনিট ।

শ্রীরামকৃষ্ণ (মাষ্টারের প্রতি) । তুমি এস, তোমার দেবী হচ্ছে । একে কাজ ফেলে এসেছো । (লাটুর প্রতি) রাখাল কোথায় ?

লাটু । চলে গেছে,—বাড়ী ।

শ্রীরামকৃষ্ণ । আমার সঙ্গে না দেখা করে ?

দ্বিতীয় পরিচ্ছেদ ।

অপরাহে—ভক্তসঙ্গে । অবতারবাদ ও শ্রীরামকৃষ্ণ ।

স্কুলের ছুটির পর মাষ্টার আসিয়া দেখিতেছেন—ঠাকুর, বলরামের বৈঠকখানায় ভক্তের মঞ্জলিস করিয়া বসিয়া আছেন । ঠাকুরের মুখে মধুর হাসি, সেই হাসি ভক্তদের মুখে প্রতিবিম্বিত হইতেছে । মাষ্টারকে ফিরিয়া আসিতে দেখিয়া ও তিনি প্রণাম করিলে, ঠাকুর তাঁহাকে তাঁহার কাছে আসিয়া বসিতে ইঙ্গিত করিলেন । শ্রীযুক্ত গিরীশ ঘোষ, সুরেশ মিত্র, বলরাম, লাটু, চুণিলাল ইত্যাদি ভক্ত উপস্থিত আছেন ।

শ্রীরামকৃষ্ণ (গিরীশের প্রতি) । তুমি একবার নরেন্দ্রের সঙ্গে বিচার ক'রে দেখো, সে কি বলে ।

গিরীশ (সহাস্তে) । নরেন্দ্র বলে, ঈশ্বর অনন্ত । যা কিছু আমরা

দেখি, শুনি—জিনিসটা, কি ব্যক্তিটা—সব তাঁর অংশ, এ পর্য্যন্ত আমাদের বলবার যো নাই। Infinity (অনন্ত আকাশ) তার আবার অংশ কি ? অংশ হয় না।

শ্রীরামকৃষ্ণ । ঈশ্বর অনন্ত হউন আর যত বড় হউন,— তিনি ইচ্ছা করলে তাঁর ভিতরের সার বস্তু, মানুষের ভিতর দিয়ে আসতে পারে ও আসে। তিনি অবতার হ'য়ে থাকেন, এটা উপমা দিয়ে বুঝান যায় না। অশুভব হওয়া চাই। প্রতাপ হওয়া চাই। উপমার দ্বাৰা কতকটা আভাস পাওয়া যায়। গরব মধ্যে শিংটা যদি ছোঁয় গরুকেই ছোঁয়া হ'লো, পাটা বা লাজটা ছুঁলেও গরুটাকে ছোঁয়া হ'লো। কিন্তু আমাদের পক্ষে গরুর ভিতরের সার পদার্থ হচ্ছে দুধ। সেই দুধ বাঁট দিয়ে আসে। সেইকপ প্রেম ভক্তি শিখাবার জগৎ ঈশ্বর মানুষদেহ ধারণ ক'রে সময়ে সময়ে অবতারণ হন।

গিরীশ । নরেশ্বর বলে, তাঁর কি সব ধারণা হয়। তিনি অনন্ত

[PERCEPTION OF THE INFINITE *]

শ্রীরামকৃষ্ণ (গিরীশের প্রতি) । ঈশ্বরের সব ধারণা কে করতে পারে ? তা তাঁর বড় ভাবটাও পারে না, আবার ছোট ভাবটাও পাবে না। আর সব ধারণা ক'রে কি দলকান ? তাঁকে প্রতাপ ক'রে পারলেই হ'লো। তাঁর অবতারকে দেখলেই তাঁকে দেখা হ'লো।

যদি কেউ গঙ্গার কাছে গিয়ে গঙ্গাজল স্পর্শ করে, সে বলে—গঙ্গা স্পর্শন স্পর্শন ক'রে এলুম। সব গঙ্গাটা, হরিদ্বার থেকে গঙ্গাসাগর পয্যন্ত, হাত দিয়ে ছুঁতে হয় না। (হাস্ত) ।

“তোমার পাটা যদি ছুঁই, তোমায় ছোঁয়াই হ'লো। (হাস্ত) ।

“যদি সাগরের কাছে গিয়ে একটু জল স্পর্শ করো, সাগর স্পর্শ করাই হ'লো। অগ্নিতত্ত্ব সব জাষগায আছে, তবে কাঠে বেঁধে।—

গিরীশ (হাসিতে হাসিতে) । যেখানে আঙুন পাবো, সেইখানেই আমার দরকার।

* Compare discussion about the order of perception of the Infinite and of the Finite in Max-Müller's Hibbert Lectures and Gifford Lectures.

শ্রীরামকৃষ্ণ (হাসিতে হাসিতে) । অগ্নি তব কাঠে বেশী । ঈশ্বর-
তব যদি খোঁজ, মানুষে খুঁজবে । মানুষে তিনি বেশী প্রকাশ হন ।
যে মানুষে দেখবে উজ্জ্বিতাভক্তি—প্রেমভক্তি উথলে পড়ছে—ঈশ্বরের
জন্ম পাগল—তঁাব প্রেম মাতেয়াবা—সেই মানুষে নিশ্চিত জেনো,
তিনি অবতীর্ণ হয়েছেন ।

(মাষ্টার দৃষ্টে) “তিনি তো গায়েছেনই, তবে তাঁর শক্তি কোথাও
বেশী প্রকাশ, কোথাও বা কম প্রকাশ । অবতাবের ভিতর তাঁর
শক্তি বেশী প্রকাশ, সেই শক্তি কখন কখন পূর্ণভাবে থাকে ।
শক্তি-রই অবতার ।

গিরীশ । নরেন্দ্র বলে, তিনি অবাদ্বনঃসাগোচরম্ ।

শ্রীবামকৃষ্ণ । না, এ মনের গোচর নয় বটে—কিন্তু শুদ্ধমনের
গোচর । এ বুদ্ধির গোচর নয়—কিন্তু শুদ্ধবুদ্ধির গোচর । কামিনী-
কাঞ্চনে অসক্তি গেলেই, শুদ্ধ মন আর শুদ্ধ বুদ্ধি হয় । তখন শুদ্ধমন
শুদ্ধবুদ্ধি এক । শুদ্ধমনের গোচর । পার্থ মুনিরা কি তাঁকে দেখেন
নাই ? তাঁরা চৈতন্যের দ্বারা চৈতন্যের সাক্ষাৎকার করেছিলেন ।

গিবাশ (সহাস্তে) । নরেন্দ্র আমায় কাছে তর্কে হেরেছে ।

শ্রীবামকৃষ্ণ । না, আমায় বলেছে, গিবাশ ঘোষের মানুষকে
অবতার বলে অত বিশ্বাস । এখন আমি আর কি বলবো । অমন
বিশ্বাসের উপর কিছু বলতে নাই ।

গিবীশ (সহাস্তে) । মহাশয় ! আমরা সব হল হল ক'বে কথা কচ্ছি,
কিন্তু মাষ্টার ঠোঁট চেপে বসে আছে । কি ভাবে? মহাশয় ! কি বলুন ।

শ্রীবামকৃষ্ণ (হাসিতে হাসিতে) । “মুখহলসা, ভেতববুঁদে, কান-
তুলসে, দাঁঘল ঘোমটা নারী, পানী পুকুবেব শীতল জল, বড মন্দকারা ।”
(সকলের হাস্য) । (সহাস্তে) । কিন্ত ইনি তা নন,—ইনি ‘গণ্ডাবাজা’ ।
(সকলের হাস্য) ।

গিবীশ । মহাশয় ! শোলোকটা কি বলেন ?

শ্রীরামকৃষ্ণ । এই ক’টা লোকের কাছে সাবধান হবে,—প্রথম
মুখহলসা, হল হল কবে কথা কয়, তার পর ভেতরবুঁদে—মনের
ভিতর ডুবুবি নামালেও অস্ত্র পাবে না ; তার পর কানতুলসে, কানে
তুলসী দেয়, ভক্তি জানাবার জন্ম, দাঁঘল ঘোমটা নারী—গণ্ডা

ঘোমটা, লোকে মনে করে ভারী সতী, তা নয়; আর পানাপুকুরের জল—নাইলে সান্নিপাতিক হয় । (হাস্ত) ।

চুনিলাল । এর (মাষ্টারের) নামে কথা উঠেছে । ছোট নরেন, বাবুরাম ঙর পোডো, নারায়ণ, পন্টু, পূর্ণ, তেজচন্দ্র—এরা সব ঙর পোডো । কথা উঠেছে যে, উর্নি তাদের এইখানে এনেছেন, আর তাদের পড়া শুনা খারাপ হ'বে যাচ্ছে । এঁর নামে দোষ দিচ্ছে ।

শ্রীরামকৃষ্ণ । তাদের কথা কে বিশ্বাস কর'বে ?

এই সকল কথাবার্তা হইতেছে, এমন সময় নারায়ণ আসিয়া ঠাকুরকে প্রণাম করিল । নারায়ণ গোবর্গ, ১৭।১৮ বছর বয়স, স্কুলে পড়ে, ঠাকুর শ্রীরামকৃষ্ণ তাঁহাকে বড় ভালবাসেন । তাকে দেখ'বার জন্য, তাকে খাওয়াবার জন্য ব্যাকুল । তাব জন্য দক্ষিণেশ্ববে ব'সে ব'সে ন'াদেন । নারায়ণকে তিনি সান্নিপাতিক নান্নাশ্রয় দেখেন ।

গিরীশ (নারায়ণ দৃষ্টে) । কে পবন দিলে ? মাষ্টাবই দেখ'ছি সব সারলে । (সকলের হাস্ত) ।

শ্রীরামকৃষ্ণ (হাসিতে হাসিতে) । বোসো । চুপ চাপ ক'রে থাকো । এঁর (মাষ্টারের) নামে একে বদনাম উঠেছে ।

[অন্নচিন্তা চমৎকারা । ব্রাহ্মণের প্রতিগ্রহ কবার ফল ।]

আবার নরেন্দ্রের কথা পড়িল ।

একজন ভক্ত । এখন তত আসেন না কেন ?

শ্রীরামকৃষ্ণ । 'অন্নচিন্তা চমৎকারা,

কালিদাস হয় বুদ্ধিহারা ।' (সকলের হাস্ত) ।

বলরাম । শিবগুহোর বাড়ীর ছেলে অন্নদাগুহোর কাছে খুব আনাগোনা আছে ।

শ্রীরামকৃষ্ণ । হাঁ, একজন আফিসওয়ালার বাসায় নরেন্দ্র, অন্নদা, এরা সব যায় । সেখানে তারা ব্রাহ্মসমাজ করে ।

একজন ভক্ত । তাঁর (আফিসওয়ালার) নাম তারাপদ ।

বলরাম (হাসিতে হাসিতে) । বামুনরা বলে, অন্নদা গুহ লোকটার বড় অহকার ।

বহু বনরামমন্দিরে গিরীশ প্রভৃতি ভক্ত সঙ্গ । ২১৯

শ্রীরামকৃষ্ণ । বামুনদের ওসব কথা শুনে না । তাদের তে-
জানো , না দিলেই খাবাপ লোক, দিলেই ভাল । (সকলের হাশ্ব) ।
অন্নদাকে আমি জানি, ভাল লোক ।

তৃতীয় পরিচ্ছেদ ।

ভক্তসঙ্গে—ভজনানন্দে ।

ঠাকুর গান শুনিয়েই ইচ্ছা প্রকাশ করিলেন । বলরামের বৈঠক-
খানায় এক ঘর লোক । সকলেরই তাঁরাব পানে চাহিয়া আছেন, কি
বলেন শুনিয়েন, কি কবেন দেখিয়েন ।

তারাপদ গাতিতেছেন ,

গান । কেশব কৃষ্ণ করুণা দানে কুঞ্জ কাননচাবী । নাথব মনোমোহন
মোহনমুর্খীধারী ॥ (হরিবোল হরিবোল হরিবোল, মন আমার) । বজ্রকিশোর
বালাগড়ব কাভব-ভগতঙ্গন, নগনবাঁবা বাঁকাশিখিপাখা, নাথিকাহৃদিবঙ্গন—
গোবর্দ্ধনধাবণ, বনকুম্ভভূষণ, দামোদব কংসদপর্জাবী, শ্যাম বাসবসবিহারী ।
(হরিবোল হরিবোল হরিবোল, মন আমার) ।

শ্রীরামকৃষ্ণ (গিরীশের প্রতি) । আচ্ছা বেশ গানটা ? তুমিই কি
সব গান বেঁধেছ ?

ভক্ত । হ্যাঁ, উনিই চৈতন্যলীলার সব গান বেঁধেছেন ।

শ্রীরামকৃষ্ণ (গরীশের প্রতি) । এ গানটা খুব উত্তবেছে ।

শ্রীরামকৃষ্ণ (গায়কের প্রতি) । নিতাংয়ের গান গাইতে পাবো ?
আবার গান হইল, নিতাই গেয়েছিলেন,—

গান । কিশোরীব প্রেম নিবি আয়, প্রেমের জুয়াব ব'য়ে যায় । বইছে
বে প্রেম শতধারে, যে যত চায় তত পায় ॥ প্রেমের কিশোরী, প্রেম বিলাস সাধ
করি, রাধার প্রেমে বল বে হরি ; প্রেমে প্রাণ মত্ত কবে, প্রেম তবঙ্গে প্রাণ
নাচায় । রাধার প্রেমে হরি বলি, আয় আয় আয় ॥

শ্রীগৌরাজের গান হইল,—

গান । কাব ভাবে গৌরবেশে জুড়ালে হে প্রাণ । প্রেম সাগরে উঠলো

তুফান, থাকবে না আর কুলমান (মন মজালে গৌব হে) ॥ ব্রজমাঝে রাখাল সাজে, চরালে গোধন, ধ'রলে কবে মোহন বাঁশী মজ্জলো গোপীর মন, ধ'রে গোবর্দ্ধন, বাখ্লে কুন্দাবন, মানেন দাধ, ধ'বে গোপীব পায়, ভেসে গেল চাঁদবরান ! (মন মজালে গৌব হে) ।

সকলে মাষ্টারকে অনুরোধ করিতেছেন, তুমি একটা গান গাও । মাষ্টার একটু লাজুক, ফিস্ ফিস্ ক'রে মাপ চাহিতেছেন ।

গিরীশ (ঠাকুরের প্রতি, সহাস্তে) । মহাশয় ! মাষ্টার কোন মতে গান গাইছে না ।

শ্রীরামকৃষ্ণ (বিরক্ত হইয়া) । ও ধুলে দাঁত বাব কব্বে, গান গাইতেই যত লজ্জা !

মাষ্টার মুখটা চূণ ক'বে খানিকক্ষণ বসিয়া বহিলেন ।

শ্রীযুত সুরেশ মিত্র একটু দূরে ব'সেছিলেন । ঠাকুর শ্রীরামকৃষ্ণ তাঁহাব দিকে সম্মুখে দৃষ্টিপাত করিয়া শ্রীযুত গির্বাশ ঘোষকে দেখাইয়া সহাস্তবদনে কথা কহিতেছেন ।

শ্রীরামকৃষ্ণ (সহাস্তে) । তুমি তো কি ? ইনি (গিরীশ) তোমার চেয়ে । সুরেশ (হাসিতে হাসিতে) । আচ্ছা হা. আমার বড় দাদা । (সকলের হাস্ত) ।

গিরীশ (ঠাকুরের প্রতি) । আচ্ছা, মহাশয় ! আমি ছেলেবেলায় কিছু লেখাপড়া করি নাই, তবু যাকে বলে বিদ্বান্ ।

শ্রীরামকৃষ্ণ । মহিমচক্রবর্তী অনেক শাস্ত্র টান্ন দেখেছে শুনেছে, — খুব আধার । (মাষ্টারের প্রতি) কেমন গা ?

মাষ্টার । আজে হাঁ ।

গিরীশ । কি ? বিদ্বা ? ও অনেক দেখেছি । ওতে আব ভুলি না ।

শ্রীরামকৃষ্ণ (হাসিতে হাসিতে) । এখানকার ভাব কি জান ? বই, শাস্ত্র, এ সব কেবল ঈশ্বরের কাছে পঁছছিবার পথ বলে দেয় । পথ, উপায়, জেনে লবার পর, আর বই শাস্ত্রে কি দরকার ? তখন নিজের কাজ ক'রতে হয় ।

“একজন একখান চিঠি পেয়েছিল, কুটুমবাড়ী তরু ক'রতে হবে, কি কি জিনিষ লেখা ছিল । জিনিষ কিন্তে দেবার সময়, চিঠিখানি খুঁজে পাওয়া যাচ্ছিল না । কর্তাটা তখন খুব ব্যস্ত হয়ে চিঠি গোঁজ

আরম্ভ করলেন । অনেকক্ষণ ধরে অনেক জন মিলে খুঁজলে । শেষে পাওয়া গেল । তখন আর আনন্দের সীমা নাই । কর্তা বাস্তব হয়ে অতি যত্নে চিঠিখানি হাতে নিলেন ; আর দেখতে লাগলেন, কি লেখা আছে । লেখা এই, পাঁচসের সন্দেশ পাঠাইবে, একখান কাপড় পাঠাইবে, আবণ্ড কত কি । তখন আর চিঠির দরকার নাই, চিঠি ফেলে দিবে সন্দেশ ও কাপড়ের আন অগ্ণাত জিনিষের চেষ্টায় বেকলেন । চিঠির দরকার কতক্ষণ ? যতক্ষণ সন্দেশ কাপড় ইত্যাদির বিষয় না জানা যায় । তারপরই পাবার চেষ্টা ।

“শাস্ত্রে তাঁকে পাবার উপায়ের কথা পাবে । কিন্তু খবর সব জেনে কর্ম আরম্ভ করতে হয় । তবে তো বস্তুলাভ ।

“শুধু পাণ্ডিত্যে কি হবে ? অনেক শ্লোক, অনেক শাস্ত্র, পণ্ডিতের জানা থাকতে পারে, কিন্তু যার সংসাবে আসক্তি আছে, যার কামিনী কাঞ্চনে মনে মনে ভালবাসা আছে, তার শাস্ত্র ধারণা হয় নাই—মিছে পড়া । পাঁজীতে লিখেছে, বিশ আড়া জল, কিন্তু পাঁজী টিপলে এক ফোঁটাও পড়ে না । এক ফোঁটাই পড়্—কিন্তু এক ফোঁটাও পড়ে না (সকলের হাস্য) ।

গিরীশ (সহাস্ত্রে) । মহাশয় ! পাঁজী টিপলে এক ফোঁটাও পড়ে না ? (সকলের হাস্য) ।

শ্রীরামকৃষ্ণ (সহাস্ত্রে) । পণ্ডিত খুব লম্বা লম্বা কথা বলে, কিন্তু নজর কোথায় ? কামিনী আর কাঞ্চনে, দেহের সুখ আর টাকায় ।

“শকুনি খুব উঁচুতে উড়ে, নজর ভাগাড়ে । (হাস্য) । কেবল খুঁজছে, কোথায় মরা জানোয়ার, কোথায় ভাগাড়, কোথায় মড়া ।

শ্রীরামকৃষ্ণ (গিরীশের প্রতি) । নরেন্দ্র খুব ভাল ; গাইতে, বাজাতে, পড়ায়, শুনায়, বিছায় ;—এদিকে জিতেন্দ্রিয়, বিবেক বৈরাগ্য আছে, সত্যবাদী । অনেক গুণ ।

(মাষ্টারের প্রতি) কেমন রে ? কেমন গা, খুব ভাল নয় ?

মাষ্টার । আঙে হাঁ, খুব ভাল ।

শ্রীরামকৃষ্ণ (জনান্তিকে, মাষ্টারের প্রতি) । দেখ, ওর (গিরীশের) খুব অনুরাগ আর বিশ্বাস ।

মাষ্টার অবাক হইয়া গিরীশকে একদৃষ্টে দেখিতেছেন । গিরীশ ঠাকুরের কাছে কয়েক দিন আসিতেছেন মাত্র । মাষ্টার কিন্তু দেখিলেন, যেন পূর্বপরিচিত—অনেক দিনের আলাপ—পরমাত্মীয়—যেন একসূত্রে গাঁথা, মণিগণের একটা মণি ।

নারায়ণ বলিলেন, মহাশয় । আপনার গান হবে না ?

শ্রীরামকৃষ্ণ সেই মধুর কণ্ঠে মাযের নাম গুণ গান করিতেছেন—

গান—**যতনে হৃদয়ে রেখে** আদর্শিণী গ্রামা মাকে । মাকে ভূমি দেখে আব আমি দেখি, আব যেন কেউ নাহি দেখে ॥ কামাদিবে দিখে ফাঁকি, আয় মন বিবলে দেখি, বসনাবে সঙ্গে বাখি, সে যেন না বলে ডাকে (মাঝে মাঝে) ॥ কুকুটি কুমন্ত্রী যত, নিকট হতে দিওনাকো, জ্ঞান-নয়নে প্রহরী রেখে, সে যেন সাবধানে থাকে ॥

ঠাকুর ত্রিতাপে তাপিত সংসারী জীবের ভাব আরোপ করিয়া মার কাছে অভিমান করিয়া গাইতেছেন—

গান ।—**গৌ আনন্দময়ী** হ'য়ে না আনায় নিবানন্দ কোবো না । (ওমা) ছুটা চরণ, বিনে আমাব মন, অল্প কিছু আপ জানে না । তপনতনয় আমায় মন্দ কয়, কি বলিব তায় বল না । ভবানী বলিয় তবে যাব চণে, মনে ছিল এই বাসনা, অকুল পাথারে ডুবাযি আমাবে (ওমা) স্বপনেও তাভো জানি না । অহবহনিশি, হুর্গানামে ভাসি, তব চঃখবাশি গেল না, এবাব যদি মবি ও হরশুদ্ধবী, তোব হুর্গানাম আর কেউ লবে না ।

আর নিত্যানন্দময়ীর ব্রহ্মানন্দের কথা গাইতেছেন—

গান । **শিব সঙ্কে সদা** ব্রহ্মে আনন্দে মগনা, সুখা পানে চল চল চলে কিন্তু পড়ে না (না) । বিপরীত রতাতুবা, পদভরে কাঁপে ধরা, উভয়ে পাগনের পায়া লজ্জা ভয় আর মানে না । (না)

ভক্তেরা নিস্তদ্ধ হইয়া গান শুনিতেন । তাঁহারা একদৃষ্টে ঠাকুরের অদ্ভুত আত্মহারা মাতোয়ারা ভাব দেখিতেছেন ।

গান সমাপ্ত হইল । কিয়ৎকাল পরে ঠাকুর শ্রীরামকৃষ্ণ বলিতেছেন, “আমার আজ গান ভাল হ'ল না—সদ্ধি হয়েছে ।

চতুর্থ পরিচ্ছেদ ।

(সন্ধ্যাসমাগমে) ।

ক্রমে সন্ধ্যা হইল । সিক্কুবক্ষে, যথায় অনন্তের নাগ ছায়া পড়িয়াছে, নিবিড় অরণ্যমধ্যে, অম্বরস্পর্শী পর্বতশিখরে, বাহুবিকম্পিত নদীব তীরে, দিগ্‌দিগন্তব্যাপী প্রান্তুরমধ্যে, ক্ষুদ্র মানবের সহজেই ভাবাম্ভব হইল । এই সূর্য্য চরাচর বিশ্বকে আলোকিত করিতেছিলেন, কোথায় গেলেন ? বালক ভাবিতেছে, আবার ভাবিতেছেন—বালকস্বভাবাপন্ন মহাপুরুষ । সন্ধ্যা হইল ! কি অশ্চর্য্য ! কে একরূপ কবিল ? পাখীবা পাদপশাখা আশ্রয় করিয়া, রব করিতেছে । মানুষের মধ্যে যাহাদের চৈতন্য হইয়াছে, তাঁহারাও সেই আদি কাব, কারণের কারণ পুরুষোত্তমের নাম করিতেছেন ।

কথা কহিতে কহিতে সন্ধ্যা হইল । ভক্তেরা যে যে আসনে বসিয়াছিলেন, তিনি সেই আসনেই বসিয়া বহিলেন । শ্রীরামকৃষ্ণ মধুর নাম করিতেছেন, সকলে উদ্‌গ্ৰীব ও উৎকর্ষ হইয়া শুনিতেছেন । এমন মিষ্ট নাম তাঁরা কখন শুনে নাই—যেন সুধা বর্ষণ হইতেছে । এমন প্রেমমাখা বালকের মা মা ব'লে ডাকা, তাঁরা কখন শুনে নাই, দেখেন নাই ! আকাশ, পর্বত, মহাসাগর, প্রান্তুর, বন, আব দেখবার প্রয়োজন কি ? গকর শৃঙ্গ, পদাদি ও শবীরের অগ্ন্যাগ্ন অংশ আব দেখিবার কি প্রয়োজন ? দয়াময় গুরুদেব যে গরুর বাঁটের কথা বলিলেন, এই গৃহ মধ্যে কি তাই দেখিতেছি ? সকলের অশাস্ত মন কিসে শান্তিলাভ করিল ? নিরানন্দ ধরা কিসে আনন্দে ভাসিল ? কেন ভক্তদের দেখিতেছি, শাস্ত ও আনন্দময় ? এই প্রেমিক সন্ন্যাসী কি সুন্দররূপধারী অনন্ত ঈশ্বর ? এইখানেই কি ছন্দপানপিপাসুর পিপাসা শান্তি হইবে ? অবতার হউন আর নাই হউন, ইঁহারই চরণপ্রাপ্তে মন বিকাইয়াছে, আর যাঁইবার যো নাই ! ইঁহারেই করিয়াছি জীবনের ক্রবতারা । দেখি, ইঁহাব হৃদয়-সবোববে সেই আদিপুরুষ কিরূপ প্রতিবিম্বিত হইয়াছেন ।

ভক্তেরা কেহ কেহ ঐরূপ চিন্তা করিতেছেন ও ঠাকুর শ্রীরামকৃষ্ণের শ্রীমুখ-বিগলিত হরিনাম, আর মায়েব নাম, শ্রবণ করিয়া কৃতকৃতার্থ বোধ করিতেছেন। নামগুণকীর্তনান্তে ঠাকুর প্রার্থনা করিতেছেন। যেন সাক্ষাৎ ভগবান প্রেমের দেহ ধারণ করিয়া জীবকে শিক্ষা দিতেছেন, কিরূপে প্রার্থনা করিতে হয়। বলিলেন, ‘মা, আমি তোমার শরণাগত, শরণাগত। দেহমুখ চাই না মা! লোকমান্য চাই না, (অগ্নিাদি) অষ্ট সিন্ধি চাই না, কেবল এই কোরো, যেন তোমার শ্রীপাদপদে শুক্লাভক্তি হয়, নিষ্কাম, অমলা, অহৈতুকী, ভক্তি। আর যেন, মা, তোমার ভুবন-মোহিনী মাহার মুগ্ধ না হই তোমার মাহার সংসারের, কামিনী কাঞ্চনের, উপর ভালবাসা যেন কখন না হয়! মা। তোমা বই আমার আর কেউ নাই। আমি ভজনহীন, সাধনহীন, জ্ঞানহীন, ভক্তিহীন—কৃপা ক’রে শ্রীপাদপদে আমায় ভক্তি দাও।’

মণি ভাবিতেছেন,—“ত্রিসন্ধ্যা যিনি তাঁর নাম কবিত্তেছেন—খাব শ্রীমুখবিনিঃসৃত নামগঙ্গা তৈলধাবাব জ্বায় নিরবচ্ছিন্না, তাঁর আবার সন্ধ্যা কি?” মণি পরে বুঝিলেন, লোক শিক্ষার জন্ত ঠাকুর মানব দেহ ধারণ করিয়াছেন—“হরি আপনি এসে যোগিবোধে করিলে নাম সঙ্কীর্তন।”

গিরিশ ঠাকুরকে নিমন্ত্রণ করিলেন। সেই রাত্রেই যেতে হবে।

শ্রীরামকৃষ্ণ। রাত হবে না?

গিরীশ। না, যখন ইচ্ছা আপনি যাবেন, আমায় আড় ঘিয়ে টারে (Theatre) যেতে হবে—তাদের ঝগড়া মেটাতে হবে।

পঞ্চম পরিচ্ছেদ ।

রাজপথে । শ্রীরামকৃষ্ণের অদ্ভুত দর্শনাবেশ ।

গিরীশের নিমন্ত্রণ। রাত্রেই যেতে হবে। এখন রাত ৯টা ঠাকুর খাবেন বলে রাত্রেই খাবাব বলবাম্বে প্রস্তুত ক’বেছেন। পাছে

পাছে বলরাম মনে কষ্ট পান, ঠাকুর গিরীশের বাড়ী বাইবার সময় তাই বৃষ্টি বলিতেছেন,—“বলরাম! তুমিও খাবার পাঠিয়ে দিও।”

ছতলা হঠাতে নীচে নামিতে নামিতেই ভগবদ্ভাবে বিভোর ! যেন মাতাল । সঙ্গ—নারা'ণ, মাষ্টার । পশ্চাতে রাম, চুনি ইত্যাদি অনেক । একজন ভক্ত বলিতেছেন, সঙ্গ কে যাবে? ঠাকুর বলিলেন, একজন হ'লেই হলো । নামিতে নামিতেই বিভোর ! নারা'ণ হাত ধরিতে গেলেন, পাছে পড়িয়া যান । ঠাকুর বিরক্তি প্রকাশ করিলেন । কিয়ৎ পরে নারা'ণকে সঙ্গেরে বলিলেন, হাত ধরলে লোকে মাতাল মনে ক'রবে, আমি আপনি চ'লে যাব ।

বোসপাড়ার তেমাখা পার হ'চ্ছেন—কিছু দূরেই শ্রীযুক্ত গিরীশের বাড়ী । এত শীঘ্র চ'লছেন কেন ? ভক্তেরা পশ্চাতে প'ড়ে থাকছে । না জানি সদয়মধ্যে কি অদ্ভুত দেবভাব হইয়াছে ! বেদে বাঁহাকে বাক্যমনের অতীত বলিয়াছেন, তাঁহাকে চিন্তা করিয়া কি পাগলের মত পাদবিক্ষেপ করিতেছেন ? এইমাত্র বলরামের বাড়ীতে বলিলেন যে সেই পুরুষ বাক্যমনের অতীত নহেন ; তিনি শুদ্ধবুদ্ধির, শুদ্ধ-আত্মার গোচর । তবে বৃষ্টি সেই পুরুষকে সাক্ষাৎকার ক'রছেন ! এই কি দেখছেন—“যো কুচ ছায়, সো তু'হি হায় ” ?

এই যে নরেন্দ্র আসিতেছেন । নরেন্দ্র নরেন্দ্র বলিয়া পাগল ! কৈ নরেন্দ্র সম্মুখে আসিলেন, ঠাকুর ত কথা কহিতেছেন না । লোক বলে এর নাম ভাব , এইরূপ কি শ্রীগৌরানন্দের হইত ?

কে এ ভাব বৃষ্টিবে ? গিরীশের ? বাড়ী প্রবেশ করিবার গলির সম্মুখে ঠাকুর আসিয়া উপস্থিত হইলেন । সঙ্গ ভক্তগণ । এইবার নরেন্দ্রকে সম্ভাষণ করিতেছেন ।

নরেন্দ্রকে ব'লছেন, “ভাল আছ, বাবা ? আমি তখন কথা কইতে পারি নাই !”—কথার প্রতি অক্ষর করুণা-মাখা ! তখনও দ্বারদেশে উপস্থিত হন নাই । এইবার হঠাৎ দাঁড়াইয়া পড়িলেন ।

নরেন্দ্রের দিকে চাহিয়া বলিয়া উঠিলেন, একটা কথা ;—এই একটা (দেহী ?) ও একটা (জগৎ) ।

জীব-জগৎ । ভাবে এ সব কি দেখিতেছিলেন ! তিনিই জানেন ।
অবাক হইলে কি দেখেছিলেন । হু একটি কথা উচ্চারিত হইল, যেন
বেদবাক্য—যেন দৈববাণী—অথবা, যেন অনন্ত সমুদ্রের তীরে
গিরগাহি ও অবাক হ'য়ে দাঁড়াইয়াছি ; আর যেন অনন্ততরঙ্গমালো-
ম্বিত অনাহত শব্দের একটি ছুটি ধ্বনি কর্ণকুহরে প্রবিষ্ট হইল !

ষষ্ঠ পরিচ্ছেদ ।

ঠাকুর ভক্ত-মন্দিবে । সংবাদপত্র । নিত্যগোপাল ।

দ্বারদেশে গিরীশ, ঠাকুর শ্রীরামকৃষ্ণকে গৃহমধ্যে লইয়া যাইতে
আসিয়াছেন । ঠাকুর ভক্তসঙ্গে যেই নিকটে এলেন, অমনি গিরীশ
দণ্ডের স্মরণ সন্মুখে পড়িলেন । আজ্ঞা পাইয়া উঠিলেন, ঠাকুরের
পদধূলা গ্রহণ করিলেন ও সঙ্গে কবিতা ছ-তলায় বৈঠকপানার ঘরে
লইয়া বসাইলেন । ভক্তেরা শশবাস্ত হ'য়ে আসন গ্রহণ করিলেন
—সকলের ইচ্ছা, তাঁহার কাছে বসেন ও তাঁহার মধুর কথামৃত পান
করেন ।

আসন গ্রহণ করিতে গিয়া ঠাকুর দেখিলেন, একখানা খবরের
কাগজ রহিয়াছে । খবরের কাগজে বিষয়ীদের কথা ; বিষয়কথা,
পরচর্চা, পরনিন্দা ; তাই অপবিত্র—তাঁহার চক্ষে । তিনি ইসারা
করিলেন, ওখানা যাতে স্থানান্তরিত করা হয় ।

কাগজখানা সরানো হবার পর আসন গ্রহণ করিলেন ।

নিত্যগোপাল প্রণাম করিলেন ।

শ্রীরামকৃষ্ণ (নিত্যগোপালের প্রতি) । ওখানে ?—

নিত্য । আজ্ঞা হাঁ, দক্ষিণেশ্বরে বাই নাই । শরীর খারাপ । ব্যথা ।

শ্রীরামকৃষ্ণ । কেমন আছিস ? নিত্য । ভাল নয় ।

শ্রীরামকৃষ্ণ । হুই এক গ্রাম নীচে থাকিস । নিত্য । লোক
ভাল লাগে না । কত কি বলে—ভয় হয় । এক একবার খুব
সাহস হয় ।

শ্রীরামকৃষ্ণ । তা হবে বৈকি । জোর সঙ্গে কে থাকে ?

নিত্য । তারক । ও সর্বদা সঙ্গে থাকে ; ওকেও সময়ে সময়ে ভাল লাগে না ।

[শ্রীতারকনাথ ঘোষাল—শ্রীশিবানন্দ ।

শ্রীরামকৃষ্ণ । ন্যাশুভা ব'লন্তো, তাদের মঠে একজন সিদ্ধ ছিল । সে আকাশ তাকিয়ে চলে যেতো, গণেশগর্জী,—সদী যেতে বড় দুঃখ—অধৈর্য্য হ'য়ে গিছলো ।

বলিতে বলিতে শ্রীবামকৃষ্ণের ভাবান্তর হইল । কি ভাবে অবাক হ'য়ে রহিলেন । কিয়ৎ পরে বলিতেছেন, “তুই এসেছিস্ । আমিও এসেছি ।”

এ কথা কে বুঝিবে ? এই কি দেব-ভাষা ?

সপ্তম পরিচ্ছেদ ।

পামদ সঙ্গে । অবতার সম্বন্ধে বিচার ।

ভক্তেবা অনেকেই উপস্থিত, শ্রীরামকৃষ্ণের কাছে বসিয়া । নরেন্দ্র, গিরীশ, রাম, হরিপদ, চুনি, বলরাম, মাষ্টার—অনেকে আছেন ।

নরেন্দ্র মানেন না যে, মানুষ দেহ লইয়া ঈশ্বর অবতার হন । এদিকে গিবীশের জ্বলন্ত বিশ্বাস যে, তিনি যুগে যুগে অবতার হন, আর মানবদেহ ধারণ ক'বে মর্তলোকে আসেন ! ঠাকুরের ভাঁরি ইচ্ছা যে, এ সম্বন্ধে দুজনে বিচার হয় । শ্রীরামকৃষ্ণ গিরীশকে বলিতেছেন, একটু ইংরাজীতে দুজনে বিচার করো আমি দেখবো ।

বিচার আরম্ভ হইল । ইংরাজিতে হইল না—বাক্সালাতেই হইল—মাঝে মাঝে দু-একটা ইংরাজী কথা । নরেন্দ্র, বলিলেন, ঈশ্বর অনন্ত । তাঁকে ধারণা করা আমাদের সাধ্য কি ? তিনি সকলের ভিতরেই আছেন—শুধু একজনের ভিতর এসেছেন, এমন নয় ।

শ্রীরামকৃষ্ণ (স্নেহে) । ওরও যা মত আমারও তাই মত । তিনি সর্বত্র আছেন । তবে একটা কথা আছে—শক্তি-শিশেষ । কোনখানে অবিজ্ঞাশক্তির প্রকাশ, কোন খানে বিজ্ঞাশক্তির । কোন আধারে শক্তি বেশী, কোন আধারে শক্তি কম । তাই সব মানুষ সমান নয় ।

রাম । এ সব মিছে তর্কে কি হবে ?

শ্রীরামকৃষ্ণ (বিরক্তভাবে) । না, না, ওর একটা মানে আছে ।
 গিরীশ : ভূমি কেমন ক'রে জানলে, তিনি দেহ ধারণ ক'রে
 আসেন না ? নরেন্দ্র । তিনি অবাস্থানসোগোচরম্ ।

শ্রীরামকৃষ্ণ । না, তিনি শুদ্ধ বুদ্ধির গোচর । শুদ্ধ-
 বুদ্ধি শুদ্ধস্বাদ্মা একই, ঋষির শুদ্ধবুদ্ধি শুদ্ধস্বাদ্মা দ্বারা শুদ্ধ আত্মাকে
 সাক্ষাৎকার ক'রেছিলেন ।

গিরীশ (নরেন্দ্রের প্রতি) । মানুষে অবতার না হ'লে কে
 বুঝিয়ে দেবে ? মানুষকে জ্ঞান ভক্তি দিবার জন্ত তিনি দেহ ধারণ
 ক'রে আসেন । না হ'লে কে শিক্ষা দেবে ?

নরেন্দ্র । কেন ? তিনি অল্পবে থেকে বুঝিয়ে দেবেন ।

শ্রীরামকৃষ্ণ (সন্তোষে) । হাঁ ঠা, অন্তর্ধানীরূপে তিনি বুঝাইবেন ।

তারপর ঘোরতর তর্ক । Infinity - তার কি অংশ হয় ? আবাব
 Hamilton কি বলেন ? Herbert Spencer কি বলেন ? Tyndal,
 Huxley, বা কি ব'লে গেছেন, এই কথা হতে লাগলো ।

শ্রীরামকৃষ্ণ (মাষ্টারের প্রতি) । দেখ ইগুণে আমার ভাল
 লাগছে না । আমি তাই সব দেখছি । বিচার আর কি ক'রবো ?
 দেখছি—তিনিই সব । তিনিই সব ত'য়েছেন । তাও বটে, আবার
 তাও বটে । এক অবস্থায়, অথও মনবুদ্ধি হারা হ'য়ে যায় । নরেন্দ্রকে
 দেখে আমার মন অথও লীন হয় । (গিরীশকে) তার কি ক'লে
 বল দেখি ?

গিরীশ (হাসিতে হাসিতে) । ঐটে ছাড়া প্রায় সব বুঝেছি
 কি না । (সকলের হাস্য) ।

[স্বামানুজ ও বিশিষ্টাষ্টৈতবাদ ।]

শ্রীরামকৃষ্ণ । আবার চুখাক না নাম্লে কথা কইতে পারি না ।

“বেদান্ত, শঙ্কর যা বুঝিয়েছে, তাও আছে ; আবার রামানুজের
 বিশিষ্টাষ্টৈতবাদও আছে । নরেন্দ্র । বিশিষ্টাষ্টৈতবাদ কি ?

শ্রীরামকৃষ্ণ (নরেন্দ্রকে) । বিশিষ্টাষ্টৈতবাদ আছে—রামানুজের
 মত । কি না, জীবজগৎবিশিষ্ট ব্রহ্ম । সব জড়িয়ে একটা ।

“যেমন একটা বেঙ্গল । একজন, খোলা আলাদা, বীজ আলাদা, আর

শাঁস আলাদা ক'রেছিল। বেলটা কত ওজনের, জানবার দরকার হ'য়েছিল। এখন শুধু শাঁস ওজন ক'রলে কি বেলের ওজন পাওয়া যায়? খোলা, বীচি, শাঁস সব একসঙ্গে ওজন করতে হবে। প্রথমে খোলা নয়, বীচি নয়, শাঁসটিই সার পদার্থ ব'লে বোধ হয়। তার পর বিচার ক'রে দেখে, - যেই বস্তুর শাঁস সেই বস্তুর খোলা আর বীচি। আগে নেতি নেতি ক'রে যেতে হয়, জীব নেতী, জগৎ নেতী, এইরূপ বিচার ক'রতে হয়; ব্রহ্মই বস্তু আর সব অবস্তু! তারপর অনুভব হয়, যার শাঁস তারই খোলা, বীচি, যা থেকে ব্রহ্ম বন্'ছে তাই থেকে জীব জগৎ। যারই নিত্য তারই লীলা। তাই রামানুজ ব'লতেন, জীবজগৎবিশিষ্ট ব্রহ্ম। এরই নাম বিশিষ্টাদ্বৈতবাদ।

অষ্টম পরিচ্ছেদ ।

ঈশ্বরদর্শন - God-vision অবতার প্রত্যক্ষসিক।

শ্রীরামকৃষ্ণ (মাষ্টারের প্রতি)। আমি তাই দেখছি ঙাঙ্কাৎ, আর কি বিচার করবো? আমি দেখেছি, তিনিই এ সব হয়েছেন। তিনিই জীব ও জগৎ হ'য়েছেন।

“তবে চৈতন্য না লাভ ক'রলে চৈতন্যকে জানা যায় না। বিচার কতক্ষণ। যতক্ষণ না তাঁকে লাভ করা যায়, শুধু মুখে বলে হবে না, এই আমি দেখছি তিনি সব হ'য়েছেন। তাঁর কৃপায় চৈতন্য লাভ করা চাই। চৈতন্য লাভ করলে সমাধি হয়, মাঝে মাঝে দেহ ভুল হ'য়ে যায়, কামিনীকাঞ্চনের উপর আসক্তি থাকে না, ঈশ্বরীয় কথা চাড়া কিছু ভাল লাগে না, বিষয় কথা শুন্লে কষ্ট হয়।

[প্রত্যক্ষ Revelation নরেন্দ্রকে শিলা; কালীই ব্রহ্ম।*]

“চৈতন্য লাভ ক'রলে তবে চৈতন্যকে জানতে পারা যায়।

বিচারান্তে ঠাকুর শ্রীরামকৃষ্ণ মাষ্টারকে বলিতেছেন -

১. কালী - God in his relations to the conditioned.

ব্রহ্ম - The Unconditioned, the Absolute.

“নেখেছি, বিচার ক’রে এক রকম জানা যায়, তাঁকে ধ্যান ক’রে এক রকম জানা যায়। আবার তিনি যখন দেখিয়ে দেন—সে এক। তিনি যদি দেখিয়ে দেন—এর নাম অবতার,—তিনি যদি তাঁর মাহুয লীলা দেখিয়ে দেন, তাহ’লে আর বিচার ক’রতে হয় না, কারুকে বুঝিয়ে দিতে হয় না। কি রকম জান ? যেমন অন্ধকারের ভিতর দেশলাই ঘসতে ঘসতে দপ্ ক’রে আলো হয়। সেই রকম দপ্ ক’রে আলো যদি তিনি দেন, তাহ’লে সব সন্দেহ মিটে যায়। এরূপ বিচার ক’রে কি তাঁকে জানা যায় ?” [ঠাকুর নরেন্দ্রকে কাছে ডাকিয়া বসাইলেন ও কুশল প্রশ্ন ও কত আদর করিতেছেন।]

নরেন্দ্র (শ্রীরামকৃষ্ণের প্রতি)। কৈ কালীর ধ্যান তিন চার দিন ক’রলুম, কিছুই তো হ’লো না !

শ্রীরামকৃষ্ণ। ক্রমে হবে। কালী আর কেউ নয়, যিনিই ব্রহ্ম, তিনিই কালী। কালী আদ্যাশক্তি। যখন নিজিয়, তখন ব্রহ্ম বোলে কই। যখন সৃষ্টি স্থিতি প্রলয় করেন, তখন শক্তি বোলে কই, কালী বোলে কই। ঠাকে তুমি ব্রহ্ম ব’লচো, তাঁকেই কালী ব’লছি।

“ব্রহ্ম আর কালী অভেদ। যেমন অগ্নি আর দাহিকাশক্তি। অগ্নি ভাবলেই দাহিকা শক্তি ভাবতে হয়। কালী মানলেই ব্রহ্ম মানতে হয়, আবার ব্রহ্ম মানলেই কালী মানতে হয়।

“ব্রহ্ম ও শক্তি অভেদ। ওকেই শক্তি, ওকেই কালী, আমি বলি।”

এ দিকে রাত ৯’য়ে গেছে। গিরীশ হরিপদকে বলিতেছেন ভাই, একখানা গাড়ী যদি ডেকে দিস্—থিয়েটারে যেতে হবে।

শ্রীরামকৃষ্ণ (সহাস্তে)। দেখিস্ যেন আনিস্ ! (সকলের হাস্য)

হরিপদ (সহাস্তে)। আমি আনতে যাচ্ছি—আর আনবো না ?

[ঈশ্বরলাভ ও কয়। বাম ও কাম।]

গিরীশ। আপনাকে ছেড়ে আবার থিয়েটারে যেতে হবে !

শ্রীরামকৃষ্ণ। না, ইদিক্ উদিক্ ছুদিক্ রাখতে হবে, ‘জনক রাজা ইদিক্ উদিক্ ছুদিক্ রেখে খেয়েছিল দুধের বাটা !’ (সকলের হাস্য)।

গিরীশ। থিয়েটারগুলো ছোঁড়াদেবই ছেড়ে দিই মনে করছি।

গিরীশমন্দিরে নরেন্দ্র প্রভৃতি ভক্ত সঙ্গে । ২৪১

শ্রীরামকৃষ্ণ । না না ও বেশ আছে ; অনেকের উপকার হ'চ্ছে ।
নরেন্দ্র (মুহূষ্মরে) । এই তো ঈশ্বর বল্ছে, অবতার বল্ছে !
আবার থিয়েটার টানে ।

নবম পরিচ্ছেদ ।

সমাধিমন্দিবে । গর্গরমাতোয়ারা শ্রীরামকৃষ্ণ ।

শ্রীরামকৃষ্ণ নরেন্দ্রকে কাছে বসাইয়া একদৃষ্টে দেখিতেছেন, হঠাৎ
তাঁহার সন্নিকটে আরও সরিয়া গিয়া বসিলেন । নরেন্দ্র অবতার
মানেন নাই—তায় কি এসে যায় ? ঠাকুরের ভালবাসা যেন আরও
উথলিয়া পড়িল । গায়ে হাত দিয়া নরেন্দ্রের প্রতি কহিতেছেন, ‘মান
কয়লি তো কয়লি, আমবাও তোব মানে আছি (রাই) ।’

[বিচার ঈশ্বৰণাত পযান্ত ।]

(নরেন্দ্রের প্রতি) । “যতক্ষণ বিচার, ততক্ষণ তাঁকে পায় নাই ।
তোমরা বিচার ক'ব্বছিলে, আমার ভাল লাগে নাই ।

“নিমন্ত্রণ বাড়ীর শব্দ কতক্ষণ শুনা যায় ? যতক্ষণ লোকে খেতে
না বসে । যাই লুচি তরকারী পড়ে, বার আনা শব্দ ক'মে যায় ।
(সকলের হাস্য) । অন্য খাবাব প'ড়লে খাবো কমতে থাকে ।
দই পাতে পাতে প'ড়লে কেবল সুপ্ সাপ্ । ক্রমে খাওয়া হ'য়ে
গেলেই নিদ্রা ।

“ঈশ্বরকে যত লাভ হবে, ততই বিচার কমবে । তাঁকে লাভ
হ'লে আর শব্দ - বিচার—থাকে না । তখন নিদ্রা—সমাধি ।”

এই বলিয়া নরেন্দ্রের গায়ে হাত বুলাইয়া, মুখে হাত দিয়া আদর
করিতেছেন, ও বলিতেছেন, ‘হরিন্ত্র ঔ, হরি ঔ, হরি ঔ’ ।

কেন এরূপ করিতেছেন ও বলিতেছেন ? শ্রীরামকৃষ্ণ কি নরে-
ন্দ্রের মধ্যে সাক্ষাৎ নারায়ণ দর্শন করিতেছেন ? এরই নাম কি
মানুষে ঈশ্বর দর্শন ? কি আশ্চর্য্য ! দেখিতে দেখিতে ঠাকুরের সংজ্ঞা
যাইতেছে ! ঐ দেখ, বহিঃসংসারের হুস চলিয়া যাইতেছে । এরই
নাম বুঝি অর্দ্ধ বাহুদশা—যাহা শ্রীগৌরোঙ্গের হইয়াছিল । এখনও

নরেন্দ্রের পায়ের উপর হাত—যেন ছল করিয়া নারায়ণের পা টিপিতেছেন—আবার গারে হাত বুলাইতেছেন । অ্যাতো গা টেপা, পা টেপা কেন ? একি নারায়ণের সেবা ক'রছেন, না শক্তি সঞ্চার ক'রছেন ?

দেখিতে দেখিতে আরো ভাবান্তর হইতেছে । এই আবার নরেন্দ্রের কাছে হাতজোড় ক'রে কি ব'লছেন ! ব'লছেন, —‘একটা গান (গা)—তা'হলে ভাল হ'ব,—উঠতে পারবো কেমন ক'রে ।—গোরাপ্রেমে গর্গরমাতোয়ারা (নিতাই আমার)—”

কিয়ৎক্ষণ আবার অবাক্, চিত্রপুত্তলিকার মত চূপ ক'রে রহিয়াছেন । আবার ভাবে মাতোয়ারা হ'য়ে ব'লছেন —

“দেখিস রাই—যমুনায় যে প'ড়ে যাবি—কৃষ্ণপ্রেমে উন্মাদিনী ।
আবার ভাবে বিভোর ' বলিতেছেন .—

“সখি ! সে বন কত দূব ! (যে বনে আমার শ্রামসুন্দর ।)

(ঐ যে কৃষ্ণগন্ধ পাওয়া যায় ।) (আমি চলিতে যে নাবি ।)”

এখন জগৎ ভুল হ'য়েছে—কাহাকেও মনে নাই—নরেন্দ্র সম্মুখে, কিন্তু নরেন্দ্রেকে আর মনে নাই—কোথায় ব'সে আছেন, কিছুই হ'স নাই । এখন যেন প্রাণ ঈশ্বরে গত হ'য়েছে !
অদগত-অস্ত্রান্ধা ।

গোরাপ্রেমে গর্গরমাতোয়ারা ।— এই কথা বলিতে বলিতে হঠাৎ হুক্কার দিয়া দণ্ডায়মান । আবার বসিতেছেন, বসিয়া বলিতেছেন ;—

“ঐ একটা আলো আসছে দেখতে পাচ্ছি,—কিন্তু কোন্ দিক্ দিয়ে আলোটা আসছে এখনও বুঝতে পাচ্ছি না ।”

এইবার নরেন্দ্র গান গাইতেছেন—

গান্ধ । সব হুঃখ দূব করিলে দবণন দিয়ে - মোহিলে প্রাণ ।

সপ্ত লোক ভুলে শোক, ভোমাবে পাইয়ে—কোথায় আমি অতি দীন দীন ॥

গান শুনিতে শুনিতে শ্রীরামকৃষ্ণের বহির্জগৎ ভুল হইয়া আসি-
তেছে ! আবার নিমীলিত নেত্র । স্পন্দহীন দেহ । স্ফাশিচ্ছ ।

সমাধিতক্তের পর বলিতেছেন, “আমাকে কে লয়ে যাবে ?”
বালক যেমন সঙ্গী না দেখলে অঙ্ককার দেখে, সেইরূপ !

অনেক রাত হইয়াছে । কান্তন কুকাদশমী ;—অন্ধকার রাত্রি ।
ঠাকুর দক্ষিণেশ্বরে কালীবাড়ীতে যাইবেন । গাড়ীতে উঠিবেন ।
ভক্তেরা গাড়ীর কাছে দাঁড়াইয়া । তিনি উঠিতেছেন—অনেক
সম্বরণে তাঁহাকে উঠানো হইতেছে ; এখনো ‘গর্গর মাতোয়ারা’ ।
গাড়ী চলিয়া গেল । ভক্তেরা—যে যার বাড়ী যাইতেছেন ।

দশম পরিচ্ছেদ ।

সেবকহৃদয়ে ।

মস্তকের উপরে তারকামণ্ডিত নৈশগগন—স্বদয়পটে অঙ্কিত
শ্রীরামকৃষ্ণছবি, স্মৃতিমধ্যে ভক্তের মজলিস—সুখস্বপ্নের স্মারক নয়ন-
পথে সেই প্রেমের হাট—কলিকাতার রাজপথে গৃহাতিমুখে ভক্তেরা
যাইতেছেন । কেহ সরস বসন্তানিল সেবন করিতে করিতে আবার
গাইতে গাইতে যাচ্ছেন,—‘সব হুখ দূর করিলে দরশন দিয়ে—
মোহিলে প্রাণ ।’

মণি ভাবতে ভাবতে যাচ্ছেন, “সত্য সত্যই কি ঈশ্বর মানুষ-
দেহ ধারণ ক’বে আসেন ? অনন্ত কি সান্ত হয় ? বিচার তো
অনেক হ’ল । কি বুঝলাম, বিচারের দ্বারা কিছুই বুঝলাম না !

“ঠাকুর শ্রীরামকৃষ্ণ তো বেশ বল্লেন, ‘যতক্ষণ বিচার ততক্ষণ
বস্তুলাভ হয় নাই, ততক্ষণ ঈশ্বরকে পাওয়া যায় নাই ।’ তাও বটে !
এইতো এক ছটাক বুদ্ধি, এর দ্বারা আর কি বুঝবো ঈশ্বরের কথা !
এক সের বাটীতে কি চার সের হুখ ধরে ? তবে অবতার বিশ্বাস
কিরূপে হয় ? ঠাকুর ব’ল্লেন, ঈশ্বর যদি দেখিয়ে দেন দপ্ ক’রে,
তা হ’লে এক দণ্ডেই বুঝা যায় । Goethe মৃত্যুশয্যায় বলেছিলেন,
“Light ! More Light !” তিনি যদি দপ্ ক’রে আলো জ্বলে
দেখিয়ে দেন ! তবে -

“ছিত্তস্তে সর্বসংশয়াঃ”

“যেমন Palestineএ মূর্খ ধীবরেরা Jesusকে, অথবা যেমন
শ্রীবাসাদি ভক্ত শ্রীগৌরাজকে, পূর্ণাবতার দেখেছিলেন ।

“যদি দপ্ ক’রে তিনি না দেখান্ তা হ’লে উপায় কি ? কেন

যে কালে ঠাকুর শ্রীরামকৃষ্ণ ব'লছেন ও কথা, সে কালে অবতার বিশ্বাস ক'রবো। তিনিই শিখিয়েছেন—বিশ্বাস, বিশ্বাস, বিশ্বাস ! গুরুবাক্যে বিশ্বাস ! আর

“তোমাবেট করিয়াছি জীবনের ধ্রুবতারা ।

এ সমুদ্রে আব কভু হ'বনাকো পথহারা ॥”

“আমাব তাঁর বাক্যে—ঈশ্বরকৃপায়—বিশ্বাস হ'যেছে,—আমি বিশ্বাস ক'রবো . অজ্ঞে যা কবে করুক—আমি এই দেব-চুল'ভ বিশ্বাস কেন ছাড়বো ? বিচার থাক্। জ্ঞান চচ্চডি ক'বে কি আব একটা Faust হতে হবে ? আবাব কি গভীর রজনী মধ্যে বাতায়নপথে চল্লকিরণ আসিবে, ও আর একজন Faust একাকী ঘরের মধ্যে 'হায়, কিছু জানিতে পারিলাম না Science, Philosophy বুধা অধ্যয়ন করিলাম, এই জীবনে দিক্'। এই বলিয়া বিষেব শিশি লইয়া আশ্রুত্যা কবিত্তে বসিবে ? না আব একজন Alastor অজ্ঞানের বোঝা বহিতে না পেরে শিলাখণ্ডেব উপব মাথা রেখে মৃত্যুর অপেক্ষা করিবে ? না, আমার এ সব ভয়ানক পণ্ডিত দেব মত এক ছটাক জ্ঞানের দ্বারা বহস্য ভেদ ক'বুতে যাবার প্রয়োজন নাই। আর এক সের বাটীতে চার সের দুধ ধ'রুলো না ব'লে, মরিতে যাবারও দরকার নাই। বেশ কথা—গুরু-বাক্যে বিশ্বাস। হে ভগবন্, আমায় ঐ বিশ্বাস দাও, আর মিছামিছি ঘুরাইও না। যা হবার নয়, তা খুঁজুতে যাওয়াইও না। আর ঠাকুর যা শিখিয়াছেন, 'যেন তোমার পাদপদ্মে শুদ্ধাত্ম হই - অমলা, অহৈতুকী - ভক্তি, আর যেন তোমার ভুবনমোহিনী মায়ায় মুগ্ধ না হই ! কৃপা ক'রে এই আশীর্ব্বাদ কর।'

শ্রীরামকৃষ্ণের অদৃষ্টপূর্ব্ব প্রেমের কথা ভাবিতে ভাবিতে মণি সেই তমসচ্ছন্ন রাত্রিমধ্যে রাজপথ দিয়া বাডী ফিরিয়া যাইতেছেন ও ভাবিতেছেন, “কি ভালবাসা গিরীশকে ! থিয়টারে চ'লে যাবেন, তবু তাঁর বাডীতে যেতে হবে ! শুধু তা নয়। এমনও ব'লছেন না যে, 'সব ত্যাগ কব—আমার জগু গৃহ, পরিজন, বিষয়কর্ম্ম সব ত্যাগ ক'রে সন্ন্যাস অবলম্বন কর'।

বুঝেছি এর মানে এই যে সময় না হ'লে, তীব্র বৈরাগ্য না হলে, ছাড়লে কষ্ট হবে ; ঠাকুর যেমন নিজেকে বলেন, ঘায়ের মাম্‌ড়ী, যা শুকুতে না শুকুতে ছিঁড়লে, রক্ত প'ড়ে কষ্ট হয়, কিন্তু যা শুকিয়ে গেলে মাম্‌ড়ী আপনি ঝসে প'ড়ে যায়। সামান্য লোকে, যাদের অন্তর্দৃষ্টি নাট্য তাবা বলে, এখনি সংসাব ভাগ কর। ইনি সদগুরু, অহেতুক কৃপাসিদ্ধ, প্রেমের সমুদ্র, জীবের কিসে মঙ্গল হয়, এই চেষ্টা নিশিদিন কবিতেছেন

“আর গিরীশেব কি বিশ্বাস। ছ দিন দর্শনের পরই ব'লে-
 ছিলেন, ‘প্রভু তুমিই ঈশ্বর—মানুষদেহ ধারণ ক'রে এসেছ—আমাব
 পরিব্রাণের জ্ঞাত।’ গিবীশ ঠিক তো ব'লেছেন, ঈশ্বর মানুষদেহ
 ধারণ না ক'লে, ঘরের লোকের মত কে শিক্ষা দেবে, কে জানিয়ে
 দেবে ঈশ্বরই বস্তু আব সব অবস্তু, কে ধবায় পতিত দুর্বল সন্তানকে
 হাত ধ'বে তুলবে, কে কামিনীকাঞ্চনাসক্ত পাশবস্বভাবপ্রাপ্ত
 মানুষকে আবার পূর্ববৎ অমৃতের অধিকারী ক'রবে ? আব তিনি
 মানুষরূপে সঙ্গ সঙ্গ না বেড়ালে, যাঁবা তগ্ধতান্তবাস্তা, যাঁদেব
 ঈশ্বর বই আব কিছু ভাল লাগে না, তাঁরা কি ক'রে দিন কাটা-
 বেন। তাই পরিব্রাণায় সাধনাং দিনাশায় চ ছুঙ্কতা, ধর্মসংস্থাপ-
 নার্থায় সম্ভবামি যুগে যুগে।’

“কি ভালবাসা। নবোজ্জ্বল জ্ঞান পাগল, নাবাযণেব জ্ঞান ক্রন্দন।
 বলেন এবা ও অগ্ণাত্য ছেলেরা—বাখাল, ভবনাথ, পূর্ণ, বাবুরাম
 ইত্যাদি সাক্ষাৎ নারায়ণ আমার জ্ঞান দেহ ধারণ করে এসেছে !
 এ প্রেম তো মানুষ জ্ঞানে নয়, এ প্রেম দেখছি ঈশ্বরপ্রেম। ছেলেরা
 শুদ্ধ-আত্মা, স্ত্রীলোক অন্তভাবে স্পর্শ করে নাই, বিষয়কর্ম কোরে
 এদেব লোভ, অহঙ্কার, হিংসা ইত্যাদি ক্ষুণ্ণি হয় নাই, তাই ছেলে-
 দের ভিতর ঈশ্বরের বেশী প্রকাশ। কিন্তু এ দৃষ্টি কার কাছে ?
 ঠাকুরের অন্তর্দৃষ্টি, সমস্ত দেখিতেছেন—কে বিষয়াসক্ত, কে সরল,
 উদার, ঈশ্বর ভক্ত। তাই এরূপ ভক্ত দেখলেই সাক্ষাৎ আনন্দ
 ব'লে সেবা করেন। তাদের নাওয়ান, শোয়ান, তাদের দেখিবার
 জ্ঞান কাঁদেন, কলিকাতায় ছুটিয়া ছুটিয়া যান, লোকেব খোসামোদ

ক'রে বেডান, কলিকাতা থেকে তাদের গাড়ী ক'রে আনতে ; গৃহস্থ ভক্তদের সর্বনা বলেন, ওদের নিমন্ত্রণ ক'রে খাওয়াইও তাহ'লে তোমাদের ভাল হবে। একি মায়িক স্নেহ ? না, বিগুহ্ব ঈশ্বর প্রেম ? মাটির প্রতিমাতে এতো ঘোড়শোপচারে ঈশ্বরের পূজা ও সেবা হয় ; আর শুদ্ধনরদেহে কি হয় না ? তা ছাড়া এরাই ভগবানের প্রত্যেক লীলার সহায় । জন্ম জন্ম সাক্ষে'পাত্ত !

“নরেন্দ্রকে দেখতে দেখতে বাহুজগৎ ভুলে গেলেন , ক্রমে দেহী-নবেন্দ্রকে ভুলে গেলেন ; (Apparent man) বাহ্যিক মনুষ্যকে ভুলে গেলেন , (Real man) প্রকৃত মনুষ্যকে দর্শন ক'রতে লাগিলেন ; অথগু সচ্চিদানন্দে মন লীন হইল, যাঁকে দর্শন ক'রে কখনও অবাক্ স্পন্দহীন হয়ে চূপ ক'রে থাকেন, কখনও বা 'শু' 'শু' বলেন, কখন বা 'মা মা' ক'রে বালকের মত ডাকেন, নরেন্দ্রের ভিতব তাঁকে বেশী প্রকাশ দেখেন। নরেন্দ্র নরেন্দ্র ক'রে পাগল !

“নরেন্দ্র অবতার মানেন নাই, তার আব কি হ'য়েছে ! ঠাকুরের দিব্য চক্ষু , তিনি দেখিলেন যে, এ অভিমান হ'তে পারে। তিনি যে বড় আপনার লোক, তিনি যে আপনার মা, পাতানো মা ত নন। তিনি কেন বুঝিয়ে দেন না, তিনি কেন দপ্ ক রে আলো জ্বলে দেখিয়ে দেন না ! তাই বুঝি ঠাকুর ব'ল্লেন—

‘মান কয়লি ত কয়লি, আমবা ও তোব মানে আছি !’

“আত্মীয় হ'তে যিনি পবমাত্মীয় তাঁর উপর অভিমান ক'রবে না, ত কার উপর ক'রবে। ধন্য নরেন্দ্রনাথ, তোমার উপর এই পুরু-ষোত্তমের এত ভালবাসা ! তোমাকে দেখে এত সহজে ঈশ্ববেব উদ্দীপন !”

এইরূপ চিন্তা করিতে করিতে সেই গভীর রাতে শ্রীরামকৃষ্ণ স্মরণ করিতে করিতে ভক্তেবা গৃহে প্রত্যাবর্তন করিতেছেন ।

শ্রীশ্রীরামকৃষ্ণকথামৃত ।

প্রথম ভাগ-পঞ্চদশ অঙ্ক ।

শ্রীরামকৃষ্ণের ঈশান, ডাক্তার সরকার, গিরীশ
প্রভৃতি ভক্ত সঙ্গে শ্রামপুকুরে আনন্দ ও
কথোপকথন ।

প্রথম পরিচ্ছেদ ।

গৃহস্থশ্রমকথাপ্রসঙ্গে ।

আশ্বিন শুক্লাচতুর্দশী । সপ্তমী, অষ্টমী ও নবমী তিন দিন মহামায়ার
পূজা মহোৎসব হইয়া গিয়াছে । দশমীতে বিজয়া, তত্পলক্ষে
পরম্পরের প্রেমালিঙ্গন ব্যাপার সম্পন্ন হইয়াছে । ভগবান্ শ্রীরাম-
কৃষ্ণ ভক্তসঙ্গে কলিকাতার অন্তর্ভুক্ত সেই শ্রামপুকুর নামক
পল্লীতে বাস করিতেছেন । শরীরে কঠিন ব্যাধি, গলায় ক্যান্সার ।
বলরামের বাড়ীতে যখন ছিলেন করিরাজ গঙ্গাপ্রসাদ দেখিতে
আসিয়াছিলেন । ঠাকুর জিজ্ঞাসা করিয়াছিলেন, এ রোগ সাধ্য
না অসাধ্য । কবিরাজ এ প্রশ্নের উত্তর দেন নাই, চুপ করিয়া
ছিলেন । ইংরাজী ডাক্তারেরাও রোগটী অসাধ্য, এ কথা ইঙ্গিত
করিয়াছিলেন । এক্ষণে ডাক্তার সরকার চিকিৎসা করিতেছেন ।

আজ বৃহস্পতিবার, ২২ শে অক্টোবর, ১৮৮৫ । শ্রামপুকুরস্থিত
একটি দ্বিতল গৃহমধ্যে শ্রীরামকৃষ্ণ, ছতলা ঘরের মধ্যে শয্যা রচনা
হইয়াছে—তাহাতে উপবিষ্ট । ডাক্তার সরকার, শ্রীযুক্ত ঈশান-
চন্দ্র মুখোপাধ্যায় ও ভক্তেরা, সম্মুখে এবং চারিদিকে সমাসীন ।
ঈশান বড দানী, পেলন লইয়াও দান করেন, ঋণ করিয়া দান
করেন, আর সর্বদাই ঈশ্বর চিন্তায় থাকেন । পীড়া শুনিয়া তিনি
দেখিতে আসিয়াছেন । ডাক্তার সরকার চিকিৎসা করিতে আসিয়া
ছয় সাত ঘণ্টা করিয়া থাকেন, শ্রীরামকৃষ্ণকে সাতিশয় ভক্তি শ্রদ্ধা
করেন ও ভক্তদের সহিত পরম আত্মীয়ের স্থায় ব্যবহার করেন ।

রাত্রি প্রায় ৭টা হইয়াছে । বাহিরে জ্যোৎস্না—পূর্ণাবয়ব
নিশানাথ যেন চারিদিকে সুধা ঢালিয়াছেন । ভিতরে দীপালোক,
ঘরে অনেক লোক । অনেকে মহাপুরুষ দর্শন করিতে আসিয়া-

ছেন । সকলেই একদৃষ্টে তাঁহাব দিকে চাহিয়া রহিয়াছেন । স্তম্ভ-
বেন, তিনি কি বলেন । দেখিবেন, তিনি কি করেন ।
ঈশানকে দেখিয়া ঠাকুর শ্রীবামকৃষ্ণ বলিতেছেন,—

[নির্লিপ্ত সংসারী । নির্লিপ্ত হবার উপায় ।]

“যে সংসারী ঈশ্বরের পাদপদ্মে ভক্তি রেখে সংসার করে, সে
শুণ, সে বীরপুরুষ । যেমন কারু মাথায় ছু মোগ বোঝা আছে,
আর বর যাচ্ছে । মাথায় বোঝা—তবুও সে বর দেখছে । খুব
শক্তি না থাকলে হয় না । যেমন পঁকাল নাচ পঁাকে থাকে,
কিন্তু গায়ে একটুও পঁক নাট । পানকোটা জলে সর্বদা ডুব মারে,
কিন্তু পাখা একবার ঝাড়া দিনেই আব গায়ে জল থাকে না ।

“কিন্তু সংসাবে নির্লিপ্তভাবে থাকতে গেলে, কিছু সাধন করা চাই ।
দিন কতক নিৰ্জনে থাকা দরকাব, তা এক বছর হোক, ছয় মাস হোক,
তিন মাস হোক বা এক মাস হোক । সেই নিৰ্জনে ঈশ্ববচিন্তা কব্তে
হয়, সর্বদা তাঁকে ব্যাকুল হ’য়ে ভক্তির জগু প্রার্থনা কব্তে হয় ।
আর মনে মনে ব’ল্তে হয়, ‘আমার এ সংসারে কেউ নাই, যাদের
আপনার বলি, তারা ছুদিনের জগু । ভগবান আমার একমাত্র আপ-
নার লোক তিনিই আমাব সর্বস্ব, হয় । কেমন ক’বে তাঁকে পাব ।’

“ভক্তি লাভের পর সংসার করা যায় । যেমন হাতে তৈল
মেখে কাঁটাল ভাজলে হাতে আর আঠা লাগে না । সংসার জলের
স্বরূপ, আর মানুষের মনটা যেন দুধ । জলে যদি ছধ রাখতে যাও,
দুধে জলে এক হ’য়ে যাবে । তাই নিৰ্জনে স্থানে দই পাতে হয় । দই
পেতে মাখন তুলতে হয় । মাখন তুলে যদি জলে রাখ, তা হ’লে
জলে মিশবে না, নির্লিপ্ত হ’য়ে ভাসতে থাকবে ।

“ব্রহ্মজ্ঞানীরা আমায় ব’লেছিল ‘মহাশয় ! আমাদের জনক বাজার
মত । তাঁর মত নির্লিপ্তভাবে আমরা সংসার কোরবো’ । আমি
বলুম, নির্লিপ্তভাবে সংসার করা বড় কঠিন । মুখে বললেই জনকরাজা
হওয়া যায় না । জনকরাজা হেঁটমুণ্ড হ’য়ে, উদ্ধ’পদ করে কত তপস্যা
করেছিলেন ! তোমাদের হেঁটমুণ্ড বা উদ্ধ’পদ হতে হবে না, কিন্তু
সাধন চাই, নিৰ্জনে বাস চাই ! নিৰ্জনে জ্ঞানলাভ, ভক্তিলাভ ক’রে,

শ্রামপুরুষ বাটা। ঈশান, জ্ঞানার সরকার প্রভৃতি ভক্ত সঙ্গে। ২৪৯
 তবে গিয়ে সংসার ক'রতে হয়। দই নির্জনে পাশে হয়। ঠেলাঠেলি
 নাড়ানাড়ি ক'রলে দই বসে না।

“জনক নিলিপ্ত ব'লে তাঁর একটা নাম বিদেহ,—কি না, দেহে
 দেহবুদ্ধি নাই। সংসারে থেকেও জীবমুক্ত হ'য়ে বেড়াতেন। কিন্তু
 দেহবুদ্ধি যাওয়া অনেক দূরেব কথা। খুব সাধন চাই।

“জনক ভারী বীর পুরুষ। দুখানা তরবার ঘুরতেন। একখানা
 জ্ঞান, একখানা কশ্ম।

[সংসার-আশ্রমেব জ্ঞান ও সন্ন্যাস আশ্রমেব জ্ঞান।]

“যদি বল, সংসার আশ্রমের জ্ঞানী আব সন্ন্যাস আশ্রমের জ্ঞানী,
 এ দুয়ের তফাৎ আছে কি না। তাব উত্তর এই, যে দুইই এক
 জিনিস। এটাও জ্ঞানী উটাও জ্ঞানী—এক জিনিস। তবে সংসারে
 জ্ঞানীরও ভয় আছে। কামিনীকাঞ্চনের ভিতব থাকতে গেলেই একটু
 না একটু ভয় আছে। কাজলের ঘরে থাকতে গেলে যত সিয়ানাই
 হও না কেন, কাল দাগ একটু না একটু গায়ে লাগবেই।

“মাখন তুলে যদি নূতন হাঁড়িতে রাখ, মাখন নষ্ট হবার সম্ভাবনা
 থাকে না। যদি ঘোলের হাঁড়িতে রাখ, সন্দেহ হয়। (সকলের হাস্য)।

“খই যখন ভাজা হয় দুচারটে খই খোলা থেকে টপ্ টপ্ ক'রে
 লাফিয়ে পড়ে। সেগুলি যেন মল্লিকা ফুলের মত, গায়ে একটু দাগ
 থাকে না! খোলার উপর যে সব খই থাকে, সেও বেশ খই, তবে
 অত ফুলের মত হয় না, একটু গায়ে দাগ থাকে। সংসারভ্যাগী সন্ন্যাসী
 যদি জ্ঞানলাভ করে, তবে ঠিক এই মল্লিকা ফুলের মত দাগশূন্য হয়।
 আর জ্ঞানের পর সংসার খোলায় থাকলে একটু গায়ে লাগতে দাগ
 হোতে পারে। (সকলের হাস্য)।

“জনকরাজার সভায় একটা ভৈরবী এসেছিল। ত্রীলোক দেখে
 জনকরাজা হেঁটমুখ হ'য়ে, চোখ নীচু ক'রে ছিলেন। ভৈরবী তাই দেখে
 ব'লেছিলেন, ‘হে জনক! তোমার এখনও ত্রীলোক দেখে ভয়!’
 পূর্ণজ্ঞান হ'লে পাঁচ বছরের ছেলের স্বভাব হয়,—তখন ত্রীপুরুষ ব'লে
 ভেদবুদ্ধি থাকে না।

“যাই হোক যদিও সংসারের জ্ঞানীর গায়ে দাগ থাকতে পারে, সে

নাগে কোনও ক্ষতি হয় না। চন্দ্রে কলক আছে বাটে, কিন্তু আলোর ব্যাঘাত হয় না।

[জ্ঞানের পর কন্ম—লোকসংগ্রহার্থ ।]

“কেউ কেউ জ্ঞানলাভের পর লোকশিক্ষার জন্ত কন্ম করে, যেমন জনক ও নারদাদি। লোক-শিক্ষার জন্ত শক্তি থাকা চাই। ঋষিরা নিজের নিজের জ্ঞানের জন্ত বাস্তু ছিলেন। নারদাদি আচার্য্য লোকের হিতের জন্ত বিচরণ ক’রে বেড়াতেন। তারা বারপুরুষ।

“হাবাতে কাঠ যখন ভেসে যায়, পাখা একটা বসলে ডুবে যায়, কিন্তু বাহাদুরি কাঠ যখন ভেসে যায়, তখন গরু, মানুষ, এমন কি হাতী পর্য্যন্ত তার উপর যেতে পারে। Steam Boat আপনিও পাবে যায়, আবার কত মানুষকে পার করে দেয়।

“নারদাদি আচার্য্য বাহাদুরি কাঠের মত, Steam Boat এর মত।

“কেউ খেয়ে গামছা দিয়ে মুখ পুছে ব’সে থাকে, পাছে কেউ টেন পায়। (সকলের হাশ্ব)। আবার কেউ কেউ একটা আম পেলে, কেটে একটু একটু সকলকে দেয়, আর আপনিও খায়।

“নারদাদি আচার্য্য সকলের মঙ্গলের জন্ত জ্ঞানলাভের পবণ ভক্তি ল’য়ে ছিলেন।

দ্বিতীয় পরিচ্ছেদ ।

[যুগধর্ম্মকথাপ্রসঙ্গে । জ্ঞানযোগ ও ভক্তিয়োগ ।)

ডাক্তার । জ্ঞানে মানুষ অবাক হয়, চক্ষু বুজে যায়, আর চন্দ্রে জল আসে। তখন ভক্তি দরকার হয়।

শ্রীশ্রীশ্রী নামক । ভক্তি মেয়েমানুষ, তাই অস্ত্রপূর পর্য্যন্ত যেতে পারে। জ্ঞান বারবাড়ী পর্য্যন্ত যায়। (সকলের হাশ্ব)।

ডাক্তার । কিন্তু অস্ত্রপূরে যাকে তাকে ঢুকতে দেওয়া হয় না বেশারী ঢুকতে পারে না। জ্ঞান চাই।

খামপুকুর বাটী। ঈশান, ডাক্তার সরকার প্রভৃতি ভক্ত সঙ্গে। ২৫১

শ্রীরামকৃষ্ণ। ঠিক পথ জানে না, কিন্তু ঈশ্বরে ভক্তি আছে, তাঁকে জানবার ইচ্ছা আছে—এরূপ লোক কেবল ভক্তির জোরে ঈশ্বর লাভ করে। এক জন ভারি ভক্ত জগন্নাথ দর্শন ক'রতে বেরিয়েছিল; পুরীর কোন পথ সে জানতো না,—দক্ষিণ দিকে না গিয়ে পশ্চিম দিকে গিচ্ছিল। পথ ভুলেছিল বটে, কিন্তু ব্যাকুল হয়ে লোকদের জিজ্ঞাসা ক'রত। তারা বলে দিলে, 'এ পথ নয় ঐ পথে যাও।' ভক্তটা শেষে পুরীতে গিয়ে জগন্নাথ দর্শন ক'রলে। দেখ, না জানলেও কেউ না কেউ বলে দেয়।

ডাক্তার। সে ভুলে তো গিচ্ছিল।

শ্রীরামকৃষ্ণ। তা, তা হয় বটে, কিন্তু শেষে পায়।

একজন জিজ্ঞাসা কবিলেন, ঈশ্বর সাক্ষাৎ না নিরাক্ষাৎ।

শ্রীরামকৃষ্ণ। তিনি সাক্ষাৎ আবার নিরাক্ষাৎ। একজন সন্ন্যাসী জগন্নাথ দর্শন ক'রতে গিচ্ছিল। জগন্নাথ দর্শন ক'রে সন্দেহ হ'ল ঈশ্বর সাক্ষাৎ না নিরাক্ষাৎ। হাতে দণ্ড ছিল, সেই দণ্ড দিয়ে দেখতে লাগল, জগন্নাথের গায়ে ঠাকেকে কি না। একবার এ ধার থেকে ও ধারে দণ্ডটা নিয়ে যাবার সময় দেখলে, যে জগন্নাথের গায়ে ঠেকল না—ছাথে যে সেখানে ঠাকুরের মূর্তি নাই। আবার দণ্ড এ ধার থেকে ও ধার লয়ে যাবার সময় বিগ্রহের গায়ে ঠেকল। তখন সন্ন্যাসী বুঝল যে ঈশ্বর নিরাক্ষাৎ, আবার সাক্ষাৎ।

“কিন্তু এটা ধারণা করা বড় শক্ত। যিনি নিরাক্ষাৎ, তিনি আবার সাক্ষাৎ কিরূপে হবেন? এ সন্দেহ মনে উঠে। আবার যদি সাক্ষাৎ হন, তো নানা রূপ কেন?”

ডাক্তার। যিনি আক্ষাৎ কবে'ছেন, তিনি সাক্ষাৎ। তিনি আবার মন ক'রেছেন, তাই তিনি নিরাক্ষাৎ। তিনি সবই হ'তে পারেন।

শ্রীরামকৃষ্ণ। ঈশ্বরকে লাভ না করতে পারলে, এ সব বুঝা যায় না। সাধকের জন্ম তিনি নানাভাবে নানারূপে দেখা দেন। একজনের এক গাম্ভীরা রঙ ছিল। অনেকে তার কাছে কাপড় রঙ করাতো আসতো। সে লোকটা জিজ্ঞাসা করতো, তুমি কি রঙে ছোপাতে চাও। এক জন হযতো বলে, আমি লাল রঙে ছোপাতে চাই। অমনি

সেই লোকটী গাম্ভীর্য রঙে সেই কাপড়খানি ছুপিযে বলতো, 'এই লও তোমার লাল রঙে ছোপান কাপড়।' আর এক জন হয়ত বলে, আমার হলদে রঙে ছোপান চাই।' অমনি সেই লোকটী সেই গাম্ভীর্য কাপড়খানি ডুবিয়ে বলতো, 'এই লও তোমার হলদে রঙ।' নীলরঙে ছোপাতে চাইলে, আবার সেই একই গাম্ভীর্য ডুবিয়ে সেই কথা, 'এই লও তোমার নীল রঙে ছোপান কাপড়।' এই রকমে যে যে রঙে ছোপাতে চাইতো, তাব কাপড় সেই রঙে সেই একই গাম্ভীর্য হ'তে ছোপান হ'ত। এক জন লোক এই আশ্চর্য ব্যাপার দেখছিল। যার গাম্ভীর্য, সে জিজ্ঞাসা ক'বলে, কেমন হে। তোমার কি রঙে ছোপাতে হবে? তখন সে বললে, ভাই। তুমি যে বঙে রঙেছ, আমায় সেই রঙ দাও। (সকলের হাস্য)।

“এক জন বাছো গিছিল—দেখলে, গাছেব উপর একটা সুন্দর জানোয়ার র'বেছে। সে ক্রমে আর একজনকে বললে, 'ভাই। অমুক গাছে আমি একটা লাল রঙের জানোয়ার দেখে এলুম।' সে লোকটী বললে, 'আমিও দেখছি, তা সে লাল বঙ হতে যাবে কেন, সে যে সবুজ রঙ।' আবার এক জন বললে, 'না, না, সে সবুজ হ'তে যাবে কেন, সে যে হলদে।' এইরূপে আরও কেউ কেউ বললে,—বেগুনি, নীল, কাল ইত্যাদি। শেষে বগড়া। তখন তারা গাছতলায় গিয়ে দেখে, একজন লোক ব'সে। জিজ্ঞাসা করায়, সে বললে আমি এই গাছতলায় থাকি, আমি সে জানোয়ারটীকে বেশ জানি। তোমরা যা যা বল'ছো, সব সত্য, সে কখনও লাল, কখনও সবুজ, কখনও হলদে, কখনও নীল, আরও সব কত কি হয়। আবার কখনও দেখি কোন রঙই নাই।

“যে ব্যক্তি সদা সর্বদা ঈশ্বরচিন্তা করে, সেই জানতে পাবে, তাঁর স্বরূপ কি? সে ব্যক্তিই জানে যে ঈশ্বর নানা রূপে দেখা দেন। নানা ভাবে দেখা দেন। তিনি সগুণ আবার নিগুণ। গাছ তলায় যে থাকে, সেই জানে যে, বহুরূপীর নানা রঙ, আবার কখন কখন কোন রঙই থাকে না। অণু লোকে কেবল তর্ক বগড়া ক'রে কষ্ট পায়।

“তিনি সাকার, তিনি নিরাকার। কি রকম জান? যেন সচ্চিদানন্দ

শ্যামপুকুর বাটী । ঈশান, ডাক্তার সরকার প্রভৃতি তন্ত্র সঙ্গে । ২৫৩ সমুদ্র । কুল-কিনারা নাই । ভক্তিহিমে সেই সমুদ্রের স্থানে স্থানে জল বরফ হ'য়ে যায়—যেন জল বরফ আকারে জমাট বাঁধে, অর্থাৎ ভক্তের কাছে তিনি সাক্ষাৎ হ'য়ে কখন কখন সাকার রূপ হ'য়ে দেখা দেন । আবার জ্ঞানসূর্য্য উঠলে সে বরফ গ'লে যায় ।

ডাক্তার । সূর্য্য উঠলে বরফ গ'লে জল হয় ; আবার জানেন, জল আবার নিরাকার বাষ্প হয় ?

শ্রীরামকৃষ্ণ । অর্থাৎ 'ব্রহ্ম সত্য, জগৎ মিথ্যা' এই বিচারের পর সমাধি হ'লে রূপ টুপ উড়ে যায় । তখন আর ঈশ্বরকে ব্যক্তি (Person) ব'লে বোধ হয় না । কি তিনি, মুখে বলা যায় না । কে ব'লবে ? যিনি ব'লবেন, তিনিই নাই । তিনি তাঁর 'আমি' আর খুঁজে পান না । তখন ব্রহ্ম নিগুণ (Absolute) । তখন তিনি কেবল বোধে বোধ হন । মন, বুদ্ধি দ্বারা তাঁকে ধরা যায় না । (Unknown, Unknowable)

“তাই বলে, ভক্তি—চন্দ্র, জ্ঞান—সূর্য্য । শুনেছি, খুব উত্তবে আর দক্ষিণে সমুদ্র আছে । এত ঠাণ্ডা যে জল জমে মাঝে মাঝে বরফের চাঁই হয় । জাহাজ চলে না । সেখানে গিয়ে আটকে যায় ।

ডাক্তার । ভক্তিপথে মানুষ আটকে যায় ।

শ্রীরামকৃষ্ণ । হাঁ, তা যায় বটে, কিন্তু তাতে হানি হয় না, সেই সচ্চিদানন্দসাগরেব জলই জমাট বেঁধে বরফ হ'য়েছে । যদি আরও বিচার ক'রতে চাও, যদি 'ব্রহ্ম সত্য, জগৎ মিথ্যা' এই বিচার কর, তাতেও ক্ষতি নাই । জ্ঞানসূর্য্যেই বরফ গলে যাবে ;—তবে সেই সচ্চিদানন্দসাগরই রইল ।

[কাঁচা আমি ও পাকা আমি । ভক্তের আমি । বালকের আমি ।]

“জ্ঞান বিচারের শেষে সমাধি হ'লে, আমি টামি কিছু থাকে না । কিন্তু সমাধি হওয়া বড় কঠিন । 'আমি' কোন মতে যেতে চায় না । আর যেতে চায় না বলে, ফিরে এই সংসারে আসতে হয় ।

“গরু হান্ধা হান্ধা (আমি, আমি) করে, তাই এত দুঃখ । সমস্ত দিন লাঙ্গল দিতে হয়—গ্রীষ্ম নাই, বর্ষা নাই । কিস্বা তাকে কসাইয়ে কাটে । তাতেও নিস্তার নাই । চামারে চামড়া করে, জুতা তৈয়ার করে । অবশেষে নাড়ী ভূড়ী থেকে তাঁত হয় । ধুমুরির

হাতে প'ড়ে যখন তুঁত তুঁছ (তুমি, তুমি) করে, তখন নিস্তার হয় ।

“যখন জীব বলে, ‘নাহঃ’ ‘নাহঃ’ ‘নাহঃ’ আমি কেহ নই, হে ঈশ্বর । তুমি কর্তা, আমি দাস তুমি প্রভু,—তখন নিস্তার, তখনই মুক্তি ।

ডাক্তার । কিন্তু ধুমুরির হাতে পড়া চাট । (সকলের হাস্য) ।

শ্রীবামকৃষ্ণ । যদি একান্ত ‘আমি’ না যাস্ থাক্ শালা ‘দাস আমি’ হয়ে । (সকলের হাস্য) ।

“সমাধি পূর্ব কাহারও কাহারও ‘আমি’ থাকে—দাস আমি’ ভক্তের আমি । শঙ্করাচার্য্য ‘বিচার আমি’ লোকশিক্ষার জন্য রেখে দিছিলেন । ‘দাস আমি.’ ‘বিচার আমি’ ‘ভক্তের আমি’ এরই নাম ‘পাকা আমি ।’

“কঁচা আমি’ কি জান ? আমি কর্তা, আমি এত বড় লোকেব ছেলে, আমি বিদ্বান, আমি ধনবান, আমাকে এমন কথা বলে ।—এই সব ভাব । যদি কেউ বাড়ীতে চুরি করে, তাকে যদি ধ'ব্তে পারে, প্রথমে সব জিনিস পত্র কেড়ে লয়, তার পর উত্তম মধ্যম মাঝে, তার পর পুলিশে দেয় । বলে, ‘কি জানে না, কার চুরি করেছে ।’

“ঈশ্বর লাভ হ'লে পাঁচ বছরের বালকের স্বভাব হয় । ‘বালকের আমি’ আর ‘পাকা আমি।’ বালক কোন গুণের বশ নয় । ত্রিগুণাতীত । সব রজঃ তমঃ কোন গুণের বশ নয় । দেখ, ছেলে তমোগুণের বশ নয় । এই মাত্র ঝগড়া মারামারি ক'রলে, আবার তৎক্ষণাত্ তারই গলা ধবে কত ভাব, কত খেলা । রজোগুণেরও বশ নয় । এই খেলা-ঘর পাতলে কত বন্দোবস্ত, কিছুক্ষণ পরেই সব প'ড়ে রইলো, মার কাছে ছুটেছে । হয় ত একখানি সুন্দর কাপড় প'রে বেড়াচ্ছে । খানিকক্ষণ পরে কাপড় খুলে প'ড়ে গেছে । হয় কাপড়ের কথা একবারে ভুলে গেল—নয়, বগলদাবায় ক'রে বেড়াচ্ছে । (হাস্য) ।

“যদি ছেলেটাকে বল, ‘বেশ কাপড়খানি, কার কাপড় রে ?’ সে বলে, ‘আমার কাপড়, আমার বাবা দিয়েছে ! যদি বল, ‘লক্ষ্মী ছেলে আমায় কাপড়খানি দাও না ।’ সে বলে, ‘না আমার কাপড় আমার বাবা দিয়েছে ; না, আমি দেব না ।’ তার পর ভুলিয়ে একটা পুঁতুল কি

শ্রামপুত্রের বাটা। জ্ঞান, ডাক্তার সরকার প্রভৃতি ভক্ত সঙ্গে। ২৫৫
 একটি বাঁশি যদি হাতে দাও তা হ'লে পাঁচ টাকা দামের কাপড়খানা
 তোমায় দিয়ে চ'লে যাবে। আবার পাঁচ বছরের ছেলের সবুগুণেরও
 অঁটি নাই। এই পাড়ার খেলুডেদের সঙ্গে কত ভালবাসা, এক দণ্ড
 না দেখলে থাকতে পারে না। কিন্তু বাপ মার সঙ্গে যখন অণ্ড
 জায়গায় চ'লে গেল, তখন নতন খেলুডে হ'ল। তাদের উপর তখন
 সব ভালবাসা প'ডলো, পুরাণো খেলুডেদের এক রকম একেবারে
 ভুলে গেল। তাব পর জাত অভিমান নাই। মা ব'লে দিয়েছে ও
 তোব দাদা হয়, তা সে ষোল আনা জানে যে, এ আমার ঠিক দাদা।
 তা এক জন যদি বাম্বনের ছেলে হয়, আর এক জন যদি কামারের
 ছেলে হয়, তো একপাতে ব'সে ভাত খাবে। আর শুচি অশুচি নাই,
 হোগো পৌঁদে খাবে। আবার লোক লজ্জা নাই, ছোঁচাবার পর যাকে
 তাকে পেছন ফিরে বলে—দেখ দেখি, আমার ছোঁচান হয়েছে
 কি না?

“আবার ‘বুড়োর আমি’ আছে (ডাক্তারের হাত)। বুড়োর
 অনেকগুলি পাশ। জাতি, অভিমান, লজ্জা, ঘৃণা, ভয়। বিষয় বুদ্ধি,
 পাটোয়ারি, কপটতা। যদি কাকর উপর আকোছ হয়, তো সহজে
 যায না,—হয়তো যত দিন বাঁচে তত দিন যায না। তার পর
 পাণ্ডিত্যের অহঙ্কার, ধনের অহঙ্কার। ‘বুড়োর আমি’ কাঁচা আমি।

[জ্ঞান কাহাদের হয় না।]

শ্রীরামকৃষ্ণ (ডাক্তারের প্রতি)। চার পাঁচ জনের জ্ঞান হয়
 না। যার বিজ্ঞার অহঙ্কার, যার পাণ্ডিত্যের অহঙ্কার, যার ধনের
 অহঙ্কার, তার জ্ঞান হয় না। এ সব লোককে যদি বলা যায় যে,
 অমুক জায়গায় বেশ একটা সাধু আছে, দেখতে যাবে? তারা
 অর্মানি নানা গুজর ক'রে বলে, যাব না। আর মনে মনে বলে, আমি
 এত বড় লোক, আমি যাব?

[তিনগুণ। সহগুণে ঈশ্বরলাভ, ইন্দ্রিরস'ধনের উপায়।]

“তমোগুণের স্বভাব অহঙ্কার। অহঙ্কার অজ্ঞান তমোগুণ থেকে হয়।

“পুরাণে আছে, রাবণের রজোগুণ, কুম্ভকর্ণের তমোগুণ, বিভীষ-
 ণের সহগুণ। তাই বিভীষণ রামচন্দ্রকে লাভ করেছিলেন। তমোগুণের

আর একটা লক্ষণ—ক্রোধ । ক্রোধে দিক্‌বিদিক্‌ জ্ঞান থাকে না ; হনুমান লক্ষা পুড়ালেন, এ জ্ঞান নাই যে সীতার কুটীর নষ্ট হবে ।

“আবার ভ্রমোশুণের আর একটা লক্ষণ, কাম । পাথুরেঘাটার, গিরীন্দ্র ঘোষ ব'লেছিল, কাম ক্রোধাদি রিপু এরা তো যাবে না, এদের মোড় ফিরিয়ে দাও । ঈশ্বরের কামনা কর । সচ্চিদানন্দের সহিত রমণ কর । ক্রোধ যদি না যায়, ভক্তির তমঃ আন । কি । আমি দুর্গানাম ক'রেছি, উদ্ধার হব না ? আমাব আবার পাপ কি ? বন্ধন কি ? তারপর ঈশ্বর লাভ করবার লোভ কর । ঈশ্বরের রূপে যুক্ত হও । আমি ঈশ্বরের দাস, আমি ঈশ্বরের ছেলে, যদি অহঙ্কার করতে হয়, তো এই অহঙ্কার কর । এই রকমে ছয় রিপুর মোড় ফিরিয়ে দিতে হয় ।

ডাক্তার । ইন্দ্রিয়সংযম করা বড় শক্ত । ঘোড়ার চক্ষের ছুদিকে ঠুলি দাও । কোন কোন ঘোড়ার চক্ষু একেবারে বন্ধ করতে হয় ।

শ্রীরামকৃষ্ণ । তাঁর যদি একবার কৃপা হয়, ঈশ্বরের যদি একবার দর্শন লাভ হয়, আত্মার যদি একবার সাক্ষাৎকার হয়, তা হ'লে আর কোন ভয় নাই—তখন চয় রিপু আর কিছু করতে পারবে না ।

“নারদ, প্রহ্লাদ এই সব নিত্যসিদ্ধ মহাপুরুষদের অত ক'রে চক্ষের ছুদিকে ঠুলি দিতে হয় না । যে ছেলে নিজে বাপের হাত ধ'রে মাঠের আলপথে চলছে, সে ছেলে বরং অসাবধান হ'য়ে বাপের হাত ছেড়ে দিয়ে খানায় পড়তে পারে । কিন্তু বাপ যে ছেলের হাত ধরে, সে কখনও খানায় পড়ে না ।

ডাক্তার । কিন্তু বাপ ছেলের হাত ধরা ভাল নয় ।

শ্রীরামকৃষ্ণ । তা নয় । মহাপুরুষদের বালক স্বভাব । ঈশ্বরের কাছে তারা সর্বদাই বালক । তাদের অহঙ্কার থাকে না । তাদের সব শক্তি ঈশ্বরের শক্তি, বাপের শক্তি, নিজের কিছুই নয় । এইটি তাদের দৃঢ় বিশ্বাস ।

[বিচারপথ ও আনন্দপথ, জ্ঞানযোগ ও ভক্তিযোগ ।]

ডাক্তার । আগে ঘোড়ার চক্ষের দুই দিকে ঠুলি না দিলে, ঘোড়া কি এগুতে চায় ? রিপু বশ না হ'লে, কি ঈশ্বরকে পাওয়া যায় ?

শ্রীরামকৃষ্ণ । তুমি যা ব'ল্‌ছো, ওকে বিচারপথ বলে—জ্ঞানযোগ

শ্রামপুকুর বাটী । ঈশান,ডাক্তার সরকার প্রভৃতি ভক্ত সঙ্গে । ২৫৭
বলে । ও পথেও ঈশ্বরকে পাওয়া যায় । জ্ঞানীরা বলে আগে চিত্ত-
শুদ্ধি হওয়া দরকার । আগে সাধন চাই, তবে জ্ঞান হবে ।

“ভক্তিপথেও তাঁকে পাওয়া যায় । যদি ঈশ্বরের পাদপদ্মে এক-
বার ভক্তি হয়, যদি তাঁর নামগুণগান করতে ভাল লাগে, ইন্দ্রিয়-
সংযম আর চেষ্টা ক’বে ক’রতে হয় না । রিপুবশ আপনা আপনি
হ’য়ে যায় ।

“যদি কাবও পূজাশোক হয়, সে দিন সে কি আব লোকের সঙ্গে
বগড়া কবতে পারে, না নিমন্ত্রণে গিয়ে খেতে পারে ? সে কি
লোকের সামনে অহঙ্কার ক’রে বেড়াতে পাবে, না সুখ-সন্তোষ
ক’রতে পারে ?

“বাহুল্যে পোকা যদি একবার আলো দেখতে পায়, তা হ’লে কি
সে আব অন্ধকাবে থাকে ?

ডাক্তার (সহাস্ত্র) । তা পুড়েই মকক সেও স্বীকার !

শ্রীরামকৃষ্ণ । না গো । ভক্ত কিন্তু বাহুল্যে পোকাব মত পুড়ে
মরে না । ভক্ত যে আলো দেখে ছুটে যায়, সে যে মণিব আলো ।
মণির আলো খুব উজ্জ্বল বটে, কিন্তু স্নিগ্ধ আর শীতল । এ আলোতে
গা পুড়ে না, এ আলোতে শাস্তি হয়, আনন্দ হয় !

| জ্ঞানশোণ বড় কঠিন । |

“বিচাবপথে, জ্ঞানযোগের পথে, তাঁকে পাওয়া যায় । কিন্তু এ
পথ বড় কঠিন । আমি শব্দ নই, মন নই, বন্ধি নই , আমার বোগ
নাই, শোক নাই অশান্তি নাই , আমি সচ্চিদানন্দ স্বরূপ, আমি
সুখ চ্ছেখব অতীত, আমি ঈশ্বরের বশ নই, এসব কথা মুখে বলা
খুব সোজা । কাজে করা, ধারণা তত্বে বড় কঠিন । কাঁটাতো হাত
কেটে যাচ্ছে, দরদর ক’রে রক্ত পড়ছে, অথচ বলছি, কই কাঁটায়
আমার হাত কাটে নাই, আমি বেশ আছি । এসব বলা সাজে না ।
আগে ঐ কাঁটাকে জ্ঞানায়িত্তে পোড়াতে হবে তো !

[বইপড়া জ্ঞান বা পাণ্ডিত্য , ঠাকুরের শিক্ষাপ্রণালী ।]

“ অনেক মনে করে, বই না পড়ে বুদ্ধি জ্ঞান হয় না, বিত্তা হয়
না । কিন্তু পড়ার চেয়ে শুনা ভাল, শুনার চেয়ে দেখা ভাল । কাশীর
বিষয় পড়া, কাশীর বিষয় শুনা, আব কাশী দর্শন অনেক তফাৎ ।

“আবার যারা নিজে সতরঞ্চ খেলে, তারা চাল তত বুঝে না, কিন্তু যারা না খেলে, উপর চাল ব’লে দেয়, তাদের চাল ওদের চেয়ে অনেকটা ঠিক ঠিক হয়। সংসারী লোক মনে করে, আমরা বড় বুদ্ধিমান। কিন্তু তারা বিষয়াসক্ত। নিজে খেলেছে। নিজের চাল চাল ঠিক বুঝতে পারে না। কিন্তু সংসারত্যাগী সাধুলোক বিষয়ে অনাসক্ত। তারা সংসারীদের চেয়ে বুদ্ধিমান। নিজে খেলে না, তাই উপর চাল ঠিক ব’লে দিতে পারে।

ডাক্তার (ভক্তদিগকে)। বই পড়লে এ ব্যক্তির (পরমহংস-দেবের) এত জ্ঞান হ’তো না। Faraday communed with Nature প্রকৃতিকে কারাণ্ডে নিজে দর্শন কর্তো, তাই অতো Scientific truth discover করতে পেরেছিল। বই পড়ে বিজ্ঞা হ’লে অত হ’ত না। Mathematical formulæ only throw the brain into confusion, —Original inquiry ব পথে বড় বিদ্ব এনে দেয়!

[ঈশ্বরপ্রদত্ত জ্ঞান (Divine wisdom and Book learning)]

শ্রীরামকৃষ্ণ (ডাক্তারকে)। যখন পঞ্চবটীতে মাটিতে প’ড়ে প’ড়ে মাকে ডাক্তুম, আমি মাকে ব’লেছিলান, মা। আমায় দেখিয়ে দাও কস্মীরা কস্ম করে যা পেয়েছে, যোগীবা যোগ করে যা দেখেছে, জ্ঞানীরা বিচার করে যা জেনেছে। আরও কত কি তা কি বলবো।

“আহা! কি অবস্থাই গেছে। ঘুম যায়। এই বলিয়া পরমহংস-দেব গান করিয়া বলিতে লাগিলেন,—

গান্ধ । ঘুম ভেঙ্গেছে আর কি ঘুমাট, যোগে — যোগে জেগে আছি।

এখন যোগনিদ্রা তোরে দিবে মা, ঘুমেরে ঘুম পাড়িয়েছি।

“আমি তো বই টই কিছুই পড়িনি, কিন্তু দেখ মার নাম করি ব’লে আমায় সবাই মানে। শঙ্কুমল্লিক আমায় ব’লেছিল, চাল নাই তরোয়াল নাই, শান্তিরাম সিং। (সকলের হাস্য)।

শ্রীযুক্ত গিরিশচন্দ্র ঘোষের বুদ্ধদেবচরিত অভিনয় কথা হইতে লাগিল। তিনি ডাক্তারকে নিমন্ত্রণ করিয়া ঐ অভিনয় দেখাইয়া-ছিলেন। ডাক্তার উহা দেখিয়া যারপব নাই আনন্দিত হইয়াছিলেন।

শ্রামপুকুর বাটী। ঈশান, ডাক্তার সরকার প্রভৃতি ভক্তসঙ্গে। ২৫২
ডাক্তার (গিরীশের প্রতি)। তুমি বড় বদলোক ! আমায় রোজ
থিয়েটার যেতে হবে ?

শ্রীরামকৃষ্ণ (মাষ্টারকে)। কি বল্ছে, আমি বুঝতে পারছি না।
মাষ্টার। ওঁর থিয়েটার বড় ভাল লেগেছে।

তৃতীয় পরিচ্ছেদ।

অবতারকথাপ্রসঙ্গে। অবতার ও জীব।

শ্রীবামকৃষ্ণ (ঈশানের প্রতি)। তুমি কিছু বল না, এ (ডাক্তার)
অবতার মান্ছে না। ঈশান। আজ্ঞা, কি
আর বিচার ক'ব্বো। বিচার আব ভাল লাগে না।

শ্রীরামকৃষ্ণ (বিরক্ত হইয়া)। কেন ? সঙ্গত কথা ব'ল্বে না ?

ঈশান (ডাক্তারের প্রতি)। অহঙ্কারের দরুণ আমাদের বিশ্বাস
কম। কাকভূষণী রামচন্দ্রকে প্রথম অবতার ব'লে মানে নাই ! শেষে
যখন চন্দ্রলোক, দেবলোক, কৈলাস, ভ্রমণ করে দেখলে যে রামের
হাত থেকে কোনরূপেই নিস্তার নাই, তখন নিজে ধরা দিলে, রামের
শরণাগত হ'লো। রাম তখন তাকে ধরে মুখের ভিতর নিয়ে গিলে
ফেলেন। ভূষণী তখন দেখে যে, সে তার গাছে ব'সে রয়েছে !
অহঙ্কার চূর্ণ হ'লে কাকভূষণী জানতে পারলে যে, রামচন্দ্র
দেখতে আমাদের মত মানুষ বটে, কিন্তু তাঁরই উদরে ব্রহ্মাণ্ড।
তাঁরই উদরের ভিতর আকাশ, চন্দ্র, সূর্য্য, নক্ষত্র, সমুদ্র, পর্ব্বত,
জীব, জন্তু, গাছ ইত্যাদি।

[জীবের ক্ষুদ্র বুদ্ধি। Limited powers of the Conditioned,]

শ্রীরামকৃষ্ণ (ডাক্তারের প্রতি)। ঐ টুকু বুঝা শক্ত, তিনিই স্বরাট,
তিনিই বিরাট। যাঁরই নিত্য, তাঁরই লীলা। তিনি মানুষ হ'তে
পারেন না, এ কথা জোর ক'রে আমরা ক্ষুদ্রবুদ্ধিতে কি ব'ল্তে
পারি ? আমাদের ক্ষুদ্র বুদ্ধিতে এ সব কথা কি ধারণা হ'তে
পারে ? এক সের ঘটিতে কি চার সের দুধ ধরে ?

“তাই সাধু মহাত্মা যাঁরা ঈশ্বর লাভ ক'রেছেন, তাঁদের কথা

বিশ্বাস ক'র্তে হয়। সাধুরা ঈশ্বর চিন্তা লয়ে থাকেন, যেমন উকীলরা মোকদ্দমা লয়ে থাকে। তোমার কাকভূষণীর কথা কি বিশ্বাস হয় ?

ডাক্তার। যেটুকু ভাল বিশ্বাস ক'ল্পুম। ধরা দিলেই চুকে যায়, কোন গোল থাকে না। রামকে অবতার কেমন ক'রে বলি ? প্রথমে দেখ বালী-বধ। লুকিয়ে চোবেব মত বাণ মেবে তাকে মেবে ফেলা হ'লো। এতে মানুষের কাজ, ঈশ্বরের নয়।

গিরীশ ঘোষ। মহাশয় এ কাজ ঈশ্বরই পাবেন।

ডাক্তার। তাব পর দেখ, সীতাবর্জন।

গিরীশ। মহাশয়, এ কাজও ঈশ্বরই পারেন, মানুষ পারে না।

[Science, না মহাপুরুষের বাক্য ?]

ঈশান (ডাক্তারের প্রতি)। আপনি অবতার মানছেন না কেন ? এই বলেন, যিনি আকার করেছেন তিনি সাকার, যিনি মন করেছেন তিনি নিরাকার। এই আপনি ব'লেন, ঈশ্বরের কাণ্ড, সব হতে পারে।

শ্রীরামকৃষ্ণ (হাসিতে হাসিতে)। ঈশ্বর অবতার হ'তে পাবেন, এ কথা যে ওঁর Science এ (ইংবাজী বিজ্ঞান শাস্ত্রে) নাই ! তবে কেমন করে বিশ্বাস হয় ? (সকলের হাস্য)।

“একটা গল্প শোন। একজন এসে ব'লে, ওহে ! ও পাড়ায় দেখে এলুম, অম্বকের বাড়ী হুড়মুড় ক'রে ভেঙ্গে প'ড়ে গেছে। যাকে ও কথা বলে, সে ইংবাজী লেখা পড়া জানে। সে বলে, দাঁড়াও, একবার খপরের কাগজখানা দেখি। খপরের কাগজ পড়ে দেখে, যে বাড়ীভাঙ্গার কথা কিছুই নাই। তখন সে ব্যক্তি বলে, ওহে তোমার কথায় আমি বিশ্বাস করি না। কই, বাড়ীভাঙ্গার কথা ত খপরের কাগজে লেখা নাই ! ও সব মিছে কথা। (সকলের হাস্য)।

গিরীশ (ডাক্তারের প্রতি)। আপনার শ্রীকৃষ্ণকে ঈশ্বর মান্তে হবে। আপনাকে মানুষ মান্তে দেব না। বলতে হবে Demon or God (হয় সম্ভবত নয় ঈশ্বর)।

(সবলতা ও ঈশ্বরে বিশ্বাস)

শ্রীরামকৃষ্ণ। সরল না হ'লে ঈশ্বরে চট্ ক'বে বিশ্বাস হয় না।

শ্রামপুকুর বাটী। ঙ্গশান, ডাক্তার সবকাব প্রভৃতি সঙ্গে। ২৬১
বিষয় বুদ্ধি থেকে ঙ্গশ্বর অনেক দূর। বিষয়-বুদ্ধি থাকলে নানা
সংশয় উপস্থিত হয়, আর নানা রকম অহঙ্কার এসে পড়ে—
পাণ্ডিত্যের অহঙ্কার, ধনের অহঙ্কার, এই সব। ইনি (ডাক্তার)
কিন্তু সরল।

গিরীশ (ডাক্তারকে)। মহাশয়, কি বলেন ? কুরুরের কি
জ্ঞান হয় ?

ডাক্তার। বাম বলো। তাও কখন হয়।

শ্রীবামকৃষ্ণ। কেশব সেন কি সবল ছিল। এক দিন ওখানে
(রাসমণির কালীবাড়ীতে) গিছিল। অতিথিশালা দেখে বেলা
চারটেব সময় বলে, ঠাণ্ডা অতিথ-কাজলাদেব কখন খাওয়া হবে ?
বিশ্বাস যত বাড়বে, জ্ঞানও তত বাড়বে। যে গরু বেছে বেছে
খায়, সে ডিডিক্ ছিডিক্ ক'রে দুধ দেয়। যে গরু শাক পাতা,
খোসা, ভূষী, যা দাঁও, গব্ গব্ ক'রে খায়, সে গরু জড্ জড্ ক'বে
দুধ দেয়। (সকলের হাস্য)।

“বালকের মত বিশ্বাস না হ'লে ঙ্গশ্বরকে পাওয়া যায় না। মা
ব'লেছেন, 'ও তোব দাদা,' বালকের অর্মানি বিশ্বাস যে, ও আমার
বোল আনা দাদা। মা ব'লেছেন, জুজু আছে, তো বোল আনা,
বিশ্বাস যে, ও ঘবে জুজু আছে। এইরূপ বালকের শ্রায় বিশ্বাস
দেখলে ঙ্গশ্বরের দয়া হয়। সংসার বুদ্ধিতে ঙ্গশ্বরকে পাওয়া যায় না।

ডাক্তার (ভক্তদের প্রতি)। গরুর কিন্তু যা তা খেয়ে খুব দুধ
হওয়া ভাল নয়। আমার একটা গরুকে ঐ রকম যা তা খেতে দিত।
শেষে আমার ভারী ব্যারাম। তখন ভাবলুম, এর কারণ কি ?
অনেক অগ্নুসন্ধান ক'বে টেব পেলুম, গরু খুদ, আবো কি কি, খেয়ে-
ছিল। তখন মহা মুগ্ধিল ! লক্ষ্মী যেতে হোলো ! শেষে বার হাজার
টাকা খবচ ! (সকলের হো হো করিয়া হাস্য)।

“কিসে কি হয় বলা যায় না। পাকপাডায় বাবুদের বাড়ীতে সাত
মাসের মেয়ের অসুখ ক'রেছিল—ঘুঙ্করী কাশী Whooping cough
—আমি দেখতে গিছিলাম। কিছুতেই অসুখের কারণ ঠিক ক'তে
পারি নাই। শেষে জানতে পাল্লুম, গাধা ভিজ্জেছিল ; যে গাধাব দুধ
সে মেয়েটি খেতে। (সকলের হাস্য)।

শ্রীরামকৃষ্ণ কি বলে গো । তেঁতুলতলায় আমার গাড়ী গিছিলো,
তাই আমার অস্থল হ'য়েছে ! (ডাক্তারের ও সকলের হাস্য) ।

ডাক্তার (হাসিতে হাসিতে) । জাহাজের কাপ্তেনের বড মাথা
ধরেছিল । তা ডাক্তারেরা পরামর্শ ক'রে জাহাজের গায়ে বেলে-
স্তারা blister লাগিয়ে দিল । (সকলের হাস্য) ।

(সাধুসঙ্গ ও ভোগবিলাসভাগ)

শ্রীরামকৃষ্ণ (ডাক্তারকে) । সাধুসঙ্গ সর্বদাই দরকাব । বোগ
লোগেই আছে । সাধুরা যা বলেন, সেইরূপ ক'ন্তে হয় । শুধু শুন্লে
কি হবে ? ঔষধ খেতে হবে, আবার আহারের কটকেনা ক'ন্তে
হবে । পথ্যের দরকার ।

ডাক্তার । পথ্যতেই সারে ।

শ্রীবামকৃষ্ণ । বৈদ্য তিন প্রকার, উত্তম বৈদ্য, মধ্যম বৈদ্য, অধম
বৈদ্য । যে বৈদ্য এসে নাভী টিপে ঔষধ খেও হে' এই কথা বলে
চ'লে যায়, সে অধম বৈদ্য—রোগী খেলে কি না, এ খবর সে লয়
না । আর যে বৈদ্য রোগীকে ঔষধ খেতে অনেক ক'রে বুঝায়,
যে মিষ্ট কথাতে বলে, 'ওহে ! ঔষধ না খেলে, কেমন ক'রে ভাল
হবে ? লক্ষ্মীটী খাও, আমি নিজে ঔষধ মেডে দিচ্ছি খাও',-সে মধ্যম
বৈদ্য । আর যে বৈদ্য, রোগী কোনমতে খেলে না দেখে, বুকে
হাঁটু দিয়ে জোর ক'রে ঔষধ খাইয়ে দেয়, সে উত্তম বৈদ্য ।

ডাক্তার । আবার এমন ঔষধ আছে, যাতে বুকে হাঁটু দিতে
হয় না । যেমন হোমিওপ্যাথিক্ ।

শ্রীরামকৃষ্ণ । উত্তম বৈদ্য বুকে হাঁটু দিলে কোন ভয় নাই ।

“বৈদ্যের মত আচার্য্যও তিন প্রকার । যিনি ধর্ম উপদেশ দিয়ে
শিষ্যদের আর কোন খপর লন না, তিনি অধম আচার্য্য । যিনি
শিষ্যদের মঙ্গলের জন্ত তাদের বার বার বুঝান, যাতে উপদেশগুলি
ধারণা ক'ন্তে পারে, অনেক অল্পনয় বিনয় করেন, ভালবাসা দেখান
—তিনি মধ্যম আচার্য্য । আর যখন শিষ্যেরা কোনও মতে শুন্ছেননা
দেখে, কোনও আচার্য্য জোর পর্যান্ত করেন, তাঁরে বলি উত্তম
আচার্য্য ।

শ্যামপুকুর বাটী । ঈশান, ডাক্তার সরকার প্রভৃতি ভক্ত সঙ্গে । ২৬৩

(স্ত্রীলোক ও সন্ন্যাসী, সন্ন্যাসীর কঠিন নিষ্পন্ন ।)

শ্রীরামকৃষ্ণ (ডাক্তারের প্রতি) । সন্ন্যাসীর পক্ষে কামিনী-
কাঞ্চনভ্যাগ । স্ত্রীলোকের পট পর্য্যন্ত সন্ন্যাসী দেখ্বে না । স্ত্রীলোক
কিরূপ জ্ঞান ? যেমন আচার তেঁতুল । মনে ক'লে, মুখে জল সরে ।
আচার তেঁতুল সম্মুখে আনতে হয় না ।

“কিন্তু এ কথা আপনাদের পক্ষে নয়,—এ সন্ন্যাসীর পক্ষে ।
আপনারা যতদূর পার স্ত্রীলোকের সঙ্গে অনাসক্ত হ'য়ে থাক্বে ।
মাঝে মাঝে নিষ্কর্মে গিয়ে ঈশ্বর চিন্তা ক'র্বে । সেখানে যেন ওরা
কেউ না থাকে । ঈশ্বরেতে বিশ্বাস-ভক্তি এলে, অনেকটা অনাসক্ত
হ'য়ে থাকতে পারবে । ছুই একটা ছেলে হ'লে স্ত্রীপুরুষ ছুই জনে
ভাই বোনের মত থাক্বে . গাব ঈশ্ববকে সর্বদা প্রার্থনা ক'র্বে,
যাতে ইন্দ্রিয়-সুখেতে মন না যায়,—ছেলে পুতে আর না হয় ।

গিরীশ (সহাস্ত্রে, ডাক্তারের প্রতি) । আপনি এখানে তিন
চার ঘণ্টা র'য়েছেন , কই, রোগীদের চিকিৎসা ক'ন্তে যাবেন না ।

ডাক্তার । আর ডাক্তারি আর রোগী । যে পরমহংস হ'য়েছে,
আমার সব গেল ! (সকলের হাস্ত) ।

শ্রীরামকৃষ্ণ । দেখ, কৰ্মনাশা ব'লে একটা নদী আছে । সে
নদীতে ডুব দেওয়া এক মহা বিপদ । কৰ্মনাশ হ'য়ে যায়,—সে ব্যক্তি
আর কোন কৰ্ম ক'ন্তে পাবে না । ডাক্তারের ও সকলের হাস্ত ।)

ডাক্তার (মাষ্টার, গিরীশ ও অগ্ৰাণ্ড ভক্তদের প্রতি) । দেখ,
আমি তোমাদেরই রইলুম । ব্যারামের জন্ত যদি মনে কর, তা হ'লে
নয় ! তবে আপনার লোক ব'লে যদি মনে কর, তাহ'লে আমি
তোমাদের ।

শ্রীরামকৃষ্ণ (ডাক্তারের প্রতি) । একটা আচ্ছ অহৈতুকী
ভক্তি । এটা যদি হয়, তাহ'লে খুব ভাল । প্রহ্লাদের অহৈতুকী
ভক্তি ছিল । সেরূপ ভক্ত বলে, হে ঈশ্বর ! আমি ধন, মান,
দেহসুখ, এ সব কিছুই চাই না ! এই কর যেন তোমার পাদপদ্মে
আমার শুদ্ধা ভক্তি হয় ।

ডাক্তার । হাঁ, কালীতলায় নোবে প্রণাম ক'বে থাকে দেখেছি ,

ভিতরে কেবল কামনা—আমার চাকরী ক'রে দাও, আমার রোগ ভাল ক'রে দাও,—এই সব ।

ডাক্তার (শ্রীরামকৃষ্ণের প্রতি) । যে অশুক তোমার হ'য়েছে, লোকদের সঙ্গে কথা কওয়া হবে না । তবে আমি যখন আসবো, কেবল আমার সঙ্গে কথা কইবে । (সকলের হাস্য) ।

শ্রীরামকৃষ্ণ । এই অশুখটা ভাল ক'রে দাও, তাঁর নাম-গুণ ক'র্ন্তে পাঠি না । ডাক্তার । ধ্যান ক'ল্লেই হলো ।

শ্রীরামকৃষ্ণ । সে কি কথা ! আমি এক যেয়ে কেন হবো ? আমি পাঁচ রকম ক'রে মাছ খাই । কখন ঝোলে, কখন ঝালে, অস্থলে, কখন বা ভাজায় । আমি কখন পূজা, কখন জপ, কখন বা ধ্যান, কখন বা তাঁর নাম গুণগান কবি, কখন তাঁর নাম ক'বে নাচি ।

ডাক্তার । আমিও একঘেয়ে নই ।

[অবতার না মানলে কি দোষ আছে ?]

শ্রীরামকৃষ্ণ । তোমার ছেলে অস্মৃত অবতার মানে না । তাতে দোষ কি ? ঈশ্বরকে নিরাকার বলে বিশ্বাস থাকলেও তাঁকে পাওয়া যায়, আবার সাকার বলে বিশ্বাস থাকলেও তাঁকে পাওয়া যায় । তাতে বিশ্বাস থাকা আর শরণাগত হওয়া, এই দুই দবকার । মানুষ তো অজ্ঞান, ভুল হ'তেই পাবে । এক সেব ঘণ্টাতে কি চাব সেব দুধ ধরে ? তবে যে পথেই থাকো, ব্যাকুল হ'য়ে তাঁকে ডাকা চাই । তিনি ত অস্তুর্ধ্যামী—সে আন্তরিক ডাক শুনবেনই শুনবেন । ব্যাকুল হ'য়ে সাকারবাদীর পথেই যাও, আবার নিরাকারবাদীর পথেই যাও, তাঁকেই (ঈশ্বরকেই) পাবে ।

মিছরীর রুটি সিঁধে ক'রেই খাও, আবার আড ক'রেই খাও, মিষ্ট লাগবে । তোমার ছেলে অমৃতটী বেশ ।

ডাক্তার । সে তোমার চেলা ।

শ্রীরামকৃষ্ণ (সহাস্ত্রে, ডাক্তারের প্রতি), আমার কোনো শালা চেলা নাই ! আমিই সকলের চেলা । সকলেই ঈশ্বরের ছেলে, সকলেই ঈশ্বরের দাস—আমিও ঈশ্বরের ছেলে, আমিও ঈশ্বরের দাস ।

'টাঁদা মামা সকলেবই নামা' । (সভাস্থ সকলের আনন্দ ও হাস্য)

শ্রীশ্রীরামকৃষ্ণকথামৃত ।

প্রথম ভাগ-ষোড়শ অঙ্ক ।

শ্রীরামকৃষ্ণের সহিত বিজয়কৃষ্ণ, নরেন্দ্র, মাষ্টার, ডাক্তার সরকার, মহিমাচরণ প্রভৃতি ভক্তের কথোপকথন ও আনন্দ ।

প্রথম পরিচ্ছেদ ।

আজ রবিবার, ১০ই কার্তিক, কৃষ্ণাষ্টমীয়া, ২৫শে অক্টোবর, ১৮৮৫ । শ্রীরামকৃষ্ণ কলিকাতায় শ্যামপুকুরের বাড়ীতে অবস্থান করিতেছেন । গলার পীড়া (Cancer) চিকিৎসা করাইতে আসিয়াছেন । আজকাল ডাক্তার সরকার দেখিতেছেন ।

ডাক্তারের কাছে পরমহংসদেবের অবস্থা জানাইবার জ্ঞান মাষ্টারকে প্রত্যহ পাঠান হইয়া থাকে, আজ সকালে বেলা ৬।০টার সময় প্রণাম করিয়া মাষ্টার জিজ্ঞাসা করিলেন, “আপনি কেমন আছেন ?” শ্রীরামকৃষ্ণ বলিতেছেন, “ডাক্তারকে বলবে, শেষরাত্রে এক মুখ জল হয়, কাশি আছে” ইত্যাদি । “জিজ্ঞাসা করবে নাইবো কি না ?”

মাষ্টার সাতটার পবে ডাক্তার সরকারের সঙ্গে দেখা করিলেন ও সমস্ত অবস্থা বলিলেন । ডাক্তারের বৃদ্ধ শিক্ষক ও দুই একজন বন্ধু উপস্থিত ছিলেন । ডাক্তার বৃদ্ধ শিক্ষককে বলিতেছেন, মহাশয়, রাত তিনটে থেকে পরমহংসের ভাবনা আরম্ভ হইবে, -- ঘুম নাই । এখনও পরমহংস চলছে (সকলের হাশ্ব) ।

ডাক্তারের একজন বন্ধু ডাক্তারকে বলিতেছেন, মহাশয়, শুনতে পাই, পরমহংসকে কেউ কেউ অবতার বলে । আপনি তো রোজ দেখছেন, আপনার কি বোধ হয় ? ডাক্তার বলিলেন,

as man, I have the greatest regard for him

মাষ্টার (ডাক্তারের বন্ধুর প্রতি) । ডাক্তার মহাশয় তাঁকে অনুগ্রহ ক’রে অনেক দেখছেন । ডাক্তার । অনুগ্রহ !

মাষ্টার । আমাদের উপর, পরমহংসদেবের উপর বলছি না ।

ডাক্তার । জানয় হে! তোমরা জানো না, আমার actual loss

হ'চ্ছে, রোজ রোজ দুই তিনটে call এ যাওয়াই হ'চ্ছে না। তার পর দিন আপনিই রোগীদের বাড়ী যাই, আর ফি লই না,—আপনি গিয়ে fee নেবো কেমন কোরে ?

শ্রীযুক্ত মহিমা চক্রবর্তীর কথা হইল। শনিবারে যখন ডাক্তার পরমহংসদেবকে দেখিতে যান, তখন চক্রবর্তী উপস্থিত। ডাক্তারকে দেখিয়া তিনি শ্রীরামকৃষ্ণকে বলিয়াছিলেন, 'মহাশয়, আপনি ডাক্তারের অহঙ্কার বাড়াবাব জন্ম রোগ ক'রেছেন।'

মাষ্টার (ডাক্তারের প্রতি)। মহিমা চক্রবর্তী আপনার এখানে আগে আসতেন। আপনি বাড়ীতে ডাক্তারী science এর lecture দিতেন, তিনি শুনতে আসিতেন।

ডাক্তার। বটে। লোকটার কি তমো! দেখলে,—আমি নমস্কার করলুম as God's Lower Third, আর ঈশ্বরের ভিতর তো (স্বঃ, রক্তঃ, তমঃ) সব গুণই আছে। ও কথাটা mark ক'রেছিলে 'আপনি ডাক্তারের অহঙ্কার বাড়াবার জন্ম বোগ করে ব'সেছেন' ?

মাষ্টার। মহিমা চক্রবর্তীর বিশ্বাস যে, পরমহংসদেব মনে ক'বলে নিজে ব্যারাম আরাম ক'তে পারেন।

ডাক্তার। ওঃ। তা কি হয়। আপনি ব্যারাম ভাল করা। আমরা ডাক্তার, আমরা তো জানি, এ cancer এর ভিতর কি আছে।—আমরাই আরাম কর্তে পারি না।—উনি তো কিছু জানেন না, উনি কি রকম ক'রে আরাম ক'রবেন। বন্ধুদের প্রতি দেখুন, রোগ দুঃসাধ্য বটে, কিন্তু এরা সকলে তেমনি devotee ব মত সেবা ক'রছে।

দ্বিতীয় পরিচ্ছেদ ।

শ্রীরামকৃষ্ণ সেবক-সঙ্গে ।

মাষ্টার ডাক্তারকে আসিতে বলিয়া প্রত্যাগমন করিলেন। খাওয়া দাওয়ার পর, বেলা তিনটার সময় শ্রীরামকৃষ্ণকে দর্শন করিয়া সমস্ত নিবেদন করিলেন। বলিলেন, ডাক্তার আজ বড় অপ্রতিভ ক'রেছেন।

শ্যামপুকুর বাটী । সরকার, বিজয়, নরেন্দ্র প্রভৃতি সঙ্গে । ২৬৭

শ্রীরামকৃষ্ণ । কি হ'য়েছে ?

মাষ্টার । 'আপনি হতভাগা ডাক্তারদের অহঙ্কার বাড়াবার জন্য রোগ ক'রে বসেছেন,'—এ কথা কাল শুনে গিচ্ছিলেন ।

শ্রীরামকৃষ্ণ । কে ব'লেছিল ? মাষ্টার । মহিমা চক্রবর্তী ।

শ্রীরামকৃষ্ণ । তার পর ?

মাষ্টার । তা মহিমা চক্রবর্তীকে বলে, 'তমোগণী ঈশ্বর', (God's Lower Third) । এখন ডাক্তার ব'লছেন, ঈশ্বরে সব গুণ (সৎ রজঃ তমঃ) আছে । (পবনহংসদেবের হাশ্ব) । আবার আমায় বলেন, বাত তিনটার সময় ঘুম ভেঙে গেছে আর পরমহংসের ভাবনা । বেলা আটটাের সময় বলেন, 'এখনো পরমহংস চ'লছে ।'

শ্রীরামকৃষ্ণ (হাসিতে হাসিতে) । ও ঈশ্বরের প'ড়েছে, ওকে বলবার যো নাই আমাকে চিন্তা কব . তা আপনিই ক'রছে ।

মাষ্টার । আবার বলে—As much I have the greatest regard for him, এব নামে এই, আমি তাঁকে অবতার বলি না, কিন্তু মানুষ বলে যতদূর সম্ভব ভক্তি আছে ।

শ্রীরামকৃষ্ণ । আব কিছু কথা হ'লো ?

মাষ্টার । আমি জিজ্ঞাসা কবলাম, 'আজ ব্যারামের কি বন্দোবস্ত হবে ?' ডাক্তার বলেন, 'বন্দোবস্ত আর আমার মাথা আর মুণ্ড , আবার আজ যেতে হবে, আর কি বন্দোবস্ত ।' (শ্রীরামকৃষ্ণের হাশ্ব) । আরো ব'ল্লেন, "তোমরা জানো না যে, আমার কত টাকা রোজ লোকসান হচ্ছে.—দুই তিন জায়গায় রোজ যেতে সময় হয় না ।"

তৃতীয় পরিচ্ছেদ ।

বিজয়াদিত্যসঙ্গে প্রেমানন্দে ।

কিয়ৎক্ষণ পরে শ্রীযুক্ত বিজয়কৃষ্ণ গোস্বামী পরমহংসদেবকে দর্শন করিতে আসিলেন । সঙ্গে কয়েকটি ব্রাহ্মভক্ত । বিজয়কৃষ্ণ ঢাকায় অনেক দিবস শিল্পিলেন । আপাততঃ পশ্চিমে অনেক তীর্থ ভ্রমণের পর

সবে কলিকাতায় পঁছিয়াছেন। আসিয়া ঠাকুর শ্রীরামকৃষ্ণকে ভূমিষ্ট হইয়া প্রণাম করিলেন। অনেকে উপস্থিত ছিলেন,—নরেন্দ্র, মহিমা চক্রবর্তী, নবগোপাল, ভূপতি, লাটু, ষাষ্টার, ছোট নরেন্দ্র ইত্যাদি অনেকগুলি ভক্ত।

মহিমচক্রবর্তী (বিজয়কে)। মহাশয় তীর্থ করে এলেন, অনেক দেশ দেখে এলেন, এখন কি দেখলেন বলুন।

বিজয়। কি বলবো। দেখছি, যেখানে এখন বসে আছি, এইখানেই সব। কেবল মিছে ঘোরা। কোন কোন জায়গায় এ রই এক জানা কি দুই জানা, কোথায় চারি জানা, এই পর্যন্ত। এইখানেই পূর্ণ ষোল জানা দেখছি!

ম-চক্রবর্তী। ঠিক বলেছেন, আবার ইনিই ঘোরান্ ইনিই বসান্।

শ্রীরামকৃষ্ণ (নবেস্ত্রেব প্রতি)। দেখ বিজয়ের অবস্থা কি হয়েছে। লক্ষণ সব বদলে গেছে, যেন আউটে গেছে। আমি পবমহাসেব খাড ও কপাল দেখে চিন্তে পারি। বলতে পারি পবমহাস কি না।

ম-চক্রবর্তী। মহাশয় আপনার আহার কমে গেছে ?

বিজয়। হা, বোধ হয় গিয়েছে। (শ্রীরামকৃষ্ণের প্রতি) আপনার পীড়ার কথা শুনে দেখতে এলাম। আবার ঢাকা থেকে—

শ্রীরামকৃষ্ণ। কি ?

বিজয় কোন উত্তর দিলেন না। খানিকক্ষণ চুপ করিয়া রহিলেন।

বিজয়। ধরা না দিলে ধরা শক্ত। এইখানে ষোল জানা।

শ্রীরামকৃষ্ণ। কেদার * বলে, অণু জায়গায় খেতে পাই না,— এখানে এসে পেট ভরা পেলুম।

ম-চক্রবর্তী। পেটভরা কি ? উপচে পড়ছে!

বিজয় (হাত জোড করিয়া, শ্রীরামকৃষ্ণের প্রতি)। বুঝছি আপনি কে। আর বলতে হবে না!

শ্রীরামকৃষ্ণ (ভাবস্থ)। যদি তা হয়ে থাকে, তো তাই।

বিজয় বলিলেন, বুঝছি। এই বলিয়া শ্রীরামকৃষ্ণের পাদমূলে

* শ্রীযুক্ত কেদার চাটুর্গে অনেক দিন ঢাকায় ছিলেন। ঈশ্বরের কথা পড়লেই তাঁহার চক্ষু আঁধা হইত। একজন পবম ভক্ত। বাটী হালিসতব।

শ্রামপুকুর বাটী । সরকার, বিজয়, নরেন্দ্র প্রভৃতি ভক্ত সঙ্গে । ২৬৯
পতিত হইলেন ও নিজের বক্ষে তাঁহার চরণ ধারণ করিলেন ।
শ্রীরামকৃষ্ণ তখন ঈশ্বরাবেশে বাহ্যশূণ্য চিত্তার্পিতের আয় বসিয়া
আছেন ।

এই প্রেমাবেশ, এই অদ্ভুত দৃশ্য দেখিয়া, উপস্থিত ভক্তেরা কেহ
কাঁদিতেছেন, কেহ স্তব কবিতেছেন । যাহার যে মনের ভাব, তিনি
সেই ভাবে এক দৃষ্টে শ্রীরামকৃষ্ণের দিকে চাহিয়া রহিলেন । কেহ
তাঁহাকে পরম ভক্ত, কেহ সাধু, কেহ বা সাক্ষাৎ দেহধারী
ঈশ্বরাত্ম্য দেখিতেছেন, যাহার যেমন ভাব ।

মহিমাচরণ সাধনযনে গাহিলেন—‘দেখ দেখ প্রেমমূর্ত্তি’
—ও মাঝে মাঝে যন ব্রহ্মদর্শন কবিতেছেন, এই ভাবে বলিতেছেন,

“তুবীয়, সচ্চিদানন্দম্ হৈতাদৈতবিবর্জিতম্ ।”

নবগোপাল কাঁদিতেছেন । আর একটী ভক্ত, ভূপতি, গাহিলেন—
গান । জন জা পবাক, অপাব ভূমি অগম, পবাংপব ভূমি সাবাংসাৱ ।
সতোব আলোক ভূমি, প্রমেব আকব ভূমি, মঙ্গলব ভূমি মলাপাব ॥ নানা
বসনত ভব, গর্ভাব বসনা ভব, উচ্চাসিত শোভায় শোভায় । মহাকর্প আদিকর্দি,
ছন্দে উৎস শর্শী বর্দি, ছন্দে পুন অস্তাচল যাব ॥ হাবকা কনক কুচি, জলদ
অক্ষব পচি, গীত লেখা নীলাক্ষব পাতে । ছয় ঋতু সৎসবে, মহিমা কীর্তন কবে,
স্বপপূণ চবাচব সাথে ॥ বস্তুমে তোমাব কাঙ্খি, সর্জিলে তোমাব শাস্তি, বজ্রববে
কল্প ভ্রাম ভীম । তব ভাব গুট আতি, কি জানিবে মূঢ়মতি, ধ্যায় বগদগাস্ত অসীম ॥
আনন্দে নবে আনন্দে, তোমাব চরণ বন্দে, কোটি চক্র কোটি হৃদা তাবা ।
তোমাবি এ বচনাবি, তাব লখে নবনাবী, হাহাকাবে নেত্র বহে ধাবা ॥ স্মি
স্বব, নব পুত্ৰ, প্রণমে তোমায় বিভূ, ভূমি সর্ব মঙ্গল-আলষ । দেও জ্ঞান, দেও
প্রেম, দেও ভক্ত, দেও ক্ষেম, দেও দেও ও পদে আশ্রয় ॥

ভূপতি আবার গাহিতেছেন,—

গান । ঝিঝিট—(খয়বা) কীর্তন ।

চিদানন্দ সিঙ্কনীবে প্রেমানন্দেব লভবী । মহাভাব বসনীলা কি মাধুবী মরি
মরি ॥ বিনয় বিলাস বস প্রসঙ্গ, কত অভিনব ভাবতবঙ্গ, ডুবিছে উঠিছে কবিছে
বঙ্গ, নবীন নবীন রূপ ধবি । হবি হবি বলে) । মহাযোগে সনুদায় একাকার হইল,
দেশকাল ব্যবধান ভেদাভেদ গুচিল, (আশা পুরিল বে আমাব সকল সাধ মিটে
গেল ।), এখন আনন্দে মাতিয়া গুবাছ তুলিয়া, বলবে মন হরি হবি ।

(কাঁপতাল) টুটল ভরন ভীতি ধবম কবম নীতি, দুঃ ভেল জাতি কুলমান ;

কাহা ছাম, কাঁহা ছরি, প্রাণ মন চুবি করি, বঁধুয়া করিলা পরান (আমি কেনই না এলাম গো, প্রেমসিদ্ধুতটে), ভাবেতে হওল ভাব, অবহিঁ কদয় মোব, নাহি যাত আপনা পসান, প্রেমদাস কহে দাসি, সুন সাধু জগবাসী, এয়সাত্তি নুতন বিধান । কিছু ভয় নাই । ভয় নাই । ।

অনেকক্ষণ পরে ঠাকুর শ্রীরামকৃষ্ণ প্রকৃতিস্থ হইলেন ।

[ব্রহ্মজ্ঞান ও 'চাক্ষুর্গা গণিত' । 'অবতাবাব প্রয়োজন ।]

শ্রীরামকৃষ্ণ (মাষ্টারের প্রতি) । কি একটা হয় আনেশে . এখন লজ্জা হ'চ্ছে । যেন ভূতে পাষ . আমি আব আমি থাকি না ।

“এ অবস্থাব পব গণনা হয় না । গনতে গেলে ১।৭।৮ এই বকন গণনা হয় । নবেন্দ্র । সব এক কি না ।

শ্রীরামকৃষ্ণ । না , এক হুয়েব পার । *

মহিমাচরণ । আচ্ছা হাঁ, দ্বৈতাদ্বৈতবিবর্জিতম্ ।

শ্রীরামকৃষ্ণ । হিসাব পচে যায় । পাণ্ডিত্যেব দ্বাবা তাঁকে পাওয়া যায় না । তিনি শাস্ত্র, —বেদ, পুরাণ, তন্ত্রেব —পাব । তাতে একখানা বই যদি দেখি, জ্ঞানী হ'লেও তাকে স্নাতকশি ব'লে কই । ব্রহ্মবির কোন চিহ্ন থাকে না । শাস্ত্রের কি ব্যবহাব জানো ? একজন চিঠি লিখেছিল, পাঁচ সের সন্দেশ ও একখান কাপড় পাঠাইবে । যে চিঠি পেলে, সে চিঠি পড়ে, ১৫ সের সন্দেশ ও একখান কাপড়, এই কথা মনে রেখে চিঠিখানা ফেলে দিলে । আর চিঠির কি দরকার ?

বিজয় । সন্দেশ পাঠান হ'য়েছে, বোঝা গেছে ।

শ্রীরামকৃষ্ণ । মানুষদেহ ধারণ ক'রে, ঈশ্বর অবতীর্ণ হন । তিনি সর্বস্থানে সর্বভূতে আছেন বটে, কিন্তু অবতার না হ'লে জীবের আকাঙ্ক্ষা পূরে না , প্রয়োজন মেটে না । কি রকম জানো ? গরুব মেখানটা ছোঁবে, গরুকে ছোঁয়াই হয় বটে । শিকটা ছুঁলেও গাঠ-টাকে ছোঁয়া হোলো , কিন্তু গাইটার বাঁট থেকেই দুধ হয় । (হাস্ত)

* এক হুয়েব পার—The Absolute as distinguished from the Relative

শ্যামপুকুর বাটা । সরকার, বিজয়, নরেন্দ্র প্রভৃতি ভক্ত গণ্ডে । ২৭১

মহিমা । হু । যদি সরকার হয়, গাইটার শিল্পে মুখ দিলে কি হবে ?

বাঁটে মুখ দিতে হবে ! (সকলের হাস্য) ।

বিজয় । কিন্তু বাছুর প্রথম প্রথম এদিক ওদিক চু গারে ।

শ্রীরামকৃষ্ণ (হাসিতে হাসিতে) । আবার কেউ হয়তো বাছুরকে
ঐ বকম করতে দেখে বাঁটটা ধনিয়ে দেয় । (সকলের হাস্য) ।

— — —

চতুর্থ পরিচ্ছেদ ।

[ভক্ত গণ্ডে প্রেমানন্দে ।]

এই সকল কথা শুনেও, এমন সময়ে ডাক্তার তাঁহাকে
দেখিবাব হস্ত আঁিয়া উপস্থিত হইলেন ও আসন গ্রহণ করিলেন ।
তিনি বলিতেছেন. কাল রাত তিনটে থেকে আমার ঘুম ভেঙেছে ।
কেবল তোমার হস্ত ভাব্ ছিলাম. পাছে ঠাণ্ডা লেগে থাকে ।
আরও কত কি ভাব্ ছিলাম ।

শ্রীরামকৃষ্ণ । কাশি হয়েছে, টাটিয়েছে, শেষ রাত্রে একমুখ জল,
আর যেন কাঁটা নিঁখছে ? ডাক্তার । সকালে সব খপর পেয়েছি ।

মহিমাচরণ তাঁহার ভারতবর্ষ ভ্রমণের কথা বলিতেছিলেন । বলিলেন
যে লঙ্কাদ্বীপে 'laughing ma ' নাই । ডাক্তার সরকার বলিলেন,
তা হলে, ওটা inquire করতে হবে । (সকলের হাস্য) ।

[ডাক্তারের ব্যবসা ও ঠাকুর শ্রীরামকৃষ্ণ ।]

ডাক্তার কন্ঠের কথা পড়িল ।

শ্রীরামকৃষ্ণ (ডাক্তারের প্রতি) । ডাক্তারী কন্ঠ খুব উচ্চ কন্ঠ ব'লে
অনেকের বোধ আছে । যদি টাকা না লয়ে পরের দুঃখ দেখে দয়া
ক'রে কেউ চিকিৎসা করে, তবে সে মহৎ । কাজটাও মহৎ । কিন্তু
টাকা লয়ে এ সব কাজ ক'রতে ক'রতে মানুষ নির্দয় হ'য়ে যায় ।
ব্যবসার ভাবে টাকার জন্ত হাঙ্গা, বাছুর রং, এই সব দেখা !—
নীচের কাজ ।

ডাক্তার । তা যদি শুধু করে, কাজ খারাপ বটে । তোমার
কাছে বলা গৌবধ করা - -

শ্রীরামকৃষ্ণ । হাঁ, ডাক্তারী কাজে নিঃসার্থভাবে যদি পরের উপকার করা হয়, তাহ'লে খুব ভাল ।

“তা যে কর্মই লোকে করুক না কেন, সংসারী ব্যক্তির মাঝে মাঝে জ্যাশুসজ্জ বড় দরকার । ঈশ্বরে ভক্তি থাকলে লোকে সাধুগণ আপনি খুঁজে লয় । আমি উপমা দিই,—গাঁজাখোর গাঁজাখোরের সঙ্গে থাকে ; অথ লোক দেখলে মুখ নীচু ক'রে চ'লে যায়, বা লুকিয়ে পড়ে । কিন্তু আর একজন গাঁজাখোর দেখলে মহা আনন্দ । তয় ত কোলাকুলি করে । (সকলের হাস্য) । আবার শকুনি শকুনির সঙ্গে থাকে ।

[সাধু সর্বভাবে দয়া]

ডাক্তার । আবার কাকের ভয়ে শকুনি পালায় । আমি বলি, শুধু মানুষ কেন, সব জীবেরই সেবা করা উচিত । আমি প্রায় চড়ুই পাখীকে ময়দা দিই । ছোট ছোট ময়দার গুলি ক'রে ছুড়ে ফেলি, আর ছাদে ঝাঁকে ঝাঁকে চড়ুই পাখী এসে খায় ।

শ্রীরামকৃষ্ণ । বাঃ এটা খুব কথা ! জীবকে খাওয়ানো সাধুর কাজ, সাধুরা পিপড়েদের চিনি দেয় ।

ডাক্তার । আজ গান হবে না ?

শ্রীরামকৃষ্ণ (নরেন্দ্রের প্রতি) । একটু গান কর্ না ।

নরেন্দ্র গাহিতেছেন, তানপুরা সঙ্গে । অল্প বাজানাও হইতে লাগিল ।

গান । সুন্দর তোমাব নাম দীন-শরণ হে, বিবিধে অমৃত ধার, জুড়ায় শ্রবণ, ও প্রাণরমণ হে । এক তব নাম ধন অমৃত ভরণ হে, অমর হয় সেই জন যে করে কীর্তন হে । পতীর বিষাদরাশি নিমেষে বিনাশে, বর্ধনি তব নাম স্তথা শ্রবণে পরশে, হৃদয় মধুময় তব নাম গানে, হয় হে হৃদয়নাথ চিদানন্দধন হে ।

নরেন্দ্র আবার গাইলেন ।

গান । আমার দে মা পাগল ক'রে, আব কাজ নাই জ্ঞান বিচাবে । (ব্রহ্মময়ী দে মা পাগল ক'রে) । ওমা তোমার ও প্রেমের সুখা, পানে করো মতোয়াবা, ওমা তক্তচিত্তহরা ডুবাও প্রেমসাগবে । তোমাব এ পাগলাগাবদে, কেহ হাসে কেহ কাঁদে, কেহ নাচে আনন্দ তরে ; ঈশা বৃদ্ধ শ্রীচৈতন্ত, ওমা প্রেমের ভরে অচৈতন্ত, হার কবে হব মা ধন্ত, ওমা, মিসে তার ভিতরে ।

গানের পর আবার অকৃত দৃশ্য ! সকলেই তাবে উন্মত্ত । পণ্ডিত

শ্রামপুত্র বাটা । সরকার, বিজয়, নরেন্দ্র প্রভৃতি ভক্তসঙ্গে । ২৭৩
 পাণ্ডিত্যভিমান ত্যাগ করিয়া দাঁড়াইয়াছেন, বল্ছেন, 'আমায় দে
 মা পাগল ক'রে, আর কাজ নাট জ্ঞান বিচারে ।' বিজয় সর্ব প্রথমে
 আসন ত্যাগ করিয়া ভাবোন্মত্ত হইয়া দাঁড়াইয়াছেন । তাহার পরে
 শ্রীরামকৃষ্ণ । ঠাকুর দেহের কঠিন অসাধ্য ব্যাধি একবারে তুলিয়া
 গিয়াছেন । ডাক্তার সম্মুখে । তিনিও দাঁড়াইয়াছেন । রোগীরও
 হ'স নাই , ডাক্তারেরও হ'স নাই । ছোট নরেন্দ্রও ভাব-সমাধি
 হইল । লাটুরও ভাব-সমাধি হইল । ডাক্তার Science পড়িয়াছেন,
 কিন্তু অবাচ্ হইয়া এই অদ্ভুত ব্যাপার দেখিতে লাগিলেন । দেখি-
 লেন, ষাঁহাদের ভাব হইয়াছে, তাঁহাদের বাহু চৈতন্য কিছুই নাই ;
 সকলই স্থির, নিষ্পন্দ ,—ভাব উপশম হইলে কেহ কাঁদিতেন
 কেহ হাসিতেন । যেন কতকগুলি মাতাল একত্র হইয়াছে ।

পঞ্চম পরিচ্ছেদ ।

ভক্ত-সঙ্গে । শ্রীরামকৃষ্ণ ও ক্রোধ জয় ।

এই কাণ্ডের পর সকলে আবার আসন গ্রহণ করিলেন । রাত
 আটটা হইয়া গিয়াছে । আবার কথাবার্তা হইতে লাগিল ।

শ্রীরামকৃষ্ণ (ডাক্তারের প্রতি) । এই যা ভাবটাব দেখলে
 তোমার Science কি বলে ? তোমার কি এ সব ঢং বোধ হয় ?

ডাক্তার (শ্রীরামকৃষ্ণের প্রতি) । যেখানে এত লোকের হ'চে
 সেখানে natural (আন্তরিক) বোধ হয়, ঢং বোধ হয় না ।
 (নরেন্দ্রকে) যখন তুমি গাচ্ছিলে 'দে মা পাগল ক'রে আর
 কাজ নাট মা জ্ঞান বিচারে' তখন আর থাকতে পারি নাই । দাঁড়াই
 আর কি । তার পর অনেক কষ্টে ভাব চাপলুম ; ভাবলুম যে
 display করা হবে না ।

শ্রীরামকৃষ্ণ (ডাক্তারের প্রতি, সহাস্তে) । তুমি যে অটল, অচল
 স্মৃষ্কবৎ (সকলের হাশ্ব) । তুমি গম্ভীরাশ্বা । রূপসনাতনের ভাব
 কেউ টের পেতো না—যদি ডোবাতে হাতী নামে, তা হ'লেই
 তোলপাড় হ'য়ে যায়, কিন্তু সায়ের দীঘিতে হাতী নামলে তোল-
 পাড় হয় না । কেউ হয় তো টেরও পায় না । শ্রীমতী সখীকে বল্লেন,

সখি তোরা তো কৃষ্ণের বিরহে কত কাঁদছিস . কিন্তু দেখ, আমি কি কঠিন, আমার চক্ষে এক বিন্দুও জল নাই । তখন বন্দা ব'ল্লেন, 'সখি তোর চক্ষে জল নাই, তাব অনেক মানে আছে । তোর হৃদয়ে বিরহ অগ্নি সদা জ্বলে . চক্ষে জল উঠে আব সেই অগ্নির তাপে শুকিয়ে যাচ্ছে ।'

ডাক্তার । তোমার সঙ্গে . তা কথায় পার্শ্বার যো নাই । (হাস্য)

ক্রমে অগা কথ্য পড়িল । শ্রীরামকৃষ্ণ নিজের প্রথম ভাবাবস্থা বর্ণনা করিতেছিলেন । আর কাম ক্রোধাদি কিক্রমে বশ করিতে হয় ।

ডাক্তার । তুমি ভাবে প'ড়েছিলে, আর একজন ছুটে লোক তোমায় বুট জুতার গাঁজা মেরেছিল .—সে সব কথা শুনেছি ।

শ্রীরামকৃষ্ণ । নাষ্টারেব কাছে শুনেছ । সে কালীঘাটের চন্দ্র হালদার । বেজো বাবুর কাছে প্রায় আস্তো । আমি ঈশ্বরের আবেশে মাটিতে অন্ধকারে প'ড়ে আছি । চন্দ্রহালদার ভাবতো, আমি চ ক'বে এই বকম হয়ে থাকি, বাবুর প্রিয়পাত্র হব বলে । সে অন্ধকারে এসে বুট জুতা গাঁজা দিতে লাগলো । গায়ে দাগ হয়েছিল । সবাই ব'লে, সাজা বাবকে বলে .দেওয়া যাক । আমি বারণ কবলুম ।

ডাক্তার । এত ঈশ্বরের গলা ওত'ওত লোক শিখবে, ক্রোধ কি বকম করে বশীভূত কব'তে হয় .কমা কাকে বলে, লাকে শিখবে ।

[বিজয় ও নরেন্দ্রের ঈশ্বার রূপ দর্শন]

উত্তিন্দেধা ঠাকুর শ্রীরামকৃষ্ণের সম্মুখে বিজয়ের সঙ্গে ভক্তদের অনেক কথাবার্তা হইতেছে ।

বিজয় । কে একজন আমার সঙ্গে সদাসবদা থাকেন , আমি দূরে থাকলেও তিনি জানিয়ে .দেন, .কাথায় কি হচ্ছে ।

নরেন্দ্র । 'Guardian ange' এর মত ।

বিজয় । ঢাকায় একে (পরমহংসদেবকে) দেখেছি । গা ছুঁয়ে ।

শ্রীরামকৃষ্ণ (হাসিতে হাসিতে) । সে তবে আর একজন ।

নরেন্দ্র । আমিও একে নিজে অনেকবার দেখেছি । বিজয়ের প্রতি । তাই কি ক'বে ব'ল'বে—আপনার কথা বিশ্বাস করি না ।

শ্রীশ্রীরামকৃষ্ণকথামৃত ।

প্রথমভাগ সপ্তদশ অঙ্ক ।

শ্রীরামকৃষ্ণ, গিবীশ, মাষ্টাব, ছোট নবেল্লু, কালী, শবৎ,
বাখাল, ডাক্তাব সবকাব প্রভৃতি ভক্তসঙ্গে ।

প্রথম পরিচ্ছেদ ।

পনদিন আখিনেব কৃষ্ণাত্মীয় ত্রিখি, সামবাব, ১১ই কাঠিক, ১৬শ অক্টোবর ১৮০১ । শ্রীশ্রীপবনহৃৎসদেব কলিকাতায় ঐ শ্রাম-পুকুবেব বাটীতে চিকিৎসার্থ বহিয়াছেন । ডাক্তাব সবকাব চিকিৎসা কবিতোছেন । প্রায় প্রত্যহ আসেন, আব তাঁহাব নিকট পীডাব সংবাদ লইয়া লোক সর্কদা গাত্ৰাযাত্ত কবে

শবৎকাল । কয়েকদিন হইল, শাবদীয়া দুর্গা পূজা হইয়া গিয়াছে । এ মহোৎসব শ্রীরামকৃষ্ণেব শিষ্যমণ্ডলী হৃৎ-বিষাদে অতিবাহিত কবিতোছেন । তিন মাস পবিয়া পুঙ্কদেবেব কঠিন পীড়া —কণ্ঠদেশে Cancer । সবকাব উত্তাদি ডাক্তাব উদ্ভিত কবিতোছেন, পীড়া চিকিৎসাব অসাধ্য । হতভাগা শিষ্যোবা এ কথা শুনিয়া একান্তে নীবেবে অশ্রু বিসর্জন কবেন । এক্ষণে এই শ্রামপুকুবেব বাটীতে আছেন । শিষ্যোবা প্রাণপণে শ্রীরামকৃষ্ণেব সেবা কবিতোছেন । নবেল্লাদি কৌমাববৈবগাযুক্ত শিষ্যগণ এই মহতী সেবা উপলক্ষে কামিনী-কাঞ্চন-ভাগ-প্রদর্শী সোপান আবোহণ কবিতে সবে শিখিতোছেন ।

এত পীড়া, কিন্তু দলে দলে লোক দর্শন করিতে আসিতোছেন,— শ্রীরামকৃষ্ণেব কাছে আসিলেই শান্তি ও আনন্দ হয় । অহেতুক কৃপাসিদ্ধ । দযাব ইযে নাট—সকলেব সঙ্গেই কথা কহিতোছেন, কিসে তাহাদেব মঙ্গল হয় । শেষে ডাক্তাবেবা, বিশেষতঃ ডাক্তাব সবকাব, কথা কহিতে একেবাবে নিষেধ কবিলেন । কিন্তু ডাক্তাব নিজে ৬ঘণ্টা ৭ঘণ্টা কবিয়া থাকেন । তিনি বলেন, 'আব কাহারো সহিত কথা কহা হবে না, কেবল আমাব সঙ্গে কথা কহিবে ।'

শ্রীরামকৃষ্ণের কথামৃত পান করিয়া ডাক্তার একবারে মুগ্ধ হইয়াছেন । তাই এতক্ষণ করিয়া বসিয়া থাকেন ।

বেলা দশটার সময় ডাক্তারকে সংবাদ দিবার জন্য মাষ্টার যাই-বেন, তাই ঠাকুর শ্রীরামকৃষ্ণের সহিত কথাবার্তা হইতেছে ।

শ্রীরামকৃষ্ণ (মাষ্টারের প্রতি) । অসুখটা খুব হালকা হ'য়েছে । খুব ভাল আছি । আচ্ছা, তবে ঔষধে কি এরূপ হ'য়েছে ? তা হ'লে ঐ ঔষধটা খাই না কেন ?

মাষ্টার । আমি ডাক্তারের কাছে যাচ্ছি, তাঁকে সব ব'লবো, তিনি যা ভাল হয়, তাই বলবেন ।

শ্রীরামকৃষ্ণ । দেখ, পূর্ণ ছুই তিন দিন আসে নাট, বড মন কেমন ক'চ্ছে । মাষ্টার । কালীবাবু, তুমি যাও না পূর্ণকে ডাক্তারে ।

কালী । এই যাব । [শ্রীযুক্ত পূর্ণচন্দ্রের বয়স ১৪।১৫ ।

শ্রীরামকৃষ্ণ (মাষ্টারের প্রতি) । ডাক্তারের ছেলেটি বেশ । একবার আসতে বোলো ।

— — —

দ্বিতীয় পরিচ্ছেদ ।

মাষ্টার ও ডাক্তার সংবাদ ।

মাষ্টার ডাক্তারের বাড়ী উপস্থিত হইয়া দেখিলেন, ডাক্তার ছুই একজন বন্ধু সঙ্গে বসিয়া আছেন ।

ডাক্তার (মাষ্টারের প্রতি) । এই এক মিনিট হ'লো তোমার কথা ক'চ্ছিলাম । দশটায় আসবে ব'লে, দেড়ঘণ্টা ব'সে । ভাবলুম, কেমন আছেন, কি হ'লো । (বন্ধুকে) ওহে সেই গানটা গাও ত ।

বন্ধু গাইতেছেন,—

গান্য ।—কব তাঁব নাম গান, বত দিন দেহে বহে প্রাণ ।

বীর মহিমা অলস্ত ঘোষিতঃ, জগৎ কবে হে আলো , শ্রোত বহে প্রেমগীত-বাণি, সকল দীবস্বথকাবী হে । করুণা স্ববিগ্নে তন্ত হর পুলকিত, বাক্যে বলিতে কি পারি , বীর প্রসাদে এক মুহূর্তে, সকল শোক অপসাধি হে । উচ্চ, নীচে,

শ্যামপুকুর বাটা । সরকার, গিরীশ প্রভৃতি ভক্ত সঙ্গে । ২৭৭

দেশ দেশান্তে, জনগণে, কি আকাশে, অস্ত কোথায় তাঁর, অস্ত কোথা তাঁর
এই সবে সদা জিজ্ঞাসে হে । চেতন নিকেতন, পরশ রতন, সেই নয়ন অনিমেষ,
নিরঞ্জন সেই, ধীর দরশনে, নাহি রহে ছঃখ লেশ হে ।

ডাক্তার (মাষ্টারকে) । গানটা খুব ভাল নয় ? ঐ খানটা
কেমন । ‘অস্ত কোথা তাঁর, অস্ত কোথা তাঁর, এই সবে জিজ্ঞাসে ।,
মাষ্টার । হাঁ, ওখানটা বড় চমৎকার ; খুব অনস্তের ভাব ।

ডাক্তার (সম্মুখে) । অনেক বেলা হ’য়েচে, তুমি খেয়েছ তো ?
আমার দশটার মধ্যে খাওয়া হ’য়ে যায়, তারপর আমি ডাক্তারি
করতে বেরুই । না খেয়ে বেরুলে অসুখ করে । ওহে, একদিন তোমা-
দের খাওয়ানো মনে ক’রেছি । মাষ্টার । তা বেশ তো, মহাশয় ।

ডাক্তার । আচ্ছা, এখানে না সেখানে ? তোমরা যা বল ।

মাষ্টার । মহাশয়, এইখানেই হ’ক, আর সেইখানেই হ’ক,
সকলে আহ্লাদ ক’রে খাব । [এইবার মা কালীর কথা হইতেছে ।

ডাক্তার । কালী ত একজন সাঁওতালী মাগী । (মাষ্টারের
উচ্চ হাস্য) মাষ্টার । ও কথা কোথায় আছে ?

ডাক্তার । শুনেছি এই রকম । (মাষ্টারের হাস্য) ।

পূর্ব দিন শ্রীযুক্ত বিজয়কৃষ্ণ ও অন্যান্য ভক্তের ভাবসমাধি হইয়া-
ছিল । ডাক্তারও উপস্থিত ছিলেন । সেই কথা হইতেছে ।

ডাক্তার । ভাব ত দেখলুম । বেশী ভাব কি ভাল ?

মাষ্টার । পরমহংসদেব বলেন যে, ঈশ্বরচিন্তা ক’রে যে ভাব
হয়, তা বেশী হ’লে কোন ক্ষতি হয় না । তিনি বলেন যে, মণির
জ্যোতিতে আলো হয়, আর শরীর নিক্ত হয়, কিন্তু গা পুড়ে যায় না ।

ডাক্তার । মণির জ্যোতিঃ, ও যে reflected light ।

মাষ্টার । তিনি আরও বলেন, অমৃতসরোবরে ডুবলে মানুষ মরে
যায় না । ঈশ্বর অমৃতের সরোবর । তাঁতে ডুবলে মানুষের অনিষ্ট
হয় না ; বরং মানুষ অমর হয় । অবশ্য যদি ঈশ্বরে বিশ্বাস থাকে ।

ডাক্তার । হাঁ, তা বটে ।

ডাক্তার গাভীতে উঠিলেন, ছ চারিটি রোগী দেখিয়া পরমহংস-

দেবকে দেখিতে যাইবেন । পথে আবার মাষ্টারের সঙ্গে কথা হইতে লাগিল । চক্রবর্তীর অহঙ্কার, ডাক্তার এই কথা তুলিলেন ।

মাষ্টার । পরমহংসদেবের কাছে তাঁর যাওয়া আসা আছে । অহঙ্কার যদি থাকে, কিছুদিনের মধ্যে আর থাকবে না । তাঁর কাছে বসলে জীবের অহঙ্কার পলায়ন করে, অহঙ্কার চূর্ণ হয় । ওখানে অহঙ্কার নাই কি না, তাই । নিরহঙ্কারের নিকট আসলে অহঙ্কার পালিয়ে যায় । দেখুন, বিজ্ঞাসাগর মহাশয় অত বড় লোক, কত বিনয় আর নম্রতা দেখিয়েছেন । পরমহংসদেব তাঁকে দেখতে গিয়েছিলেন, বাহুড়াবাগানের বাড়ীতে । যখন বিনায় লন, রাত তখন ৯টা । বিজ্ঞাসাগর library ঘর থেকে বরাবর সঙ্গে সঙ্গে, নিজে এক একবার বাতি ধ'রে, এসে গাড়ীতে তুলে দিলেন, আর বিদায়ের সময় হাত জোড় ক'রে রহিলেন ।

ডাক্তার । আচ্ছা, এ'র বিষয় বিদ্যাসাগর মহাশয়ের কি মত ?

মাষ্টার । সে দিন খুব ভক্তি ক'রেছিলেন । তবে কথা ক'য়ে দেখিছি বৈষ্ণবেরা যাকে ভাব টাব বলে, সে বড় ভালবাসেন না । আপনার মতের মত । ডাক্তার । হাত জোড় করা, পায়ে মাথা দেওয়া, আমি ওসব ভালবাসি না । মাথাও যা পাও তা । তবে যার পা অল্প জ্ঞান আছে, সে করুক ।

মাষ্টার । আপনি ভাব টাব ভালবাসেন না । পরমহংসদেব আপনাকে 'গম্ভীরাঙ্গা' মাঝে মাঝে বলেন, বোধ হয় মনে আছে । তিনি কাল আপনাকে ব'ল'ছিলেন যে, ডোবাতে হাতী নাম্লে জল তোলপাড় হয়, কিন্তু সায়ের দিঘী বড়, তাতে হাতী নাম্লে জল নড়েও না । গম্ভীরাঙ্গার ভিতর ভাবহস্তী নাম্লে তার কিছু ক'রতে পারে না । তিনি বলেন, আপনি 'গম্ভীরাঙ্গা' ।

ডাক্তার । I don't deserve the compliment ভাব আর কি ? feeling ;—ভক্তি, আরও অন্যান্য feelings ;—বেনী হ'লে কেউ চাপ্তে পারে, কেউ পারে না ।

মাষ্টার । Explanation কেউ দিতে পারে এক রকম ক'রে—কেউ পারে না ; কিন্তু মহাশয়, ভাব ভক্তি জিনিসটা অপূর্ব সামগ্রী ।

শ্রামপুত্র বাটী । সরকার' গিরীশ প্রভৃতি ভক্ত সঙ্গে । ১৭২

Stehbing on Darwinism আপনার libraryতে দেখ্লাম ।

Stehbing বলেন Humanmind যার দ্বারাই হউক—evolution দ্বারাই হোক বা ঈশ্বর আলাদা ব'সে সৃষ্টিই করুন—equally wonderful. তিনি একটা বেশ উপমা দিয়াছেন—theory of light Whether you know the undulatory theory of light or not, light in either case is equally wonderful'

ডাক্তার । হাঁ , আর দেখেছো,Stehbing Darwinism মানে, আবার God মানে ! [আবার পরমহংসদেবের কথা পড়িল ।

ডাক্তার । ইনি (পরমহংসদেব) দেখ্ছি কালীর উপাসক ।

মাষ্টার । তাঁর 'কালী' মানে আলাদা । বেদ যাকে পরমব্রহ্ম বলে, তিনি তাঁকেই কালী বলেন । মুসলমান যাকে আল্লা বলে, খৃষ্টান যাকে God বলে, তিনি তাঁকেই কালী বলেন । তিনি অনেক ঈশ্বর দেখেন না, এক দেখেন । পুরাতন ব্রহ্মজ্ঞানীরা যাকে ব্রহ্ম বলে গেছেন, যোগীরা যাকে আত্মা বলেন, ভক্তেরা যাকে ভগবান্ বলেন, পরমহংসদেব তাঁকেই কালী বলেন ।

“তাঁর কাছে শুনেছি, একজনের একটা গামলা ছিল , তাতে রং ছিল । কারো কাপড় ছোপাবার দরকার হ'লে তার কাছে যেতো । সে জিজ্ঞাসা ক'রতো, 'তুমি কি রঙে ছোপাতে চাও ?' লোকটা যদি ব'লতো সবুজ রং,তা হ'লে কাপড়খানি গামলার রঙে ডুবিয়ে ফিরিয়ে দিত , ও ব'লতো 'এই লও তোমার সবুজ রঙে ছোপান কাপড় ।' যদি কেহ ব'লতো লাল রং, সেই গামলার কাপড়খানি ছুপিয়ে সে ব'লতো 'এই লও তোমার লালে ছোপান কাপড় ।' এই এক গামলার রঙে সবুজ, নীল, হল্‌দে, সব রঙের কাপড় ছোপান হোতো । এই অদ্ভুত ব্যাপার দেখে একজন লোক ব'লে 'বাবু আমি কি রং চাই ব'লবো ? তুমি নিজে যে রঙে ছুপেছ আমার সেই রং দাও ।' সেইরূপ পরমহংসদেবের ভিতরেসবভার আছে,—সব ধর্মের, সব সম্প্রদায়ের লোক তাঁর কাছে শান্তি পায় ও আনন্দ পায় । তাঁর যে কি ভাব কি গভীর অবস্থা, তা কে বুঝ্বে ?

ডাক্তার । All things to all men ! তাও ভাল নয়, although St Paul says it

মাষ্টার । পরমহংসদেবের অবস্থা কে বুঝবে ? তাঁর মুখে শুনেছি, নৃত্যের ব্যবসা না করলে ৪০ নং সূতা আর ৪১ নং সূতার প্রভেদ বুঝা যায় না । Painter না হলে Painter এর art বুঝা যায় না । মহাপুরুষের গভীর ভাব । Christ এর জ্ঞান না হলে Christ এর সব ভাব বুঝা যায় না । পরমহংসদেবের এই গভীর ভাব হয়তো Christ যা বলেছিলেন তাই,—“Be perfect as your Father in Heaven is perfect ’

ডাক্তার । আচ্ছা, তাঁর অসুখের তদারক তোমরা কিরূপ কর ?

মাষ্টার । আপাততঃ প্রত্যহ একজন superintend করেন, ষাঁহাদের বয়স বেশী । কোন দিন গিরীশ বাবু, কোন দিন রাম বাবু, কোন দিন বলরাম, কোন দিন সুরেশ বাবু, কোন দিন নবগোপাল কোন দিন কালী বাবু , এই রকম ।

তৃতীয় পরিচ্ছেদ ।

ভক্তসঙ্গে । শুধু পাণ্ডিত্যে কি আছে ।

এই সকল কথা হইতে হইতে শ্রীশ্রীঠাকুর পরমহংসদেব শ্যাম পুকুরে যে বাড়ীতে চিকিৎসার্থ অবস্থান করিতেছেন, সেই বাড়ীর সম্মুখে ডাক্তারের গাড়ী আসিয়া লাগিল ! তখন বেলা ১টা । ঠাকুর দোতলার ঘরে বসিয়া আছেন । অনেকগুলি ভক্ত সম্মুখে উপবিষ্ট ; তন্মধ্যে শ্রীযুক্ত গিরীশ ঘোষ, ছোট নরেন্দ্র, শরৎ ইত্যাদি । সকলের দৃষ্টি সেই মহাযোগী সদানন্দ মহাপুরুষের দিকে । সকলে যেন মন্ত্রমুগ্ধ সর্পের জ্ঞান রোজার সম্মুখে বসিয়া আছেন । অথবা বরকে লইয়া বরষাত্রীরা যেন আনন্দ করিতেছেন । ডাক্তার ও মাষ্টার আসিয়া প্রণাম করিয়া আসন গ্রহণ করিলেন । ডাক্তারকে দেখিয়া হাসিতে হাসিতে শ্রীরামকৃষ্ণ বলিতেছেন, ‘আজ বেশ ভাল আছি ।’

শ্রামপুকুর বাটী। সরকার, গিরীশ প্রভৃতি ভক্ত সঙ্গে। ২৮১
ক্রমে ভক্তসঙ্গে ঈশ্বর সখ্যকীয় অনেক কথাবার্তা চলিতে লাগিল।

[পূর্বকথা—বামনারায়ণ ডাক্তার। বন্ধিম সংবাদ।]

শ্রীরামকৃষ্ণ। শুধু পণ্ডিত কি হবে, যদি বিবেক বৈরাগ্য না থাকে। ঈশ্বরের পাদপদ্ম চিন্তা করলে আমার একটা অবস্থা হয়। পরণের কাপড় প'ড়ে যায়, শিড্ শিড্ করে পা থেকে মাথা পর্যন্ত কি একটা উঠে। তখন সকলকে ভূণজ্ঞান হয়। পণ্ডিতের যদি দেখি, বিবেক নাই, ঈশ্বরে ভালবাসা নাই, খড় কুটো মনে হয়।

“রামনারায়ণ ডাক্তার আমার সঙ্গে তর্ক করছিল, হঠাৎ সেই অবস্থাটা হ'লো। তারপর তাকে বল্লুম, 'তুমি কি ব'লছো? তাঁকে তর্ক ক'রে কি বুঝবে। তাঁর সৃষ্টিই বা কি বুঝবে! তোমার তো ভারি তেঁতে বুদ্ধি।' আমার অবস্থা দেখে সে কাঁদতে লাগল— আর আমার পা টিপতে লাগলো। ডাক্তার। রামনারায়ণ ডাক্তার হিন্দু কি না। আবার ফুল চন্দন লয়! সত্য হিন্দু কি না!

মাষ্টার (স্বগতঃ)। ডাক্তার বলেছিলেন, আমি শাক ঘর্টায় নাই।

শ্রীরামকৃষ্ণ। বন্ধিম তোমাদের একজন পণ্ডিত। বন্ধিমের * সঙ্গে দেখা হ'য়েছিল—আমি জিজ্ঞাসা করলুম, মানুষের কর্তব্য কি? তা বলে, 'আত্মার নিজা আর মৈথুন'। এই সকল কথাবার্তা শুনে আমার ঘৃণা হ'লো। বল্লুম যে, 'তোমার এ কি রকম কথা। তুমি তো বড় ছ'্যাছ'ডা! যা সব রাত দিন চিন্তা ক'রছো, কাজে করছো, তাই আবার মুখ দিয়ে বেরুচ্ছে! মূলো খেলেই মূলোর ঢেকুর উঠে।' তার পর অনেক ঈশ্বরীয় কথা হ'লো! ঘরে সঙ্কীর্ণন হ'লো। আমি আবার নাচলুম। তখন বলে, মহাশয়। আমাদের ওখানে একবার যাবেন। আমি বল্লুম, সে ঈশ্বরের ইচ্ছা। তখন বলে, আমাদের সেখানেও ভক্ত আছে, দেখবেন। আমি হাসতে হাসতে ব'ল্লুম, কি রকম ভক্ত আছে, গো? 'গোপাল।' 'গোপাল!' যারা

* কলিকাতা বেনেটোলা নিবাসী ডেপুটি ম্যাজিষ্ট্রেট পরম ভক্ত শ্রীঅধরলাল সেনের বাটীতে শ্রীযুক্ত বন্ধিমচন্দ্র চাট্টোয়ের সহিত শ্রীশ্রীপরমহংসদেবের দেখা হইয়াছিল। বন্ধিমবাবু তাঁহাকে এই একবার মাত্র দর্শন করিয়াছিলেন।

বলেছিল, সেই রকম ভক্ত না কি ? ডাক্তার । ‘গোপাল । গোপাল ।’ সে ব্যাপারটা কি ?

শ্রীরামকৃষ্ণ (সহাস্ত্রে) । একটা স্মাকরার দোকান ছিল । বড় ভক্ত । পরম বৈষ্ণব । গলায় মালা, কপালে তিলক, হস্তে হরিনামের মালা । সকলে বিশ্বাস করে ঐ দোকানেই আসে, ভাবে এরা পরম ভক্ত, কখনও ঠকাতে যাবে না । এক দল খদ্দের এলে দেখতো, কোনও কারিগর বলছে, ‘কেশব !’ ‘কেশব !’ আর একজন কারিগর খানিক পরে নাম করছে, ‘গোপাল !’ ‘গোপাল !’ আবার খানিকক্ষণ পরে একজন কারিগর বলছে, ‘হরি’, ‘হরি’, ‘হরি’ । তার পর কেউ বলছে ‘হর’, ‘হর’ । কাজে কাজেই এত ভগবানের নাম দেখে খরিদারেরা সহজেই মনে করতো, এ স্মাকরা অতি উত্তম লোক । কিন্তু ব্যাপারটা কি জান ? যে বলে, ‘কেশব !’ ‘কেশব !’ তার মনের ভাব, ‘এ সব (খদ্দের) কে ?’ যে বলে ‘গোপাল !’ ‘গোপাল !’ তার অর্থ এই যে আমি এদের বেয়ে চেয়ে দেখলুম, এরা গরুর পাল (হাস্ত) । যে বলে ‘হরি’ ‘হরি’—তার অর্থ এই যে ‘যদি গরুর পাল হয়, তবে হরি অর্থাৎ হরণ করি’ (হাস্ত) । যে বলে, ‘হর’ । ‘হর’,—তার মানে এই—তবে হরণ কর, হরণ কর, এরা তো গরুর পাল ! (হাস্ত) ।

“সেজো বাবুর সঙ্গে আর এক জায়গায় গিয়েছিলুম ; অনেক পণ্ডিত আমার সঙ্গে বিচার করতে এসেছিল । আমি তো মুখ্য (সকলের হাস্ত) । তারা আমার সেই অবস্থা দেখলে, আর আমার সঙ্গে কথাবার্তা হ’লে বলে, ‘মহাশয় । আগে যা পড়েছি, তোমার সঙ্গে কথা কয়ে সে সব পড়া, বিছা, সব খু হয়ে গেল । এখন বুঝেছি, তাঁর কৃপা হলে জ্ঞানের অভাব থাকে না, মূর্খ বিদ্বান হয়, বোবার কথা ফুটে !’ তাই বলছি, বই পড়লেই পণ্ডিত হয় না ।

[পূর্ব কথা—প্রথম সমাধি । আবির্ভাব ও মূর্খের কণ্ঠে সন্ন্যস্তী ।]

শ্রীরামকৃষ্ণ । হাঁ, তাঁর কৃপা হলে জ্ঞানের কি আর অভাব থাকে ? দেখ না, আমি ত মুখ্য, কিছুই জানি না, তবে এ সব কথা বলে কে ? আবার এ জ্ঞানের ভাণ্ডার অক্ষয় । ও দেশে ধান মাপে, ‘বামে রাম,

শ্রামপুকুর বাটী । সরকার, গিরীশ প্রভৃতি ভক্ত সঙ্গে । ২৮০
 নামে নাম বলতে বলতে । একজন মাপে, আর যাই কুরিয়ে আসে,
 আর একজন রাস ঠেলে দেয় । তার কর্মই ঐ, ফুরালেই রাস
 ঠালালে । আমিও যা কথা ক'য়ে যাই কুরিয়ে আসে আসে হয়, মা
 আমার অমনি তাঁর অক্ষয় জ্ঞান ভাণ্ডারের রাস ঠেলে দেন ।

“ছেলে বেলাস তাঁর আবির্ভাব হ'য়েছিল । এগারো
 বছরের সময় মাঠের উপর কি দেখলুম ! সবাই বলে, বেছ'স হ'য়ে
 গিছলুম, কোন সাড্ ছিল না । সেই দিন থেকে আর এক
 রকম হ'সে গেলুম । নিজের তিতর আর একজনকে দেখতে
 লাগলুম । যখন ঠাকুর পূজা করতে যেতুম, হাতটা অনেক সময়ে
 ঠাকুরের দিকে না গিয়ে নিজের মাথার উপর আসতো, আর ফুল
 মাথায় দিতুম ! যে ছোকরা আমার কাছে থাকতো, সে আমার
 কাছে আসতো না , বলতো,তোমার মুখে কি এক জ্যোতিঃ দেখছি,
 তোমার বেশী কাছে যেতে ভয় হয় ।

চতুর্থ পরিচ্ছেদ ।

Free will or God's Will ' স্বপ্রাণতানি আসন্নানি ' ।

শ্রীরামকৃষ্ণ । আমি তো মুখা, আমি কিছু জানি না, তবে এ
 সব বলে কে ? আমি বলি, মা. আমি যন্ত্র, তুমি যন্ত্রী , আমি ঘর
 তুমি ঘরনী , আমি রথ তুমি রথী , যেমন করাও তেমনি করি,
 যেমন বলাও তেমনি বলি, যেমন চালাও তেমনি চলি , নাহং নাহং,
 তুঁছ, তুঁছ । তাঁরই জয়, আমি তো কেবল যন্ত্র মাত্র ! শ্রীমতী যখন
 সহস্র ধারা কলসী লয়ে যাচ্ছিলেন, জল একটুও পড়ে নাই, সকলে
 তাঁর প্রশংসা করতে লাগল , বলে এমন সতী হবে না । তখন
 শ্রীমতী ব'ল্লেন, 'তোমরা আমার জয় কেন দাও , বল কৃষ্ণের জয়,
 কৃষ্ণের জয় । আমি তাঁর দাসী মাত্র' । ঐ অবস্থায় ভাবে বিজয়ের
 বৃকে পা দিলুম , এদিকে তো বিজয়কে এত ভক্তি করি, সেই
 বিজয়ের গায়ে পা দিলুম, তার কি বল দেখি !

ডাক্তার । তারপর সাবধান হওয়া উচিত ।

শ্রীরামকৃষ্ণ (হাত জোড় করে) : আমি কি ক'রবো ? সেই অবস্থাটা এলে বেহ'স হ'য়ে যাই ! কি করি. কিছুই জানতে পারিনা ।

ডাক্তার । সাবধান হওয়া উচিত, হাত জোড় ক'রলে কি হবে ?

শ্রীরামকৃষ্ণ । তখন কি আমি কিছু করতে পারি ?—তবে তুমি আমার অবস্থা কি মনে কর ? যদি ঢং মনে কর তা হ'লে তোমার Science মায়েন্স সব ছাই পড়েছ !

ডাক্তার । মহাশয় ! যদি ঢং মনে করি, তা হ'লে কি এত আসি ? এই দেখ, সব কাজ ফেলে এখানে আসি, কত রোগীর বাড়ী যেতে পারি না, এখানে এসে ছয় সাত ঘণ্টা ধ'রে থাকি ।

['ন যোংস্ত্রে' -ভগবঙ্গীতা । ঈশ্বট কৰ্ত্তা, অৰ্জুন যন্ত্র ।]

শ্রীরামকৃষ্ণ । সেজো বাবুকে বলেছিলাম, তুমি মনে কোরো না তুমি একটা বড় মানুষ, আমায় মান'ছো বলে আমি কৃতার্থ হ'য়ে গেলুম ? তা তুমি মানো আর নাই মানো । তবে একটা কথা আছে—মানুষ কি ক'রবে, তিনিই মানাবেন । ঈশ্বরীয় শক্তির কাছে মানুষ খড় কুটো ।

ডাক্তার । তুমি কি মনে করেছ অমুক মাড় তোমায় মেনেছে বলে আমি তোমায় মানবো ? * * তবে তোমায় সন্মান করি বটে, তোমায় regard করি, মানুষকে যেমন regard করে—

শ্রীরামকৃষ্ণ । আমি কি মানতে বলছি গা !

গিরীশ ঘোষ । উনি কি আপনাকে মানতে বলছেন ?

ডাক্তার (শ্রীরামকৃষ্ণের প্রতি) । তুমি কি বলছো ? ঈশ্বরের ইচ্ছা ?

শ্রীরামকৃষ্ণ । তবে আর কি বলছি ! ঈশ্বরীয় শক্তির কাছে মানুষ কি করবে ? অর্জুন কুরুক্ষেত্র যুদ্ধে বল্লেন, আমি যুদ্ধ করতে পারবো না, জ্ঞাতি বধ করা আমার কৰ্ম নয় । শ্রীকৃষ্ণ বল্লেন,—অর্জুন ! তোমায় যুদ্ধ করতেই হবে, তোমার স্বভাবে করাবে ! শ্রীকৃষ্ণ সব দেখিয়ে দিলেন, এই এই সব লোক মরে রয়েছে ! * শিখরা ঠাকুর বাড়ীতে এসেছিল ; তাদের মতে অশ্বখগাছে যে পাতা নড়ছে, সেও ঈশ্বরের ইচ্ছায়—তার ইচ্ছা বই একটা পাতাও নড়'বার যো নাই !

* ময়েবৈতে নিষ্ঠতা: পূর্কেমেব—নিমিত্তমাজম্ ভব সব্যসাক্চিন্ ।

শ্রামপুকুর বাটী। সরকার, গিরীশ প্রভৃতি ভক্ত সঙ্গে। ২৮৫
(Liberty or Necessity , Influence of Motives.)

ডাক্তার। যদি ঈশ্বরের ইচ্ছা, তবে তুমি বকো কেন ? লোক-
দের জ্ঞান দেবার জন্ত অত কথা কও কেন ?

শ্রীরামকৃষ্ণ। বলাচ্ছেন, তাই বলি। 'আমি যন্ত্র—তুমি যন্ত্রী।'

ডাক্তার। যন্ত্র তো বলছো, হয় তাই বল, নয় চুপ করে থাকো,
সবই ঈশ্বর। গিরীশ। মশাই, যা মনে করুন। কিন্তু তিনি
করান্ তাই করি a single step against the Almighty Will
(তাঁর ইচ্ছার প্রতিকূলে এক পা) কেউ যেতে পারে ?

ডাক্তার। Free Will তিনি দিয়েছেন তো। আমি মনে করলে
ঈশ্বর চিন্তা ক'ব্তে পাবি, আবার না করলে না করতে পারি।

গিরীশ। আপনার ঈশ্বর চিন্তা বা অস্ত্র কোন সংকাজ ভাল
লাগে ব'লে করেন। আপনি করেন না, সেই ভাল লাগাটা করায়।

ডাক্তার। কেন, আমি কর্তব্য কর্ম বলে করি—

গিরীশ। সেও কর্তব্য কর্ম কব্তে ভাল লাগে ব'লে।

ডাক্তার। মনে কর, একটা ছেলে পুড়ে যাচ্ছে ; তাকে বাঁচাতে
যাওয়া কর্তব্য বোধে— গিরীশ। ছেলেটিকে বাঁচাতে আনন্দ
হয়, তাই আগুনের ভিতর যান, আনন্দ আপনাকে নিয়ে যায়।
চাটের লোভে গুলি খাওয়া। (সকলের হস্ত)।

['জ্ঞানং জ্ঞেয়ঃ পরিজ্ঞাতা ত্রিবিধা কর্মচোদনা।']

শ্রীরামকৃষ্ণ। কর্ম কর্তে গেলে আগে একটি বিশ্বাস চাই, সেই
সঙ্গে জিনিসটি মনে ক'রে আনন্দ হয়, তবে সে ব্যক্তি কাজে প্রবৃত্ত
হয়। মাটির নীচে এক ঘড়া মোহর আছে—এই জ্ঞান, এই বিশ্বাস,
প্রথমে চাই ! ঘড়া মনে ক'রে সেই সঙ্গে আনন্দ হয়—তারপর
ধৌড়ে। খুঁড়তে খুঁড়তে ঠং শব্দ হ'লে আনন্দ বাড়ে। তারপর
ঘড়ার কানা দেখা যায়, তখন আনন্দ আরও বাড়ে। এই রকম
ক্রমে ক্রমে আনন্দ বাড়তে থাকে। আমি নিজে ঠাকুর বাড়ীর
বারাণ্ডায় দাঁড়িয়ে দেখেছি,—সাধু গাঁজা তয়ের করছে, আর সাজতে
সাজতে আনন্দ।

ডাক্তার। কিন্তু আগুন 'heat' ও দেয়, আর lightও দেয়। আলোতে দেখা যায়, বটে, কিন্তু উত্তাপে গা পুড়ে যায়। Duty (কর্তব্য কর্ম) ক'রতে গেলে কেবল আনন্দ হয় তা নয়; কষ্টও আছে। মাষ্টার (গিরীশের প্রতি)। পেটে খেলে পিঠে সয়। কষ্টেও আনন্দ। গিরীশ (ডাক্তারের প্রতি)। Duty শুক।

ডাক্তার। কেন? গিরীশ। তবে সরস। (সকলের হাস্ত)।

মাষ্টার। বেশ এইবার লোভে গুলি খাওয়া এসে পড়লো।

গিরীশ (ডাক্তারের প্রতি)। সরস, নচেৎ duty কেন করেন?

ডাক্তার। এইরূপ মনের inclination (মনের ঐ দিকে গতি)।

মাষ্টার (গিরীশের প্রতি)। 'পোড়া স্বভাবে টানে।' (হাস্ত)। যদি এক দিকে ঝোঁক (inclination)ই হ'লো, তবে free will কোথায়?

ডাক্তার। আমি free (স্বাধীন) একেবারে বলছি না। গরু খুঁটিতে বাঁধা আছে দড়ি যতদূর যায়, তার ভিতর free। দড়ি টান পড়লে আবার—

[শ্রীরামকৃষ্ণ ও Free Will]

শ্রীরামকৃষ্ণ। এই উপমা যত মল্লিকও ব'লেছিল। (ছোট নরেন্দ্রের প্রতি) একি ইংরাজীতে আছে?

(ডাক্তার প্রতি)। দেখ, ঈশ্বর সব করছেন, তিনি যত্নী আমি যত্ন। এ বিধাস যদি কারো হয়, সে তো জীবমুক্ত—'তোমার কর্ম তুমি কব, লোকে বলে করি আমি।' কি রকম জানো? বেদান্তের একটা উপমা আছে।—একটা হাঁড়ীতে ভাত চড়িয়েচো; আলু, বেগুন সব ভাতে দিয়েছ, খানিক পরে আলু, বেগুন, চাল লাফাতে থাকে, যেন অভিমান করছে, 'আমি ন'ড়ছি,' 'আমি লাফাচ্ছি'। ছোট কেলেরা দেখলে ভাবে, আলু, পটল, বেগুন ওরা বুঝি জীবন্ত, তাই লাফাচ্ছে! যাদের জ্ঞান হ'য়েছে, তারা কিন্তু বুঝিয়ে দেয় যে, এই সব আলু, বেগুন, পটোল এরা জীবন্ত নয়, নিজে লাফাচ্ছে না হাঁড়ীর নীচে আগুন জ্বলছে, তাই ওরা লাফাচ্ছে। যদি কাঠ টেনে-লওয়া যায়, তা হলে আর নড়ে না। জীবের 'আমি কর্তা' এই অভিমান অজ্ঞান থেকে হয়। ঈশ্বরের শক্তিতে সব শক্তিমান,

শ্রামপুকুর বাটা। সরকার, গিরীশ প্রভৃতি ভক্ত সঙ্গে। ২৮৭
জলস্ত কাঠ টেনে নিলে সব চূপ।—পুতুলনাচের পুতুল বাজীকরের
হাতে বেশ নাচে, হাত থেকে প'ড়ে গেলে আর নড়ে না চড়ে না!

“যতক্ষণ না ঈশ্বর দর্শন হয়, যতক্ষণ সেই পরশমাণি ছোঁয়া না
হয়, ততক্ষণ আমি কর্তা এই ভুল থাকবে, আমি সং কাজ করেছি,
অসং কাজ করেছি, এই সব ভেদ বোধ থাকবেই থাকবে। এ ভেদ
বোধ তাঁরই মায়া—তাঁর মায়ার সংসার চালাবার ক্ষমতা বন্দোবস্ত;
বিছামায়া আশ্রয় করলে, সংপথ ধরলে তাঁকে লাভ করা যায়। যে
লাভ করে, যে ঈশ্বরকে দর্শন করে, সেই এই মায়া পার হয়ে যেতে
পারে। তিনিই একমাত্র কর্তা—আমিই অকর্তা, এ
বিশ্বাস যার,সেই জীবন্তমুক্ত। একথা কেশব সেনকে বলেছিলাম।

গিরীশ। Free Will কেমন করে আপনি জানলেন?

ডাক্তার। Reason (বিচার) এর দ্বারা নয়—I feel it!

গিরীশ। Then I and others feel it to be the reverse.

সকলে ঠিক উশ্টো বোধ করি, যে আমরা পরতন্ত্র। (সকলের হাস্য)

ডাক্তার। Dutyর ভিতর চুটো element—১। Duty বলে
কর্তব্য কর্তব্য করতে বাই, ২। পরে আনন্দ হয়। কিন্তু initial
stageএ (গোডাতে) আনন্দ হবে বলে বাই না। ছেলেবেলা দেখ-
তুম্ পুরুত সন্দেহে পিপ্‌ড়ে হলে বড় ভাবিত হ'তো। পুরুতের
প্রথমেই সন্দেহ চিন্তা করে আনন্দ হয় না (হাস্য)। প্রথমে বড়
ভাবনা।

মাষ্টার (স্বগতঃ)। পরে আনন্দ, কি সঙ্গে সঙ্গে মনে আনন্দ হয়,
বলা কঠিন। আনন্দের জোরে কার্য্য হলে free will কোথায়?

পঞ্চম পরিচ্ছেদ ।

অহৈতুকী ভক্তি। পূর্বকথা—শ্রীরামকৃষ্ণের দাস ভাব।

শ্রীরামকৃষ্ণ। ইনি (ডাক্তার) যা বলেছেন, তার নাম অহৈতুকী
ভক্তি। মহেন্দ্র সরকারের কাছে আমি কিছু চাই না—কোন প্রয়ো-
জন নাই,মহেন্দ্র সরকারকে দেখতে ভাল লাগে,এরই নাম অহৈতুকী
ভক্তি। একটু আনন্দ হয় তা কি ক'রবো?

“অহল্যা বলেছিল, হে রাম! যদি শূকরঘোনিতে জন্ম হয় তাতেও আমার আপত্তি নাই, কিন্তু যেন তোমার পাদপদ্মে শুদ্ধা ভক্তি থাকে—আমি আর কিছু চাই না ।

“রাবণ বধের কথা শ্রবণ করাবার জন্ত নারদ অযোধ্যায় রাম-চন্দ্রের সঙ্গে দেখা করতে গিয়েছিলেন । তিনি সীতারাম দর্শন করে স্তব করতে লাগলেন । রামচন্দ্র স্তবে সন্তুষ্ট হয়ে বলেন, ‘নারদ । আমি তোমার স্তবে সন্তুষ্ট হয়েছি, তুমি কিছু বর লও’ । নারদ বলেন, ‘রাম! যদি একান্ত আমার বর দেবে, তো এই বর দাও যেন তোমার পাদপদ্মে আমার শুদ্ধা ভক্তি থাকে, আর এই কোরো যেন তোমার ভুবনমোহিনী মায়ায় মুগ্ধ না হই ।’ রাম বলেন, ‘আরও কিছু বর লও ।’ নারদ বলেন, ‘আর কিছুই আমি চাই না, কেবল চাই তোমার পাদপদ্মে শুদ্ধাভক্তি ।’

“এঁর তাই । যেমন ঈশ্বরকে শুধু দেখতে চায়, আর কিছু—ধন মান, দেহসুখ—কিছুই চায় না । এরই নাম ‘শুদ্ধাভক্তি ।’

“আনন্দ একটু হয় বটে, কিন্তু বিষয়ের আনন্দ নয় । ভক্তির, প্রেমের, আনন্দ । শঙ্কু (মল্লিক) বলেছিল—যখন আমি তার বাড়ীতে প্রায় বেহুম—“তুমি এখানে এস ; অবশ্য আমার সঙ্গে আলাপ করে আনন্দ পাও তাই এস”,—ঐ টুকু আনন্দ আছে ।

“তবে ওর উপর আর একটা অবস্থা আছে ! বালকের মত যাচ্ছে ; কেন,—ঠিক নাই ; হয় তো একটা কড়িও ধরছে !

শ্রীরামকৃষ্ণ (ভক্তদের প্রতি) । এঁর (ডাক্তারের) মনের ভাব কি বুঝেছো ? ঈশ্বরকে প্রার্থনা করা হয়, হে ঈশ্বর, আমায় সং ইচ্ছা দাও, যেন অসং কাজে মতি না হয় ।

“আমারও ঐ অবস্থা ছিল । একে দাস্ত্র বলে । আমি মা মা বলে এমন কাঁদতুম যে, লোক দাঁড়িয়ে যেতো । আমার এই অবস্থার পর আমাকে বীড়বার জন্ত, আর আমার পাগলামি সারাবার জন্ত তারা একজন রাঁড় এনে ঘরে বসিয়ে দিয়ে গেল,—সুন্দর, চোখ ভাল । আমি মা মা বলে ঘর থেকে বেরিয়ে এলুম, আর হলধারীকে ডেকে দিয়ে বল্লুম, দাদা দেখবে এসো ঘরেকে এসেছে ।” হলধারীকে, আর

শ্রামপুত্র বাটি। সরকার, নরেন্দ্র, গিরীশ প্রভৃতি ভক্ত সঙ্গে। ২৮৯
সব লোককে, ব'লে দিলুম। এই অবস্থায় মা মা ব'লে কাঁদতুম,
কেঁদে কেঁদে ব'লতুম, 'মা ! রক্ষা কর ; মা ! আমায় নিখাদ কর, যেন
সৎ থেকে অসতে মন না যায়। তোমার এ ভাব তো বেশ—ঠিক
ভক্তিভাব, দাসভাব।

[জগতের উপকার ও সামান্ত জীব। নিকামকর্ম ও শুদ্ধসত্ত্ব।]

শ্রীরামকৃষ্ণ। যদি কারো শুদ্ধসত্ত্ব (গুণ) আসে, সে কেবল
ঈশ্বর চিন্তা করে, তার আর কিছুই ভাল লাগে না। কেউ কেউ
প্রারব্দের গুণে জন্ম থেকে শুদ্ধ সত্ত্ব গুণ পায়। কামনাশূণ্য হ'য়ে
কর্ম ক'রতে চেষ্টা ক'রলে, শেষে শুদ্ধসত্ত্ব লাভ হয়। রজোমিশান
সত্ত্ব গুণ থাকলে ক্রমে নানা দিকে মন হয়, তখন জগতের উপকার
ক'র্বো এই সব অভিমান এসে জোটে। জগতের উপকার এই
সামান্ত জীবের পক্ষে করতে যাওয়া বড় কঠিন। তবে যদি কেউ
পরোপকারের জন্তু কামনাশূণ্য হ'য়ে কর্ম করে, তাতে দোষ নাই,-
একে নিজাম কর্ম বলে। এরূপ কর্ম করতে চেষ্টা করা খুব ভাল !
কিন্তু সকলে পারে না। বড় কঠিন। সকলেরই কর্ম ক'রতে
হবে, ছ একটা লোক কর্ম ত্যাগ ক'রতে পারে। ছ একজন
লোকের শুদ্ধসত্ত্ব দেখতে পাওয়া যায়। এই নিজাম কর্ম ক'রতে
ক'রতে রজোমিশান সত্ত্বগুণ ক্রমে শুদ্ধসত্ত্ব হ'য়ে দাঁড়ায়।

“শুদ্ধসত্ত্ব হ'লেই ঈশ্বর লাভ তাঁর কৃপায় হয়।

“সাধারণ লোকে এই শুদ্ধসত্ত্বের অবস্থা বুঝতে পারে না ; হেম
আমায় ব'লেছিল, 'কেমন ভট্টাচার্য্য মহাশয়। জগতে মান লাভ
করা মানুষ জীবনের উদ্দেশ্য, কেমন ?'

প্রথম ভাগ-অষ্টাদশ অঙ্ক।

শ্রীরামকৃষ্ণ, নরেন্দ্র, গিরীশ, সরকার প্রভৃতি ভক্ত সঙ্গে।

প্রথম পরিচ্ছেদ।

ভক্তনানন্দে—সনাথিমন্দিরে।

পরদিন ২৭এ অক্টোবর, ১৮৯৫। মঙ্গলবার বেলা সাড়ে পাঁচটা।
আজ নরেন্দ্র, ডাক্তার সরকার, শ্রাম বসু, গিরীশ, ডাক্তার দোকড়ি,

ছোট নরেন্দ্র, রাখাল, মাষ্টার ইত্যাদি অনেকে উপস্থিত । ডাক্তার আসিয়া হাত দেখিলেন ও ঔষধের ব্যবস্থা করিলেন ।

ডাক্তার পীডাসম্বন্ধীয় কথার পর ও শ্রীরামকৃষ্ণের ঔষধ সেবনেব পর বলিলেন, “তবে শ্রামবাবুর সঙ্গে তুমি কথা কও, আমি আসি ।’ শ্রীরামকৃষ্ণ ‘ও একজন ভক্ত বলিয়া উঠিলেন, ‘গান শুনবেন ?’

ডাক্তার । তুমি যে তিডিং মিডিং করে উঠ । ভাব চেপে রাখতে হবে ।

ডাক্তার আবার বসিলেন । তখন নরেন্দ্র মধুরকণ্ঠে গান করিতেছেন, তৎসঙ্গে তানপুরা ও মৃদঙ্গ ঘন ঘন বাজিতেছে । গাহিতেছেন—

গান । চমৎকার অপাব জগৎ বচনা তোমার, শোভাব আগাব বিশ্ব সংসার । অমৃত তাবকা চমকে বতন-কাঞ্চন-চাব, কত চন্দ্র কত সূর্য্য নাতি অমৃত তাব । শোভে বসন্তদ্বা ধনধাত্তময়, হাষ, পূর্ণ তোমাব জাগাব, হে মহেশ, অগণনলোক গায় দত্ত ধত্ত এই গীতি অনিবার ।

গান । নিবিড় আঁধারে মা তোব চমকে অকপবাশি । তাই যোগী ধান ধাবে হ’রে গিবিগুহাবাসী । অনন্ত আঁধাবকোলে, মহা নিরূপাণতিমোশে, চিবশান্তি-পন্নিমল, অবিবল গান ভাসি । মহাকাল রূপ ধবি, আঁধাব এসন পবি, সমাদি-মন্দিরে (ওমা) কে তুমি গো একা বসি, অভয় পদ কমলে, প্রেমের বিজলী জলে, চিন্ময় মুখমণ্ডলে, শোভে অটু অটু হাসি ।

ডাক্তার মাষ্টারকে বলিলেন, ‘It is dangerous to him ! (এ গান ঠাকুরের পক্ষে ভাল নয়, ভাব হইলে অনর্থ ঘটতে পারে) ।

শ্রীরামকৃষ্ণ মাষ্টারকে জিজ্ঞাসা করিলেন, কি বল্ছে ? তিনি উত্তর করিলেন, ডাক্তার ভয় ক’রুছেন, পাছে আপনার ভাবসমাধি হয় ।

বলিতে বলিতে শ্রীরামকৃষ্ণ একটু ভাবস্থ হইয়াছেন, ডাক্তারের মুখপানে তাকাইয়া করযোড়ে বলিতেছেন, “না, না, কেন ভাব হবে ?” কিন্তু বলিতে বলিতে তিনি গভীর ভাবসমাধিতে মগ্ন হইলেন । শরীর স্পন্দহীন, নয়ন স্থির ! অবাক ! কাষ্ঠপুত্রলিকার শ্রায় উপবিষ্ট ! বাহুশূন্য । মন বুদ্ধি অহঙ্কার চিত্ত সমস্তই অন্তর্মুখ । আর সে মানুষ নয় । নরেন্দ্রের মধুরকণ্ঠে মধুরগান চলিতেছে । তিনি গাহিলেন—

শ্যামপুকুর বাটী । সরকার, নরেন্দ্র, গিরীশ প্রভৃতি ভক্তসঙ্গে । ২১১

গান্ধ । এ কি এ স্বন্দর শোভা, কি মুখ হেরি এ । আজি মোর ঘরে
আইল ছন্দয়নাথ, প্রেম উৎস উখলিল আজি । বল হে প্রেমময় ছন্দয়ের স্বামী, কি
ধন তোমাতে দিব উপহাস ? ছন্দয় প্রাণ লহ লহ তুমি, কি বলিব, বাহা কিছু
আছে মম, সকলি লও হে নাথ ।

গান্ধ । কি সুখ জীবনে মম ওহে নাথ দয়াময় হে, যদি চরণ-সরোজে
পবাণ মধুপ চিরমগন না বয় হে । অগণন ধনবাশি তায় কিবা ফলোদয় হে, যদি
নতিয়ে সে ধনে, পরম রতনে যতন না করয় হে । হুকুমার কুমার মুখ দেখিতে
না চাই হে, যদি সে চাঁদবয়ানে তব প্রেমমুখ দেখিতে না পাই হে । কি ছার
শশাঙ্কছোয়াতি, দেখি আধাবময় হে, যদি সে চাঁদ প্রকাশে তব প্রেম চাঁদ নাচি
তর উদয় হে । সতীত্ব পবিত্র প্রেম তাও মলিনভাময় হে, যদি সে প্রেমকনকে,
তব প্রেমমণি নাচি জর্জরিত বয় হে । তীক্ষ্ণবিনা ব্যালী সম সতত দংশন হে,
যদি মোহ পবমাদে, নাথ তোমাতে ঘটয় সংশয় হে । কি আব বলিব নাথ, বলিব
তোমায়, তুমি আমাব ছন্দয়বতনমণি আনন্দনিলয় হে ।

“সতীত্ব পবিত্র প্রেম” গানের এই অংশ শুনিতে শুনিতে ডাক্তার
অশ্রুপূর্ণলোচনে বলিয়া উঠিলেন, আহা ! আহা ! নরেন্দ্র গাহিলেন—

গান্ধ । কত দিনে হবে সে প্রেম সফল । হয়ে পূর্ণকাম বলবো
হারি নাম, নয়নে বহিবে প্রেম-অর্ণবাব । কবে হবে আমার শুদ্ধ প্রাণমন, কবে
যাব আমি প্রেমের-বুদ্ধাবন, সংসার-বন্ধন হইবে মোচন, জানাজ্ঞানে যাবে লোচন
আধার । কবে পরশমণি কবি পবশন, লৌহময় দেহ হইবে কাঞ্চন, হরিময় বিশ্ব
কবির দর্শন, লুটাইব ভক্তিপথে অনিবার । (হায়) কবে যাবে আমার ধরম করম,
কবে যাবে জাতি কুলের ভবম, কবে যাবে তত্ত্ব ভাবনা পরম, পরিহরি অভিমান
লোকাচার । মাধি সর্ব অঙ্গে ভক্তপদগুলি, কাঁখে লয়ে চিব বৈরাগ্যের কুলি,
পিব প্রেমবারি ডুট হাকে তুলি, অঞ্জলি অঞ্জলি প্রেমময়নার । প্রেমে পাগল হ'য়ে
হাসিব কাঁদিব, সচ্চিদানন্দমাগবে ভাসিব, আপনি মাতীয় সকলে মাতাব,
ভক্তিপদে নিত্য কবির বিহাব ॥

দ্বিতীয় পরিচ্ছেদ ।

জ্ঞান ও বিজ্ঞান বিচারে । ব্রহ্মদর্শন ।

ইতিমধ্যে ঠাকুর শ্রীরামকৃষ্ণ বাহুসংজ্ঞা লাভ করিয়াছেন । গান

সমাপ্ত হইল। তখন পণ্ডিত ও মূর্খের—বালক ও বৃদ্ধের—পুরুষ ও স্ত্রীর—আপামর সাধারণের সেই মনোমুগ্ধকরী কথা হইতে লাগিল। সভাসুদ্ধ লোক নিস্তব্ধ! সকলেই সেই মুখপানে চাহিয়া রহিয়াছে। এখন সেই কঠিন পীড়া কোথায়? মুখ এখনও যেন প্রফুল্ল অরবিন্দ, —যেন ঐশ্বরিক জ্যোতিঃ বহির্গত হইতেছে। তখন তিনি ডাক্তারকে সম্বোধন করিয়া বলিতেছেন, “লজ্জা ত্যাগ কর, ঈশ্বরের নাম ক’রবে, তাতে আমার লজ্জা কি? লজ্জা, হৃণা, ভয়, তিন থাকতে নয়! ‘আমি এত বড় লোক, আমি হরি হরি ব’লে নাচ’ব? বড় বড় লোক এ কথা শুনলে আমায় কি ব’লবে। যদি বলে, ওহে, ডাক্তারটা হরি হরি বলে নেচেছে! লজ্জার কথা।’ এ সব ভাব ত্যাগ কর।

ডাক্তার। আমার ও দিক্ দিয়েই যাওয়া নাই, লোকে কি ব’লবে, আমি তার তোয়াক্কা বাধি না।

শ্রীরামকৃষ্ণ। তোমার উটি খুব আছে! (সকলের হাস্য)।

শ্রীরামকৃষ্ণ। দেখ, জ্ঞান অজ্ঞানের পার হও, তবে তাঁকে জানতে পারা যায়। নানা জ্ঞানের নাম অজ্ঞান। পাণ্ডিত্যের অহঙ্কারও অজ্ঞান। এক ঈশ্বর সর্ববভূতে আছেন, এই নিশ্চয় বুদ্ধির নাম জ্ঞান। তাঁকে বিশেষরূপে জানার নাম বিজ্ঞান। পায়ে কাঁটা বিঁধেছে, সে কাঁটাটা তোলবার জন্ত আর একটা কাঁটার প্রয়োজন। কাঁটাটা তোলার পর ছুটা কাঁটাই ফেলে দেয়। প্রথমে অজ্ঞান কাঁটা দূর করবার জন্ত জ্ঞানকাঁটাটা আনতে হয়। তার পর জ্ঞান অজ্ঞান ছুইটাই ফেলে দিতে হয়। তিনি যে জ্ঞান অজ্ঞানের পার। লক্ষণ ব’লেছিলেন, রাম! একি আশ্চর্য্য। এত বড় জ্ঞানী স্বয়ং বশিষ্ঠদেব পুস্ত্রশোকে অধীর হ’য়ে কেঁদেছিলেন! রাম ব’ল্লেন, ভাই, যার জ্ঞান আছে, তার অজ্ঞানও আছে, যার এক জ্ঞান আছে তার অনেক জ্ঞানও আছে। যার আলো বোধ আছে তার অন্ধকার বোধও আছে। ব্রহ্মা, জ্ঞান অজ্ঞানের পার, পাপ পুণ্যের পার, ধর্মাধর্মের পার, শুচি অশুচির পার।

এই বলিয়া শ্রীরামকৃষ্ণ রামপ্রসাদের গান আবৃত্তি করিয়া বলিতেছেন।

শ্রামপুকুর বাটী । সরকার, নরেন্দ্র, গিরীশ প্রভৃতি ভক্তসঙ্গে । ২১৩
গান ।

আর মন বেড়াতে যাবি ।

কালী করতরুমূলে রে চারি ফল কুড়ারে পাবি ॥

[অবাঙ্‌মনসোগোচরন্‌, ব্রহ্মের স্বরূপ বুঝান যায় না ।]

শ্রামবন্দু । ছুই কাঁটা ফেলে দেওয়ার পর কি থাকবে ?

শ্রীরামকৃষ্ণ । নিত্যশুদ্ধবোধরূপম্‌ । তা তোমায় কেমন
ক'রে বুঝাবো ? যদি কেউ জিজ্ঞাসা করে, ঘী কেমন খেলে । তাকে
এখন কি ক'রে বুঝাবে ? হৃদ বলতে পার, 'কেমন ঘী, না যেমন ঘী।'
একটি মেয়েকে তার একটি সঙ্গী জিজ্ঞাসা করেছিল, তোর স্বামী
এসেছে, আচ্ছা ভাই স্বামী এলে কিরূপ আনন্দ হয় ? মেয়েটি বলে,
ভাই, তোর স্বামী হ'লে তুই জানবি, এখন তোরে কেমন ক'রে
বুঝাব ।' পুরাণে আছে ভগবতী যখন হিমালয়েব ঘরে জন্মালেন
তখন তাঁকে মা নানারূপে দর্শন দিলেন । গিরিরাজ সব রূপ দর্শন
ক'রে শেষে ভগবতীকে বল্লেন, মা বেদে যে ব্রহ্মের কথা আছে,
এইবার আমার যেন ব্রহ্মদর্শন হয় । তখন ভগবতী বল্লেন, বাবা,
ব্রহ্মদর্শন যদি করতে চাও, তবে সাধুসঙ্গ কর । ব্রহ্ম কি জিনিষ
—মুখে বলা যায় না । একজন বলেছিল সব উচ্ছিষ্ট হ'য়েছে,
কেবল ব্রহ্ম উচ্ছিষ্ট হন নাই । এর মানে এই যে, বেদ, পুরাণ, তন্ত্র,
আর সব শাস্ত্র, মুখে উচ্চারণ হওয়াতে উচ্ছিষ্ট হয়েছে বলা যেতে
পারে, কিন্তু ব্রহ্ম কি বস্তু, কেউ এ পর্য্যন্ত মুখে বলতে পারে নাই ।
তাঁই ব্রহ্ম এ পর্য্যন্ত উচ্ছিষ্ট হন নাই । আর সচ্চিদানন্দের সঙ্গে
ক্রীড়া, রমণ—যে কি আনন্দের, তা মুখে বলা যায় না । যার
হ'য়েছে, সে জানে ।

তৃতীয় পরিচ্ছেদ ।

পণ্ডিতের অহঙ্কার । পাপ ও পুণ্য ।

ঠাকুর শ্রীরামকৃষ্ণ আবার ডাক্তারকে সম্বোধন করিয়া বলিলেন,
“দেখ, অহঙ্কার না গেলে জ্ঞান হয় না । ‘মুক্ত হ'ব কবে আমি যাবে
যবে’ । ‘আমি,’ ও ‘আমার’ এই ছুইটি অজ্ঞান । ‘তুমি’ ও ‘তোমার’

এই দুইটা জ্ঞান। যে ঠিক ভক্ত, সে বলে—হে ঈশ্বর ! তুমিই কর্তা, তুমিই সব ক'রছো, আমি কেবল যন্ত্র ; আমাকে যেমন করাও, তেমনি করি। আর এ সব তোমার ধন, তোমার ঐশ্বর্য, তোমার জগৎ। তোমারই গৃহ পবিত্রন, আমার কিছু নয়। আমি দাস। তোমার যেমন হুকুম, সেইরূপ সেবা করবার আমার অধিকার।”

“যারা একটু বৈ টে পড়েছে, অমনি তাদের অহঙ্কার এসে জ্বোটে। ক—ঠাকুরের সঙ্গে ঈশ্বরীয় কথা হয়েছিল। সে বলে, ‘ও সব আমি জানি।’ আমি বল্লুম, যে দিল্লী গিছিলো, সে কি বলে বেডায় আমি দিল্লী গেছি, আব জাঁক কবে ? যে বাবু, সে কি বলে, আমি বাবু।”

শ্রামবস্তু। তিনি (ক-ঠাকুর) আপনাকে খুব মানেন।

শ্রীরামকৃষ্ণ। ওগো বলবো কি ! দক্ষিণেশ্বরে কালীবাড়ীতে একটা মেথরাণীর যে অহঙ্কার ! তার গায়ে ২।১খানা গহনা ছিল। সে যে পথ দিয়ে আসছিল, সেই পথে দু একজন লোক তার পাশ দিয়ে চ'লে যাচ্ছিল। মেথরাণী তাদের ব'লে উঠলো, ‘এই। সবে যা।’ তা অল্প লোকের অহঙ্কারের কথা আর কি বলবো।’

শ্রামবস্তু। মহাশয় ! পাপের শাস্তি আছে অথচ ঈশ্বর সব ক'রছেন, এ কি রকম কথা ?

শ্রীরামকৃষ্ণ। কি তোমার সোণার বেণে বুদ্ধি !

নরেন্দ্র। সোণার বেণে বুদ্ধি, অর্থাৎ Calculating বুদ্ধি !

শ্রীরামকৃষ্ণ। ওরে পোদো, তুই আম খেয়ে নে। বাগানে কত শত গাছ আছে, কত হাজার ডাল আছে, কত কোটা পাতা আছে, এ সব হিসাবে তোর কাজ কি ? তুই আম খেতে এসেছিস, আম খেয়ে যা। (শ্রামবস্তুর প্রতি) তুমি এ সংসারে ঈশ্বর সাধন জন্ত মানবজন্ম পেয়েছ। ঈশ্বরের পাদপদ্মে কিরূপে ভক্তি হয়, তাই চেষ্টা কর। তোমার এত শত কাজ কি ? কিলজফী লয়ে বিচার ক'রে তোমার কি হবে ? দেখ, আধপো মদে তুমি মাতাল হ'তে পার। শুঁড়ির দোকানে কত মণ মদ আছে, এ হিসাবে তোমার কি দরকার ?

ডাক্তার। আব ঈশ্বরের মদ infinite ! সে মদেব শেষ নাই !

শ্যামপুকুর বাটা । সরকার, নরেন্দ্র, গিরীশ প্রভৃতি ভক্তসঙ্গে । ২৯৫

শ্রীরামকৃষ্ণ (শ্যামবসুর প্রতি) । আর ঈশ্বরকে আন্বোক্তারী
দাও না । তাঁর উপর সব ভার দাও । সং লোককে যদি কেউ ভার
দেয়, তিনি কি অগ্রায় করেন ? পাপের শাস্তি দিবেন কি না দিবেন,
সে তিনি বুঝবেন । ডাক্তার । তাঁর মনে কি আছে, তিনি
জানেন । মানুষ হিসাব ক'রে কি ব'লবে ? তিনি হিসাবের পার !

শ্রীরামকৃষ্ণ (শ্যামবসুর প্রতি) । তোমাদের ঐ এক ! কলকাতার
লোকগুলো বলে, 'ঈশ্বরের বৈষম্যদোষ ।' কেন না, তিনি একজনকে
সুখে রেখেছেন, আর একজনকে দুঃখে রেখেছেন । শালাদের
নিজের ভিতরও যেমন, ঈশ্বরের ভিতরও তেমনি দেখে ।

['লোকমাত্ৰ' কি জীবনের উদ্দেশ্য ।]

"হেম দক্ষিণেশ্বর যেত । দেখা হ'লেই আমায় ব'লতো, 'কেমন
ভট্টাচার্য্য মশাই । জগতে এক বস্তু আছে :—মানুষ ?' ঈশ্বরলাভ যে
মানুষজীবনের উদ্দেশ্য, তা কম লোকেই বলে ।

চতুর্থ পরিচ্ছেদ ।

স্থূল, সূক্ষ্ম, কারণ ও মহাকারণ ।

শ্যামবসু । সূক্ষ্মশরীর কেউ কি দেখিয়ে দিতে পারে ? কেউ
কি দেখাতে পারে, যে, সেই শরীর বাহিরে চলে যায় ?

শ্রীরামকৃষ্ণ । যারা ঠিক ভুক্ত, তাদের দায় প'ড়েছে তোমায়
দেখাতে । কোন্ শালা মান্বে আর না মান্বে, তাদের দায়টা ।
একটা বডলোক হাতে থাক্বে এ সব ইচ্ছা তাদের থাকে না !

শ্যামবসু । আচ্ছা, স্থূলদেহ, সূক্ষ্মদেহ, এ সব প্রভেদ কি ?

শ্রীরামকৃষ্ণ । পঞ্চভূত লয়ে যে দেহ; সেইটী স্থূলদেহ । মন,
বুদ্ধি, অহঙ্কার আন চিত্ত, এই লয়ে সূক্ষ্মশরীর । যে শরীরে ভগবানের
আনন্দলাভ হয়, আর সম্ভোগ হয়, সেইটী কারণ শরীর । তত্ত্বে বলে,
ভাগবতী তত্ত্ব । সকলের অতীত 'মহাকারণ' (তুরীয়) মুখে বলা যায় না ।

[সাধনের প্রয়োজন । ঈশ্বরে একমাত্র ভক্তিই সার ।]

শ্রীরামকৃষ্ণ । কেবল শুনলে কি হবে ? কিছু করো ।

“সিদ্ধি সিদ্ধি মুখে বল্লে কি হবে ? তাতে কি নেশা হয় ।

“সিদ্ধি বেটে গায়ে মাখলেও নেশা হয় না । কিছু খেতে হয় ! কোন্টা একচল্লিশ নম্বরের সূতা, কোন্টা চল্লিশ নম্বরের—সূতার ব্যবসা না করলে এ সব কি বলা যায় । ষাদের সূতার ব্যবসা আছে, তাদের পক্ষে অমুক নম্বরের সূতা বেছে দেওয়া কিছু শক্ত নয় ! তাই বলি, কিছু সাধন কর । তখন স্থূল, সূক্ষ্ম, কারণ, মহাকারণ কাঁকে বলে সব বুঝতে পারবে । যখন ঈশ্বরের কাছে প্রার্থনা করবে, তাঁর পাদপদ্মে একমাত্র ভক্তি প্রার্থনা করবে ।”

“অহল্যার শাপ মোচনের পর শ্রীরামচন্দ্র তাঁকে ব’লেন, তুমি আমার কাছে বর লও । অহল্যা ব’লেন, ‘রাম যদি বর দিবে, তবে এই বর দাও—আমার যদি শূকরবোনিতেও জন্ম হয় তাতেও ক্ষতি নাই ; কিন্তু হে রাম ! যেন তোমার পাদপদ্মে আমার মন থাকে !”

“আমি মার কাছে এক মাত্র ভক্তি চেয়েছিলাম । মার পাদপদ্মে কুল দিয়ে হাত যোড করে ব’লেছিলাম, মা, এই লও তোমার অজ্ঞান, এই লও তোমার জ্ঞান, আমায় শুদ্ধা ভক্তি দাও । এই লও তোমার শুচি, এই লও তোমার অশুচি, আমায় শুদ্ধা ভক্তি দাও । এই লও তোমার পাপ, এই লও তোমার পুণ্য, এই লও তোমার ভাল, এই লও তোমার মন্দ, আমায় শুদ্ধাভক্তি দাও ; এই লও তোমার ধর্ম, এই লও তোমার অধর্ম, আমায় শুদ্ধা ভক্তি দাও ।’

“ধর্ম কি না দানাদি কর্ম । ধর্ম নিলেই অধর্ম ল’তে হবে । পুণ্য নিলেই পাপ ল’তে হবে । জ্ঞান নিলেই অজ্ঞান ল’তে হবে । শুচি নিলেই অশুচি ল’তে হবে । যেমন, যার আলো বোধ আছে, তার অন্ধকারও বোধ আছে । যার এক বোধ আছে, তার অনেক বোধও আছে । যার ভাল বোধ আছে তার মন্দ বোধও আছে ।

“যদি কারও শূকরমাংস খেয়ে ঈশ্বরের পাদপদ্মে ভক্তি থাকে, সে পুরুষ ধনু ; আর হবিষ্য খেয়ে যদি সংসারে আসক্তি থাকে—

ডাক্তার । তবে সে অধম । এখানে একটা কথা বলি ;—বুদ্ধ শূকরমাংস খেয়েছিল । শূকরমাংস খাওয়া আর Colic (পেটে

শ্রামপুস্তক বাটী । সরকার, নরেন্দ্র, গিরীশ প্রভৃতি ভক্তসঙ্গে । ২৯৭
 শূলবেদনা) ও হওয়া ! এ ব্যারামের জন্ত বুদ্ধ opium (আফিও)
 খেতো । নির্বাণ টির্বাণ কি জ্ঞান , আফিং খেয়ে বুদ্ধ হ'য়ে থাকতো,
 বাহুজ্ঞান থাকতো না ;—তাই নির্বাণ !

বুদ্ধদেবের নির্বাণ সম্বন্ধে এই ব্যাখ্যা শুনিয়া সকলে হাসিতে
 লাগিলেন : আবার কথাবার্তা চলিতে লাগিল ।

পঞ্চম পরিচ্ছেদ ।

গৃহস্থ ও নিষ্কাম কৰ্ম্ম । Theosophy

শ্রীশ্রামকৃষ্ণ (শ্রামবন্থের প্রতি) । সংসার ধর্ম্ম , তাতে দোষ নাহ ।
 কিন্তু অধর্ম্মের পাদপদ্যে মন বেখে, কামনাশূন্য হ'য়ে কাজ কৰ্ম্ম
 ক'বে । এটী দেখ না, যদি কাক পিঠে একটা ফোড়া হয়, সে যেমন
 সকলের সঙ্গে কথাবার্তা কয়, হয়ত কাজ কৰ্ম্মও কবে, কিন্তু যেন
 ফোড়া দিকে হাব মন প'ড়ে থাকে , সেই রূপ ।

“.. সাবে নষ্টমেয়েব মত থাকবে । মন উপপতিব দিকে, কিন্তু
 সে স সাবেব সব কাজ কবে । (ভাস্কাবেব প্রতি) বুঝেছ ?

ভাস্কাব । ও ভাব যদি না থাকে, বুঝব কেমন ক'বে ?

শ্রামবন্থ । কিছু নোঝো বটী কি । (সকলের হাস্য ।)

শ্রীশ্রামকৃষ্ণ (হাসিতে হাসিতে) । আ'ঐ ব্যবসা অনেক দিন
 ধ'রে ক'রু'ছেম কি বল ? (সকলের হাস্য ।)

শ্রামবন্থ । মহাশয় । Theosophy (থিয়সফি) কি বকম
 বলেন ?

শ্রীশ্রামকৃষ্ণ । মোট কথা এই, যাবা শিষ্য ক'লে বেডায়, তাবা
 হালকা থাকেব লোক । আর যাবা সিদ্ধাই অথাৎ নানা বকম শক্তি
 চায়, তাবাও হালকা থাক্ । যেমন গঙ্গা হেঁটে পাব হয়ে যাব, এটী
 শক্তি । অল্প দেশে এক জন কি কথা বলছে তাই বলতে পাবা, এটী
 এক শক্তি । ঈশ্বরের শুদ্ধা ভক্তি হওয়া এই সব লোকের ভাবি কঠিন ।

শ্রামবন্থ । কিন্তু তারা (Theosophistরা) হিন্দুধর্ম্ম পুনঃ
 স্থাপিত করবার চেষ্টা করছে ।

শ্রীরামকৃষ্ণ । আমি তাদের বিষয় ভাল জানি না ।

শ্যামবসু । মন্বার পর জীনায়া কোথায় যায়—চন্দ্রলোকে নক্ষত্রলোকে ইত্যাদি—এ সব থিয়সফিতে জানা যায় ।

শ্রীরামকৃষ্ণ । তা হবে । আমার ভাব কি রকম জান ? হনুমানকে একজন জিজ্ঞাসা করেছিল, আজ কি তিথি ? হনুমান বলে, ‘আমি বার, তিথি, নক্ষত্র এ সব কিছু জানি না . কেবল এক স্ত্রীম চিপ্তা কবি !’ আমার ঠিক ঐ ভাব ?

শ্যামবসু । তারা বলে, ‘অহা স্ত্রীম’ সব আছেন । আপনার কি বিশ্বাস ?

শ্রীরামকৃষ্ণ । আমার কথা বিশ্বাস করেন তো আছে । এ সব কথা এখন থাক । আমার অসুখটা ক’ম্লে তুমি আসবে । যাতে তোমার শান্তি হয়, যদি আমায় বিশ্বাস কব—উপায় হ’য়ে যাবে । দেখ্‌ছো তো, আমি টাকা লই না, কাপড় লই না । এখানে পাল্লা দিতে হয় না, ওই অনেকে আসে ! সকলের হাস্ত ।

শ্রীরামকৃষ্ণ । (ডাক্তারের প্রতি) । তোমাকে এই বলা , বাগ কোবো না , ৬ মনতে অনেক ক’বেল—টাকা . মান , Lecture . - এখন মনটা দিন কতক ঈশ্ববেতে দাও . আব এখানে মাঝে মাঝে আসবে । ঈশ্বরের কথা শুনে উদ্দাপন হবে ।

কিৎকাল পাবে ডাক্তার বিদায় লইতে গাঃগ্রাখান কবিলেন । এমন সময়ে শ্রীযুক্ত গিরীশচন্দ্র ঘোষ আসিলেন ও সকলের চরণ বলি লইয়া উপবিষ্ট হইলেন । ডাক্তার তাহাকে দেখিয়া আনন্দিত হইলেন ও আবার আসন গ্রহণ কবিলেন ।

ডাক্তার । আমি থাকতে উনি গিরীশ বাব , আসবেন না । যাই চ’লে যাব যাব হ’য়েছি , অমনি এসে উপস্থিত । (সকলের হাস্ত ।)

গিরীশের সঙ্গে ডাক্তারের বিজ্ঞান সভার (Science Association) কথা হইতে লাগিল ।

শ্রীরামকৃষ্ণ । আমায় এক দিন সেখানে লয়ে যাবে ?

ডাক্তার । তুমি সেখানে গেলে অজ্ঞান হয়ে যাবে - ঈশ্বরের আশ্চর্য্য কাণ্ড সব দেখে ।

শ্রীরামকৃষ্ণ । নাচে ?

ষষ্ঠ পৰিচ্ছেদ।

ডাক্তাৰ (গিবীশেৰ প্ৰতি)। আৰু সব কৰ—but do not worship him as God (ঈশ্বৰ ব'লে পূজা কোৱা নো)। এমনি ভাল লোকটোৰ মাথা খাচ ? গিবীশ। কি কবি মতাশয় ? যিনি এ স.সান সহু, ৬ সন্দেহমাগৰ থেকে পাৰ ক'বলেন তাঁক আৰু কি ব'বো বলুন। তাঁক শু কি শু বোধ হয় ?

ডাক্তাৰ। শুন জন্ম হ'চ না। আনানও দুগা নাই। একটা দোকানীৰ ছাল এসাঁভল, তা বাছ ক'বে ফেলে। মনলে নাকে কাপড দিলে। আমি ত'ব কাছ আধ খটা বসে। নাকে কাপড দিই নাই। আন মেথল মত মণ মাথায় ক'বে নিয়ে যায়, ততমণ আমাব নাকে কাপড দেবাব যো নাই। আমি জানি, সেও মা, আমিও তা, কেন তাকে দুগা ক'ব ? আমি কি এব পায়েৰ ধলা নিতে পাৰি না ?—এই দেখ নিচি। (শ্ৰীৰামকৃষ্ণেৰ পদধূলি গ্ৰহণ)।

গিবীশ। Angels (দেবগণ) এই মুহূৰ্ত্তকে ধৰা ধৰা ক'ব দেন। ডাক্তাৰ। তা পায়েৰ ধলা ল'য়া কি আশ্চৰ্য্য। আমি যে সকলেবই নিতে পাৰি।—এই দাও। এই দাও ! (সকলেৰ পায়েৰ ধলা গ্ৰহণ)।

নবেশ্ব (ডাক্তাৰেৰ প্ৰতি)। এ'কে আমবা ঈশ্বৰেৰ মত মনে কবি। কি বকম জানেন ? যেমন Vegetable Creation (উদ্ভিদ) ও Animal Creation (জীৱজন্তুগণ) এদেৰ মাঝামাঝি এমনি একটা point (স্থান) আছে, যেখানে এটা উদ্ভিদ কি প্ৰাণী স্থিৰ কৰা ভাবি কঠিন। সেইকপ Man world (নবলোক) ও God-world (দেবলোক) এই দুয়েৰ মধ্যে এমনি একটা স্থান আছে যেখানে বলা কঠিন, এ বান্ধি মানুহ না ঈশ্বৰ।

ডাক্তাৰ : এহে, ঈশ্বৰেৰ কথাৰ উপমা চলে না।

নবেশ্ব। আমি God (ঈশ্বৰ) বল্ছি না, God-like man (ঈশ্বৰতুল্য মানুহ) বল্ছি।

ডাক্তাৰ। ও সব নিজেৰ নিজেৰ ভাব চাপতে হয়। প্ৰকাশ কৰা ভাল নয়। আমাব ভাব কেউ বুঝলে না। My best friend (মাৰা

আমাব পবন বন্ধ) আমাকে কঠোর নির্দয় মনে কবে । এই তোমরা হয়ত আমায় জুতো মেরে তাড়াবে ।

শ্রীরামকৃষ্ণ (ডাক্তারের প্রতি) । সে কি ।—এবা তোমায় কত ভালবাসে । তুমি আসবে বলে বাসক-সজ্জা করে জেগে থাকে ।

গিরীশ । Every one has the greatest respect for you (সকলেই আপনাকে যৎপরোনাস্তি শ্রদ্ধা কবে ।)

ডাক্তার । আমার ছেলে—আমাব স্ত্রী পর্যাস্ত—আমায় মনে কবে hard-hearted (স্নেহমমতাশূন্য),—কেন না, আমাব দোষ এই যে, আমি ভাব কাক কাছে প্রকাশ করি না ।

গিরীশ । তবে মহাশয় ! আপনার মনের কবাট খোলা তো ভাল—at least out of pity for your friends (বন্ধুদের পতি অস্তুতঃ কৃপা কবে) ,—এই মনে কবে যে, তাবা আপনাকে বন্ধুতে পাব্ছে না ।

ডাক্তার । বলবো কি হে ! তোমাদের চেয়েও আমাব feelings worked up হয় (অর্থাৎ আমাব ভাব হয়) । (নরেন্দ্রের পতি । shed tears in solitude ' (আমি একলা একলা বসে ব'দ))

[মহাপুরুষ ও জীবের পাপগ্রহণ । অবতাবাদি ও নবক ।]

ডাক্তার (শ্রীরামকৃষ্ণের প্রতি) । ভাল, তুমি ভা। হলে লোকের গায়ে পা দাও, সেটা ভাল নয় ।

শ্রীরামকৃষ্ণ । আমি কি জানতে পারি গা, কার গায়ে পা দিচ্ছি কি না । ডাক্তার । ওটা ভাল নয়, এটুকু তো বোধ হয় ?

শ্রীরামকৃষ্ণ । আমার ভাবাবস্থায় আমার কি হয় তা তোমায় কি বলবো ? সে অবস্থার পর এমন ভাবি, বুঝি রোগ হচ্ছে ঐ জন্ত । ঈশ্বরের ভাবে আমার উন্মাদ হয় । উন্মাদে এরূপ হয়, কি করবো ?

ডাক্তার । ইনি মেনেছেন । He expresses regret for what he does , কাজটা sinful (অশ্রায়) এটা বোধ আছে ।

শ্রীরামকৃষ্ণ (নরেন্দ্রের প্রতি) । তুই তো খুব শঠ (বুদ্ধিমান) । তুই বল না , একে বুঝিয়ে দে না ।

গিরীশ (ডাক্তারের প্রতি) । মহাশয় ! আপনি ভুল বুঝেছেন ।

শ্রামপুকুর বাটী। নরেন্দ্র, সরকার, গিরীশ প্রভৃতি ভক্ত সঙ্গে। ৩০১
 উনি সে জন্ম দুঃখিত হননি। এঁর দেহ শুদ্ধ—অপাপবিদ্ধ। ইনি
 জীবের মঙ্গলের জন্ম তাদের স্পর্শ করেন। তাদের পাপ গ্রহণ কবে
 এঁর রোগ হবার খুব সম্ভাবনা, তাই কখন কখনও ভাবেন। আপ-
 নার যখন Colic (শূল বেদনা) হ'য়েছিল তখন আপনার কি
 regret (দুঃখ) হয় নাই, কেন রাত জেগে এত প'ডতুম ? তা বলে
 বাত জেগে পড়াটা কি অন্মায় কাজ ? বোগের জন্ম regret (দুঃখ
 কষ্ট হ'তে পারে, তা বলে জীবের মঙ্গল সাধনের জন্ম স্পর্শ
 কবাকে অন্মায় কাজ মনে কবেন না। ডাক্তার (অপ্রতিভ
 হইয়া, গিবীশেব প্রতি)। তোনার কাছে হেবে গেলুম, দাও পায়ের
 ধূলা দাও (গিবীশেব পদধূলি গ্রহণ)। (নবেদেব প্রতি) আব
 কিছু নয় হে, his intellectual power (গিবীশেব বুদ্ধিমত্তা)।
 মানতে হবে।

নবেদে (ডাক্তারের প্রতি)। আর এককথা দেখুন। একটা scientific
 discovery (ছড় দিগ্গানের সত্য বাস্তব) কবাব জন্ম আপনি
 his devote, জীবন উৎসর্গ কব'ও পাবেন—শবীর অন্ময়
 ইত্যাদি কিছুই মানেন না। আব ঈশ্বকে জানা grandest of all
 sciences (শ্রেষ্ঠ বিজ্ঞান) এব জন্ম ইনি health risk (শবীর নষ্ট
 হয় ঠউক, এরূপ মনের ভাব) কব'বেন না ?

ডাক্তার। যত religious reformer (ধর্ম্মাচারী) হয়েছ, Jesus (যীশু),
 Chaitanya (চৈতন্য), Buddha (বুদ্ধ) Mohammed (মহম্মদ) শেষে সব
 অহঙ্কারে পবিপূর্ণ, বলে 'আমি যা বলুন, তাই ঠিক'। এ কি কথা।

গিরীশ (ডাক্তারের প্রতি)। মহাশয়, সেই দোষ আপনারও
 হ'ছে! আপনি একলা তাদের সকলের অহঙ্কার আছে, এ দোষ
 ধরাতে ঠিক সেই দোষ আপনারও হ'ছে। [ডাক্তার নীব হইলেন।

নরেন্দ্র (ডাক্তারের প্রতি) We offer to him worship
 bordering on Divine Worship (এঁকে আমরা পূজা কবি—
 সে পূজা ঈশ্বরের পূজার প্রায় কাছাকাছি।)

ঠাকুর শ্রীরামকৃষ্ণ আনন্দে বালকের স্থায় হাসিতেছেন।

শ্রী শ্রীরামকৃষ্ণকথামৃত—পরিশিষ্ট ।

বরাহনগর মঠ ।

আজ্ঞ সোমনাব ১৫ মে ১৮৮৭, জ্যৈষ্ঠ মঙ্গল-দ্বিতীয়া তিথি । নবদ্বারাদি ভক্তেরা মঠে আছেন । শবৎ, নাববাম ৭ কালী শ্রীক্ষেত্র গিয়াছেন । নিনগুন মাকে দেখিতে গিয়াছেন । মাষ্টার আসিয়াছেন ।

পাওয়া দাঁওয়ার পর মঠের ভাইবা একটু বিশ্রাম কবিতাছেন । গোপাল ('বড় গোপাল') গানের খাতাতে গান নকল কবিতাছেন ।

বৈকাল হইল । বনীন্দ্র উদ্ভাবের আয় আসিয়া উপস্থিত । শুধু পা . নাল পেড়ে কাপড় আধখানা পরা । উদ্ভাবের চক্ষের ন্যায় তাঁহাব চক্ষের ভাবা ঘুরিতাছে । সকলে জিজ্ঞাসা কবিলেন, কি হইয়াছে ? বনীন্দ্র বলিলেন, একটু পরে সমস্ত বলিতাছি । আমি আব বাডী ফিবিয়া যাউব না, আপনাদের এখানেই থাকিব । সে বিশ্বাসঘাতক । বলেন কি মহাশয়, পাঁচ বছরের অভ্যাস, মদ—তাব জন্য ছেড়েছি । আট মাস হলো ছেড়েছি । সে কিনা বিশ্বাসঘাতক । মঠের ভাইবা সকলে বলিলেন, “তুমি ঠাণ্ডা হও । কিসে ক'বে এলে ?”

বনীন্দ্র । আমি কলিকাতা থেকে বনারব শুধু পায়ে হেঁটে এসেছি ! ভক্তেরা জিজ্ঞাসা কবিলেন, “তোমাব আব আধখানা কাপড় কোথা গেল ?” বনীন্দ্র বলিলেন, সে আসবার সময় টানাটানি কবলে, এই আধখানা ভিঁড়ে গেল । ভক্তেরা বলিলেন, তুমি গঙ্গা স্নান ক'রে এসো ; এসে ঠাণ্ডা হও । তাবপর কথাবার্তা হবে !

বনীন্দ্র কলিকাতাব একটী অতি সম্ভ্রান্ত কায়স্থবংশে জন্মগ্রহণ কবিতাছেন । বয় ক্রম ১০।১১ বৎসর হইবে । ঠাকব শ্রীরামকৃষ্ণকে দক্ষিণেশ্বর কালীবাড়ীতে দর্শন কবিতাছিলেন । এবং তাঁহাব বিশেষ কৃপা-ভাজন হইয়াছিলেন । একবাব তিন বাত্রি তাঁহাব কাছে বাস কবিতাছিলেন । স্বভাব অতি মধুর ও কোমল । ঠাকব খুব স্নেহ কবিতাছিলেন, কিন্তু বলিতাছিলেন, ‘তোব কিন্তু দেবী হবে, এখন তোব একটু ভোগ আছে । এখন কিছু হবে না । যখন ডাকাত পেড়ে, তখন

বরাহনগব মঠ। সমুদ্রজীব ও নরেশ্বরের উপদেশ। ৩০৩
ঠিক সেই সময় পুলিশে কিছু কবতে পাবে না। একটু খেমে গেলে
তবে পুলিশ এসে গ্রেপ্তার কবে।' আজ রবীন্দ্র বাবাজনার মোহে
পড়িয়াছেন! কিন্তু অশ্রু সকল গুণ আছে। গরীবের প্রতি দয়া, ঈশ্বর
চিন্তা, এ সমস্ত আছে। বেশ্যাকে বিশ্বাসঘাতক মনে করিয়া অন্ধ
বস্ত্রে মঠে আসিয়াছেন। সংসাবে আব ফিরিবেন না, এই সঙ্কল্প।

ববীন্দ্র গঙ্গান্নানে যাইতেছেন। পবামাণিকের ঘাটে যাইবেন।
একটি ভক্ত সঙ্গে যাইতেছেন। তাঁহার বড় সাধ যে, ছেলেটির সাধ-
সঙ্গে চৈতন্য হয়। স্নানের পব তিনি ববীন্দ্রকে ঘাটের নিকটস্থ
শ্মশানে লইয়া গেলেন। তাঁহাকে মৃতদেহ দর্শন কবাইতে লাগিলেন।
আব বলিলেন, "এখানে মঠের ভাইবা মাঝে মাঝে একাকী এসে
রাত্রে ধ্যান কবেন। এখানে আমাদের ধ্যান কবা ভাল। সংসাবে যে
অনিভা, তা বেশ বোধ হয়।" ববীন্দ্র সেই কথা শুনিয়া ধ্যানে বসি-
লেন। ধ্যান বেশীক্ষণ কবিতে পাবিলেন না। মন অস্থির বহিয়াছে।

উভয়ে মঠে ফিবিলেন। ঠাকুরঘবে উভয়ে ঠাকুরকে প্রণাম কবি-
লেন। ভক্তটী বলিলেন, এই ঘবে মঠের ভাইবা ধ্যান কবেন।
ববীন্দ্রও একটু ধ্যান কবিতে বসিলেন। কিন্তু ধ্যান বেশীক্ষণ হইল না।

মণি। কি, মন কি বড় চঞ্চল? তাই বঝি উঠে পড়লে?
তাই বঝি ধ্যান ভাল হ'ল না।

ববীন্দ্র। আব যে সংসাবে ফিবির না তা নিশ্চিত। তবে
মনটা চঞ্চল বটে।

মণি ও ববীন্দ্র মঠের এক নিভৃত স্থানে দাঁড়াইয়া আছেন। মণি
বৃন্দ দেবের গল্প কবিতেছেন। দেবকন্যাদেব একটী গান শুনে বৃন্দ-
দেবের প্রথমে চৈতন্য হয়েছিল। আজকাল মঠে বুদ্ধচবিত ও চৈতন্য-
চবিতের আলোচনা সর্বদাই হয়। মণি সেই গান গাহিতেছেন।

গান। জুড়িতে চাই কোথায় জুড়াই, কোথা চাই আসি কোথা
তেসে যাই। কবে কিবে আসি কত কাঁদি হাসি, কোথা যাই সদা ভাবি
গো ভাই।

রাত্রে নরেশ্ব, তারক ও হবীন্দ্র—কলিকাতা হইতে ফিবিলেন
আসিয়া বলিলেন, উঃ খুব খাওয়া হয়েছে! তাঁহাদের কলিকাতায়
কখন ভক্তের পাড়তে নিমন্ত্রণ হইয়াছিল।

নরেন্দ্র ও মঠেব ভাইরা, মাষ্টার, রবীন্দ্র ইত্যাদি এঁ'বাও, দানাদেব ঘরে বসিয়া আছেন । নরেন্দ্র মঠে আসিয়া সমস্ত কথা শুনিয়াছেন ।

[সমস্ত গুজীব ও নবেশ্বের উপদেশ ।]

নরেন্দ্র গাহিতেছেন ।

গীতচ্ছলে যেন রবীন্দ্রকে উপদেশ দিতেছেন ।

গান্ । ছাড় মোড় ছাড় ছাড়াব কুমন্ত্রণা, জান তাঁবে তবে যাবে যন্ত্রণা ।

নবেশ্ব আবার গাইলেন—যেন রবীন্দ্রকে হিতবচন ব'লছেন—

পিলেবে অবশুত হো মাতৃয়াবা পেয়ালা প্রেম হবি রসকাবে ।

বাল অবশ্রা খেল গোঞাট, ওরুণ গয়ে নাবী বসকাবে ,

বুদ্ধ ভবো কফ বায়নে বেবা, খাট পড়া বহে জানবকাবে ।

নাভ কমণমে হায় কস্তবী, কায়সে ভবম মিটে পত্তকাবে ,

বিনা সংগুরু নব স্যাসাতি চৌড়ে, জ্যোসা মৃগ্ ক্বে বনকাবে ।

কিয়ৎক্ষণ পাবে মঠেব ভাইবা কালীতপস্বী'ব ঘবে বসিয়া আছেন । গিবীশেব বুদ্ধচবিত ও চৈতন্যচবিত দুইখানি নূতন পুস্তক আসিয়াছে । নবেশ্ব, শশী, রাখাল, প্রসন্ন, মাষ্টার ইত্যাদি বসিয়া আছেন । নূতন মঠে আসা পর্যাশ্রু শশী এক মনে দিনবাত ঠাকুরেব পূজাদি সেবা করেন । তাঁহাব সেবা দেখিয়া সকলে অবাক হইয়াছে । ঠাকুরেব অশ্রুধেব সময় তিনি বাতদিন যেকপ তাঁহাব সেবা করিয়াছেন, আজও সেইরূপ অনশ্রুমন, একভক্তি হইয়া সেবা করিতেছেন ।

মঠেব একজন ভাই বুদ্ধচবিত ও চৈতন্যচবিত পড়িতেছেন । শ্রুব কবিয়া একটু ব্যঙ্গভাবে চৈতন্যচবিতায়ুত পড়িতেছেন । নবেশ্ব বইখানি কাড়িয়া লইলেন । বলিলেন, “এই বকম ক'বে ভাল জিনিসটা মাটি কবে ?” নবেশ্ব নিজের চৈতন্যদেবে'র প্রেমবিতরণ কথা পড়িছেতেন ।

মঠের ভাই । আমি বলি, কেউ কাককে প্রেম দিতে পাবে না ।

নবেশ্ব । আমার পবমহংস মহাশয় প্রেম দিয়েছেন ।

মঠের ভাই । আচ্ছা, তুমি কি ভাই পেয়েছ ?

নবেশ্ব । তুই কি বুঝি ? তুই Servant Class (ঈশ্ববেব সেবকে'ব থাক্) । আমার সবাই পা টিপ বে । শরতা মিত্তিব আর

বরাহনগর মঠ । সমুদ্রতীর ও নরেন্দ্রের উপদেশ । ৩০৫
 দেসো পর্য্যন্ত । (সকলের হান্য ।) 'হুই মনে কব্‌ছিস বুঝি যে মন
 তুই বুঝিছিস ? (হান্য) লে ভাগ্যাক লাভ্ । (সকলের হান্য)
 মঠের ভাই । সাজ--বো--না --(সকলের হান্য) ।

মাফার (সুরগতঃ) । ঠাকুর শ্রীরাগকৃষ্ণ মঠের ভাইদের অনেকের
 ভিতর তেজ দিয়াছেন । শুব নরেন্দ্রের ভিতর নয় । এ তেজ না
 থাকলে কি কামিনীদান ভাগ হয় ।

ঃ মঠের ভাইদের সাধন ।

পব দিন মঙ্গলবার ১০ ই মে । আজ মতমাযাব বাব । নবেশ্রাদ
 মঠের ভাইরা আজ বিশেষরূপে মার পূজা করিা গছেন । ঠাকুরঘরের
 সম্মুখে এ্রাকণ মন্ত্র প্রস্তুত হইল । হোম হইবে । বলি পরে হইবে ।
 তন্ত্রমতে হোম ও বলির ব্যবস্থা আছে । নারদ গাজাপাঠ করিতেছেন ।

মণি গজাগ্নান গোলেন । ববীন্দ্র ছাদেব উপবে একাকী বিচরণ
 কবিতেছেন । শুনিত্তেছেন, নরেন্দ্র শুব পবিয়া শুব করিত্তেছেন—

ঐ মনোমুদ্রিত্ত বচিভা ন ন হন, ন চ প্রাণীজিহ্ব ন চ বং-নেত্র,
 ন চ ব্যোমভূমিনী ত্রাজা ন বাশিচিদানন্দকপঃ শিবোত্তম শিবোত্তম ॥
 ন চ প্রাণসঙ্গ ন প পঞ্চবায়ু ন সপ্তধাতুর্ন বা পঞ্চবোধঃ ।
 ন বাক শব্দবিপাক ন চ পঞ্চপাশিচিদানন্দকপঃ শিবোত্তম শিবোত্তম ।
 ন মে চক্ষুঃ, ন ম লোভস্মৃতি মন্দানৈব ম নৈব মাংসর্গাভাব ।
 ন বস্তু ন চাপ্তা ন বস্মো ন আক্ষিচিদানন্দকপঃ শিবোত্তম শিবোত্তম
 ন পদা ন পাপ-ন বোধঃ ন চপং, ন ময়ো ন ত্রীর্থঃ ন বেদা ন গভ্জাঃ ।
 অহং ভোজন ইন্দ্রভোজাং ন ভাজা, চিদানন্দকপঃ শিবোত্তম শিবোত্তম ॥

এইবার ববীন্দ্র গজাগ্নান করিয়া আসিয়াছেন ভিজ্জ কাপড ।

নরেন্দ্র (মণির প্রতি, একান্তে) । এই নেয়ে এসেছে, এবার
 মন্ত্রাঙ্গ দিলে বেশ হয় । (মণি ও নরেন্দ্রের হান্য) ।

প্রসন্ন ববীন্দ্রকে ভিজ্জ কাপড ছাড়িতে বলিয়া তাহাকে একখান
 গেরুয়া কাপড আনিয়া দিলেন ।

নরেন্দ্র (মণির প্রতি) । এইবার ত্যাগীর কাপড পরতে হবে ।

মণি (সহাস্যে) । কি ত্যাগ ? নরেন্দ্র । কামকাধ নত্যাগ ।

ববীন্দ্র গেকয়া কাপডখানি পবিয়া কালাতপশ্রীব যবে গিয়া
 নিষ্কর্জনে বসিলেন । বোধ হয় একটু ধ্যান কবিতেন ।

শ্রীশ্রীরামকৃষ্ণ ভক্তসঙ্গে ।

শ্রীযুক্ত কেশব সেন (১৮৮১) , ৩দেবেন্দ্র ঠাকুর , অচলানন্দ .

শিবনাথ . হৃদয় . নবেন্দ্র . গিরীশ ।

“প্রাণেব ভাই শ্রীম, তোমার প্রেবিত শ্রীশ্রীরামকৃষ্ণকথামৃত, চতুর্থ খণ্ড, কোজাগর পূর্ণিমাৰ দিন পেশ আজ দ্বিতীয়ান শেন কবিছি । ধন্য তুমি । এত অমৃত দেশময় ছডালে । * * । যাব্, তুমি অনেকদিন হ'ল ঠাকুবেব সঙ্গে আমাব কি আলাপ হ'রেছিল জানতে চেয়েছিল । তাই জানাবাব একটু চেষ্টা কবি । কিন্তু আমি ত আব 'শ্রীম' মত কপাল কবে আসিনি, বে শ্রীচরণ দর্শনের দিন, তারিখ, মূহূর্ত্ত, আর শ্রীমুখনিঃসৃত সব কথা একেবারে ঠিক ঠিক লিখে বাখবো । গতদ্ব মনে আছে লিখে বাই, হযত, একদিনেব কথা আব একদিনের বলে লিখে ফেলবো । আব কত ভুলে গেছি ।

বোধ হয় ১৮৮১ সালেব শাবদীষ অবকাশের সময় প্রথম দর্শন । সে দিন কেশব বাবুব আসিবার কথা । আমি নোকান দক্ষিণেশ্বর গিয়া বাটে থেকে উঠে একজনকে জিজ্ঞাসা করিলাম, “পবমহংস কোথাব ?” তিনি উত্তর দিকেব বাবাগার তাকিয়া তেসান দেওয়া এক ব্যক্তিকে দেখিয়ে দিগে বয়লেন, ‘এই পবমহংস ।’ কালাপেড়ে ধুতি পবা আব তাকিয়া তেসান দেওয়া দেখি আমি ভাবলাম, “এ আবার কি রকম পবমহংস । কিন্তু দেখলাম, ডা'টি ঠ্যা' উ'চু ক'বে, আবার তাই ড'হাত দিগে বেঠেন ক'রে অ'বাচিং হ'য়ে তাকিয়াস তেসান দেওয়া হ'য়েছে । মনে হ'ল ‘এ'ব কখনও বাবুদেব মত তাকিয়া তেসান দেওয়া অজাস নাই, তবে বোধ হয় উনিই পরমহংস হবেন ।’ তাকিয়াব অতি নিকটে তাঁহাব ডান পাশে একটি বাব ব'সে আছেন—শুনলাম তাঁ'ব নাম বাজেন্দ্র মিত্র, গিনি বেঙ্গল গব।মেণ্টেব অ্যাসিস্ট্যান্ট সেক্রেটারী হ'য়েছিলেন । আবও ডান দিক কয়েকটি লোক বসে আছেন । একটি পবেই বাজেন্দ্র বাবকে বলেন, ‘শ্রাবণা দিগিন কেশব আসছে কি না ?’ একজন একটু এগিয়ে দিগে এসে বলেন, ‘না’ । আবার একটু শব্দ হ'তে বলেন :-“ছাখো, আবার শ্রাবণো ।” এবাবও একজন দেখে এসে বলেন, ‘না’ । অমনি পবমহংসদেব হাসতে হাসতে বলেন, ‘পাতের উপর পড়ে পাত, রাই বলে—ওই এল বৃষ্টি প্রাণনাথ ।’ ঠ্যা ছাখো, কেশবেব চিবকালই কি এই বীত । আসে, আসে, আসে না ।” কিছুকাল পবে সন্ধ্যা হয় হয় এমন সময় কেশব দলবল সহ এসে উপস্থিত ।

এসে যেমন ভূমিষ্ঠ হ'য়ে ঠাক প্রণাম কবলেন, উনিও ঠিক তরুণ ক'রে একটু পরে মাথা তুলেন, তখন সমাধিহ—বলছেন :—

“স্বামীর কল্কাভাব লোক জুটিয়ে নিয়ে এসেছেন—আমি কি না বক্তৃতা ক'রবো ? তা আমি পারবো টারবো নি । করতে হয়, তুমি কর । আমি ও সব পারবো নি ।”

ঐ অবস্থায় একটু দিবা হাসি তেঁসে বলাছেন :—

“আমি তোমার পাবে দাবো থাকবোনা, আমি তোমার খাবো শোবো আর নাহু যাবো । আমি ও সব পারবো নি ।” কেশব বাব দেখেছেন আর ভাব ভবপূর্ব ভাবে নাহু, এক একবার ভাববে ভবে ‘আঃ আঃ’ কবছেন ।

আমি ঠাকবাব অবস্থা দেখে ভাবছি, ‘এ কি হ'বে ?’ আব ত কখনও এমন দর্শি নাট, আব সেক্ষণ বিশ্বাসী তাত' জ্ঞানই ।

সমাধি ভ্রম্ভেব পূর্ব কেশব বাবকে বল্লেন, “কেশব, একদিন তোমার ওখানে গেছলাম, তখনলাম তুমি বলছ, ‘ভক্তিনদীতে ডুব দিয়ে সচ্চিদানন্দ সাগর গিয়ে পড়বো ।’ আমি তখন উপব পান তাকাই দেখাংন কেশব বাব্ব গী ও অস্ত্রাশ্র দীলোকগণ ব'সছিল্লন । আব ভাবি তাত'শে এ'দব দশা হ'ব কি ?’ তোমবা গুটী, একবাংব সচ্চিদানন্দ সাগর'ক ক'বে গিয়া প'ডবে । সেট নেউলেব মত, পছান নাধা হ'ট, কোন কিছু হ'ল বলজায় উঠে ব'সলো, কিন্তু থাকবে কেমন ক'বে । হ'ট টানে আব ধপ' ক'বে নেবে পড়ে । তোমবাও একটু ধ্যান টান কবতে পাব, কিন্তু ঐ দাবাস্ত্র হ'ট টেনে আবাব নাবিয়ে ফেলে । তোমরা ভক্তিনদীতে একবাংব ডুব দেবে আবাব উঠাব, আবাব ডুব দেবে আবাব উঠবে । এমনি চলাব । তোমবা একবাংবে ডুবে যাব কি ক'বে ।”

কেশব বাব্ব বল্লেন, “গুহুহু কি হয় না ? মহর্ষি দেবেজ্ঞনাথ ঠাকুব ।”

পবমহংসদেব ‘দনেজ্ঞ নাগ ঠাকুব, দেবেজ্ঞ, দেবেজ্ঞ,’ হ'ট তিন বাব ব'লে উক্ষেণে ক'বার প্রণাম কবলেন, তার পব বল্লেন :—

“তা জানো, এক জনাব বাডী চ'র্গাংসব হ'তো, উদয়াস্ত পাঠাবলি হ'তো কায়ক বংসব পবে আব বলি'ব সে পমণাম নাট । একজন জিজ্ঞাসা ক'বলে ‘মশাই, আজকাল নে অ.পনাংব বাডীতে বলি'ব ধমধাম নাট ।’ সে বলে, ‘আরে । এখন যে দাত প'ড গোছ । দেবেজ্ঞ ও এখন ধ্যান ধাবণা করছে, তা ক'বেট ত । তা কিন্তু খুব মানুস ।’

“আপো, যতদিন মাগা থাকে, তত দিন মানুস থাকে ডাবেব মত । নারকেল যতদিন ডাব থাকে, তাব লেয়াপাতি তুলতে গেলেই সঙ্কে মালাংব একটুকু উঠে আসবেট । আব যখন মাগা শেন হ'য়ে বাষ তখন হয় বুনা । ঐ

শাস আর মালা পৃথক্ ৩'য়ে যায়, তখন শাসটা ভিতবে চপব চপব করে । আত্মা হয় আলাদা আর শবীৰ হয় আলাদা । দেহটাবসঙ্গে আর যোগ থাকে না ।

“ঐ যে ‘আমি’টে গুটাতই বড মুন্সিল বাধায় । শালাব ‘আমি’ কি যাবেই না ? এটে পোন্ডা বাডীতে অখথ গাছ উঠেছে, খুঁড়ে ফেলে দাও আবার পবদিন জাপো এক ফেব্‌ডী গজিয়েছে, —ঐ ‘আমি’ ও অমনি খাবা । পংগাজব বাটা সাতবাব ধোও শালাব গন্ধ কি কিছুতেই যাবে নি ।”

কি ব'ল'ত ব'ল'ত কেশব বাবুকে বল্লেন :— ‘তা কেশব, তোমাদেব কল্‌কাতায় বাববা নাকি বলে ‘ঈশ্বব নাট’ । বাবাশ ডি দিয়ে উঠ্‌ছেন, এক পা দেলে আব এক পা দেলেতেই ‘উঃ পাশে কি হ'লো’ ব'লে অজ্ঞান । ডাব ডাক ডাক্‌ব ডাক ’ ডাক্‌ব আস'ত আস'ত হয় গেছে । অ'বা -এ'ব, বল্লেন ‘ঈশ্বব নাট ’”

এক কি দেড গ'টা প'ব কাঁঠন আবস্তু হ'ল । ওপন না দেখলাম তা বোধ হয় জন্ম জন্মান্তবেও ভুল'ব না । সকলে নাচ'ত লাগলেন, কেশবকেও নাচ'তে দেখলাম, মাঝখানে ঠাকুব, আব সবাই ঠাবব গিব নাচ'ছেন । নাচ'ত নাচ'তে একেবাবে হিব—সমাশিষ্ট । অনক্ষণ এই ভাবে গেল । শুনেও শুনে, দেখ'তে দেখ'ত বুল্ললাম, ‘এ পবমহ'স ব'ট’ ।

আব একদিন, বোধ হয় ১৮৮৩ সনে শ্রীবামপূবব কয়েকটা দবক সঙ্গে নিয়ে গেজলাম । সে দিন ঠাদেব দেখ বুল্লেন :— ‘এ'বা এসেছেন কেন ।”

আমি বল্লাম—“আপনাকে দেখ'তে ।”

ঠাকুব—আমায় দেখবে কি ? এবা সব বিলি' টিলি' দেখুক না ?

আমি—এবা তা দেখতে আসে নাট, আপনাকে দেখ'তে এসেছে ।

ঠাকুব—তবে এরা বুঝি চক্‌মাকিব পাথব । ভিতবে আগুণ আছে । হাজার বছব জলে দেলে বাখা, নমন চুব্বে অমনি আগুণ বেবাবে । এরা বুঝি সেট জাতীয় জীব । আমাদের চুব্বে আগুণ বেবায় কট ।

আমবা এই শেষ কথা শুনে হাসলাম । সে দিন আব কি কি কথা হ'ল ঠিক মনে নাই । তবে ‘আমিব গন্ধ যায় না’ আব কামিনীকাঞ্চন ভ্যাগব কথাও মনে হ'য়েছিল ।

আব একদিন গেছি । পণাম কবে বসেছি, বল্লেন :—

“সেই যে কাক্‌ গুল্লে কস্‌ কস্‌ ক'বে উঠে, একটু টক্ একটু মিষ্টি, তার একটা এনে দিতে পাব ?” আমি বল্লাম—লেমনেড্ ? ঠাকুব বল্লেন—“আন না ?” মনে হয় একটা এনে দিলাম । এ দিন যতদূর মনে পড়ে আব কেউ ছিল না । কয়েকটি প্রশ্ন করেছিলাম—“আপনার কি জাঁজভেদ আছে ।”

চাকুৰ—কই আৰ আছে ? কেশব সেনেৰ বাতী চড্‌চটী খেয়েছি, তা একদিনেৰ কথা বুলি। একটা লোক লৰা দাতীওয়াল বয়স নিয়ে এসেছিল, তা কেমন খেত ইচ্ছা হ'লো না, তাৰাব একটু পাব একজন— তাবই কাছে থেকে বৰফ নিয় এল—ক্যাচড্‌ ম্যাচড ক'বে চিবিয়ে খেয়ে দেলাম। তা জানা, জাতিভেদ আপনি খাস যায়। যেমন নাবিকেল গাছ ভাল গাছ বড হয়, বালুতা আপনি খাস পাড। জাতিভেদ তেমনি খ'সে যায়। টোন চি'ডো না, গ্ৰী শালাদেব মত।

আমি জিজ্ঞাসা কবলাম— কেশব বাব কেমন লোব ?

চাকুৰ—ওগা, সে দৈবী মানুস।

আমি—আব ত্ৰৈলোক্য বাব ?

চাকুৰ—বেশ লোক বোড গ'ল।

আমি—শিবনাথ বাব ?

চাকুৰ—* * * বেশ মানুস, তাব তুফ ক'লে।

আমি—হিন্দুত ও ব্ৰাহ্মত তদাং কি ? বাল্লন—তদাং তাব কি ? এইখানে বাসনাচৌকি বাজ, একজন সানাচায়ব হেঁ। ধবে থাকে, আব একজন তাবই ভিতব 'বামা আমাব মান ক'পেছ, 'ইতা'দি বং পবং তুলে নেয়। ব্ৰাহ্মেবা নিৰাক্যাবব হে। ধ'ব ব'স আছে আব হিন্দুবা বং পবং তুলে নিছে।

'জল আবে ববদ—নিবাবাব আব সাকাব। গা জল তাই ঠা গুয় ববদ হয়। জ্ঞানেব গবমীত ববদ জল হয়, ভুক্তিব হিমে জল ববদ হয়।

"সেই এক জ্বিনন, নানা লোক নানা নাম কবে। সেগন পুত্ৰবেব চাব পাশে চাব দাট। এ দাটব লাক জল নিজে জিজ্ঞাসা কব, ব'লবে 'জল'। ও দাট মাৰা জল নিচে ব'লবে 'পানি'। আব এক দাট 'ড্ৰয়াটাৰ', আব এক দাট 'আংকোগা জল ত একই।'

বাৰশাল অচলানন্দ তীৰ্থাবহেব সঙ্গ দেখা হ'য়েছিল বলাত, বাল্লন— সেই কাতবঙ্গব বাম বুমাৰ ত ? আমি বল্লম 'আজ্ঞা হা।

চাকুৰ। তাক কেমন লাগলো।

আমি। খুব ভাল লাগলো।

চাকুৰ। আচ্ছা সে ভাল, না আমি ভাল ?

আমি। তাব সঙ্গে কি আপনাৰ তুলনা হয় ? তিনি পণ্ডিত, বিদ্বান লোক, আব আপনি কি পণ্ডিত জ্ঞানী ? উত্তৰ শুান একটু অধাক হ'য় চুপ ক'বে বটলন। এক আধ মিনিট পাবে আমি বল্লম :—“তা তিনি পণ্ডিত হ'ত পাৰবন আপনি মজাব লোক। আপনাৰ কাছে মজা খুব।”

এহাব হোস বল্লেন, "বেশ বলেছ, বেশ বলেছ, ঠিক বলেছ।"

আমায় জিজ্ঞাসা কৰলেন, "আমাৰ পক্ষবটী দেখেছ ?" বল্লম, আজ্ঞা হাঁ।

সেখানে কি কি করতেন তাও কিছু বলেন, সেই নানা ভাবের সাধনের কথা ।
জ্যাংটার কথাও বলেন । আমি জিজ্ঞাসা করলাম, “তাকে পাবো কি করে ?”

উত্তর । ওগো সে ত চূষক লোহাকে যেমন টানে, তেমনই আমাদের
টানতেই আছে । লোহার গায়ে কাঁদা মাখা থাকলেই লাগতে পারে না ।
কাঁদতে কাঁদতে গেমন কাঁদা টুকু ধুয়ে বাস অমনি টুকু কবে লোগ যায় ।

আমি ত্যাকুবব উক্তি গুলি শ্রুত শুনে লিখছিলাম, বলেন : —

“জ্যা জ্যাগা. সিদ্ধি সিদ্ধি কবল হবে না । সিদ্ধি আনো, সিদ্ধি ঘাঁটো.
সিদ্ধি পাও ।” * * * এব পব আমায় বল্লন—

“তোমরা ত সংসারে থাকবে, তা একটু গোলাপী নেবা ক’বে থেকে ।
কাজ কম্ব কবছ অচ নেশাটি লোগ আছে । তোমবা ত আব শুকদেবেব মত
হ’তে পাববে না—সে পাম খেমে জ্যাংটো ভাংটো হ’য়ে পড়ে থাকবে ।

“সংসারে থাকবে তো একখানি আমমোক্তারনামা লিপ দাও -বকলমা
দিয়ে দাও । উনি যা হয় ক’বেবেন । তুমি থাকবে বডলাকেব বাডীব নিব
মত । বাব ছোল পুলেকে কত আদব করাছ, না ওয়াছে, ধোয়াছে, পাওয়াছে
পেন তাইই ছেলে, কিন্তু মনে মনে জান্ছে, ‘এ আমাব নয় ।’ যেমন জবাব
দ্বিগল—বস্—আব কোন সম্পক নাট ।

“যেমন কাঠাল খেতে হ’লে হাতে তেল মেখে নিতে হয়, তেমনি ঐ তেল
মেখে নিও, তা হ’লে আর সংসারে জডাবে না, লিপ্ত হবে না ।

এতক্ষণ মেজের বসে কথা হচ্ছিল, এখন তক্তোপাখব উপবে উঠে লখা
হ’য়ে গুলেন । আমায় বলেন, “জাওয়া কব ।” আমি জাওয়া ক’বতে থাকলাম ।
চুপ করে রইলেন । একটু পরে বলেন, “বড্ড গরম গো. পাখাখানা একটু জলে
ভিজিয়ে নাও না ?” আমি বললাম, “আবার শোক ত আছে দেখছি ।” হেঁসে
বলেন—“কেন থাকবে নি / কা—নো থাকবে নি /” আমি বললাম, “ভবে থাক
থাক, খুব থাক । সেদিন কাছে ব’সে সে মুখ পেয়েছি সে আব বলবার নয় ।

শেষ বাব—যে বারের কথা তুমি তৃতীয় খণ্ডে উল্লেখ করেছ -সেইবাব
আমাব স্কুলের চেডমাষ্টারকে নিয়ে গেহলাম । তাঁর বি, এ, পাশ করার
অবাবহিত পরে । এইবাব এই সে দিন তোমাব সঙ্গে তার দেখা হয়েছে ।

ওঁকে দেখাই বলেন—“আবার হাট পেলে কোথায় ? বেডে ত ।”

“ওগো তুমি ত উকীল । উঃ বড বুদ্ধি । আমায় একটু বুদ্ধি দিতে পার ?
তোমার বাবা যে সে দিন এসেছিলেন, এখানে তিন দিন ছিলেন ।”

আমি জিজ্ঞাসা করলাম, “তাকে কেমন দেখলেন ?”

গৃহস্থকে উপদেশ । হৃদয়ের কথা । শ্রীরামকৃষ্ণ 'সমাধিমন্দিরে' । ৩১১

বলেন—“বেশ লোক, তবে মাঝে মাঝে হিজিবিজি বকে ।”

আমি বললাম, “আবার দেখা হ'লে হিজিবিজিটি ছাড়িয়ে দেবেন ।”

একটু হাসলেন । আমি বললাম, “আমাদের গোটা কতক কথা শুনান ।”

বলেন, “হৃদয়কে চেনো ?” (হৃদয় বুঝোপাধ্যায়)

আমি বললাম, “আপনার ভাগ্যে ত ? আমার সঙ্গে আলাপ নাট ।”

ঠাকুর । হৃদে ব'লতো, 'মামা' তোমার বলিগুলি সব এক সময়ে ব'লে ফেলোনা । কি বাব এক বলি কেন ব'লবে ? আমি বললাম, 'তা তোর কি বে খালা ? আমার বলি আমি লক্ষ্যবাব ঐ এক কথা বলবো, তোব কি বে ।

আমি হাসতে হাস' ও বললাম, “তা বটেই ত ।”

কিঞ্চিং পরে ব'সে ব'সে ভ্রঁ ভ্রঁ কর'ত বরাত গান ধরলেন—

ড,ব্ ড,ব্ ড,ব্ রূপসাগরে আশান্ন মন ।

ভুই এক পদ গাট'ত গাট'তেই, ডুব্ ডুব্ ডুব , বন্ডে বন্ডে ডুব্ ।

সমাধি ভঙ্গ হলো । পাঠচাঁবি করতে লাগিলেন । ধুতি বা পবা ছিল তা ভুই হাত দিয়ে টান'ত টান'ত একেবারে কোমবেব উপর তুলেছেন, এদিক দিলে খানিকটে মেখে খেঁড়িয়ে যাচ্ছে, ও দিক দিয়ে খানিকটে অমনি পাডছে । আমি আর আমার সঙ্গী টেপাটিপি করছি, আব চুপি চুপি বলছি 'ধুতিটি পবা হ'য়েছে ভালো , একটু পরেই 'তর খালাব ধুতি' ব'লে, ধুতিটে ফেলে দিলেন । দিয়ে দিগম্বর ত যে পায়েচাঁবি কব'তে লাগলেন । উত্তর দিগ পেকে কাব গেন ছাতা ও লাঠি আমাদের সম্মুখ এনে জিজ্ঞাসা করলেন—এ ছাতা লাঠি তোমা-দেব ? আমি বললাম, ‘না’ । অমনি বলেন, “আমি আগেই ব'ঝছি, এ তোমা-দের নয় । আমি ছাতা লাঠি দেখই মাতুর ব'ঝতে পারি । বসেই একটা লোক হাউ ম'উ ক'বে কতকগুলো গিলে গেল, এ তাবই নিশ্চয় ।”

কিছুকাল পরে ঐ ভাবেই খাটেব উত্তর পাশে পশ্চিমমুখো হ'লে ব'সে পড়লেন । বসেই আমার জিজ্ঞাসা—“ওগো আমার কি অসত্য মনে করছ ?”

আমি বললাম, না আপনি খুব সত্য । আবার এ জিজ্ঞাসা কব'ছেন কেন ?

ঠাকুর । আরে শিবনাথ টিবনাথ অসত্য মনে করে । ওরা এলে কোন একমে একটা ধুতি টুতি জড়িয়ে বস'তে হয় । গিরীশ ঘোষকে চেনো ?

আমি । কোন গিরীশ ঘোষ । তিথেরটা কবে যে ।

ঠাকুর । হা ।

আমি । দেখিনি কখনও, নাম জানি ।

ঠাকুর । ভাল লোক ।

আমি । শুনি মদ খায় নাকি ,

ঠাকুর । খাব না, খাব না, ক' দিন খাবে ।

বলেন :—“তুমি নবেল্লকে চেনো ?”

আমি। আজ্ঞা না।

ঠাকুর। আমার বড ইচ্ছা, তাব সঙ্গে তোমার আলাপ হয়। সে বি, এ, পাশ দিয়েছে, বিয়ে কবেনি।

আমি। যে আজ্ঞা, আলাপ কববো।

ঠাকুর। আজ বাম দিকের বাড়ী কীতন হবে। সেইখানে দেখা হবে। সন্ধ্যার সময় সেইখানে য়েও। আমি ‘যে আজ্ঞা’। ঠাকুর। ‘যাবে ত ? যেও কিন্তু।

আমি। আপনাব ছকুম হ'লো। এ মানবো না, আর্বিজ্ঞি যাবে।

যবে ছব কবানা দশালন পাব জিজ্ঞাসা কবলেন, “বন্ধদেবের ছবি পুণ্ডনা মাস ?”

আমি। শুনতে পাচ, পাওয়া যায়।

ঠাকুর। সেই ছবি একখানি তুমি আমায় দিও।

আমি। যে আজ্ঞা, যখন এবাব আসবো নিয়ে আসবো।

আব দেখা হ'লো না। আব সে শ্রীচরণপ্রাস্তু বসাত ভাঙ্গা ঘটে নাহ।

সে দিন সন্ধ্যার সময় বামদিকের বাড়ী গেলাম। নবেল্লের সঙ্গে দেখা হ'ল। ঠাকুর একটি কামবায় তাকিয়া ত্রয় দিনে বসেছেন, নবেল্ল তাঁর ডান পাশে। আমি সম্মুখে। নবেল্লক আমার সন্তিত আলাপ কবতে বলেন।

নবেল্ল বলেন, আজ আমার বড মাথা ধবেছে। কথা কটাও ইচ্ছা হচ্চ না। আমি বলান, “বাক, আব একদিন আলাপ হবে।”

সেই আলাপ হয় ১৮৯৭ সনের মে কি জুন মাস, আলমোডায়।

ঠাকুরের ইচ্ছা ত পূর্ণ হ'তই হ'বে, তাই বাবে বচ্চর পর পূর্ণ হল। তাহ। সেই স্বামী বিদ্যকানন্দর সঙ্গে আলমোডায় কটা দিন কত আনন্দকট কাটাটগাছিলাম। কখনও তাব বাড়ীতে কখনও আমার বাড়ীতে, আব একদিন নিৰ্জ্জনে তাঁকে নিয়ে একট পল্লতশুঙ্গে। আব তাব সঙ্গে পবে দেখ হ'ল নাহ। ঠাকুরের ইচ্ছা পূর্ণ কবতেই সে বাবব দেখা।

ঠাকুরের সঙ্গে মাত্র চাব পাচ দিনের দেখা, কিন্তু ই অল্প সময়ের মধ্যে এমন হ'লছিল সে তাঁকে (ঠাকুরকে) মনে হ'ত যেন এক ক্লাসে পড়েছি, কেমন বেগ্নাদেবের মত কথা বলেছি, সম্মুখ থেকে সবে এলেই মনে হ'ত ‘প্রব বাপরে। কাব কাছ গেছলাম।’ ই কদিনেই যা দেখেছি ও পেরেছি তাতে জীবন মধুময় কবে বেখেছে। সেই সে দিব্যাসুত-যী জীসিটিক, নতনে পেটবার পুবে বেখে দিইছি। সে যে নিঃশব্দেব অকুশলস্বল গো। আর সেই হাসিচাত অন্তকণায় আমেবিকা অর্থাৎ অমৃতাসিত্ত হ'ল। এট পুবে “অর্থাৎ ম চ মতমতঃ, পনা ম চ এনঃ পুনঃ।” আমাবুত যাদ এহ, এন বোঝো, তুমি কেমন ভাগাবব।

